




JOHN CARTER BROWN  
LIBRARY

---

Purchased from the  
Trust Fund of  
Lathrop Colgate Harper  
LITT. D.









# BATAVIA ILLVSTRATA,

feu

DE BATAVORVM INSVLA,  
HOLLANDIA, ZELANDIA, FRISIA,  
TERRITORIO TRAIECTENSI  
ET GELRIA,

Scriptores varij notæ melioris,  
*nunc primum collecti, simulque editi.*

*Ex Museo*

PETRI SCRIVERII.



LVGDVNI BATAVORVM,  
Apud Ludovicum Elzevirium.

clb. lb. c. ix.

THE NEW YORK PUBLIC LIBRARY

ASTOR LENOX TILDEN FOUNDATION

1897

1897

1897

1897

1897

1897

1897

1897

1897

1897

PRICE



ILLVSTRIBVS  
BATAVIAE  
ORDINIBVS

PETRVS SCRIVERIVS

*dedicat consecratque.*



IRI Batavię principes, ve-  
tustate nobiles, novitate  
felices: non inusitato nec  
novo exemplo hæc de Ba-  
tavia & Hollandiæ Zelan-  
diæque Comitibus colle-  
gi, & quamquam nota in  
majorem notitiam & lucẽ  
protraxi. Sic Cornelium Tacitũ augustissimum  
Historiæ Augustæ scriptorẽ, ne lectorum incu-  
ria deperiret, jussu cognominis Taciti Imperato-  
ris, singulis annis in exẽplaria dena transfusum  
descriptumq;, publicitũs in archijs civicis & bi-  
bliothecis omnibus collocatũ fuisse accepimus.  
Sed hæc mea Collectanea quibusnam potius  
quàm vobis, Ordines Illustres, donarem & dica-  
rem? Ducit huc obsequij sacramentum, quo vo-



P. SCRIVERII

bis obstrictus sum: sed ipsa res huc etiam ducit,  
& temporis (nisi fallor) opportunitas. De prio-  
re studij & affectus mei vinculo, tam fas est cre-  
dere, quam nefas dubitare. De re, ecce Bataviam  
veterem, id est vestram Hollandiam Zelandiam-  
que & circumvicina loca, quibus summâ cum  
prudentiâ, æquitate, justitiâ, & generositate præ-  
estis. Hæc alijs quàm vobis offerre, piaculam sit.  
Et vanus sim rerumquæ omnium imperitissi-  
mus, si aliubi auspiciatius quam sub præsidio au-  
spiciatissimæ vestræ potestatis me hæc evulgatu-  
rum sperem. Iam quid de temporis opportuni-  
tate dicam? Nonne vel istæ duodecennales quas  
recens cum Serenissimis Brabantia Principibus  
fecistis induciæ, ista inquã in summo otio civi-  
li & domesticâ quiete Halcedonia, eliciant hæc  
nostra Collectanea? Nonne nunc, dum togâ præ-  
textâque sagum & paludamentum permuta-  
stis, securè vos adeundi tempestitiva occasio est?  
Ita arbitror. Nimirum, si quod otium vobis ha-  
ctenus fervente bello negatum, beneficio pacis  
abunde suppetet, ex eo subsicivum quod à gra-  
vioribus curis & publicâ administratione tem-  
pus supererit, legendis Historijs impartiri volue-  
ritis:



E P I S T O L A D.

ritis: nostras autem exoticis præferre, aut saltim  
 quum illas legitis, has unâ legere atque conferre  
 non dedignati fueritis. Sic ut quæ hæcenus in  
 oblivione jacuerunt, in assiduâ esse comme-  
 moratione possint. Historiarum autem cogni-  
 tio, cum per se res jucunda sit, & homini benè  
 nato expetenda: tum vobis, V V. A A. ad Reipu-  
 blicæ clavum sedentibus convenientissima. Ce-  
 terùm invenietis hîc, scio, res gestas & præclara  
 domi forisq̃ue à Batavis progenitoribus nostris  
 patrata facinora nulli veterum (licet huc omnes  
 Græci Latinique duces militiæ ac imperatores  
 advocentur) facile cessura. Quis per Deum im-  
 mortalem (ut multos alios præteream) cum  
 Claudio Civili Regiâ Batavorû stirpe edito cõ-  
 parandus? Nobilissimus ille atque fortunatissi-  
 mus Heros, libertatis custos & fundator imperij  
 Batavici, quot solus bella cum principe terrarû  
 populo quondam gessit! Quæ apud Tacitum  
 vulgò leguntur cum invidiâ, & vix fidem inve-  
 niunt, etsi scripta ex fide. Maçti hac laude ô Ba-  
 tavi, quòd angulus unus Europæ, qui si cû Im-  
 perio Romano longè lateq̃ue domino confera-  
 tur, vix puncti instar obtinebit, quindecim le-



P. SCRIVERII

giones provocare ausi sitis. Maesti hac adorea  
mei municipes. quos muta etiam saxa fratres &  
amicos Populi Romani loquuntur. Et alia anti-  
qua monumenta vos Imperij sanitatem, susten-  
taculum, robur & columnen verissimo elogio ap-  
pellant. Denique formidabile olim toto orbe  
Batavorum nomen cuncti testantur. Sed non

\* Fuere quō-  
dam strenui  
Milesij.

\* Πάλαι ποτ' ἦσαν ἄλκιμοι Μιλήσιοι.

\* animo leo-  
nine.

Nec hodierni Batavi degeneres aut majoribus  
fuis inficiandi. Imò etiam nunc illi veri Martis  
pulli & Homeri verbo \* θυμολέοντες. Accessit  
quinimò superioribus annis priscae laudi lucu-  
lentum auctarium. Ita ut qui olim equestri po-  
tissimum gloria floruerunt, nunc quoque na-  
vali excellant, & maris domini non injuria vo-  
cari mereantur. Quæ quum in ore populi sint,  
de ijs in præsentiâ nihil nobis dicendum existi-  
mavimus. Vetera & propemodū exoleta in me-  
moriam tantum revocamus. Quod acceptum  
fore vobis V V. A A. putamus. sanè ut sit, unice  
optamus: quod meretur quidem non ingenio,  
sed labore. Quem in gratiam vestram, Ordines  
Illustres, lætus lubens meritò istis colligendis  
posui. Longè quidem ampliora merebatur vir-  
tus



EPISTOLA D.

tus & magnanimitas vestra: & potuissem (absit dicto invidia) vobis communiq̃ue Patriæ meæ alio opere Historico gratificari, nisi hæc variorum Auctorum Collectanea consultò præmittenda censuissem: atque dedecus meum putassem in publicâ gratulatione & lætitiâ, quam cuncti quâ voce quâ scriptis testificantur & stilo consignât, me solum desidem aut elinguem esse, nec favore aut plausu prosequi tam optatum diuque desideratum bonum. Recentes illas dico inducias. post quas (ut voto Epistolam hanc finiam) nobis proximè Deus Opt. Max. pacem largiri dignetur. Hanc firmam, stabilem, imò æternam donet nobis ille Æternus. Dat. Lugduni Batavorum, ipsis Eidibus Sextilium clc. lcc. ix.

PATRIÆ FELICITER.



*Nomenclator Auctorum in hoc Vo-  
lumine contentorum.*

**G**ERARDI Geldenhaurij Noviomagi *Lucubratiuncula de Bata-  
vorum Insula.*

*Ejusdem Historia Batavica, ubi & de vetusta Batavorum nobilitate.*

*Ejusdem Insignium locorum ac oppidorum Batavia nomina.*

*Ejusdem Regum ac Principum Batavorum, item clarorum Scriptorum  
Batavia nomina.*

*Ejusdem Germania inferioris loca aliquot declarata.*

*Cornelij Aurelij Goudani Batavinae Gloriam Defensio.*

*Ejusdem Elucidarium variarum quaestionum super Batavina regione &  
differentia.*

*Aloylij Marliani Mediolanensis Epistola de Batavia laudibus.*

*Martini Dorpij Naeldwiceni ad Hollandos suos Epistola.*

*Chrysostomi Sanctij Neapolitani Epistola de situ & moribus Hollandiae.*

*Desiderij Erasmi Roterodami Auris Batava.*

*Gerardi Noviomagi de Zelandiae situ Epistola.*

*Hadriani Barlandi Hollandiae Zelandiaeque compendiosa Descriptio.*

*Levini Lemnij De Zelandis suis Commentariolus.*

*Antiquitatum Batavicarum Tabularium, Archiota Petro Scriverio.*

*Hollandiae Zelandiaeque Comitum ac Dominorum Frisiae Historia, ex  
Hadriano Barlando, Iacobo Meyero, & alijs excerpta per Petrum  
Scriverium. Adjecta sunt Comitum Pictura, & ijs subiecta Epita-  
phia, Auctore Georgio Benedicto Harlemensi.*

*Ultrajectensium Pontificum Indigitamenta & Res gestae, Auctoribus  
Hadriano Barlando & Gerardo Noviomago.*

*De urbis ultrajecti situ, origine, Episcopis, &c. ex Lamberto Hortensio  
Montfortio, Aenea Silvio, Raphaelae Volaterrano, & Hadriano Iu-  
nio Excerpta P. S.*

*Chronici Gelriae Compendium, scriptum ab Henrico Aquilio Arnhe-  
mensi, cum novis P. S. ex antiquis Annalibus Additamentis & Ob-  
servationibus.*

**PETRUS SCRIVERIUS**

*omnia collegit & recensuit,*

**ANNO MD. C. IX.**



# Lucubrationcula

GERARDI NOVIOMAGI,

*Caroli Maximi Caesaris a Sacris,*

## De Batavorum Insula.

G. N. NICOLAO BVSCODVCENSI S. P.

**C**ollegi ante aliquot annos, ad jutore Conrado Vecerio  
Lucenburgensi, Caroli Max. Cas. a Secretis, non-  
nulla quæ ad Batavorum Insulæ descriptionem per-  
tinere videbantur : quæ nunc sub tui nominis au-  
spicio in publicum emisi. Adnotassem tamen his multa ex  
primæ auctoritatis scriptoribus, quæ ad illustrandam Bata-  
vorum, imo Germanorum nostrorum gloriam pertinent, sed  
aulicæ hæ turbae mihi studijsque meis longe molestissimæ, inter  
quas invitatus versor, non sinunt me tantum patriæ, id est,  
Germaniæ nostræ clarissimæ tribuere. Clarissimæ inquam, tan-  
ta enim fuit semper Germanorum nostrorum non modo liber-  
tas, verum etiam in bellicis domesticisque rebus virtus, ut glo-  
riose jactabundique Itali res gestas parentum nostrorum co-  
gente invidia suppresserint. Quamquam non paucis in locis  
vel nolentes nostrorum virtutes prodant. Id quod ex Cæ-  
saris Dictatoris commentariis de Ariovisto, ex Tacito de  
Arminio, principe fortissimo, facile oculatus lector perspicit.

A

Tanta-



Tantaque fuit singulorum Germanorum virtus et fortitudo,  
ut difficile fuerit discernere, quis inter eos militis, quis impera-  
toris nomine dignus esset. Et (ut quod verum est addam,) ma-  
xima omnium seculorum inventa Germanorum sunt: bombar-  
da videlicet, Typographia, pyxis chartaque nautica. Et si ad 5  
literas (ut strennue jam faciunt plerique) acerrima liberrima-  
que ingenia contulerint, Italiam atque Græciam brevi infrase  
videbunt. nam qualis sit in sacris humanisque literis Deside-  
rius Erasmus Roterodamus, Batavorum Germanorumque  
immortale decus, totus novit orbis. Quantumque multi alij 10  
bonarum literarum professores eruditione eloquentiaque præ-  
stent, ipsi Romanenses quotidie experiuntur. Sed (ut ad li-  
bellum meum redeam) doctissime Nicolae, ab amulis istis la-  
tratoribus defendendus abs te venit tibi nominatim dedica-  
tus. Bene Vale. Salutabis meis verbis communes amicos 15  
doctissimos viros Petrum Aegidium et Cornelium Gra-  
pheum. Dorestati. Anno M. D. XX.



**N**on ignoro quam immodica prudentium viro-  
rum de Batavorum Insula scribingentium discordia  
sit, & quam graves falsæ nonnunquam rei sint  
auctores, quos cum laboriosius indagare vera pi-  
geat, ignorantia pudore (ut Plinianis verbis utar)  
mentiri non piget. Quare de Batavorum Insula scribere con-  
stitui, partim quæ apud probatissimum quemque auctorem  
legi, partim quæ coram conspexi. Principio itaque candidum  
lectorem admonitum velim, gentium, portuum, oppido-  
rum nomina, locorumque status sæpe mutari, provinciarum  
regnorumque terminos non mediocrem accipere varia-  
tem. A Strabonis enim tempore, qui sub Tiberio Cæsare  
vixit, usque ad Ptolemæum Alexandrinum, qui Imperante  
Antonino Pio Augusto orbis situm descripsit, tanta nomi-  
num mutatio facta est, ut paucissimos populos eo nomine  
recenseri videas ab uno, quo nominaverit alter. Id quod  
etiam Plinius his verbis conqueritur: Alibi mutato provin-  
ciarum modo, alibi itinerum auctis aut diminutis passibus in-  
cubuerunt maria, tam longo ævo alibi processere littora: torse-  
re se & fluminum aut correxere flexus, præterea aliunde aliis  
exordium mensuræ est. Nec Seneca idem dissimulat ad Albi-  
nam: Nova, inquit, urbium fundamenta jaciuntur, nova gen-  
tium nomina, extinctis nominibus prioribus, aut in accessio-  
nē validioris conversis, oriuntur. Quare, optime lector, non  
statim arguendus videtur acrius, quisquis in describendis hoc  
nostro sæculo locis, atque ad prisca nomina reducendis, rem  
acu (ut dicunt) non tetigerit. Hæc paucis admonuisse sat sit.  
Hinc ad descriptionem Batavorum Insulæ veniamus, & in  
primis Tacitum eloquentissimum historicum audiamus: Ba-  
tavi donec trans Rhenum agebant pars Cattorum, seditione  
domestica pulsi, extrema Gallicæ oræ vacua cultoribus, simul-  
que Insulam inter vada sitam occupavere, quam mare Ocea-  
num a fronte, Rhenus amnis tergum ac latera circumluit,

a Historia  
rum lib. 2.



<sup>a</sup> Lib. 4.  
Belli Galli-  
ci.

Meminit & hujus Insulæ <sup>a</sup> Cæsar, qui eam victor lustravit, ita scribens: Mosa profluit ex monte Vogeso, qui est in finibus Lingonum, & parte quadā ex Rheno recepta, quæ appellatur Vualis, Insulamq; efficit Batavorum Oceanum influit, neque longius ab Oceano millibus passuum xxc. in Rhenum influit. <sup>5</sup> Rhenus autem oritur ex Lepontiis, qui Alpes incolunt, & longo spacio per fines Mantuantium, Helvetiorum, Sequanorum, Mediomatricum, Triboccorum, Trevirorum citatus fertur, & ubi Oceano appropinquat, in plures defluit partes, multis ingentibusque Insulis effectis, quarum pars magna a <sup>10</sup> feris barbarisque nationibus incolitur. Ex quibus sunt, qui piscibus atque ovis avium vivere existimantur, multisque capitibus in Rhennū influit. Si Cæsarem Dictatorem recte intelligo, Vualis, Rheni brachium, Batavorum Insulam efficit, non Mosa Vualim recipiens. Quod si ita est ut dicimus, ibi <sup>15</sup> Batavorum Insulam incipere ubi Vualis incipit, non negabimus, id est ab arce Lobeca, ubi etiam ipsum Rhenum in plures defluentem parteis a tergo (ut Tacitus scribit) habet, & a Septentrione & Meridie habere incipit. De passuum vero numero nullam facimus mentionem, quod in anti- <sup>20</sup> quis codicibus numeri librariorum imperitia sint depravatiissimi. Vualim autem Batavorum Insulam alluere apertissime ostendit <sup>b</sup> Fortunatus, egregius poëta, duobus elegantissimis versibus:

<sup>b</sup> Lib. 8.  
Carm. 8.

*Condolet hinc Batavus, gemit illinc Beticus axis:*

25

*Perstrepit hoc Vualalus, illud Hiberus aquis.*

<sup>c</sup> Libro 2.  
Annalium.

Quod ut majore auctore adstruam, <sup>c</sup> Taciti etiam verba subscribam: Insula Batavorum, in quam convenirent, prædicta, ob facileis adpulsus, accipiendisque copiis & transmittendis ad bellum opportuna. Nam Rhenus uno alveo continuus <sup>30</sup> haud modicas Insulas circumveniens, apud principium agri Batavi velut in duos amnes dividitur, servatque nomen & violen-



violentiam cursus, qua Germaniam prævehitur, donec Oceano misceatur, ad Gallicam ripam latior & placidior adfluens, verso cognomento Vahalem accolæ dicunt, mox id quoque vocabulum mutat Mosa flumine, ejusque inmenso ore eundem in Oceanum effunditur. Ex his claret Vahalem ibi esse, nomenque suum retinere, ubi sunt Batavi. Nec digladiandum censeo Vualis dicatur an Vuahalus, cum veterum locorum tam varia apud auctores sit appellatio. Sed attendendus est locorum situs, fluviorum cursus, veterum literarum indicia, seniorumque narrationes. Mosa etiam (ut hoc quoque obiter dicam) manu facto alveo in Vualim influit supra Bomeliam, cujus mirum esset Raimundum Marlianum non meminisse, nisi vir tantus multa magis ex conjecturis & auditu, quam oculis & diligenti lectione describere maluisset.

Præter hæc quæ diximus, <sup>a</sup> Plinius in ordinatissima illa sua Cosmographia sic de hac Insula scribit: In Rheno autem ipso prope centum millia passuum in longitudinem, nobilissima Batavorum Insula, & Caninefatum, & aliæ Frisiorum, Caucorum, Frisiabonum, Sturionum, Morsatorum, quæ sternuntur inter Helinum & Flevum. Ita appellantur ostia, in quæ effusus Rhenus, ab Septentrione in Lacus, ab Occidente in amnem Mosam se spargit, medio inter hæc Chorum versus modicum nomini suo custodiens alveum. Iam videamus an Cæsari consonet Plinius. Cæsar Rhenum dicit, ubi Oceano appropinquat, multas ingenteisque Insulas efficere. Plinius multas Insulas enumerat, quæ inter Helinum & Flevum sternuntur. Cæsar dicit partem quandam ex Rheno a Mosa recipi. Plinius scribit Rhenum ab Occidente in amnem Mosam se spargere. Cæsar (ut ostendimus) Vualim asserit Batavorum Insulam efficere. Plinius Rheni enumerans Insulas, Batavorum Insulam, ut est prima, ita primo quoque loco ponit, vocatque nobilissimam. Revera enim nobilissima est Batavorum Insula, quæ undique aquis septa

*a Naturæ  
lis Historiæ  
lib. 4.  
cap. 12.*



Baten-  
burgh.

a Libello  
de Germa-  
nia.

e Buns te  
Heel/ ad  
Mosam in  
ipsa Bome-  
lia In-  
sula.

pulcherrimam Insulae speciem præ se ferre dignoscitur. Nec  
quisquam putet Plinium tam crassi hebetisque ingenij, ut  
præterita hac Insula, aut primo loco posita, alias minus nobi-  
leis tam studioso ordine referret. Nec quisquā Batavos, quos  
nos describimus extra Helinum & Flevum quærat, nisi etiam 5  
in extremo Gallicæ oræ, ubi usque hodie arcis Batavorum (ut  
quibusdam persuasum est, reclamante licet Trithemio) quam  
Batavoburgum dicunt, vestigia manent. Habemus ex Plinij  
verbis inter Rheni Insulas Batavorum principem, eamque  
in Rheno ipso esse, quod & alio loco apertissime a Tacitus au- 10  
ctor his indicat verbis: Rhenum autem accolentes Germaniæ  
gentium in eadem provincia, Nemetes, Tribocci, Vangiones  
Vbij, Colonia Agrippinensis, Cugerni, Batavi, & quos in In-  
sulis diximus Rheni. Helini nomen obscurius nobis est, quam  
& quo loco fuerit certo indicare possimus. Quamquam extet 15  
arx Helinum non procul a Bomelia falsa, obsidione præliisq;  
nobilitata. Flevus is fluvijs a multis putatur, qui inter Stauriā  
& Enchusiam fluit. Legitur autem in Vita S. Odulphi, quod  
circa Stauron ante Divi Odulphi ades jacebat petra ingentis  
magnitudinis, quæ absque humano labore in flumen, quod 20  
dicitur Flee/ devolveretur. In chartis vero nauticis, quibus  
nostræ ætatis nautæ utuntur, non dicitur Flee, sed Germani-  
ce die Doerlact: & Flee dicitur flumen illud quod inter  
Insulas Elielandiam & Schellingiam decurrit. Qui vero sint  
Frisij inter Flevum & Helinum, ex Historia Radbodi, poten- 25  
tissimi Frisiorum Principis, qui tempore Caroli Martelli Vl-  
trajecti regnabat, utcunque elicitur. Præterea in libro Came-  
ræ (ita dicunt) Ultrajectinæ Ecclesiæ, bona Holtlandiæ pars  
quæ ad Septentrionem vergit V Vest-Frisia vocatur. Qui au-  
tem sint Cauji & cæteri qui a Plinio nominantur, qui inqui- 30  
rere volet, hoc observet, ne aut Helinum aut Flevum trans-  
grediatur, alioqui non satisfaciet Plinio. Retinet autem Rhe-  
nus usque in hunc diem nomini suo alveum juxta Arnhe-  
mam,



man, V Vagenum, & Rhenos, oppidum quod a Rheno ipso  
 nomen sortitur, atque non procul a Dorestato arce Antiflitis  
 Ultrajectini Lecca vocitatur, manentibus nihilominus ve-  
 teris Rheni vestigiis. Quod autem Plinius Historiam Natu-  
 ralem prosequens, ex adverso huius situs Britanniam Insu-  
 lam collocat, non est contrarium his, quæ de Batavorum In-  
 sula scripsimus. Non enim dicit Plinius ex adverso Batavo-  
 rum Insulæ esse Britanniam, sed ex adverso situs Insularum  
 Rheni, quas simul enumerans complectitur. Ex, iis quæ ha-  
 10 ctenus in medium attulimus, apparet quod Batavorum Insu-  
 sula sit partim ea quæ nunc Batua dicitur, (quo etiam nomi-  
 ne Ammonius, diligens & verax Historicus, Sigebertus Gem-  
 blacensis Monachus, Regino Abbas Prumienfis, non con-  
 temnendi auctores, immortalitati consecrarunt) partim ma-  
 15 xima Holtlandiæ pars. Habet hæc Insula vicos, pagos, arces,  
 oppida nobilissima atque toti Germaniæ imo toti fere orbi  
 notissima, quare horum nomina huic lucubrationi in-  
 ferere supervacuum duxi. Quæ Cornelius Tacitus de Nemo-  
 re apud Batavos sacro scribit, huic nostræ Insulæ, si rite dispi-  
 20 ciantur, aptissime congruunt. Sed oculatum oportet esse le-  
 ctorem, neque sententiam precipitare, neque affectu immo-  
 dico in aliquam partem duci. Audivi puer a Batavis senibus,  
 Batavos olim fuisse Cæsarum aquiliferos, quare adhuc multi  
 horum aquilas nigras, aliqui rubeas, nonnulli albas pro in-  
 25 gnibus habent. Quod vero corporum Cæsarum custodes fue-  
 rint, non uno loco Tranquillus indicat, & amicos populi Ro-  
 mani, & in periculosis bellis auxiliares fortissimos fuisse,  
 ex Ammiano facile colligitur. Tanta est huius Insulæ fer-  
 tilitas, ut nihil supra. Viros & mulieres educat formosissimos.  
 30 Pecorum omnis generis refertissima est. Tot sunt inter Bata-  
 vos equestris ordinis viri, ut in proverbium apud finitimos  
 abierit Batavus Eques, ac Domina Batava, quando nobilitati  
 avorum non responderet opes, quamquam sint opulentissi-



mi quando iis agros colere per bella licet. Nullus fere in su-  
 pera hujus Insulae parte est, qui nō ostendet insignia sua. Viri  
 fortes ac staturosi, & ad bellorū subeunda pericula ut prom-  
 ptissimi ita & aptissimi. Quæ scribo, vera esse nemo negabit,  
 qui inter Batavos, qui antiquum adhuc nomen retinent, vel  
 unum diem conversatus sit. Reliqui enim qui nunc aliis no-  
 minibus censentur, quique mercatui student, etiam quia o-  
 pulentissimi sunt, militem artem non nihil remissere, ad  
 eam tamen aptissimi, cum aliquantisper assueverint. Verum  
 quia nonnulli dubitant qui sint Sycambri, Batavis finitimi, 10  
 illud ex quibusdam verisimilibus conjecturis addam. Sycam-  
 bri sunt Colonienses, Gelrij, & Clivi, ceterique qui inter No-  
 vesium & Noviomagum, inter Mosam & Rhenum habitant.  
 Neque hæc scribentes Gelriam aut Cliviam Sycambriam di-  
 cimus ( nisi ab inhabitatoribus ita quispiam nominare velit) 15  
 sed Sycambri in hanc Galliarum partem, in qua nunc habi-  
 tant, Augusti auspiciis traducti sunt. Narrante enim <sup>a</sup> Sucto-  
 nio didicimus, quod Octavius Augustus Germanos ultra Al-  
 bim summovit, ex quibus Suevos & Sycambros dedentes se  
 traduxit in Galliam atq; in proximis Rheno agris collocavit. 20  
 De Suevis, quorum hic fit mentio, difficilior est nodus, quā ut  
 a me dissolvi possit. Vbi autem terrarum Sycambria fuerit,  
 unde nostri originem ducunt, inquirant qui volent, ut spe-  
 ciosa vendant mendacia. Mihi abunde satis est, quod de Ba-  
 tavis & Sycambriis ea scripserim, quæ vera esse, lectis excussis- 25  
 que veterum Historiis, Sanctorumque Vitis, qui nostræ In-  
 feræ Germaniæ Christi fidem prædicaverunt, diligens lector  
 facile deprehendet. Qui vero accuratius & cumulatus ali-  
 quid de Batavorum gestis legere cupit, Renati Snoij. Gou-  
 dani, insignis Medici, Historiam Hollandicam legat. Vive, 30  
 vale, amice Lector, & ( ut Horatij verbis dicam) si quid  
 novisti rectius istis, Candidus imparti: si non, his utere,  
 mecum.

<sup>a</sup> In Octa-  
 vii Augusti  
 vita, ca. 20



# Historia Batavica

GERARDO NOVIOMAGO

## Rhapsodo.

**M**Ultis ante Christum natum annis, Bato Regis  
Cattorum filius, novercalibus petitus insidiis,  
a patre discessit, nobili gentis suæ juventute &  
haud mediocri popularium numero comitan-  
tibus. Erat autem Bato statura procera, for-  
ma conspicuus, fortis viribus, militaris rei peritissimus, aditu  
facilis, ac in primis summus popularium suorum amator.  
His regiis dotibus, ut novercam in odium, ita bonam Catto-  
rum partem in sui amorem pellexerat. Secessus vero sui  
10 mense secundo, Rhenum eo loci, ubi in duo quasi cornua  
dividitur, cum suis omnibus trajecit, legatosque ad Menapi-  
um Tungrorum Regem socerum suum misit, orans ut con-  
sulat, quo nam in loco minima cujusvis injuria considere  
posset. Tungrorum Rex ubi legatos audivit, Mosam trajecto,  
15 ad Batonem properat, quem sibi occurrentem amplectens,  
in arcem Magum, quæ ad Mosæ ripam est, excipit, & secessus  
causa comprobata, consilium dat, ut ab eo loco, ubi Rheno  
trajecto confederat, ad Mosæ Vahalisque confluentem usque  
regionem cultoribus vacuum occuparet. Quod quoniam Bato,  
20 seniorum nobilitatisque consilio, genti suæ indicasset, Tun-  
gri consilium approbant, & in Rheni ripa casas erigere cœ-  
perunt. Bato vero, socero ad Tungros reverso, haud procul a  
Mosa in conspectu Magi arcem extruxit, quæ conditoris no-  
men Batoburgum in hunc usque diem retinet. Eodem tempo-  
25 re & Catuicus aliquot passuum millibus supra Batoburgum,  
in veterum consanguineorum memoriam, aedificari cœpit.

B

Quum

Tungri  
te Magum

Baten-  
burg.

Catuicus,



Quum autem Rheni ripa, & quicquid agri inter Mosam & Vahalin (Mosavalia dicitur) tantæ multitudini non sufficeret, Insulam etiam intra Rhenum Vahalinque sitam, ad Oceanum usque inhabitare cœperunt, Batavorumq; Insulam nominaverunt. Et sicut in Mosavalia Cattuicum terminum regionis esse placuerat, ita & ejusdem nominis ad Oceanum quoque pagum constituere. Et ne in Insulâ facilis pateret tractus, in initio ipsius arcem construxere, quam Loepekam, id est, cursus angulum nuncuparunt. Quumque Bato summa æquitate præficeret, & nō paucos vicos, pagos, municipia, & arces exstrueret, eas nobilitatis suæ nominibus appellandas curavit. Tandem Regij alicujus palatij construendi consilium capit, in quo tam Insulanis quam Mosavalianis jus dicere commode possit. Quumque jubente Rege architecti totam Batavorum regionem diligenter perlustrassent, indicant se collapsæ cujusdam arcis vestigia, in editiore colle, qui pro ripa Vahali adjacet, paululum infra eum locum, ubi primum trajecto Rheno, castra locarant, vidisse, quo Regiæ ædificandæ, juri dicundo, ditioni tutandæ, nullus esset aptior. Inquit Bato a Tungris, quisnam arcis illius fundamenta jecerit. Narrant hi, potentissimum olim Galliarum Regem Magum, Ditis filium, ibi nominis sui arcem ædificasse. Verum illius filios, in interiorem Galliam abeuntes, eam neglexisse, & jam a multis annis nemini inhabitatam esse. Animatus hoc responso Bato, locum adiit, indeque superam Insule partem prospectans, & a sinistris agrum fertilissimum, a dextris vero collium, vallium, sylvarumque amœnitate, ac fontium scaturigine captus, restaurari & muro triplici ornari simul & muniri, eamque Noviomagum ab innovatione dici jussit. Mortuo Batone, filius ipsius Hesselus, Batavorum Rex totius gentis acclamatione salutaris, Noviomagum, ubi natus erat, mirum in modum domibus auxit, ita ut inferior oppidi pars ipsius nomine Hessi mons in hæc usque tempora vulgo dicatur.

Dieumen-  
gen.

Hessel-  
berch.



catur. Post hæc communi Batavorum consilio, Novioma-  
 gum Regia & caput gentis constitutum est. Coepitque Bata-  
 vorum nomen non solum per vicinas Galliarum regiones,  
 verum etiam per Italiam, & longius distitas provincias, cele-  
 brari. Mos quippe Batavis erat, juventutem, quæ ab agris co-  
 lendis vacabat, militari & in primis equestri disciplina exer-  
 cere, atque exercitos in exteras regiones ad stipendia facien-  
 da mittere. Itaque factum est, ut bello Mithridatico aliquot  
 Batavorum cohortes, sub Lucio Cæsare, tum Achaia Pro-  
 10 consule, patre Iulij Cæsaris, militarent una cum Carolo Ina-  
 cho, Tungrorum Regis filio. Horum tanta virtus & fortitu-  
 do fuit, ut Senatus Populusque Romanus, Regem & gentem  
 Batavorum, amicos Senatusconsulto ac Plebiscito declarave-  
 rit. Iulius autem Cæsar, mortuo patre suo, Batavorum co-  
 15 hortēs in summo honore semper habuit, hos corporis sui  
 custodes constituit, his primam aquilam in dubiis bellis cre-  
 didit, horum potissimum opera Britanniam subegit. Duran-  
 te etiam bello Gallico, Cæsar usque Noviomagum descen-  
 dit, & in amicitia suæ erga Batavos memoriam, arcis partem,  
 20 quæ Vahali imminet, Romanorum more per suos archite-  
 ctos & fabros adversus aquarum impetum muniri fecit, ab  
 ipsoque ea structura, Domus auxiliaris, Batavice, *Dat hups ter*  
*Julpen*, nuncupata est. In bello vero civili, Batavorum co-  
 hortēs Pompeianos vicerunt, & Pompeium in fugam ver-  
 25 terunt. Mortuo Cæsare Dictatore, fidelissimi in Romano-  
 rum amicitia ad Vitellij Imperium usque Batavi perstiterunt.  
 Augustus quoque Octavius in comitatu suo multis annis eos  
 detinuit, & Tiberius corporis custodes delegit. Sub Druso  
 vero & Germanico, strenuam Romanis operam, pace bello-  
 30 que jam clari, navarunt. Regnante autem Caligula, nonni-  
 hil tam insani Principis Imperium detrectantes, Romanis  
 restiterunt. Sub Claudio, reddita illis pristina libertate ac  
 dignitate, crebris per Britannias victoriis claruerunt. Neronis

*Batavi  
 Rom. Imp.  
 amici.*



vero ac matris ejus Agrippinae, corporis custodes veteri more constituti. Tandem Galba contumeliis affecti, in patriam rediere. Vitellius Caesar, quum Batavorum fortitudini, victos Othonianos, acceptum referre deberet, beneficiorum immemor, luxu & avaritia Praefectorum suorum, eos ad defectionem adegit. Hinc atrox bellum inter Batavos & Romanos exoritur. Manente hoc bello, Noviomagum Batavorum oppidum, ab ipso gentis Duce, quia id adversus hostes defendere nequibat, succensum est. Tandem æquis conditionibus ab armis discessum, manente Batavis apud Vespasianum & filios ejus veteri gratia & auctoritate. Sub Hadriano Augusto, rursus corporis custodiæ adhibiti, qui Sorano Batavo epitaphium tale scripsit:

*Ille ego Pannonijs quondam notissimus oris,  
Inter mille viros primus fortisque Batavos,  
Hadriano potui qui iudice vasta profundi  
Aequora Danubij cunctis transare sub armis,  
Emissumque arcu, dum pendet in aëre, telum,  
Ac redit, ex alia fixi fregique sagitta,  
Quem neque Romanus potuit, neque Barbarus unquam,  
Non jaculo miles, non arcu vincere Parthus,  
Hic situs, hic memori saxo mea facta sacra vi.  
Viderit an ne aliquis post me mea gesta sequetur:  
Exemplo mihi sum, primus qui talia gessi.*

Quum vero multis Augustis & fidelissimi & gratissimi fuissent, imperante Seprimio Severo, libertatibus & honoribus ornati, in Britannijs (ut olim) saepe felicissime pugnarunt. Quam grati Severo fuerint, satis declarant vetustatis monumenta, mea ætate eruta, non procul a Legia oppido, quam



quam a legionibus, quæ ibi castra habuerunt, denominatam  
verisimilis conjectura est. His hæc inscripta erant :

IMP. CAES. L. SEPTIMIUS SEVERVS  
AVG. ET M. ANTONINVS CAES.  
COH. VOL. ARMAMENTARIVM  
VETVSTATE CONLAPSVM RESTI-  
TVERVNT, SVB VAL. PVDEN-  
TE LEG. AVG. PR. PR. CVRAN-  
TE CAECIL. BATOE PRAE.  
GENS BATAVORVM AMICI ET  
FRATRES ROMANI IMPERII.

Constantio autem Cæsari, ac Constantino, qui postea  
Magnus dictus est, in Britannia olim commilitones Batavi,  
magnum momentum ad Imperium Romanum obtinen-  
dum attulerunt. Nec Iuliano, in pugna Argentoracensi,  
auxiliatrices Batavorum turmae defuerunt, sed ipsius exerci-  
tui in pugna laboranti animum addidere, & victoria causa  
fuerunt. Post hæc tempora, Barbaris nationibus Romani  
Imperij provincias incursantibus, Batavi ægre patriam suam  
tutati sunt. Tempore vero Pippini Francorum Ducis, Danis  
& Frisiis fortiter aliquamdiu resistentes, tandem hostilivi co-  
acti sunt, Francorum & Regem & religionem suscipere, ma-  
nente tamen non solum ea libertate, qua a Cæsaribus dona-  
ti erant, verum etiam multis modis aucta. Carolus autem  
Magnus Noviomagum arcem collabascentem reparavit, &  
facellum, quod ibi Dijs Manibus a veteribus consecratum  
erat, Christo Servatori, per Leonē Romanum Episcopum  
consecrari fecit. Ædificavit & in hac arce tribunal, quod ibi  
mea ætas vidit, in quo crebro Inferioris Germaniæ populis  
jus dixisse legitur. Regnante Ludovico, Nortmanni, classe  
Vahalin ingressi, totam Insulam devastarunt, & Novio-  
ma-gi Regium palatium miri operis & magnitudinis exusserunt.



*Batavia  
diviso.*

Carolo autem Caluo rerum potiente, Batavorum gens trifariam divisa est. Inferior enim Insulae pars, quae mutato nomine Holtlandia a Frisiis dici coeperat, partim Episcopi Ultrajectini, partim adventitij cujusdam Principis jussa facere, jubentibus Francici sanguinis Caesaribus, volens nolens coacta est. Hinc crebra bella exorta sunt, quae si quis legere velit, habet Holtlandorum Ultrajectinorumque Historias. Superior autem Insulae pars, quae Batavicum nomen retinet, & Noviomagum caput gentis, multis annis sub Caesaribus libera mansit. Fredericus vero, primus hujus nominis Augustus, Batavorum libertatem auxit, arcem Noviomagum instauratam munivit. Vicini autem Principes horum libertati invidentes, arte ipsis nota, V Vilhelmo ex Holtlandorum Comite Romanorum Regi impudentioribus precibus persuaferunt, ut Othoni, Gelriae tum Comiti, Noviomagum & quicquid illius jurisdictionis erat, pro magna, quam ei debebat, aureorum summa pignori daret. Quod, Batavis Noviomagisque frustra contra nitentibus, V Vilhelmus fecit, & Rodolphus, post eum Caesar factus, ratum habuit. Hac rerum omnium, vicissitudine factum est, ut Insula quondam nobilissima ac potentissima, in multas ditiones discerpta, sub quodam servitutis jugo depressa jaceat.

*De Heeren  
van  
Arkel.*

Hac sparsim Batavice scripta, utcumque Latina feci, & in hunc ordinem redegi. Sequutus autem sum Historias Ducum Gelriae, quas clarissima Princeps Catharina, filia Arnoldi Ducis Gelriae, patri meo, Gerardo Geldenhaurio dono dederat, & Historias Ducum Clivensium, quae fuere Adolphi filij Ducis Clivensis, qui vulgo a Ravesteino dicebatur. Restat ut de praecipua Batavorum nobilitate, cujus progenies hodie quoque floret, pauca addam. Vetusissima inter Batavos nobilitas est Heroum Herculanorum, qui genus ab Hercule Alemanno, totius olim Germaniae Rege, ducere asseruntur.



feruntur. Ab his originem trahit Gelriorum Dux Carolus,  
 Comites Egmondani, Florentius Comes Buirēsis, Principes  
 etiam ab Hocklem, ab Aspera, & multi alij minoris nominis.  
 Majore generis nobilitate Egmondani gloriantur, sed hi, D. van  
Egmont.  
 quum a Frisiorum Regibus stemma deducant, inter veteres  
 Batavos numerari non possunt, licet Herculanis affinitate  
 juncti jam primas inter Batavos obtineant. Horum etiam  
 caput & princeps est Carolus Gelriorum Dux, cujus pater-  
 num stemma ab Herculanis & Egmondanis progressum ha-  
 10 bet. Qua non parum juris, in Castris Herculis (Batavice,  
D. van  
Batemburch.  
 Datlandt van Erckell) Carolus Gelrius habet. Præterea, per  
 nobilissimam Dominam Irmgardem filiam Comitis Cli-  
 venfis, uxorem Principis Castrorum Herculis, in Ducatu Cli-  
 venfi. Materni vero tanti Ducis stemma (ut hoc obiter pro-  
 15 pter imperitos quosdam veterum Historiarum Historiogra-  
 phos addam) a Francorum Regibus quadruplici consangui-  
 nitatis ratione deducitur. Hinc mirum est qua malevolentia,  
 qua invidia, qua infania nonnulli Chronicorum consarci-  
 natores, toti a veritate ab alienati, Regum Egmondanorum,  
 20 Herculanorum, ac Gelriorum stemma extenuare ausint. His  
 accedunt Batoburgi nobilissimi plane Batavi, qui & Bohe-  
 morum Regum & Columnensium Romanorum affines &  
 consanguinei, non multum infra maximos Principes nobi-  
 litate & fama descenderunt. Lunata præterea Vassenari-  
 25 orum insignia, circa maritima in Batavis principem eos lo-  
 cum obtinuisse indicant. Super sunt Brerodani, sed horum  
 nobilitas non a veteribus Batavis, sed ab Holtlandorum Co-  
 mitibus orta est. Hæ sunt fere insigniores, hac ætate, Bata-  
 vorum familia: verum minorum opum & famæ, tot sunt  
 30 inter eos nobiles, ut difficile admodum fuerit, si quis vel no-  
 minatim adnotare velit, quorum quum in Hollandica Hi-  
 storia crebra fiat mentio, hic nihil addemus. Collegimus  
 autem ex veteribus primique nominis Historicis quadam  
 Batavo-



Batavorum gesta, quæ clarissimorum Scriptorum verbis, indicibus præscriptis, bona fide his adjunximus. Neque te moveat Lector, quod nonnulla, quæ Germanis generaliter adscribuntur, solis Batavis tribuamus: auctoritatem enim & Batavice Historiæ & magnorum virorum exempla hac in re sequuti sumus. Lege & diligenter dijudica, quisquis es qui hæc in manus sumpseris: & si alicubi erravimus, candide admonas.

*Germanos Batavos Julius Cæsar secum habuit.*

*Cæsar Belli  
Gallici  
lib. 7.*

Cæsar ex castris equitatum educi jubet, præliumque equestre committit: laborantibus jam suis, Germanos equites circiter quadringentos submittit, quos ab initio secum habere instituerat. Eorum impetum Galli sustinere non poterunt, atque in fugam conjecti, multis amissis, se ad agmen receperunt.

*Batavorum cohortes Cæsar segregat.*

*Cæsar Belli  
Civilis  
lib. 3.  
a ex ter-  
na acie  
senas le-  
git Iustus  
Lipsius lib.  
4. de Milit.  
Rom. dia-  
log. 8.*

Simul his rebus animadversis, quas demonstravimus, timens ne a multitudine equitum dextrum cornu circumveniretur, celeriter a ex tertia acie singulas cohortes detraxit, atque ex his quartam instituit, equitatuque opposuit, atque quid fieri vellet ostendit, monuitque ejus diei victoriam in earum cohortium virtute constare.

*Batavorum cohortes Pompeianos vincunt.*

*Ibidem.  
b sex ha-  
bent libri  
vulgati.*

Quod ubi Cæsar animadvertit, quartæ aciei, quam instituerat b ex cohortium numero, dedit signum. Illi celeriter procurrerunt, infestisque signis, tantavi in Pompeij equites impetum fecerunt, ut eorum nemo consisteret, omnesque conversi, non solum loco excederent, sed protinus incitati, fuga montes altissimos peterent.

*Laus*



*Laus cohortium Batavicarum.*

Neque vero Cæsarem fecellit, quin ab his cohortibus, quæ *Ibidem.*  
 contra equitatū in quarta acie collocatæ essent, initium victo-  
 riæ oriretur, ut ipse in cohortandis militibus pronuntiaverat.  
 Ab his enim primum equitatus est pulsus : ab iisdem factæ  
 cædes sagittariorum atque funditorum: ab iisdem acies Pom-  
 peiana a sinistra parte erat circumventa, atque initium fugæ  
 factum. Quippe quum Pompeius adeo equitum copia abun- *L. Florus*  
 daret, ut facile circumventurus sibi Cæsarem videretur, cir- *lib. 4. cap.*  
 cumventus ipse est. Nam quum diu æquo Marte conten- *11.*  
 derent, jussuque Pompeij fusus a cornu erupisset equitatus,  
 repente hinc dato signo, Germanorum cohortes tantum in  
 effusos equites fecere imperum, ut ille esse pedites, hi venire  
 in equis viderentur. Hanc stragem fugientis equitatus, levis  
 armaturæ ruina comitata est. Tunc terrore latius dato, tur-  
 bantibus invicem copiis, reliqua strages quasi una manu fa-  
 cta est. Nec ulla res magis exitio fuit, quam ipsa exercitus  
 magnitudo.

*Batavi Octavij Augusti armigeri.*

Ex militaribus copiis legiones & auxilia provinciatis distri- *Suetonius*  
 buit. Classem Misseni & alteram Ravennæ, ad tutelam superi *in Octavio*  
 & inferi maris, collocavit. Certum numerum partim in ur- *cap. 42.*  
 bis, partim in sui custodiam allegit, dimissa Calagurritano-  
 rum a manu, quam usque ad devictum Antonium; Item a *id est, co-*  
 Germanorum, quam usque ad cladem Varianam, inter ar- *horre,*  
 migeros circa se habuerat.

*Batavi custodes Tiberij.*

Cohortes delecto milite supra solitum firmatæ, additur ma- *Tacitus lib.*  
 gna pars prætoriani equitis, & roborâ Germanorum, qui *1. Anna-*  
 rum custodes Imperatori aderant. *lium.*

C

Insulæ



*Insula Batavorum descriptio.*

*Tacitus  
lib. 2. An-  
nalem.*

Insula Batavorum, in quam convenirent, prædicta, ob faciles appulsus, accipiendisque copiis & transmittendis ad bellum opportuna. Nam Rhenus uno alveo continuus, haud modicas Insulas circumveniens, apud principium agri Batavi, velut in duos amnes dividitur, servatque nomen & violentiam cursus, qua Germaniam pervehitur, donec Oceano miscetur: ad Gallicam ripam latior & placidior adfluens, verito cognomento, Vahalim accolæ dicunt: mox id quoque vocabulum mutat Mosa flumine, ejusque immenso ore eundem in Oceanum effunditur.

*Batavi, auxiliares Romanorum, nandi  
periti.*

*Ibidem.*

Postremum auxiliorum agmen, Batavique in parte ea, dum insultant aquis, artemque nandi ostentant, turbati, & quidam hausti sunt.

*Cariovalde, Dux Batavorum & nobilitatis  
fortitudo.*

*Ibidem.*

*atruunt  
adversos.*

*bfrange-  
rent.*

Qua celerrimus annis (Visurgis) Dux Batavorum erupit. Eum Cherusci, fugam simulantes, in planitiem salubris circumjectam traxere: dein coorti & undique effusi, a tendunt adversus, instant cedentibus, collectosque in orbem, pars congressi, quidam eminus proturbant. Cariovalda, diu sustentata hostium sævitia, hortatus suos, ut ingruentes catervas globo<sup>b</sup> perfringerent, atque ipse in densissimos irrumpebat, congestis telis & suffosso equo labitur, ac multi nobilium circa: ceteros vis sua aut equites, cum Stertino Emilioque subvenientes, periculo exemere.

*Bata-*



*Batavorum & Germanorum adversus rebellantes Frisios auxilia.*

Eodem anno Frisij, Trans Rhenum populus, pacem exuere, nostra magis avaritia, quam obsequij impatientes. Tributum iis Divus jussit modicum, pro angustia rerum, ut in usus militares coria boum penderent, non intentia cujuscumque cura, quæ firmitudo, quæ mensura, donec Olennius e primipilaribus, regendis Frisijs impositus, terga urorum delegit, quorum ad formam acciperentur. Id aliis quoque nationibus arduum, apud Germanos difficilius tolerabatur, quæ ingentium beluarum feraces saltus, modica domi armenta sunt. Ac primo boves ipsos, mox agros, postremo corpora conjugum aut liberorum servitio tradebant. Hinc ira & questus, & postquam non subveniebat, remedium ex bello: rapti qui tributo aderant milites, & patibulo affixi. Olennius infensos fuga prævenit, receptus castello cui nomen Flevum, & haud spernenda illic civium sociorumque manus, litore Oceani præsidebat. Quod ubi L. Apronio Inferioris Germaniæ Proprætori cognitum, vexilla legionum e superiore provincia, peditumque & equitum auxilium delectos accivit, ac simul utrumque exercitum Rheno devectum, Frisijs intulit: soluto jam castello obsidio, & ad sua tutanda digressis rebellibus. Igitur proxima æstuarium aggeribus & pontibus, traducendo graviori agmini, firmat, atque interim, repertis vadis, alam Canninefatem, & quod peditum Germanorum inter nostros merebat, circumgredi terga hostium jubet, qui jam acie composiri pelunt turmas sociales, equitesq; legionum subsidio missos. Tum tres leves cohortes, ac rursum <sup>b</sup> duas, dein tempore interjecto acrius eques immissus, satis validi si simul incubuissent, per intervallum adventantes, neq; constantiam addiderant turbatis & pavore fugientium auferebantur. Cethego Labconi legato quinta legionis quod reliquum auxiliorum tradit: atq; ibi dubia

*Tacitus  
Annalium  
lib. 4.*

*Castellum  
Flevum.*



suorum re, in anceps tractus, missis nuncijs, vim legionum implorabat. Prorumpunt quintani ante alios, & acri pugna hoste pulso, recipiunt cohortes alasque fessas vulneribus: neque Dux Romanus ultum ijt, aut corpora humavit: quamquam multi Tribunorum Præfectorumque & insignes centuriones cecidissent, &c. Clarum inde inter Germanos Friesium nomen.

*Batavi circa Caligulam.*

*Suetonius*

*in Caligula*  
*cap. 43.*

Militiam resque bellicas semel attigit, neque ex destinato, sed quum ad visendum nemus flumenque Clitumni Mevaniam processisset. Admonitus de supplendo numero Batavorum, quos circa se habebat, expeditionis Germanicæ impetum cepit, &c.

*Batavorum Regis filius transfuga.*

*Ibidem.*

*a Locus*  
*corruptus.*  
*Vide Notas.*

Nihil autem amplius, quam <sup>a</sup> Admimocino Bellini Batavorum Regis filio, qui pulsus a patre cum exigua manu transfugerat, in deditionem recepto, quasi vniversa tradita Insula, magnificas Romam literas misit.

*Gannascus Canninefas pirata sub Claudio.*

*Tacitus*  
*Annalium*  
*lib. 11.*

*b Auxili-*  
*aris,*

Per idem tempus Cauci Inferiorem Germaniam incurfavere, Duce Gannasco, qui natione Canninefas, <sup>b</sup> auxiliarius & diu meritis, post transfuga, levibus navigijs prædabundus Gallorum maxime oram vastabat, non ignarus dices & imbelles esse,

*Tacitus*  
*Annalium*  
*lib. 13.*

*c olim,*  
*tum, et ut*  
*matri.*

*Tacitus*  
*Annalium*  
*lib. 15.*

*Batavi custodes Agrippinae matris Neronis.*

Cognitum id Neroni, excubiasque militares, quæ ut conjugii Imperatoris <sup>a</sup> solitum, ut & matri servabantur, & Germanum, et ut nos super eundem honorem custodes additos, digredi iubet.

*Nero Batavis Germanis fidebat.*

Volitabantque per fora, per domos, rura quoque & proxima muni.



municipiorum, pedites equitesque permixti Germanis, quibus fidebat Princeps quasi exteris.

*Batavi, olim custodes corporis a Caesaribus instituti, fidelissimi fuere.*

Item Germanorum cohortem a Caesaribus olim ad custodiam corporum institutam, multisque experimentis fidelissimam, dissolvit, ac sine ullo commodo remisit in patriam.

*Suetonius  
in Galba  
cap. 12.*

*In Batavorum cohortibus magnum victoriae momentum sub Vitellio.*

Iulius deinde Civilis periculo exemptus, præpotens inter Batavos, ne supplicio ejus ferox gens alienaretur: & erant in civitate Lingonum octo Batavorum cohortes, quartædecimque legionis auxilia, tum discordia temporum a legione digresse: præut inclinassent, grande momentum sociæ aut adversæ.

*Tacitus lib.  
1. Historiarum.*

*Iurgia & rixæ Batavorum & legionariorum.*

Sed brevis lætitia fuit, cohortium intemperie, quas a legione quartadecima, ut supra memoravimus, digressas, exercitui suo Fabius Valens adjunxerat. Iurgia primum, mox rixa inter Batavos & legionarios. Tum his aut illis studia militum adgregantur, prope in prælium exarsere, ni Valens animadversione paucorum, oblitos jam Batavos Imperij admonuisset.

*Ibidem.*

*Batavi & Trans-Rhenani, Padum transgressi, Othonianos terrent.*

Irritabat quin etiam Batavos Trans-Rhenanosque Padus ipse, quem repente contra Placentiam transgressi, a raptis quibusdam exploratoribus, ita cæteros terruere, ut adesse omnem Cæcinæ exercitum, trepidi ac falsi nunciarent.

*Tacitus  
lib. 2. Historiarum.  
a captis.*

*Batavicarum cohortium gloriatio & laudes.*

Cohortes Batavorum, quas bello Neronis a quartadecima legione digressas, quum Britanniam peterent, audito Vitellij

*Ibidem.*



motu, in civitate Lingonum, Fabio Valenti adjunctas retulimus, superbe agebant, ut cujusque legionis tentoria accessissent, coercitos a se quartadecimanos, oblatam Neroni Italiam, atque omnem belli fortunam in ipsorum manu sitam jactantes. Contumeliosum id militibus, acerbum Duci, corrupta jurgiis aut rixis disciplina. Ad postremum Valens e petulātia, etiam perfidiam suspectabat. Igitur nuncio allato, pulsam Trevirorum alam, Tungrosque a classe Othonis, & Narbonensem Galliam circumniri, simul cura socios tuendi, & militari astu, cohortes turbidas, ac si una forent prævalidas, dispergendi, partem Batavorum ire in subsidium jubet. Quod ubi auditum vulgatumque, mœrere socij, fremere legiones, orbari se fortissimorum virorū auxilio, veteres illos & tot bellorum victores, postquam in conspectu sit hostis, velut ex acie abduci. Si provincia Vrbe & salute Imperij potior sit, omnes illuc sequerentur: <sup>a</sup> sin victoria, sanitas, sustentaculum, columnen in Italia verteretur, non abrumpendos, ut corpori, validissimos artus.

*Batavi Germani, navali pugna, Othomanos pellunt.*

<sup>Ibidem.</sup> Et erat Insula amne medio, in quam gladiatores <sup>b</sup> manibus molientes, Germani nando prælabebantur. Ac forte plures transgressos, completis Liburnicis, per promptissimos gladiatorum, Macer aggreditur. Sed neque ea constantia gladiatoribus ad prælia quæ militibus, nec perinde <sup>c</sup> natantes <sup>e</sup> navibus, quam stabili gradu <sup>e</sup> ripa vulnera dirigebant. Et quum variis trepidantium inclinationibus immixti remiges propugnatoresque turbarentur, desilire in vada ultro Germani, retentare puppes, scandere foros, <sup>d</sup> atque cominus mergere: quæ cuncta in oculis utriusque exercitus quanto lætiora Vitellianis, tanto acrius Othoniani causam auctoremque cladis detestabantur. Et prælium <sup>e</sup> quod abruptis quæ superfuera navibus, fuga direptum. &c.

*Ejusdem*



*Ejusdem pugnae commemoratio.*

Accessit recens auxilium Varus Alphenus cum Batavis, fusa *Ibidem.*  
 gladiatorum manu, quam navibus transvectam opposita co-  
 hortēs in ipso flumine trucidaverant. Ita victores latus ho-  
 stium inveci, & media acie perrupta, fugere passim Othoni-  
 ani <sup>a</sup> Bebriacum petentes.

<sup>a</sup> Bedria-  
cum,

*Batavorum et legionariorum discordia.*

Angebat Vitellium victarum legionum haud quaquam fra- *Ibidem.*  
 ctus animus. Sparsae per Italiam & victoribus permixtae, ho-  
 stilia loquebantur: praecipua quartadecimanorum ferocia,  
 qui se victos abnuebant. Quippe <sup>b</sup> Bebriacensi acie, vexilla <sup>b</sup> Bedria-  
 riis tantum pulsas, vires legionis non adfuisse. Remitti eos in <sup>censi.</sup>  
 Britanniam, unde a Nerone excitati erant, placuit, atque in-  
 terim Batavorum cohortes una tendere, ob veterem adver-  
 sus quartadecimanos discordiam. Nec diu in tantis armato-  
 rum odiis quies fuit. Augustae Taurinorum, dum opificem  
 quendam Batavus ut fraudatorem insectatur, legionarius ho-  
 spitem tueretur, sui cuique commilitones aggregati, a conviciis  
 ad caedem transiere, & praelium atrox arsisset, ni duae prae-  
 toriae cohortes causam quartadecimanorum securae, his fiduci-  
 am, & metum Batavis fecissent: quos Vitellius agmini suo  
 jungi, ut fidos, legionem, Graijs alpibus traductam, eo flexu  
 itineris ire jubet, quo Viennam viarent.

*Batavorum cohortes in Germaniam remissae.*

Cohortes Batavorum, ne quid truculentius auderent, in Ger-  
 maniam remissae, principium interno simul externoque bel-  
 lo parantibus fatis.

*Batavorum descriptio et praelia adversus Romanos, in quibus  
 vicinarum Germanorum crebra fit mentio.*

Iisdem diebus, crebrescentem cladis Germanicae famam, ne-  
 quaquam moesta civitas excipiebat, casos exercitus, capta le-  
 gionum

*Tacitus*  
*lib 4 Hi-*  
*storiarum.*



gionum hyberna, descivisse Gallias, non ut mala loqueban-  
tur. Id bellum quibus causis ortum, quanto externarum  
sociarumque gentium motu flagraverit, alius expediam. Ba-  
tavi donec trans Rhenum agebant pars Cattorum, seditione  
domestica pulsi, extrema Gallicę orę vacua cultoribus, simul-  
que Insulam inter vada sitam occupavere, quam mare Occa-  
num a fronte, Rhenus annis tergum ac latera circumluit,  
nec opibus Romanis, societate validorum attriti, viros tan-  
tum armaque Imperio ministrant, diu Germanicis bellis ex-  
erciti, mox per Britanniam gloria transmissis illuc cohorti- 10  
bus, quas veteri instituto nobilissimi popularium regebant.  
Erat & domi delectus eques, præcipuo nandi studio arma,  
equosque retinens, integris turmis Rhenum perrumpere,  
Iulius Paulus & Claudius Civilis Regia stirpe, multo ceteros  
anteibant. Paulum Fonteius Capito falso rebellionis cri- 15  
mine interfecit, injectæ Civili catenæ, missus ad Neronem,  
& a Galba absolutus, sub Vitellio rursus discrimen adit, fla-  
gitante supplicium ejus exercitu. Inde causę irarum, spes-  
que ex malis nostris. Sed Civilis, ultra quam barbaris soli-  
tum, ingenio solers, & Sertorium se aut Hanibalem ferens, 20  
simili oris dehonestamento, ne ut hosti obviam iretur, si a  
populo Romano palam descivisset, Vespasiani amicitiam  
studiumque partium prætendit, missis sane ad eum Primi  
Antonij literis, quibus avertere accita a Vitellio auxilia, & tu-  
multus Germanici specie, retentare legiones jubebatur. Ea- 25  
dem Ordeonius Flaccus præsens monuerat, inclinato in Ve-  
spasianum animo, ut reipub. cura, cui excidium adventabat,  
si redintegrandum bellum, & tot armatorum millia Italiam  
irrupissent. Igitur Civilis disciscendi certus, occultato inte-  
rim altiore consilio, cetera ex eventu judicaturus, novare res 30  
hoc modo cœpit. Iussu Vitellij Batavorum juvenus ad de-  
lectum vocabatur, quem suapte natura gravem onerabant  
ministri avaritia & luxu, senes aut invalidos conquirendo,  
quos



quos pretio dimitterent: rursus impuberes, sed forma conspi-  
 cui (& est plerisque procera pueritia) ad stuprum trahebantur.  
 Hinc invidia, & compositi seditionis auctores, perpule-  
 re ut delectum abnuerent. Civilis primores gentis, & prom-  
 ptissimos vulgi, specie epularum, Sacrum in nemus vocatos, <sup>Sacrum  
nemus.</sup>  
 ubi nocte ac lætitia incaluisse vider, a laude gloriaque gentis  
 orsus, iniurias & raptus, & cætera servitij mala enumerat.  
 Neque enim societatem, ut olim, sed tanquam mancipia ha-  
 beri, quando legatum, gravi quidem comitatu, & superbo  
 cum imperio, venire, tradi se præfectis centurionibusque,  
 quos ubi spoliis & sanguine expleverint, mutari exquirique  
 novos sinus & varia prædandi vocabula. Instare delectum,  
 quo liberi a parentibus, fratres a fratribus, veluti supremum  
 dividantur. Nunquam magis afflictam rem Romanam, nec  
 alia in hybernis quam prædam & senes, attollerent tantum  
 oculos, & inania legionum nomina ne pavescerent, esse sibi  
 robur peditum equitumque, consanguineos Germanos,  
 Gallias idem cupientes: ne Romanis quidem ingrati id bel-  
 lum, cujus ambiguum fortunam Vespasiano imputaturos:  
 victoria rationem non reddi. Magno cum assensu auditis,  
 barbaro ritu & patriis execrationibus universos adigit. Missi  
 ad Caninefates, qui consilia sociarent. Ea gens partem <sup>Caninefa-  
tes.</sup>  
 Insulæ colit, origine, lingua, virtute par Batavis, numero su-  
 perantur. Mox occultis nunciis pellexit Britannica auxilia,  
 Batavorum cohortes missas in Germaniam, ut supra retuli-  
 mus, ac tum Magontiaci agentes. Erat in Caninefatibus sto- <sup>Magontia-  
cum.</sup>  
 lida audaciæ a Brenno, claritate natalium insigni. patere ejus a Brimo,  
 multa hostilia ausus, Caianarum expeditionum ludibrium  
 impune spreverat. Igitur ipso rebellis familiæ omine placu-  
 it, impositusque scuto more gentis & sustinentium humeris  
 vibratus Dux deligitur, statimque accitis Frisiis (Trans-Rhe- <sup>Frissi.</sup>  
 nanagens est) duarum cohortium hyberna, proximo occu-  
 pato Oceano, irrumpit. Nec præviderant impetum hostium  
 D milites,



milites, nec si praevidissent, satis virium ad arcendum erat.  
 Capta igitur & direpta castra, dein vagos & pacis more effu-  
 sos lixas negotiatoresque Romanos invadunt. Simul excidiis  
 castellorum imminebant, quæ a præfectis cohortium incen-  
 ta sunt, quia defendi nequibant. Signa vexillaque & quod  
 militum in superiore Insule parte congregantur Duce Aquili-  
 o primipilari, nomen magis exercitus quam robar. quippe  
 viribus cohortis abductis, Vitellius a proximis Nerviorum  
 Germanorumque pagis segnem numerum armis onerave-  
 rat. Civilis dolo grassandum ratus, incusavit ultro præfectos,  
 qui castella deseruissent: se cum cohorte, cui præerat, Canine-  
 fatem tumultum <sup>a</sup> oppressurum. Illi sua quisque hyber-  
 na repeterent. Subesse fraudem consilio, & dispersas cohorte-  
 tes facilius opprimi, nec <sup>b</sup> Brennonem Ducem ejus belli, sed  
 Civilem esse patuit, erumpentibus paulatim indiciis, quæ  
 Germani, læta bello gens, non diu occultaverant. Vbi insi-  
 dia parum cessere, ad vim transgressus, Caninefates, Frisios,  
 Batavos propriis cuneis componit. directa ex diverso acies,  
 haud procul a flumine Rheno, & obversis in hostem navibus,  
 quas incensis castellis illuc appulerant: nec diu certatum,  
 Tungrorum cohors signa ad Civilem transtulit: perculsi-  
 que milites improvise proditione, a sociis hostibusque cadeban-  
 tur. Eadem etiam navibus perfidia Pars remigum e Fata-  
 vis, tanquam imperitia, officia nautarum propugnatorum-  
 que impediabant. Mox contra tendere, & puppes hostili ri-  
 pa objicere. ad postremum, gubernatores centurionesque,  
 nisi eadem volentes, trucidant: donec universa quatuor &  
 viginti navium classis transfugeret, aut caperetur. Clara ea  
 victoria in præsens, in posterum utui: armaque & naves, qui-  
 bus indigebant, adepti. Magna per Germanias Galliasque  
 fama libertatis auctores celebrabantur. Germaniæ statim  
 misere legatos, auxilia offerentes. Galliarum societatem Civi-  
 lis arte donisque affectabat, captos cohortium præfectos suas  
 in

a com-  
 pressu-  
 rum.

b Brennonem.



in civitates remittendo, cohortibus abire an manere mallent  
 data potestate: manentibus, honorata militia: digredientibus  
 spolia Romanorum offerebātur. Simul, secretis sermonibus,  
 admonebat malorum, quæ tot annis passi, miseram servi-  
 turem falso pacem vocarent. Batavos quamquam tributorū  
 5 expertes, arma cōtra communes dominos cepisse. prima acie  
 fūsum victumque Romanum. quid si Gallia jugum exuant?  
 quantum in Italia reliquum? provinciarū sanguine provin-  
 cias vinci. ne Vindicis aciem cogitarēt. Batavo equite protri-  
 tos Heduos Avernosque, fuisse inter Virginij auxilia Belgas.  
 10 vereque reputantibus, Galliam suismet viribus concidisse.  
 Nunc easdem omnium partes, addito si quid militaris disci-  
 plinæ in castris Romanorum viguerit. esse secum veteranas  
 cohortes, quibus nuper Othonis legiones procubuerint. Ser-  
 virent Syria, Asiaq; , & suctus Regibus Oriens. multos adhuc  
 15 in Gallia vivere ante tributa genitos. Nuper certe, cesso Quin-  
 tilio Varo, pulsam e Germania servitutem. nec Vitellium  
 Principem, sed Cæsarem Augustum bello provocatum. Li-  
 bertatem natura etiam mutis animalibus datam. Virtutem  
 proprium hominis bonum. Deos fortioribus adesse. Proin-  
 20 de arriperent vacui occupatos, integri fessos. dum alij Vespas-  
 sianū, alij Vitellium foveant, patere locum adversus utrum-  
 que. Sic in Gallias Germaniasque intentus, si destinata pro-  
 venissent, validissimarum ditissimarumq; nationum regno  
 imminebat. At Flaccus Ordeonius primos Civilis conatus  
 25 per dissimulationē aluit. Vbi expugnata castra, deletas cohortes,  
 pulsum Batavorū Insula Romanum nomē, trepidi nun-  
 cij adferebant, Mumium Lupercum legatum (is duarum le-  
 gionum hybernis præerat) egredi adversus hostem jubet. Lu-  
 percus legionarios e præsentibus, Vbios e proximis, Trevi-  
 30 rorum equites, haud longe agentes, raptim transmisit, addi-  
 ta Batavorum ala, quæ jam pridē corrupta fidem simulabat,  
 ut, proditis in ipsa acie Romanis, majore pretio fugeret.



*Castra Ve-  
tera.*

*Bonna.*

Civilis captarum cohortium signis circumdatus, ut suo militi recens gloria ante oculos, & hostes memoria cladis terrerentur, matrem suam, sororesque, simul omnium conjuges parvosque liberos consistere a tergo jubet, hortamenta victoriæ, vel pulsus pudorem. Ut virorum cantu, foëminarum ululatu insonuit acies, nequaquam par a legionibus cohortibusque redditur clamor. Nudaverat sinistrum cornu Batavorum ala transfugiens, statimque in nos versa. Sed legionarius miles, quamquam rebus trepidis, arma ordinesque retinebat. Vbi-  
 10 orum Trevirorumq; auxilia, foëda fuga dispersa, totis campis palantur. Illuc incubuere Germani. Et fuit interim effugium legionibus in castra, quibus Veterum nomen est. Præfectus alæ Batavorum Claudius Labeo, oppidano certamine æmulus Civili, ne interfectus invidiam apud populares, vel, si retineretur, semina discordiæ præberet, in Frisios avehitur. 15  
 Iisdem diebus Batavorum & Caninefatum cohortes, quum jussu Vitellij in urbem pergerent, missus a Civile nuncius assequitur. Intumescere statim superbia ferociaque, & premium itineris, donativum, duplex stipendium, augeri equitum numerum, promissa sane a Vitellio, postulabāt, non ut asseque-  
 20 rentur, sed causam seditioni. Et Flaccus multa concedendo nil aliud effecerat, quam ut acrius exposcerent, quæ sciebant negaturum. Spreto Flacco, Inferiorem Germaniam petivere, ut Civili jungerentur. Ordeconius, adhibitis tribunis centurionibusque consultavit, num obsequium abnuentes vi-  
 25 coërceret. Mox insita ignavia, & trepidis ministris, quos ambiguus auxiliorum animus, & subito delectu suppletæ legiones angebant, statuit continere intra castra militem. Dein poenitentia, & arguentibus ipsis qui suaserant, tanquam secuturus, scripsit Herennio Gallo, legionis primæ legato, 30  
 qui Bonnam obtinebat, ut arceret transitu Batavos: se cum exercitu tergis eorum hæsurum. Et opprimi poterant, si hinc Ordeconius, inde Gallus, motis utrimque copiis, medios clau-  
 sissent.



sissent. Flaccus omisit incœptum, aliisque literis Gallum mo-  
 nuit, ne <sup>a</sup> terreret abeuntes. Vnde suspicio, sponte legatorum <sup>a</sup> teneret,  
 excitari bellum. Cunctaque quæ acciderant aut metuebantur,  
 non inertia militis neque hostium vi, sed fraude Ducum  
 evenire. Batavi, quum castris Bonnenſibus propinquarent,  
 præmiſere qui Herennio Gallo mandata cohortium expo-  
 nerent: Nullum ſibi bellum adverſus Romanos, pro quibus  
 toties bellarent: longa atque irrita militia feſſis, patriæ atque  
 otij cupidinem eſſe. Si nemo obſiſteret, innoxium iter fo-  
 re: ſin arma occurrant, ferro viam inventuros. Cunctantem  
 legatum milites perpulerant, fortunam prælij experiretur.  
 Tria millia legionariorum, & tumultuariæ Belgarum cohor-  
 tes, ſimul paganorum lixarumque ignava ſed procax ante  
 periculum manus, omnibus portis erumpunt, ut Batavos nu-  
 5 mero impares circumfundant. Illi <sup>b</sup> veteris militiæ memo- <sup>b</sup> veteres  
 res, in cuneis congregantur, denſi vndique, & frontem terga- <sup>b</sup> militiæ in  
 que ac latera tuti. Sic tenuem noſtrorum aciem perfringunt. <sup>b</sup> cuneis,  
 Cedentibus Belgis, pellitur legio, & vallum portasque trepi- <sup>b</sup> etc.,  
 di petebant. Ibi plurimum cladiſ: cumulata corporibus foſ-  
 20 ſæ, nec cede tantum & vulneribus, ſed ruina & ſuis plerique  
 telis interiере. Victores, Colonia Agrippinenſium vitata, <sup>Colonia</sup>  
 nihil cætero in itinere hoſtile auſi, Bonnenſe prælium excu- <sup>Agrippi-</sup>  
 ſabant, tanquam petita pace, poſtquam negabatur, ſibi met- <sup>nenſium,</sup>  
 25 iſiſ conſuluiffent. Civilis adventu veteranarum cohorti-  
 um, juſti jam exercitus ductor, ſed conſilij ambiguus, & vim  
 Romanam reputans cunctos, qui aderant, in verba Veſpaſia-  
 ni adigit, Mittitque legatos ad duas legiones, quæ priore acie  
 pulſæ, in Vetera caſtra conceſſerant, vt idem ſacramentum  
 acciperent. Redditur reſponſum, neque proditoris, neque  
 30 hoſtium ſe conſiliis uti. Eſſe ſibi Vitellium Principem, pro  
 quo fidem & arma uſque ad ſupremum ſpiritum retentu-  
 ros: proinde perſuga Batavus arbitrum rerum Roma-  
 narum ne ageret, ſed meritas ſcleris poenas exſpectaret.

Quæ



*Bruſteri.  
Tenſteri.*

*a ut*

*b lucif-  
que.  
c iuxta.*

*d ſcande-  
bant iam  
quidem.  
cum gla-  
diis, etc.  
e tamen.*

Quæ ubi relata Civili, incensus ira, vniſerſam Batavorum gentem in arma rapit. Iunguntur Bruſteri Tenſterique, & excita nunciis Germania, ad prædam famamque. Adverſus has concurrentes belli minas, legati legionum, Mumius Lupercus, & Numiſius Rufus, vallum murosque firmabant: ſub- 5 verſa longæ pacis opera, haud procul caſtris in modum municipij extructa, ne hoſtibus uſui forent. Sed parum proviſum, <sup>a</sup> ni copiæ in caſtra conveherentur, rapi permiſere. Ita paucis diebus per licentiam abſumpta ſunt, quæ adverſus neceſſitates in longum ſuffeciſſent. Civilis medium agmen 10 cum robore Batavorum obtinens, (utramque) Rheni ripam, quo truculentior viſu foret, Germanorum catervis complet, aſſultante per campos equite. Simul naves in adverſum amnem agebantur, hinc veteranarum cohortium ſigna, inde depromptæ ſylvis <sup>b</sup> jugisque ferarum imagines, ut cuique 15 genti inire prælium mos eſt, <sup>c</sup> juſta belli civilis externique facie obſtupeſcecerant obſeſſos, & ſpem oppugnantium augebat amplitudo valli, quod duabus legionibus ſitū, vix quinque millia armatorum (Romanorum) tuebantur. Sed lixarū multitudo, turbata pace, illuc congregata & bello miniſtra a- 20 derat. Pars caſtrorum in collem leniter aſſurgens, pars æquo adibatur, quippe illis hybernis obſideri, premique Germanias Auguſtus crediderat, neque unquam id malorum, ut oppugnatum ultro legiones noſtras venirent. Inde non loco, neque munimentis labor additus, viſ & arma ſatis placebāt. Ba- 25 ravi Tranſ-Rhenanique, quo diſcreta virtus maniſeſtius ſpectaretur, ſibi quæque gens cōſiſtunt, eminus laceſſentes. Poſt ubi pleraque telorum turribus pinnisq; mœnium irrita hærebant, & de ſuper ſaxis vulnerabantur, clamore atque impetu invaſere vallum. Appoſitis pleriq; ſcalis, alij per teſtudinē 30 ſuorum <sup>d</sup> ſcandebant. Iam quidem cum gladiis & armorum incuſſu præcipitati, ſudibus & pilis obiuuntur. Preſeroceſ initio, & rebus ſecundis nimij. Sed <sup>e</sup> tum prædę cupidine diverſa quoque



quoque tolerabant. Machinas etiam, insolitum sibi, ausi: nec  
 ulla ipsis solertia: perfuga captivique docebant struere<sup>a</sup> ma-<sup>a</sup> mate-  
 chinas, in modum pontis mox subjectis rotis propellere: ut<sup>ias.</sup>  
 alij superstantes tanquam ex aggere praeherentur: pars intus  
 5 occulti, muros subruerent. Sed excussa balistis saxa stravere  
 informe opus, & crates vineasque parantibus, adactae tormē-  
 tis ardentes hastae: ultroque ipsi oppugnatores ignibus pete-  
 bantur, donec desperata vi, vererent consilium ad moras,  
 haud ignari paucorum dierum inesse alimenta, & multum  
 10 imbellis turbę: simul ex inopia proditio, & fluxa servitiorum  
 fides, ac fortuita belli sperabantur. Flaccus interim, cognito  
 castrorum obsidio, & missis per Gallias qui auxilia concirēt,  
 lectos legionibus Dillio Vocula<sup>b</sup> duodecimae legionis lega-<sup>b</sup> duode-  
 15 to tradit, ut quam maximis per ripam itineribus celeraret. Ipse<sup>vicefime;</sup>  
 pavidus torpere, invisus militibus: neque enim ambigue fre-  
 mebant, emissas a Magontiaco Batavorum cohortes, dissimula-  
 tos Civilis conatus, acciri in societatem Germanos. Non Pri-  
 mi Antonij, neque Mutiani ope Vespasianum magis adole-  
 visse: aperta odia armaque palam depelli: fraudem & dolum  
 obscura, eoq; inevitabilia. Civile stare contra, struere aciem:  
 20 Ordeonium e cubiculo & lectulo jubere quicquid hosti con-  
 ducat. Tot armatas fortissimorum virorum manus unius se-  
 nis valetudine regi. Quin potius, interfecto traditore, fortu-  
 nam virtutemque suam malo omine exsoluerent. His inter  
 25 se vocibus insistentes, flammavere insuper allatae a Velpa-  
 siano literae, quas Flaccus, quia occultari nequibant, pro con-  
 cione recitavit, victosque qui attulerant ad Vitellium misit.  
 Sic mitigatis animis, Bonnam hyberna primae legionis ven-  
 tum. Inferior illic miles, culpam cladis in Ordeonium ver-  
 30 tebat: ejus jussu directam adversus Batavos aciem, tanquam  
 a Magontiaco legiones sequerentur: ejusdem proditione  
 caesos, nullis supervenientibus auxiliis. Ignota haec ceteris ex-  
 ercibus, neque Imperatori suo nunciari: quum accursu tot  
 provin-



provinciarum exstingui repens perfidia potuerit. Ordeonius  
 exemplaria omnium literarum, quibus per Gallias Britan-  
 niamque & Hispanias auxilia orabat, exercitui recitavit, insti-  
 tuitque pessimum facinus, ut epistolæ aquiliferis legionum  
 traderentur, a quibus ante militi quam Ducibus legebantur. 5  
 Tum a seditiosis unum vinci jubet, magis usurpandi juris cau-  
 sa, quam quia unius culpa foret. Motusque Bonna exercitus,  
 in Coloniam Agrippinensem, affluentibus auxiliis Gallo-  
 rum, qui primo rem Romanam enixe juvabant. Mox va-  
 lescentibus Germanis, pleraque civitates adversus nos arma- 10  
 tæ, spe libertatis: & si exuissent servitium, cupidine imperi-  
 tandi. Gliscebant iracundia legionum, nec terrorem unius  
 militis vincula indiderant, quin idem ille arguebant ultro  
 conscientiam Ducis, tanquam nuncius inter Civilem Flac-  
 cumque, falso crimine, testis veri opprimeretur. Conscendit 15  
 tribunal Vocula, mira constantia, prehensumque militem  
 ac vociferantem duci ad supplicium iussit. Et dum mali pa-  
 vent, optimus quisque iussis paruere. Exin, cōsensu Ducum  
 Voculam poscentibus, Flaccus summam rerum ei permisit.  
 Sed discordes animos multa<sup>a</sup> efferebant, inopia stipendij 20  
 frumentique, & simul delectum tributaque Galliæ asper-  
 nantes. Rhenus, incognita illi cœlo siccitate, vix navium  
 patiens: arcti commeatus: dispositæ per omnem ripam sta-  
 tiones, quæ Germanos vado arcerent: Eademque de causa  
 minus frugum, & plures qui consumerent. Apud imperitos 25  
 prodigij loco accipiebatur ipsa aquarum penuria, tanquam  
 nos amnes quoque & vetera Imperij munimenta desererent:  
 quod in pace fors seu natura, tunc fatum & ira Dei vocaba-  
 tur. Ingressis Novesium, tertiadecima legio conjungitur.  
 Additus Voculæ in partem curarum Herennius Gallus lega- 30  
 tus: nec ausi ad hostem pergere, loco, Gelduba nomen est,  
 castra fecere. Ibi struenda acie, muniendo vallandoque, &  
 cæteris belli meditamentis militem firmabant. Ut præda ad  
 virtutem

*a effera-  
bant.*

*Novesium,*

*Gelduba,*



virtutem incenderetur, in proximos Gugernorum pagos, *Gugerni.*  
 qui societatem Civilis acceperant, ductus a Vocula exercitus.  
 Pars cum Herennio Gallo permansit. Forte navem, haud  
 procul castris, frumento gravem, quum per vada haesisset,  
 5 Germani in suam ripam trahebāt. Non tulit Gallus, misitque  
 subsidio cohortem. Auctus est Germanorum numerus,  
 paulatimque aggregantibus se auxiliis, acie certatum. Ger-  
 mani, multa cum strage nostrorum, navem abripiunt. Victi  
 (quod tum in morem verterat) non suam ignaviam, sed per-  
 10 fidiam legati culpabant. Protractum e tentorio, scissa veste,  
 verberato corpore, quo pretio, quibus consciis prodidisset  
 exercitum, dicere jubent. Redit in Odeonium invidia. Illum  
 auctorem sceleris, hunc ministrum vocant. donec exitium  
 minitantibus exterritus, proditionem & ipse Ordeonio ob-  
 15 jecit. Vinculusque, adventu demum Voculae, exsolvitur. Is po-  
 stero die auctores seditionis morte affecit. Tanta illi exerci-  
 tui diversitas inerat licentiae patientiaeque. Haud dubie gre-  
 garius miles, Vitellio fidus: splendidissimus quisque, in Vespas-  
 sianum proni. Inde scelerum ac suppliciorum vices, & mi-  
 20 xtus obsequio furor: ut contineri non possent, qui puniri  
 poterant. At Civilem<sup>a</sup> immensis actibus universa Germa-<sup>a</sup> immen-  
 nia extollebat, societate nobilissimis obsidum firmata. Ille, <sup>sum uni-</sup>  
 ut cuique proximum, vastari Vbios, Trevirosque, & alia ma-<sup>versa G.</sup>  
 nu Mosam amnem transire jubet, ut Menapios & Morinos, *Menapij.*  
 25 & extrema Galliarum quateret. Acta utrobique praedae. In-*Morini.*  
 festius in Vbiis, quos genus Germanicae originis, ejurata pa-  
 tria, Romanorum nomine Agrippinenses vocarent. Caesa *Agrippi-*  
 cohortes eorum in vico Marcoduro, incuriosius agentes, quia <sup>nenses.</sup>  
 procul ripa aberant. Nec quievere Vbij, quo minus praedas e <sup>Marcodu-</sup>  
 30 Germania peterent, primo impune, dein circumventi sunt, <sup>rum.</sup>  
 per omne id bellum meliore usi fide quam fortuna. Contusis  
 Vbiis, gravior & successu rerum ferocior Civilis obsidium  
 legionum urgebat: intentis custodiis, ne quis occultus nun-  
 E cius



a praelium  
 cius venientis auxiliij penetraret. Machinas molemque ope-  
 rum Bavavis delegat, Trans-Rhenanos<sup>a</sup> periculum poscen-  
 tes, ad scindendum vallum ire, detrusosque redintegrare cer-  
 tamen jubet, superante multitudine, & facili damno. nec fi-  
 nem quidem labori nox attulit. Congestis circum lignis ac-  
 censisque, simul epulantes, ut quisque vino incaluerat, ad pu-  
 gnam temeritate inani ferebantur. Quippe ipsorum tela per  
 b Barba- tenebras vana, Romani conspicuam<sup>b</sup> Batavorum aciem, &  
 rorum. si quis audacia aut insignibus effulgens, ad idum destinabāt.  
 Intellectum id Civili: & restincto igne, misceri cuncta te-  
 nebris & armis jubet. Tum vero strepitus dissoni, casus in-  
 certi, neque ferendi neque declinandi providentia. Vnde  
 clamor acciderat, circumagere corpora, tendere arcus: nihil  
 prodesse virtus, fors cuncta turbare, & ignavorum saepe telis  
 fortissimi cadere. Apud Germanos inconsulta ira, Roma-  
 nus miles periculorum gnarus, ferratas sudes, gravia saxa,  
 non forte jaciebat. Vbi sonus molientium aut appositæ sca-  
 læ hostem in manibus dederant, propellere umbone, pilo  
 sequi. multos in mœnia egressos pugionibus fodere. Sic ex-  
 hausta nocte, novam aciem dies aperuit. Eduxerant Batavi  
 turrim duplici tabulato, quam prætoriae portæ (is acquissi-  
 mus locus) propinquantem, promoti contra validi asseres,  
 & incussæ trabes perfregere, multa superstantiū perniciē. Pu-  
 gnatumque in percussos, subita & prospera eruptione. Simul  
 a legionariis peritia & arte præstantibus plura struebantur.  
 Præcipuum pavorem intulit suspensum ac nutans machi-  
 namentum, quo repente demisso, præter suorum ora, singuli  
 pluresve hostium sublimē rapti, verso pondere intra castra cf-  
 fundebātur. Civilis omiſsa oppugnandi spe, rursus per otium  
 assidebat, nunciis, promissis, fidem legionum convellens.  
 Hæc in Germania ante Cremonensē prælium gesta, cujus  
 c evictis. eventum literæ Primi Antonij docuere, audito Cæcinæ edi-  
 cto. Et præfectus cohortis<sup>c</sup> evictus, Alpinus Montanus,  
 fortunam.



fortunam partium præsens fatebatur. Diversi hinc motus animorum. Auxilia e Gallia, quibus nec amor, nec odium in partes, militia sine affectu, hortantibus præfectis, statim a Vitellio desciscunt: vetus miles cunctabatur. Sed adigente Ordeonio Flacco, instantibus tribunis, dixit sacramentum, non vultu neque animo satis affirmans: & quum cætera iurandi verba conciperent, Vespasiani nomen hæsitantes, aut levi murmure, & plerumque silentio trans mittebant. Leæ deinde pro concione epistolæ Antonij ad Civilem suspiciones militum irritavere, tanquam ad socium partium scriptæ, & de Germanico exercitu hostiliter. Mox allatis Geldubam *Geldubæ* in castra nunciis, eadem dicta, factaque: & missus cum mandatis Montanus ad Civilem, ut absisteret bello, neve externa armis falsis velaret. Si Vespasianum juvare aggressus foret, a arma, satisfactum cœptis. Ad ea Civilis primo callide: post, ubi videt Montanum præferocem ingenio, paratumque in res novas, orsus a questu periculisque, quæ per quinque & viginti annos in castris Romanis exhausisset: Egregium, inquit, pretium laboris cepi, necem fratris, & vincula mea, & favissimas hujus exercitus voces, quibus ad supplicium petitus, iure gentium pœnas reposco. Vos autem Treviri, cæteraque fervientium animæ, quod pretium effusi toties sanguinis expectatis, nisi ingrata militiam, immortalia tributa, virgas, secures, & dominorum ingenia? En ego præfectus unius cohortis, & Caninefates Batavique, exigua Galliarum portio, vana illa castrorum spatia excidimus, vel septa ferro fameque premimus: denique ausos aut libertas sequetur, aut victi iidem erimus. Sic accensum, sed <sup>b</sup> meliora referre iussum, dimittit. Ille ut irritus <sup>b</sup> molli- *ora.* legationis rediit, cætera dissimulans, quæ mox erupere. Civilis parte copiarum retenta, veteranas cohortes, & quod e Germanis maxime promptum, adversus Voculam exercitumque ejus mittit, Iulio Maximo,



a viro,  
*Ascibur-*  
*gium.*  
 b invola-  
 vere,

*Novesium.*

& Claudio Victore sororis suæ <sup>a</sup> filio, ducibus. Rapiunt in transitu hyberna alæ Asciburgij sita, adeoque inprovise castra <sup>b</sup> involvere, ut non alloqui, non pandere aciem Vocula potuerit. Id solum, ut in tumultu, monuit, subsignano milite media firmare. auxilia passim circumfusa sunt. Eques prorupit, exceptusque compositis hostium ordinibus, terga in suos vertit, cadesque inde, non prælium. Et Nerviorum cohortes, metu seu perfidia, latera nostrorum nudavere. Sic ad legiones perventum, quæ, amissis signis, intra vallum sternebantur, quum repente novo auxilio, fortuna pugnae mutatur. Vasconum lectæ a Galba cohortes, ac tum accitæ, dum castris propinquant, audito præliantium clamore, intentos hostes a tergo invadunt, latioremq; quam pro numero terrorem faciunt, aliis a Novesio, aliis a Magontiaco universas copias advenisse credentibus. Is error Romanis addit animos, & dum alienis viribus confidunt, suas recepere. Fortissimus quisque e Batavis, quantum peditum erat, funduntur, eques evasit, cum signis captivisque quos prima acie corripuerant. Cæforum eod die in partibus nostris major numerus & imbellior, e Germanis ipsa robora. Dux uterque pari culpa meritis adversa, prosperis defuere. Nam Civilis, si majoribus copiis instruxisset aciem, circumiri a tam paucis cohortibus nequisset, castraque perrupta excidisset. Vocula nec adventum hostium exploravit, eoque simul egressus victusque, dein victoriae parum confusus, tritis frustra diebus, castra in hostem movit. quem si statim impellere, cursumque rerum sequi maturasset, solvere obsidium legionum eo impetu potuisset. Tentaverat interim Civilis obsessorum animos, tanquam perditæ apud Romanos res, & suis victoria provenisset. Circumferebatur signa vexillaque, ostentati etiam captivi, ex quibus unus, egregium facinus ausus, clara voce gesta patefecit. Confossus illic a Germanis, unde major indici fides. Simul vastatione incendiisque flagrantium villarum, venire



venire victorem exercitum intelligebatur. In conspectu ca-  
strorum cōstitui signa, fossamque & vallum circumdari Vo-  
cula jubet, ut depositis impedimentis sarcinisque expediti  
certarent. Hinc in Ducem clamor pugnam poscentium, &  
minari assueverant. Ne tempore quidem ad ordinandam aci-  
em capto, incompositi fessique praelium sumpserunt: nam Ci-  
vilis aderat, non minus vitiis hostium quam virtute suorum  
frenus. Varia apud Romanos fortuna, & seditiosissimus quis-  
que ignavus: quidam recentis victoriæ memores, retinere lo-  
cum, ferire hostem, seque & proximos hortari. Et redinte-  
grata acie, manus ad obsessos tendere, ne tempori deessent:  
Illi cuncta e muris cernentes, omnibus portis prorumpunt.  
Ac forte Civilis lapsu equi prostratus, <sup>a</sup> credita per utrumque  
exercitum fama, vulneratum aut interfectū, immane quan-  
tum suis pavoris & hostibus alacritatis indidit. Sed Vocula,  
omissis fugientium tergis, vallum turesque castrorum au-  
gebat, tanquam rursus obsidium immineret, corrupta toties  
victoria, non falso suspectus bellum malle. Nihil æque exer-  
citus nostros, quam egestas copiarum fatigabat. Impedimen-  
ta legionum in belli turba Novesium missa, ut inde terrestri  
itinere frumentum advenirent, nam flumine hostes potie-  
bantur. Primum agmen securum incescit, nondum satis fir-  
mo Civile. qui ubi rursus missos Novesium frumentatores,  
dataeque in praesidium cohortes, velut multa pace ingredi ac-  
cepit, rarum apud signa militum, arma in vehiculis, cunctos  
licentia vagos, compositus invadit, praemissis qui pontes &  
viarum angusta insiderent. Pugnatum longo agmine, & in-  
certo Marte, donec praelium nox dirimeret. Cohortes Gel-  
dubam perrexere, manentibus ut fuerant castris, quæ relicto-  
rum illic militum praesidio tenebantur. Non erat dubium  
quantum in regressu discriminis adeundum foret, frumenta-  
toribus onustis pauculisque. Addit exercitui suo Vocula mil-  
le delectos e quinta & quartadecima legionibus apud Vetera  
E 3 obsessis,



obsessis, indomitum militem & Ducibus infensum. Plures  
 quam iussum erat profecti, palam in agmine fremebant, non  
 se ultra famem, insidiasque legatorum toleraturos. At qui  
 remanserant, desertos se abducta parte legionum quereban-  
 tur. Duplex hinc seditio, aliis revocantibus Voculam, aliis 5  
 redire in castra abnuentibus. Interim Civilis Vetera circum-  
 sedit. Vocula Geldubam, ac inde Novesium concessit. Civi-  
 lis capit Geldubam. Mox haud procul Novesio equestri præ-  
 lio prospere certavit. Sed miles, secundis adversisque, perin-  
 de in exitium Ducum accendebatur. Et adventu quintano- 10  
 rum quintadecimanorumque aucte legiones donativum ex-  
 poscunt, comperto pecuniam a Vitellio missam. Nec diu  
 cunctatus Ordeonius nomine Vespasiani dedit. Idque præ-  
 cipuum fuit seditionis alimentum. Effusi in luxum & epu-  
 las, & nocturnos coetus, veterem in Ordeonium iram reno- 15  
 vant: nec ullo legatorum tribunorumve obsistere auso (quip-  
 pe omnem pudorem nox ademerat) protractum e cubili in-  
 terficiunt. Eadem in Voculam parabantur, nisi servili habitu  
 per tenebras ignoratus evasisset. Vbi sedato impetu metus  
 redijt, centuriones cum epistolis ad civitates Galliarum mi- 20  
 sere, auxilia ac stipendia oraturos. Ipsi, ut est vulgus sine re-  
 ctore præceps, pavidum, socors, adventante Civile, raptis re-  
 mere armis, ac statim omissis, in fugam vertuntur. Res adver-  
 sa discordiam peperere, iis, qui e superiore exercitu erant,  
 causam suam dissociantibus. Vitellij tamen imagines, in 25  
 castris, & per proximas Belgarum civitates, repositæ, quum  
 jam Vitellius corruisset. Deinde mutati in poeniten-  
 tiam, primani, quartanique, & <sup>a</sup> duodevicesimani, Vocu-  
 lam sequuntur: apud quem resumpto Vespasiani sacra-  
 mento, ad liberandum Magontiaci obsidium ducebant- 30  
 tur. Discesserant obsessores, mixtus ex Cattiis, Vsiptiis,  
 Mattiacis exercitus, satietate prædæ, nec incrementati.  
 Ita dispersos & nescios miles noster invaserat. Quin  
 & lo-

<sup>a</sup> duode-  
 vicesima-  
 ni.

Catti.

Vsipti.

Mattiaci.

<sup>b</sup> In via.



& loricam vallumq; per fines suos Treviri struxere, magnif-  
que invicem cladibus cum Germanis certabant. donec egre-  
gia erga populum Romanum merita mox rebelles foederāt.

Audita interim per Gallias Germaniasque mors Vitel-  
lij duplicaverat bellum. Nam Civilis, omiſſa diſſimulatio-  
ne, in populum Romanum ruere. Vitellianæ legiones ex-  
ternum ſervitium quam Imperatorem Veſpaſianum mal-  
le. Galli ſuſtulerant animos, eandem ubique exercituum  
noſtrorum fortunam rati: vulgato rumore, a Sarmatis Daciſ-  
que Mœſica ac Pannonica hyberna circumſideri. Paria de  
Britannia fingeantur. Sed nihil æque, quam incendium Ca-  
pitoli, ut finem Imperij adēſſe crederēt, impulerat. Captam  
olim a Gallis Urbem, ſed, integra Iovis ſede, manſiſſe Impe-  
rium. Fatali nunc igne, ſignum caeleſtis iræ datum, & poſſeſ-  
ſionem rerum humanarum Tranſalpinis gentibus porten-  
di, ſuperſtitione vana Druydæ canebant. Inceſſeratque fa-  
ma, primores Galliarum ab Othone adverſus Vitellium miſ-  
ſos, antequam digrederentur, pepigiſſe ne deeſſent libertati,  
ſi populum Romanum continua bellorum civilium ſeries  
& interna mala fregiſſent. Ante Flacci Ordeonij cadem ni-  
hil prorupit, quo conjuratio intelligeretur. Interfecto Orde-  
onio, commeavere nuncij inter Civilem Claudiūque præ-  
fectum alæ Trevirorum. Claudius nobilitate opibusque <sup>a ante</sup>  
teibat alios. Regium illi genus, & pace belloque clara origo.  
<sup>b ipſe,</sup> Is ſe e maioribus ſuis hoſtis populi Romani quam ſocius  
jactabat. Miſcuere ſe Iulius Tutor, & Iulius Sabinus, hic Tre-  
vir, hic Lingon. Tutor ripæ Rheni a Vitellio præfectus: Sabi-  
nus, ſuper inſitam vanitatē, falſæ ſtirpis gloria incendebatur.  
Proaviam ſuam Divo Iulio per Gallias bellanti corpore atq;  
adulterio placuiſſe. Hi, ſecretis ſermonibus, animos cæterorū  
ſcrutari. ubi, quos idoneos rebantur, conſcientia obſtinere,  
in Colonia Agrippinenſi, in domum privatam conveni-  
unt. Nam publice civitas talibus inceptis abhorrebat.

Attamen

*Tacitus eo-  
dem lib. 4.  
Historiarū:  
modico poſt  
intervallo.*

*Druidæ,*

*a ante  
alias.*



*Vbij.**Tungri.**Treviri.**Lingonas.*

Attamen interfuere quidam Vbiorum Tungrorumque. Sed plurima vis penes Treviros ac Lingonas. Nec tulere moras consultandi. Certatim proclamāt, furere discordiis populum Romanum, casas legiones, vastatam Italiam, capi cum maxime Urbem, omnes exercitus suis quemque bellis destinari, si alpes praesidiis firmentur: coalita libertate despecturas Gallias, quem virium suarum terminum velint. Hæc dicta pariter probataque, de reliquiis Vitelliani exercitus dubitare. Plerique interficiendos censebant turbidos, infidos, sanguine Ducum pollutos. Vicit ratio parcendi, ne sublata spe ioveniæ, pertinacia accenderentur. Alliciendos potius in societatem, legatis tantum legionum interfectis, cæterum vulgus conscientia scelerum & spe impunitatis facile accessurū. Ea primi consilij forma, missique per Gallias concitores belli, simulatum ipsis obsequium, quo incautiores Voculam opprimerent. Nec defuere qui Voculae nunciarent. Sed vires ad coercendum deerant, infrequentibus infidisque legionibus. Inter ambiguos milites & occultos hostes, optimum e praesentibus ratus, mutua dissimulatione & iisdem quibus petebatur artibus grassari, in Coloniam Agrippinensem descendit. Illuc Claudius Labeo, quem captum & extra conventum amandatum in Frisios diximus, corruptis custodibus perfugit, pollicitusque, si praesidium daretur, iturum in Batavos, & potio-rem civitatis partem ad societatem Romanam retracturum: Accepta peditum equitumque modica manu, nihil apud Batavos ausus, quosdam Nerviorum Bethasiorumque in arma traxit: et furtim magis quam bello Caninefates Marsacosque incurabat. Vocula Gallorum fraude illectus, ad hostem contendit. Non procul Veteribus aberat, quum Classicus & Tutor per speciem explorandi pregressi, cum duobus Germanorum pacta firmavere. Tumque discreti a legionibus, proprio vallo castra sua circumdant, obtestante Vocula: Non adeo turbatam civilibus armis rem

*Nervij.**Bethasii.**Canine-**fates.**Marsaci.*

Roma-



Remanam, ut Treviris etiam Lingonibusque despiciat sit. Superesse fidas provincias, victores exercitus, fortunam Imperij, & ultores Deos. Sic olim Sacrovirum & Heduos, nuper Vindicem Galliasque singulis praeliis concidisse. Eadem rursus numina, eadem fata ruptores foederum expectarent. Melius Divo Iulio Divoque Augusto notos eorum animos. Galbā & infracta tributa, hostiles spiritus induisse. Nunc hostes, quia molle servitium; quum spoliati exutique fuerint, amicos fore. Hæc ferociter locutus, postquam perstare in perfidia Classicum Tutoremque videt, verso itinere, Novesium concedit. Galli duum millium spatio distantibus campis confedere. Illuc commeantium centurionum militumque emebantur animi, ut (flagitium incognitum) Romanus exercitus in externa verba juraret, pignusque tanti sceleris nece ac vinculis legatorum daretur. Vocula, quamquam plerique fugam suadebant, audendum ratus, vocata concione, in hunc modum disseruit: Nunquam apud vos verba feci, aut pro vobis sollicitior, aut pro me securior. Nam mihi exitium parari libens audio. Mortemque, in tot malis hostium, ut finem miseriarum, expecto. Vestri me pudet miseretque, adversus quos non praelium & acies parantur: id enim fas armorum & ius hostium: bellum cum populo Romano vestris se manibus gesturum Classicus sperat, imperiumque & sacramentum Galliarum ostentat. Adeo nos si fortuna in præsens virtusque deseruit, etiam vetera exempla deficiunt? Quoties Romanae legiones perire præoptaverint, ne loco pellerentur? socij sæpe nostri excindi urbes suas, seque cum conjugibus ac liberis cremari pertulerunt. Neque aliud pretium exitus, quam fides famaue. Tolerant<sup>a</sup> tunc maxime inopiam obsidiumque<sup>a</sup> cum, apud Vetera legiones, nec terrore aut promissis demoveantur. Nobis, super arma & viros, & egregia castrorum munimenta, frumentum, & commeatus, quamvis longo bello, pares. Pecunia nuper etiam donativo<sup>b</sup> sufficit: quod sive a Vespa.<sup>b</sup> sufficit,  
Fiano,



a centu-  
rio deni-  
que aut  
miles.

fiano sive a Vitellio datum interpretari mavultis, ab Impera-  
tore certe Romano accepistis. Tot bellorum victores, apud  
Geldubam, apud Vetera, fuso toties hoste, si pavetis aciem, in-  
dignum id quidem. Sed est vallum, murique, & trahendi ar-  
tes, donec e proximis provinciis auxilia, exercitusque con-  
currant. Sane ego displiceam. sunt alij legati, tribuni, a cen-  
turioque aut miles. ne hoc prodigium toto terrarum orbe  
vulgetur, vobis satellitibus Civilem & Classicum Italiam in-  
vasuros. An si ad moenia Urbis Germani Gallicque duxerint,  
arma patriæ inferetis? Horret animus tanti flagitij imagine. 10  
Tutori Treviro agentur excubie? Signum belli Batavus dabit?  
& Germanorum catervas supplebitis? quis denique sceleris  
exitus? quum Romanæ legiones contra direxerunt, transfu-  
gæ e transfugis, & proditores e proditoribus, inter recens &  
vetus sacramentum, invisi Deis errabitis? Te Iupiter optime 15  
maxime, quem octingentos viginti annos tot triumphis co-  
luimus, te Quirine Romanæ parens Urbis, precor veneror-  
que, ut si vobis non fuit cordi, me duce hæc castra incorrupta  
& intemerata servari, at certe pollui foedarique a Tutore &  
Classico ne sinatis militibus Romanis aut innocentiam detis, 20  
aut matram & sine noxapœnitentiam. Varie excepta oratio  
inter spem metumque ac pudorem. Digressum Voculam, &  
de supremis agitantem, liberti servi que prohibuere foedissi-  
mam mortem sponte prævenire. Et Classicus, misso Æmilio  
Longino desertore primæ legionis, eadem ejus maturavit. 25  
Herennium & Numisium legatos vinciri satis visum. De-  
in, sumptis Romani Imperij insignibus, in castra venit. Nec  
illi, quamquam ad omne facinus durato, verba ultra suppe-  
ditavere, quam ut sacramentum recitaret. Juravere qui ade-  
rant pro imperio Galliarum. Interfectorem Voculæ altis 30  
ordinibus, ceteros, ut quisque flagitium navaverat, præmi-  
is attollit. Divisæ inde inter Tutorem & Classicum curæ.  
Tutor valida manu circumdatos Agrippinenses, quantum-  
que



que militum apud superiorem Rheni ripam, in eadem verba adigit, occisis Magoniaci tribunis, pulso castrorum praefecto, qui detrectaverant. Clasicus corruptissimum quemque e deditis pergere ad obsessos jubet, veniam ostentantes, si praesentia sequerentur, aliter nihil spei. Famem ferrumque & extrema passuros. Adjecere qui missi erant exemplum suum. Obsessos hinc fides, inde egestas, inter decus ac flagitium, distrahebant. Cunctantibus solita insolitaque alimenta deerant, absumptis jumentis equisque & cæteris animalibus, quæ profana fœdaque in usum necessitas vertit. Virgulta postremo & stirpes & internatas faxis herbas velentes, miseriarum patientiæque documentum fuere, donec egregiam laudem sine turpi macularent, missis ad Civilem legatis, vitam orantes. Neque ante preces admissa, quam in verba Galliarum jurarent. Tum pactus prædam castrorum, dat custodes, qui pecuniam, calones, sarcinas retentarent, ac qui ipsos leves abeuntes prosequerentur. Ad quintum fere lapidem coorti Germani incautum agmen aggrediuntur. Pugnacissimus quisque in vestigio, multi palantes occubere. Cæteri retro in castra profugiunt, querente sane Civile, & increpante Germanos, tanquam fidem per scelus abrumperent. Simulata eâ fuerint, an retinere savientes nequiverit, parum affirmatur. Direptis castris, faces injiciunt: cunctosque, qui prælio superfuerant, incendium hausit. Civilis, barbaro voto, post cœpta adversus Romanos arma, propexum rutilatumque crinem, patrata demum cæde legionum, deposuit. Et ferebatur, parvulo filio quosdam captivorum sagittis jaculisque puerilibus figendos obtulisse. Cæterum neque se, neque quemquam Batavum in verba Galliarum adigit, fides Germanorum opibus, & si certandum adversus Gallos de possessione rerum foret, inclytus fama, & potentior. Mumius Lupercus, legatus legionis, inter dona missus Velledæ. Ea virgo, nationis Bructeræ, late imperitabat,

*Velledæ,  
virgo fati-  
dica.*



Vindoni-  
sa.

a debi-  
lior.

veterere apud Germanos more, quo pleraque foeminarum fa-  
ridicas, & augescente superstitione arbitrentur Deas. Tuncq;  
Velledæ auctoritas adolevit. Nam prosperas Germanis res,  
& excidium legionum prædixerat. Sed Lupercus in itinere  
interfectus. Pauci centurionum tribunorumque in Gallia  
geniti, reservantur, pignus societatis. Cohortium, alarum, le-  
gionum hyberna subversa cremataque, iis tantum relictis quæ  
Magontiaci ac Vindonissæ sita sunt. Legio decimatertia cum  
auxiliis simul deditis a Novesio in coloniam Trevirorum  
transgredi jubetur, præfinita die intra quam castris excederet, 10  
medium omne tempus per varias curas egere. Ignavissimus  
quisque, casorum apud Vetera exemplo, paventes, melior  
pars rubore & infamia, quale illud iter, quis dux viæ, & omnia  
in arbitrio eorum quos vitæ necisque dominos fecissent.  
Alij, nulla dedecoris cura, pecuniam aut carissima sibi met 15  
ipsi circumdare. Quidam expedire arma, telisque tamquam  
in aciem accingi. Hæc meditantibus, advenit proficiscendi  
hora, expectatione tristior. Quippe intra vallum deformitas  
haud perinde notabilis: detexit ignominiam campus & dies.  
Revulsæ Imperatorum imagines, innexa signa, fulgentibus 20  
hinc inde Gallorum vexillis, silens agmen, & velut longæ  
exequiæ. Dux Claudius Sanctus, effosso oculo, dirus ore, in-  
genio a dirior. Duplicatur flagitium, postquam, desertis Bon-  
nensibus castris, altera se legio miscuerat. Et vulgata capta-  
rum legionum fama, cuncti quæ paulo ante Romanorum 25  
nomen horrebant, procurentes ex agris tectisque, & undique  
effusi, insolito spectaculo nimium fruebantur. Non tulit ala  
Picentina gaudium insultantis vulgi, spretisque Sancti pro-  
missis, aut minis, Magontiacum abeunt: ac forte obvio inter-  
fectore Vocolæ Longino, coniectis in eum telis, initium ex- 30  
solvendæ in posterum culpæ fecere. Legioncs, nihil mutato  
itinere, ante mœnia Trevirorum confidunt. Civilis & Claf-  
sicus rebus secundis sublatis, an Coloniam Agrippinensem  
diripien-



diripiendam exercitibus suis permitterent, dubitavere : favitia<sup>a</sup> ingenita & cupidine prædæ, ad excidium civitatis traherentur. obstabat ratio belli, & novum Imperium inchoantibus utilis clementiæ fama. Civilem etiam beneficii memoria flexit, quod filium eius, primo rerum motu in Colonia Agrippinensi deprehensum, honorate custodierant. Sed Trans-Rhenanis gentibus invisa civitas, opulentia auctuq; . Neque alium finem belli rebantur, quam si promiscua ea sedes omnibus Germanis foret: aut disiecta, Vbios quoque disperisset. Igitur Tencteri, Rheno discreta gens, missis legatis, *Tencteri.* mandata apud consilium Agrippinensium edi jubent. quæ ferocissimus e legatis in hunc modum protulit : Redisse vos in corpus nomenque Germaniæ, communibus Deis, sed præcipuo Deorum Marti, grates agimus. Vobisque gratulamur, quod tandem liberi inter liberos eritis. Nam ad hunc diem flumina ac terras & cælum quodammodo ipsum clauferant Romani, ut colloquia congressusque nostros arcerent : vel, quod contumeliosius est viris ad arma natis, inermes ac prope nudi sub custode & prælio coiremus. Sed ut amicitia societasque nostra in æternum rata sint, postulamus a vobis, muros Coloniae, munimenta servitij, detrahatis. etiam fera animalia, si clausa teneas, virtutis obliviscuntur. Romanos omnes in finibus vestris trucidetis. haud facile libertas & domini miscentur. Bona interfectorum in medium cedant, ne quis occulere quidquam, aut segregare causam suam possit. Liceat nobis vobisque utramque ripam colere, ut olim majoribus nostris. quomodo lucem<sup>b</sup> diemque omnibus hominibus, ita omnes terras fortibus viris natura aperuit. Instituta cultumque patrium resumite, abruptis<sup>c</sup> vectigalibus, quibus Romani plus adversus subjectos quàm armis valent. since-<sup>c</sup> voluptatibus.  
 30 rus & integer & servitutis oblitus populus, aut ex æquo ageris, aut aliis imperitabitis. Agrippinenses, sumpto consultant-  
 di spatio, quando neque subire conditiones metu futuri, ne-  
 F 3 que



que palam aspernari conditio præsens sinebat, in hunc modum respondent: Quæ prima libertatis facultas data est, avidius quam cautius sumpsimus, ut vobis cæterisque Germanis consanguineis nostris jungeremur. Muros civitatis, congregantibus se cum maxime Romanorū exercitiis, augere nobis quam diruere tutius est. Si qui ex Italia aut provinciis alienigenæ in finibus nostris fuerant, eos bellum absumpsit, <sup>a</sup>Eductis, vel in suas quisque sedes refugere. <sup>a</sup>Deductis olim & nobiscum per connubium sociatis, quique mox provenere, hæc patria est. Nec vos adeo inimicos existimamus, ut interfici a nobis parentes, fratres, liberos nostros velitis. Vectigal & onera commerciorum resolvimus. Sint transitus incustoditi, sed diurni & inermes, donec nova & recentia jura, <sup>b</sup> in vetustatem & consuetudinem vertantur. Arbitrum habebimus Civilem & Velledam, apud quos pacta sancientur. Sic lenitis Tendaris, legati ad Civilem & Velledam missi cum donis, cuncta ex voluntate Agrippinensium perpetrare. Sed coram adire alloqui; Velledam negatum. Arcebantur aspectu, quo venerationis plus inesset. Ipsa edita in turre: delectus e propinquis consulta responsaque, ut internuncius numinis, portabat. Civilis societate Agrippinensium auctus, proximas civitates affectare, aut adversantibus bellum inferre statuit. Occupatisque Sunicis, & inventute eorum per cohortes composita, quo minus ultra pergeret, Berhasiorum, Tungrorumque, & Nerviorum tumultuaria manu Labeo resistit, fretus loco, quia pontem Mosæ fluminis anteceperat. Pugnabaturque in angustiis ambigue, donec Germani tranantes, terga Labeonis invasere. Simul Civilis ausus, an ex composito intulit se agmini Tungrorum, & clara voce, Non adeo, inquit, bellum sumpsimus, ut Batavi & Treviri gentibus imperent. procul hæc a nobis arrogantia. accipite societatem, transgredior ad vos, seu me Ducem, seu militem mavultis. Movebatur vulgus, condebantque gladios,

b in vetustate consuetudinem vertantur

Sunici.



dios, quum Campanus ac Iuvenalis, ex primoribus Tungro-  
rum, universam ei gentem dedidere. Labeo, antequam cir-  
cumveniretur, profugit. Civilis Ecthasios quoque ac Ner-  
vios, in fidem acceptos, copiis suis adjunxit : ingens rerum,  
perculsis civitatum animis, vel sponte inclinantibus.

Civilis avia Belgarum circumibat dum Claudium Lab-  
onem capere, aut exturbare nititur. Classicus, segne ple-

rumque otium trahens, velut parto Imperio fruebatur. Ne Tutor quidem maturavit superiorē Germaniæ ripam & ar-

dua alpium præſidiis <sup>a</sup> claudere. Atque interim una et viceſima legio Vindoniſſa, Sextilius Felix cum auxiliariis coh-

tibus per Rhætiam irrupere. Accessit ala singularium, excita olim a Vitellio, deinde in partes Vespasiani transgressa Præ-

erat Iulius Briganticus, sorore Civilis genitus, ut ferme acer-  
rima proximorum odia sunt, invisus avunculo infensusque.

Tutor Trevirorum copias, recenti Vangionum, Caracatum, Tribocorum lectu auctas, veterano equite atque pe-

de firmavit, corruptis spe aut metu subactis legionariis, qui primo cohortem præmissam a Sextilio Felice interficiunt.

Mox, ubi Duces exercitusque Romani propinquabant, honesto transfugio rediere, secutis Tribocis, Vangonibusque,

& Caracatibus. Tutor, Treviris comitantibus, vitato Magontiaco, Bingium concessit, fidens loco, quia pontem Na-

væ fluminis abruperat, sed incurſu cohortium quas Sextili-  
us ducebat, & reperto vado, proditus fuſuſque. Ea clade

perculsi Treviri, & plebes, omiſſis armis, per agros palatur.  
Quidam Principum, ut primi poſuiſſe bellum viderentur,

in civitates, quæ societatem Romanam non exuerant, profugerunt. Legiones a Novesio Bonnaque in Treviros,

ut supra memoravimus, traductæ, seipsas in verba Vespasiani adigunt. Hæc Valentino absente gesta, qui ubi adven-

rabat, furens, cunctaque rursus in turbas & exitium conver-  
surus, legiones in Mediomatricos, sociam civitatē, abscessere.

Valenti.

Tacitus .  
paulo post  
eodem lib. 4  
Historiarū.

a capere.

Vangiones.  
Caracates.  
Triboci.

Nava flamen.

Medicamentum



Rigodul-  
lum.

Valentinus ac Tutor in arma Treviros retrahunt, occisis Herennio ac Numisio legatis, quo minore spe veniæ cresceret vinculum sceleris. Hic belli status erat, quum Petilius Cerialis Magontiacum venit. ejus adventu erectæ spes, Ipse pugnae avidus, & contemnendis quam cavendis hostibus melior, ferocia verborum militem incendebat: ubi primum congregi licuisset, nullam pralio moram facturum. Delectus per Galliam habitos in civitates remittit, ac nunciare jubet sufficere Imperio legiones. socij ad munia pacis redirent, securi velut confecto bello, quod Romanæ manus excepissent. Auxit ea res Gallorum obsequium. nam recepta juventute, facilius tributa toleravere, proniores ad officia quod spernebantur. At Civilis & Classicus, ubi pulsum Tutorem, cæsos Treviros, cuncta hostibus prospera accepere, trepidi ac properantes, dum dispersas suorum copias conducunt, crebris interim nuncijs Valentinum monuere, ne summæ rei periculū faceret. Eo rapidius Cerialis, missis in Mediomatricos, qui breviori itinere legiones in hostem verterent, contracto quod erat militum Magontiaci, quantumque secum transvexerat, tertijs castris Rigodulum venit, quem locum magna Trevirorum manu Valentinus infederat, montibus & Mosella amne septum, & addiderat fossas, obicesque saxorum. Nec deteruere ea munimenta Romanū Ducem, quo minus peditem perumpere juberet, equitum aciem, in collem erigeret, spreto hoste, quem temere collectum, haud ita loco juvari, ut non plus suis in virtute foret. Paulum moræ in ascensu, dum missilia hostium pravehantur. Ut ventum ad manus, deturbati ruinæ modo præcipitantur. Et pars equitum, æquioribus jugis circumvecta, nobilissimos Belgarum, in quibus Ducem Valentinum, cepit. Cerialis postero die coloniam Trevirorum ingressus est, avido milite eruendæ civitatis: Hanc esse Classici, hanc Tutoris patriam, horum scelere clausas cæsasque legiones. Quid tantum Cremonam meruisse,



5 fuisse, quam e gremio Italiae raptam, quia unius noctis mo-  
 ram victoribus attulerit? Stare in confinio Germania inte-  
 gram sedem, spoliis exercituum & Ducum cadibus ovan-  
 tem. Redigeret praedam in fiscum. Ipsis sufficere ignes, &  
 10 rebellis coloniae ruinas, quibus tot castrorum excidia pen-  
 rentur.<sup>a</sup> Cerialis a metu infamiae, si licentia saevitiaque imbu-  
 ere militem crederetur, pressit iras, & parvere, posito civili  
 bello, ad externa modestiores. Convertit inde animos acci-  
 tarum e Mediomatricis legionum miserabilis aspectus. Sta-  
 15 bant conscientia flagitia moesta, fixis in terram oculis. Nulla  
 inter coeuntes exercitus consalutatio, neque solantibus hor-  
 tantibusve responsa dabant, abditi per tentoria, & lucem ipsam  
 vitantes, nec perinde periculum aut metus, quam pudor ac  
 dedecus obstupefecerat, attonitis etiam victoribus, qui voces  
 20 precesque adhibere non ausi, lachrymis ac silentio veniam po-  
 scebant. donec Cerialis mulceret animos, fato acta dicti-  
 tans, quae militum Ducumve discordia, vel fraude hostium  
 evenissent: Primum illum stipendiorum & sacramenti diem  
 haberent: Priorum facinorum, neque Imperatorem neque  
 25 se meminisse. Tunc recepti in eadem castra, & edictum per  
 manipulos, ne quis in certamine iurgiove seditione aut cla-  
 dem commilitoni objectaret. Mox Treviros ac Lingonas, ad  
 concionem vocatos, ita alloquitur: Neque ego unquam  
 facundiam exercui, & populi Romani virtutem armis affir-  
 30 mavi. Sed quia apud vos verba plurimum valent, bonaque  
 ac mala non sua natura, sed vocibus seditiosorum assiman-  
 tur, statui pauca defferere, quae profligato bello utilius sit vo-  
 bis audivisse, quam nobis dixisse. Terram vestram ceterorum-  
 que Gallorum ingressi sunt Duces Imperatoresque Roma-  
 ni, nulla cupidine, sed majoribus vestris invocantibus, quos  
 discordiae usque ad exitium fatigabant: & acciti auxilio Ger-  
 mani, sociis pariter atque hostibus servitutem imposuerant.  
 Quot praeliis adversus Cimbros Teutonosque, quantis exer-  
 G cituum



e c'aret.

citium nostrorū laboribus, quove eventu Germanica bella tractaverimus, satis <sup>a</sup> clarum. Nec ideo Rhenum insedimus, ut Italiam tueremur, sed ne quis alius Ariovistus regno Galliarum potiretur. An vos cariores Civili Batavisque & Trans-Rhenanis gentibus creditis, quam maioribus eorum patres avique vestri fuerunt? Eadem semper causa Germanis transcendendi in Gallias, libido atque avaritia, & mutandæ sedis amor, ut relictis paludibus & solitudinibus suis, fœcundissimum hoc solum, vosque ipsos possiderent. Cæterum libertas & speciosa nomina prætexuntur, nec quisquam alienum servitium, & dominationem sibi concupivit, ut non eadem ista vocabula usurparet. Regna bellaque per Gallias semper fuere, donec in nostrum jus cōcederetis. Nos, quamquam toties laceffiti, iure victoriæ id solum vobis addidimus, quo pacem tueremur. Nam neque quies gentium sine armis, neque arma sine stipendiis, neque stipendia sine tributis haberi queunt. Cætera in communi sita sunt. Ipsi has aliasque provincias regitis. Nihil separatum clausumve, & laudatorum Principum usus ex æquo, quamvis procul agentibus: sævi proximis ingruunt. Quomodo sterilitatem, ac nimios imbres, & cætera naturæ mala, ita luxum vel avaritiam dominantium tolerare. Vitia erunt donec homines, sed neque hæc continua, & meliorum interventu pensantur, nisi forte, Tutore & Classico regnantibus, moderatius Imperium speratis, aut minoribus quam nunc tributis parabantur exercitus, quibus Germani Britannique arceantur. Nam pulsus (quod Dij prohibeant) Romanis, quid aliud quam bella omnium inter se gentium existent? Octingentorum annorum fortuna disciplinaque compages hæc coaluit, quæ cōvelli sine exitio convellentium non potest. Sed vobis maximum discrimen, penes quos aurum & opes, præcipuæ bellorum causæ. Proinde pacem & urbem, quam victi victoresque eodem jure obtinemus, amate, colite. Moveant vos utriusque fortunæ documenta, ne



ta, ne contumaciam cum perniciē, quam obsequium cum securitate malitis. Tali oratione graviora metuentes cōposuit, crexitque. Tenebantur victore exercitu Treviri, quum Civilis & Classicus misere epistolas ad Cerialē, quarum hęc sententia fuit. Vespasianum, quamquam<sup>a</sup> nuncios occultarent, <sup>a</sup> nunciij, excessisse vita, Urbem atque Italiam interno bello consumptam, Mutiani & Domitiani vana & sine viribus nomina. Si Cerialis Imperium Galliarum velit, ipsos finibus civitatum suarum contentos; si prælium mallet, ne id quidem abnuere. Ad ea Cerialis Civili & Classico nihil: eum qui attulerat ipsas epistolas ad Domitianum misit. Hostes divisis copiis, advenire vndique. Plerique culpabant Cerialē, passum jungi quos discretos intercipere licuisset. Romanus exercitus castra fossa valloque circumdedit, quīs temere antea intuitis confederat. Apud Germanos diversis sententijs certabatur. Civills opperiendas Trans-Rhenanorū gentes, quarum terrore fractæ populi Romani vires obtererentur. Gallos quid aliud quam prædam victoribus? & tamen quod roboris sit, Belgas secum palam aut voto stare. Tutor cunctatione crescere rem Romanā affirmabat, coeuntibus vndique exercitijs: Transvectam a Britannia legionem, accitas ex Hispania, adventare ex Italia, nec subitum militē, sed veterem expertumque belli. Nam Germanos, qui ab ipsis sperentur, non juberi, non regi, sed cuncta ex libidine agere. pecuniamque ac dona, quis solis corrumpantur, majora apud Romanos, & neminem adeo in arma promptum, ut non idem pretium quietis quam periculi malit. Quod si statim congregiantur, nullas esse Ceriali, nisi ex reliquijs Germani exercitus legiones, foederibus Galliarum obstrictas. Idque ipsum quod in- conditam nuper Valentini manum contra spem suam fuderint, alimentū illis Ducique temeritatis. Ausuros rursus, ven- b nō im-  
turosque in manus, <sup>b</sup> non imperitia militum, sed adolescen- periti a-  
tuli, verba & conciones plus, quā ferrum & arma meditantis, <sup>c</sup> tuli ver- dolescen-  
sed ba.



sed Civilis & Classici : quos ubi aspexerint, redituram in animos formidinem, fugam, famemque, ac toties captis precariam vitam. neque Treviros aut Lingonas benevolētia contineri : resumpturos arma, ubi metus abscefferit. Diremit consiliorum diversitatem, approbata Tutoris sententia, Classicus, statimque exsequuntur. Media acies Vbiis Lingonibusque data, dextro cohortes Batavorum, sinistro Bructeri Tencterique, pars montibus, alij viam inter Mosellamque flumen tam improvisi adsilvere, ut in cubiculo ac lectulo Cerialis (neque enim noctem in castris egerat) pugnari simul vincique suos audierit, increpans pavorem nunciantium, donec universa clades in oculis fuit. Perrupta legionum castra, fusi equites, medius Mosellæ pons, qui ulteriora coloniae annectit, ab hostibus infessus. Cerialis turbidis rebus intrepidus, & fugientes manu retrahens, intacto corpore promptus inter tela, felici temeritate, & fortissimi cujusque accursu recuperatum pontem, <sup>a</sup> electa manu firmavit. Mox in castra reversus, palantes captarum apud Novesium Bonnamque legionum manipulos, & rarum apud signa militem, ac prope circumventas aquilas videt. Incensus ira : Non Flaccum, inquit, non Voculam deseritis. Nulla hic proditio, neque aliud excusandum habeo, quam quod vos Gallici foederis oblitos (<sup>b</sup> prædixerim,) memoriam Romani sacramenti tenere credidi. Annumerabor Numisiis & Herenniis, ut omnes legati vestri aut militum manibus aut hostium ceciderint. Ite, nunciate Vespasiano, vel, quod propius est, Civili & Classico, relictum a vobis in acie Ducem, venient legiones, quæ neque me inultum, neque vos inpunitos, patiantur. Vera erant, & a tribunis præfectisque eadem ingerebantur. Consistunt per cohortes & manipulos, neque enim poterat patescere acies effuso hoste, & impredientibus tentorijs sarcinisque, quum intra vallum pugnaretur. Tutor, Classicus, Civilis, suis quisque locis, pugnam ciebant. Gallos pro libertate,

<sup>a</sup> lecta.

<sup>b</sup> proximam.



libertate, Batavos pro gloria, Germanos ad prædam instigan-  
tes. Et cuncta pro hostibus erant; donec legio vicesima pri-  
ma, patientiore quam cæteræ spatio conglobata, sustinuit ru-  
entes, mox impulit. Nec sine ope divina, mutatis repente ani-  
mis, terga victores vertere. Ipsi territos se cohortium aspectu  
ferebant, quæ primo impetu disiectæ, summis rursus jugis  
congregabantur, ac speciem novi auxilij fecerant. Sed obsti-  
tit vincentibus prævum inter ipsos certamen, hoste omisso  
spolia consecrandi. Cerialis, ut incuria prope rem afflixit, ita  
constantia restituit: secutusque fortunam, castra hostium eo-  
dem die capit excinditque. Nec in longum quies militi da-  
ta. Orabant auxilium Agrippinenses, offerebantque uxo-  
rem ac sororem Civilis, & filiam Classici, relicta sibi pignora  
societatis. Atque interim dispersos in domibus Germanos  
trucidaverant. Vnde metus & justæ preces invocantium, an-  
tequam hostes, reparatis viribus, ad spem vel ad ultionem ac-  
cingerentur. Nam & Civilis illuc intenderat, non invalidus,  
flagrantissima cohortium suarum <sup>a</sup> integra manu, & e Cau- <sup>a</sup> integra  
cis Frisiisque composita, Tolbiaci, in finibus Agrippinensi- <sup>manente,</sup>  
um, agebat. Sed tristis nuncius avertit, deletam cohortem do- <sup>e Caucis.</sup>  
lo Agrippinensium, qui largis epulis vinoque sopitos Ger- <sup>Tolbiacum.</sup>  
manos, clausis foribus, igne injecto, cremavere. Simul Ceria-  
lis propero agmine subvenit. Circumsteterat Civilem & a-  
lius metus, ne quartadecima legio, adiuncta Britannica clas-  
se, affligeret Batavos, qua Oceano ambiuntur. Sed legionem  
terrestri itinere Fabius Priscus legatus in Nervios Tungros-  
que duxit. Ea que civitates in <sup>b</sup> ditionem acceptæ. Classem <sup>b</sup> deditio-  
ultra Caninefates aggressi sunt, majorque pars navium de- <sup>nem.</sup>  
pressa aut capta. Et Nerviorum multitudinem sponte com-  
motam, ut pro Romanis bellum capefferet, iidem Caninefa-  
tes fudere. Classicus quoque adversus equites Novesium a  
Ceriale præmissos secundum prælium fecit, quæ modica,  
sed crebra damna, famam victoriæ nuper partæ lacerabant.



*Tacitus**Historiarū.  
lib. 4.*

At Civilis, post malam in Treviris pugnam, reparato per Germaniam exercitu, apud Vetera confedit, tutus loco, & ut memoria prosperarum illic rerum, augescerent Barbarorum animi. Secutus est eodem Cerialis, duplicatis copiis, adventu secundæ, & decimæ sextæ & quartadecimæ legionum. Cohortesque & alæ jam pridem accitæ post victoriam properaverant. Neuter Ducum cunctator. Sed arcebat latitudo camporum, suo pte ingenio humentium. Addiderat Civilis obliquam in Rhenum molem, cuius objectu revolutus amnis, adjacentibus superfunderetur. Ea loci forma, incertis vadis subdola, & nobis adversa. Quippe miles Romanus armis gravis, & nandi pavidus: Germanos fluminibus suctos, levitas armorum, & proceritas corporum attollit, igitur laceffentibus Batavis, ferocissimo cuique nostrorum coeptum certamen, deinde orta trepidatio, quum præaltis paludibus arma equique haurirentur. Germani notis vadis persultabant, omiſſa plerumque fronte, latera ac terga circumvenientes, neque ut in pedestri acie cominus certabatur, sed tanquam navali pugna vagi inter undas, aut si quid stabile occurrebat, totis illic corporibus nitentes, vulnerati cum integris, periti nandi cum ignaris, in mutuam perniciem implicabantur. minor tamen quam pro tumultu cædes: quia non ausi egredi paludem Germani, in castra rediere. Ejus prælii eventus utrumque Ducem, diversis animi motibus, ad maturandum summæ rei discrimen erexit. Civilis, instare fortunæ, Cerialis, abolere ignominiam, Germani, prosperis feroces: Romanos, pudor excitaverat: nox apud Barbaros, cantu aut clamore, nostris per iram & minas acta. Postera luce Cerialis equite & auxiliariis cohortibus frontem explet: in secunda acie legiones locatæ: Dux sibi delectos retinebat ad improvisa. Civilis haud porrecto agmine, sed cuneis adstitit. Batavi Cugernique in dextro, lava ac propiora fluminis Trans-Rhenani tenuere. Exhortatio Ducum non  
more



more concionis apud vniversos, sed ut quosque eorum ad-  
 uehebantur. Cerialis veterem Romani nominis gloriam, an-  
 tiquas recentesque victorias, ut perfidum, ignavum, victum  
 hostem, in æternum abscinderent, ultione magis quam præ-  
 lio opus esse. Pauciores nuper cum pluribus certasse: attamen  
 fusos Germanos, quod roboris fuerit. Superesse qui  
 fugam animis, qui vulnera tergo ferant. Proprios inde sti-  
 mulos legionibus admovebat, domitores Britanniae quarta-  
 decimanos appellans. Principem Galbam sextae legionis auto-  
 ritate factum. Illa primum acie secundanos nova signa no-  
 vamque aquilam dicaturos. Hinc prævectus ad Germani-  
 cum exercitum, manus tendebat, ut suam ripam, sua castra,  
 sanguine hostium recuperarent. Alacrior omnium clamor,  
 quibus vete longa pace, prælij cupido, vel fessis bello, pacis a-  
 mor, præmiaque & quies in posterum sperabantur. Nec Ci-  
 vilis<sup>a</sup> silentem struxit aciem, locum pugnae testem virtutis<sup>aut silen-</sup>  
 ciens, stare Germanos Batavosque super vestigia gloriae, ci-<sup>ter.</sup>  
 neres ossaque legionum calcantes. Quocunque oculos Ro-  
 manus intenderet, captivitatem, clademque, & dira omnia  
 obversari. Ne terrerentur vario Trevirici prælij eventu, suam  
 illic<sup>b</sup> victoriam Germanis obstitisse, dum omissis telis præda<sup>b materia.</sup>  
 manus impediunt. Sed cuncta mox prospera & hosti contra-  
 ria evenisse. Quæ provideri astu Ducis oportuerit, providisse:  
 campos madentes & ipsis gnaros, paludes hostibus noxias.  
 Rhenum & Germaniae Deos in conspectu, quorum numi-  
 ne capefferent pugnam, conjugum, parentum patriæ me-  
 mores. Illum diem aut gloriosissimum inter maiores,  
 aut ignominiosissimum apud posteros fore. Vbi sono ar-  
 morum tripudijque (ita illis mos) approbata sunt dicta,  
 saxi glandibusque & cæteris missilibus prælium incipiunt:  
 neque nostro milite paludem ingrediente, & Germanis, ut  
 elicerent, laceissentibus. Absumptis quæ jaciuntur, & ardescen-  
 te pugna, procursum ab hoste infestius immensis corporibus,  
 &



a fluitan-  
tem labi-  
temque  
militem.

b mite-  
retur.

c Forte,  
Batavo-  
durum.

Arenaci.  
Batavodu-  
rum.  
Grinnes.  
Vada.

& praelongis hastis, <sup>a</sup> fluitantemque militem fodiebant emi-  
nus: simul e mole, quam eductam in Rhenum retulimus,  
Bructerorum cuneus transnatavit, turbata ibi res, & pelleba-  
tur sociarum cohortium acies, quum legiones pugnam exci-  
piunt, suppressaque hostium ferocia, praelium exa quatur. In-  
ter quæ, perfuga Batavus adiit Cerialem terga hostium pro-  
mittens, si extremo paludis eques <sup>b</sup> immitteretur: solidum  
illâ, & Cugernos, quibus custodia obvenisset, parum inten-  
tos. Dux alæ cum perfuga missæ incauto hosti circumfun-  
duntur: quod ubi clamore cognitum, legiones a fronte incu-  
buere: pulsique Germani, Rhenum fuga petebant. Debel-  
latum eo die foret, si Romana classis sequi maturasset. Ne e-  
ques quidem institit, repente fusis imbribus, & propinqua  
nocte. Postera die, decimaquarta legio in superiorem pro-  
vinciam Gallo Anno missa. Cerialis exercitum decima ex  
Hispania legio supplevit. Civili Caucorum auxilia venere:  
non tamen ausus oppidum <sup>c</sup> Batavorum armis tueri, raptis  
quæ ferri poterant, cæteris injecto igni, in Insulam concessit,  
gnarus deesse naves efficiendo ponti, neque exercitum Ro-  
manum aliter transmissurum: quin & diuit molem a Dru-  
so Germanico factam, Rhenumque prono alveo in Galliam  
ruentem, disiectis quæ morabantur, effudit. Sic velut abacto  
amne, tenuis alveus, Insulam inter Germanosque, continen-  
tium terrarum speciem fecerat. Transiere Rhenum Tutor  
quoque & Classicus, & centum tredecim Trevirorum sena-  
tores, in quibus fuit Alpinus Montanus, quem a Primo An-  
tonio missum in Gallias superius memoravimus. Comita-  
batur eum frater D. Alpinus. Simul cæteri miseratione ac  
donis auxilia concibant, inter gentes periculorum avidas.  
Tantumque belli superfuit, ut præsidia cohortium, alarum,  
legionum, modicis vicis quadripartita Civilis invaserit. De-  
cimam legionem Arenaci, secundâ Batavoduri, & Grinnes  
Vadamque cohortium alarumque castra: ita divisis copiis, ut  
ipse



ipse & Verax sorore ejus genitus, Classicusque ac Tutor, suam quisque manum traherent. nec omnia patrandi fiducia, sed multa ausis, aliqua in parte fortunam adfore. Simul Cerialem, neque satis cautum, & pluribus nunciis huc illuc curstantem, posse medio intercipi. Quibus obvenerant castra decumanorum, oppugnationem legionis arduam rati, egressum militem & cadendis materijs operatum turbavere, occiso præfecto castrorum, & quinque primoribus cæturionum, paucisque militibus. Cæteri se munimentis defendere. Et interim Germanorum manus, Batavoduri, irrumpere inchoatum pontem nitebatur. Ambiguum prælium nox diremit. Plus discriminis apud Grinnos Vadamque. Vadam Civilis, Grinnes Classicus, oppugnabant. nec sisti poterant, interfecto fortissimo quoque: in quis Briganticus præfectus alæ ceciderat, quem fidum Romanis & Civili avunculo infensum diximus. Sed ubi Cerialis cum delecta equitum manu subvenit, versa fortuna. Præcipites Germani in annem aguntur. Civilis, dum fugientes retentat, agnitus, petitusque telis, relicto equo transnatavit. Idem Germanis effugium. Tutorem Classicumque appulsæ lintres vexere. Ne tum quidem Romana classis pugnae adfuit, ut jussum erat. Sed obstitit formido, & remiges per alia militiæ munia dispersi. Sane Cerialis parum temporis ad exsequenda imperia dabat: subitus consilijs, sed eventu clarus. Aderat fortuna etiam, ubi artes defuissent, hinc ipsi exercituique minor cura disciplinæ. Et paucos post dies, quamquam periculum captivitatis evasisset, infamiam non vitavit. Profectus Novesium Bonnamque ad visenda castra, quæ hyematuris legionibus erigebantur, navibus remeabat, disiecto agmine, incuriosis vigiliis. Animadvertum id Germanis, & insidias composuere. Electa nox atra nubibus, & prono amne rapti, nullo prohibente, vallum in-eunt. Prima cædes astu adjuta, incisistabernaculorum funibus, suismet a coriis coopertos trucidabant. Aliud agmen

a tentoriis.

H

turbare



*Lippia flu-  
men.*

a tricenis  
quadrage-  
nisque  
armamē-  
ta Libur-  
nicis soli-  
ta: et si-  
mulcapte  
lintrēs sa-  
gulis ver-  
sicolori-  
bus haud  
indecore  
pro velis  
juvaban-  
tur. Ita ex

*Vatic: MS.  
locum mu-  
tilum Lips.  
correxerit.*

*b Alij libri:  
Vbi Mosæ  
fluminis  
os amnē  
Rhenum  
O. a.*

*Probe. Res  
certe eadē,  
aliter elata.  
Vbi nunc  
oppidum  
Briela est  
navale pra-  
liū hoc in-  
ter Civilem*

*Batavū, &  
Romānam  
classē ten-  
tatum, sed  
a quo Mar-  
te diremptū  
fuisse. viri  
docti con-  
iectant.*

turbare classē, injicere vincula, trahere puppes. Utque ad fallendum silentio, ita cœpta cœde, & quo plus terroris adde-  
rent, cuncta clamoribus miscebant. Romani vulneribus ex-  
citi, quærunt arma, ruunt per vias pauci ornati militariter, ple-  
rique circum brachia torta veste & strictis mucronibus. Dux  
semisomnis ac prope intectus, errore hostiū servatur. Nam-  
que prætoriam navem vexillo insignem, illic Ducem rati, ab-  
ripiunt. Cerialis alibi noctem egerat, ut plerique credidere,  
ob stuprum Claudiæ Sacratæ, mulieris Vbiæ. Vigiles flagiti-  
um suum Ducis dedecore excusabant, tamquam jussi silere,  
ne quietem ejus turbarent. ita intermisso signo & vocibus,  
se quoque in somnum lapsos. Multa luce, reiecti hostes capti-  
vis navibus, prætoriam triremem, flumine Lippia, donum  
Velledæ traxere. Civilem cupido incessit navalē aciem osten-  
tandi. Complet quod biremium, quæque simplici ordine a-  
gebantur. Adjecta ingens lintrium vis, <sup>a</sup> ad tricenos quadra-  
genosque, simul armamenta Liburnicis olim haud indeco-  
re pro velis juvabant. Spatium velut æquoris electum, <sup>b</sup> ubi  
Mosæ fluminis amnem Rhenus Oceano affundit. Causæ in-  
struendæ classis, super insitam genti vanitatem, ut eo terrore  
commeatus Gallia adventantes interciperent. Cerialis, mira-  
culo magis quam metu, direxit classē numero imparē, usu  
remigum, gubernatorum arte, navium magnitudine potio-  
rem. Is flumine secundo, illi vento agebantur. Sic prævecti,  
tentato telorum jactu dirimuntur. Civilis nihil ultra ausus,  
trans Rhenum concessit. Cerialis Insulam Batavorum hosti-  
liter populatus, agros villasque Civilis intactos, nota arte Du-  
cum, sinebat: quum interim fluxu autumnī, & crebris plu-  
vialibus imbribus superfusus amnis, palustrem humilemque  
Insulam in faciem stagni opplevit. Nec classis aut commea-  
tus aderant. Castraque in plano sita, vi fluminis differeban-  
tur. Potuisse tunc opprimi legiones, & voluisse Germanos,  
sed dolo a se flexos, imputavit Civilis. Neque abhorret vero,  
quan-



quando paucis post diebus, deditio insecuta est. Nam Cerialis, per occultos nuncios Batavis pacē, Civilis veniam ostentans, Velledam propinquosque monebat, fortunam belli tot cladibus adversam, opportuno erga populum Romanū merito mutare: Casos Treviros, receptos Vbios, ereptam Batavis patriam, neque aliud Civilis amicitia peractum, quam vulnera, fugas, luctus: exulem eum & extorrem, recipientibus oneri: & satis peccavisse, quod toties Rhenum transcenderint. Si quid ultra moliantur, inde injuriam & culpā, hinc ultionem & Deos fore. Miscebantur minis promissa, & concussa Trans-Rhenanorum fide, inter Batavos quoque sermones orti. Non prorogandam ultro ruinam, nec posse ab una natione totius orbis servitium depelli, quid perfectum cæde & incendijs legionum, nisi ut plures validioresque accirent? Si Vespasiano bellum navaverint, Vespasianum rerum potiri. Sin populum Romanum armis provocent, quotam partem generis humani Batavos esse? Respicerent Rhætos Noricosque, & cæterorum onera sociorum. Sibi non tributa, sed a virtutes & viros indici. Proximū id libertati. Et si domino-  
Rhæti.  
Norici.  
 rū electio sit, honestius Principes Romanorum, quam Germanorum foeminas tolerari. Hæc vulgus. Proceres, atrociores Civilis rabie semet in arma trufos. Illum domesticis in-  
a juven-  
tutem, aliq  
virtutem,  
 alis excidium gentis opposuisse, tunc infensos Batavis Deos, quum obsiderentur legiones, interficerentur legati, bellum uni necessarium, ferale ipsis, sumeretur. Ventum ad extrema, ni resipiscere incipiant, & noxij capitis poena poenitentiam fateantur. Non fefellit Civilem ea inclinatio, & præveni-  
Nabalix  
flumen.  
 re statuit, super tædium malorum, etiam spe vitæ, quæ ple-  
b Lips. Va-  
hælis legit:  
Junius Na-  
valis, &  
urbē Cam-  
pos hario-  
latur.  
 rumque magnos animos infringit. Petitо colloquio, scindi <sup>b</sup> Nabalix fluminis pons. In cujus abrupta progressi Duces, Civilis ita cœpit: Si apud Vitellij legatum defenderer, neque facto meo venia, neque dictis fides debebatur. Cuncta inter nos inimica, hostilia, ab illo cœpta, a me aucta erant.



Erga Vespasianum vetus mihi observantia: & quum pri-  
vatus esset, amici vocabamur. Hoc Primo Antonio notum,  
cujus epistola ad bellum accitus sum, ne Germanicæ legio-  
nes, & Gallica juventus Alpes transcenderent. Quæ Anto-  
nius absens, Flaccus præsens movebat, arma in Germania  
a Flaviano, quæ Mutianus in Syria, Aponius in Mœsia, & Fabia-  
nus in Pannonia.

*Haëtenus Tacitus. Sequitur Gerardi Noviomagi Episto-<sup>10</sup>  
la, qua populos & loca nonnulla quæ infra Coloniam Agrippi-  
nam sunt, & quorum Tacitus meminit, obiter exponit; Hoc  
loco Lectoris commodo Historiæ Batavicæ inserta.*



G. N. THOMAE ZEGERO S. P.

**D**Vm tu isthic, numeros, dimensiones, concentus, perpetuosque coelestium orbium motus, doces, ego hic Cornelium Tacitum, eloquentissimum Historicum, relegi. Deprehendi vero, eos qui Annotationes in Caesaris commentarios & hunc Auctorem scripserunt, in locorum, quae infra Coloniam Agrippinam sunt, declaratione, aliquantulum (ut modeste dicam) a scopo aberrasse. Quare quid de his mihi videatur, liberius tibi scribo, ut vicissim tu quoque sententiam tuam (nam hac tibi non minus quam domus tua nota sunt) mihi perscribas.

COLONIA AGRIPPINA, vetus nomen retinet. NOVESIVM, aliquot immutatis literis, NVSSIAM dicimus. TENCTERI, Rheno ab Agrippinensibus (ut Tacitus inquit) discreta gens. BRVCTERI, ad LIPPIAM flumen fuere, quod veteri vocabulo appellatur Germanice die Lippe. Vetus etiam Generosorum Comitum Lippianorum stemma viget floretque. CVGERNI sunt, qui vulgo Gulickers nominantur. GELDVBA, olim Rheno imminens, Geldrie nomen dedit. ASCIBVRGVM, Germnice die Aschburg/ nunc duarum syllabarum in unam contractione & aliquot literarum elisione, commutationeque, Doesburg dicimus. ARENACVM, Arnhem vulgo dicitur. Neque enim Andernacum esse poterit, quum (teste Tacito) infra Coloniam Agrippinam sit. BATAVODVRVM, Batavice Wijk by Duersteden appellatur, ubi Episcopus Ultrajectinus egregiam arcem occupat, eo loci ubi Rheni pars Lecca dici incipit. VADAM, Wagening Batavi dicunt, oppidum Principis Batavorum praeliis obsidionibusque nobile. GRINNES, ego RHENOS legendum, & Rhymen/ oppidum Bataviae indicari puto. BETHASII, die Beellanders Brabantice dicuntur, qui ultra Mosam habitant. TVNGRI, FRI-



SII, & BATAVI nostri, vetus nomen non mutarunt. CANI-  
 NEFATES, mutatis sedibus, & nomine non nihil, sunt qui  
 Kennemerlanders in Holstlandia esse asserant, & vocabulum  
 non abludit. CAVCI, in Frisiorum nomen concessere, dicun-  
 turq; vulgo, die Enderfriesen/Woxtfriesen/Edderfriesen/Strant-  
 friesen/&c. Non te moveat, quod Latini Historici nostrorum  
 locorū vocabula, dum in suæ linguæ formam deflectere vo-  
 lunt, in diversum sonum & literas detorserint. Id enim & no-  
 stra atate in multis vocabulis experimur. Vnum & alterū ad-  
 jiciā. ANTVERPIAM, ejus loci cives Antwerpen dicunt, Galli  
 (Anvers,) Germani superiores Andorff. Angli & Scoti, juxta  
 suæ quisque linguæ proprietatem, aliter atque aliter pronun-  
 ciant. LEODIVM nos Ludik/Galli (Liege) vocāt. Quare pri-  
 sca locorum vocabula non solum ex Græcis & Latinis peten-  
 da sunt scriptoribus, sed magis etiam ex vetustis cujusque lin-  
 guæ literis: ita ut nos observemus, ea quæ nostrate lingua scri-  
 pta sunt, & majorum parentumque nostrorū loquendi con-  
 suetudinem. Præterea certum est Rheni, Mosæ, & aliorum  
 fluviorum cursus, a Taciti tempore, valde mutatos. Id quod  
 apud Zanthum oppidum, & alia patriæ nostra loca, te vidisse  
 non dubito. Insulæ quoque fluvij, qui nunc in utraque sui ripa  
 insignia oppida & arces habet, nulla apud Tacitum aut Pliniū  
 mentio fit, sed lacuum tantum, in quos Rhenus ad Septentri-  
 onem se exoneret. Constat etiam intra ducentos plus minus  
 annos non fuisse tam amplum mare (quod vulgo die Zuyder-  
 zee dicitur) inter Holstlandiam & Frisiam. Hæc addidi, mi Tho-  
 ma, ut te animarem, satis licet animatum, ad scribendū quid  
 de hac mea epistolari annotatiuncula, sentias neve nimium  
 tribuas quibusdam magni nominis auctoribus, qui de pa-  
 tria nostra Latine scripserunt. Bene vale. Argentorati.  
 Anno M. D. XXX. Kalendis Januarijs.

*Insignium*



*Insignium Locorum ac Oppidorum Batavia nomina, a Lobeca Arce, ubi Rhenus se in duo cornua dividit, ad Oceanum usque, qui Britannia ab Insula nostra dirimit.*

**H**VSSENVUM, Rhenum latissime præterfluentem habet. Ab hoc oppido non procul abest is locus, ubi Isela ex Rheno, Septentrionem versus, fluere incipit. Hic præterlabens Doefburgum, Zutfani-  
 10 am, Daventriam, Hattenum, Campos, haud ob-  
 scuri nominis oppida, tandem se mari ( quod hodie die Zuy-  
 der zee vulgo dicitur ) immiscet. NOVIOMAGVM, quod non-  
 nulli NVMAGAM, alij NEOMAGVM, quidã NOVI MAGIVM  
 scribunt, civitas libera, extra Insulã ad Vahalim sita, patria mi-  
 15 hi dulcissima. In hujus laudẽ sic olim scripsi in Satyris meis:

*O Noviomagum, cui non certaverat Vllus  
 Terrarum locus: Et Rhodos Et celebris Mitylene  
 Cedunt namque tibi, cedunt Et Thessala tempe:  
 20 Te nemus annosæ redimitum robore quercus,  
 Aequans Aonium, cingit, fontesque salubres  
 Quos adamat Clarius: hic candida turba Sororum,  
 Dulces docta modos, divina poemata cantat.  
 25 Alluit Et placido te cursu VValis ab arcto.  
 Regia te Superis templa, Et te Manibus imis  
 Arx sacrata ornat, quam quondam, milite cæso,  
 Romani statuere Duces, in littore VValis.  
 30 Olim grandiloqua surget, mihi credite, Vates  
 Vena par priscis, culto qui carmine ad astra  
 Te Noviomagum tollet, fortesque Batavos.*

*Imo*



*Imo, mox canere incipent Craneveldius atque  
 Henricus Batavus, canet & Marmellius ille,  
 Quem Musæ Phœbusque docent Heliconis in antro.  
 Hi Noviomagum laudabunt carmine, quali  
 Flaccus Tiburti pomeria laudat & undas.  
 Nil tamen hæc humili me prælibasse Camæna  
 Obsuerit, majora alijs memoranda relinquo.*

Anno  
 8528.

Anno  
 1516.

BATOVRGVVS, in ora Gallica Mosæ imminet. TIELA, ad<sup>10</sup>  
 Vahalim olim nobilis Galliarum portus: his vero annis Bur-  
 gundiorum obsidione fortiter lata, nomen celebrius adipisci  
 meruit. BOMELA SALINARVM, Vahalim muris minitantem  
 aspicit. DORESTATVM, quod BATAVODVRVM olim, ad<sup>15</sup>  
 Rhēni ripam, ubi Lecca e veteri Rheno profluit. BVRE-  
 NVM, cum arce munitissima, quam Linga fluvius adlabi-  
 tur, qui olim Molarum fossa dicebatur. CVLENBVRGVVS,  
 Lingam & Leccam prospicit. ASPERA, Lingam placide  
 perstreptentem audit, qui eam quoque mutato nomine in-  
 tersecat. vulgo hæc pars Amor dicitur, quem nos olim car-<sup>20</sup>  
 mine celebravimus. Hoc oppidum, sub Carolo Geldrio-  
 rum Duce, a Burgundiorum transfugis peditibus diu op-  
 pugnatum, tandem, fortissimis civibus inter expugnandum  
 ad unum cæsis, raptum est. Hic supra omnem Turcicam cru-<sup>25</sup>  
 delitatem, in omnem sexum, in omnem ætatem, in sacra, in  
 profana, igne, ferro, libidine, defævitum est. Hoc excidium  
 duorum nobilium Equitum Batavorum & affinium, quo-  
 rum alter loci Princeps erat, edium conflavit. LERDAMMVM  
 aggerem ultra Lingam obtinet. Batavice enim Dam agger<sup>30</sup>  
 nominatur. Hinc Batavicorum oppidorum pleraque voca-  
 bula deducuntur. HVCLENVM, circa Lingam, vetusta arce,  
 Heculanorumque familia nobile. GERICHEMVM, non  
 procul



procul a castris Herculis, una cum pagis aliquot vicinis, vetus nomen hodie retinet. Ager enim Herculis dicitur, Batavice, *Datlandt van Arhel*. Horum castrorum fit mentio in Charta illa vetustissima, quæ itinera Romanorum militum, ex provinciis nonnullis, depicta continet. Hanc mihi ostendit clarissimus D. Conradus Peutingerus, utriusque juris doctor, Patrius ac Cancellarius nobilis Augustæ Vindelicorū, quæ secundus a Celte, cognomine suo poëta laureato, patriam suam totamque Germaniam illustrare cœpit. Paulum supra hoc oppidum, ad arcem Lovesteinum, Vahalis ac Mosa confluunt. Linga vero Gorichemum interfecans Meruæ influit, Vahalique parenti, ac Mosæ affini jungitur. DORDRA-CVM, clarissimum oppidum, nonnulli extra Insulam olim fuisse contendunt. Verisimile tamen est, Batavorum fuisse, sicut Husdenum, VVorchemum, & Montem qui Sanctæ Gertrudis dicitur, cum nonnullis pagis Gallici littoris. VIA-NA, citra Leccam, in prospectu trajectus Rheni. ULTRA-IECTVM, in ipso Rheni trajectu situm, urbs nobilis. Hujus Beda in Gestis Anglorum honorificam mentionem his verbis facit: Pippinus autem donavit VVilibrordo locum cathedræ Episcopalis in castello suo illustri, quod antiquo gentis illius vocabulo VVILTABVRGVs, lingua autem Gallica TRAIECTVM vocatur. Hæc ille. Memini me legere in duobus libris scriptis ante sexcentos annos VVILTRAIECTVM & ULTRAIECTVM. In hujus urbis Episcoporum vitis describendis Itali scriptores lapsi sunt. Nullum namque discrimen inter Mosæ Trajectum, & Rheni Trajectum faciunt, & duarum urbium Episcopos, tanquam vnius, recensent. ISELSTINVM, vicinorum odiis nobilitatum. MONDFOR-  
DIA, hanc Albertus Saxonum Dux, quum gravi admodum obsidione aliquamdiu pressisset, capere non potuit. Tanta enim fortitudine, non solum viri, sed & foeminæ, se patriosque lares defendebant. VVORDA, a Ioannis Pistorij natale solum.

a Hic Ha-  
roscodāna-  
tus, exustus  
est Hagæ  
Comitis,  
anno 1528  
Septemb.  
15.



VETERES AQVÆ. SCONHOVIA. GOVDA, a cognomine rivo dicta, V Vilhelmi Hermanni, Poëtæ & Historici, patria. ROTERODAMVM, ad Mosam situm, Roteram quoque habet influentem. Hanc Desiderius Erasmus, vir vndeunque doctissimus, sole clarius illustrat. SCIEDAMVM, a Sciea fluvio nomen habet. VLARDINGA, siue VLARDINGIACVM, vetustissimum oppidum in ea Insule parte, quæ ad Oceanum vergit. DILFI, ab aqua per fossam oppido inducta nomen fortiuntur. Fossam enim vulgus ~~Dilfi~~ vocat. HAGA COMITIS, non tam Senatu amplissimo, quam hoste Geldrio excursio-  
nem eo usque faciente, nobilis. LEIDA, amœnissima civitas apud veterem Rhenum, multa antiquitatis monumenta possidet.

Habet præterea hæc Insula, arces, vicos, pagos cultissimos, habet fossas quoque, lacus, rivos navigabiles atque piscosissi-  
mos, quorum nomina recensere, otiosi hominis forte videretur, licet ego hoc decore factum cuperem.

Miraberis fortasse Lector, quare nullam hic præclarorum oppidorum HARLEMI, ALCMARIÆ, AMSTERODAMI, 20  
HORNII, MEDENBLICÆ, & cæterorum in eodem tractu, mentionem faciam. Verum scias me religione quadam abster-  
ritum, ne quid affingerem, quod veteres scriptores, Bata-  
viæ non adscripserunt. In libro enim Camerae Trajectensis (ita vocant literarum antiquarum privilegiorumque recepta-  
culum) legitur, quod Septentrionalis hæc Hollandiæ plaga, 2  
quæ continet septuaginta duas Ecclesias parochiales, ad-  
scripta sit V VestFrisiis. Nonnulli tamen Harlemios & finiti-  
mos, Caninefates esse contendunt. Vtinam hæc tam facile  
testimoniis veterum auctorum & diplomatis vetustis appro-  
bari possent, quam dicuntur. Habuit autem habetque hæc  
Hollandiæ (ut hodie loquimur) pars multos clarissimos  
viros, inter quos celebres sunt:

Gerardus



Gerardus Sebastianus,  
 Ioannes Harlemius Theologus,  
 Quirinus Talesius, Harlemensis,  
 Alardus Amsterodamus,  
 Nicolaus Cannius,  
 Cornelius Crocus,  
 Ioannes Sartorius: } omnes Amsterodamenses.

Quos oro, ut his meis collectaneis addant, quæ ipsi legendo  
 de communis patriæ laudibus observarunt.

*Nomina Regum ac Principum Batavorum, quæ in hanc  
 usque nostram ætatem deducere studui.*

**B**ATO, Cattorum Regis filius, primus Batavorum  
 Rex. Hic Noviomagi arcem, quæ Magum sive Ma-  
 gium dicebatur, innovavit: inde Noviomagum,  
 partim Latino partim Germanico sermone de-  
 ductum est. HESSVS, Batonis & Reicheldinnæ  
 (vulgus Richildin vocat) filia Menapij Tungrorum Regis,  
 filius. Iste natale solum Noviomagum domibus auxit & or-  
 navit. CARIOVALDA, Batavorum Dux. BELLINVS, Ba-  
 tavorum Rex. ADMIMOCINVS, huius filius, ad C. Cæsa-  
 rem transfugit. BRENNO, Bellini filius, IVLIVS PAVLVS.  
 CLAVDIVS CIVILIS. CLAVDIVS LABEO. IVLIVS MA-  
 XIMVS. CLAVDIVS VICTOR. Qui vero a Vespasianorum  
 Augustorum temporibus, ad Carolum usque Martellum,  
 Insulæ præfuerint, nominatim recensere, præsertim in tan-  
 ta religionis mutatione, tot exteris nationibus incurrenti-  
 bus, factu fuerit difficillimum. CAROLVS MARTELLVS, no-  
 bilissima matre Batava natus, fortissimis Equitibus Batavis  
 cōsanguineis suis adjuvantibus, bellica gloria, maximis orbis  
 Principibus adnumerari meruit. PIPPINVS, Martelli filius,



ex Duce, Francorum Rex factus est. CAROLVS MAGNVS. LVDOVICVS PIVS. CAROLVS CALVVS. Hic Batavorum Insulam primus discerpere coepit, extero Comite aulico inferioribus Batavis praefecto, a quo Hollandiae Comites originem ducunt. Superior vero Insulae pars sub Romanis Imperatoribus & Augustis libera mansit, ad tempora usque Gulielmi Hollandi, qui, vivente Friderico II. Augusto, Pontificia factione Romanorum Rex inunctus est. Is Othoni hujus nominis tertio Geldriorum Comiti Noviomagum & quicquid Noviomagorum jussis parebat, tantae civitatis privilegiis nihilo mutatis, pignoris loco occupandum concessit. Huic Othoni successit REYNALDVS, primus hujus nominis. REYNALDVS secundus, ultimus Comes & primus Geldriorum Dux. REYNALDVS tertius. EDVARDVS. VVILHELMVS, Geldriae & Iuliae Dux. REYNALDVS quartus. ARNOLDVS, ex filia filiae sororis quarti Reynaldi originem trahens. Hic Noviomagis adnitentibus Geldriae Dux declaratus, non admodum grato erga hos animo fuit. Iugum enim quod nepos gratissimus Noviomago tandem imposuit, ille imponere non semel tentaverat. ADOLFVS, omnibus optimi Principis dotibus praeditus, tandem cogente magna nobilitatis parte, matre foemina nobilissima non dissuadente, Noviomagis etiam, ut sese ulciscerentur, impellentibus, patrem Arnoldum senem arci Bureniae septem annis inclusit, Ducemque egit. CAROLVS, Adolphi ex filia Ducis Borbonij, &c. filius, caeso pro Flandris apud Nerviorum Tornacum patre, post multa pericula in Geldriorum Ducem inauguratus est. Hic multis annis patriam avitamque hereditatem, contra multos Principes belando, multis praeliis, non minus fortiter quam feliciter non modo tutatus est, verum etiam haud medicriter auxit. Horum Comitum & Ducum historiam alteri operi reservamus. Nunc accipe

*Nomina*



*Nomina Clarorum scriptorum Batavia, ex libris meis  
de Viris Illustribus Inferioris Germaniæ.*

- Franciscus Cranefeldius Noviomagus, utriusq; juris doctor.  
 Theodoricus Bornius Noviomagus, theologus.  
 Ioannes Henricus Batavus Noviomagus, rhetor.  
 Ioannes Bronchorstius Noviomagus, rhetor, mathematicus, ac philosophus.  
 Gerardus Moringus Bomelianus, theologus.  
 Henricus Gorichemius, theologus.  
 V Vilhelmus Vianensis, theologus. (Romanus.  
 Hadrianus Florentius Ultrajectinus, theologus, ac Papa  
 Gisberechtus Longolius (vulgo a ~~L~~angeracht) Ultrajecti-  
 nus, doctor medicus, & rhetor insignis.  
 Christophorus Longolius Schonhovianus, orator.  
 Cornelius Aurelius Goudanus, historicus & nobilis ver-  
 sificator.  
 V Vilhelmus Hermanus Goudanus, poëta & historicus.  
 Hermannus Goudanus, theologus.  
 Iacobus Goudanus, versificator.  
 Reynerus Snoius, medicus & historicus.  
 Desiderius Erasmus Roterodamus, theologus undecun-  
 que doctissimus.  
 Ægidius Dillfus, poëta ac theologus.  
 Iodocus Sasboldus Dillfus, poëta & utriusque juris doctor.  
 Ioannes Dillfus, grammaticus.  
 V Vilhelmus Hagiensis, primus poëta Comicus in secun-  
 da Germania.  
 Cornelius Honius, iureconsultus ac theologus.  
 Martinus Dorpius Naeldicenus, poeta & theologus.  
 Engelbertus Leidenfis, versificator & grammaticus.  
 Nicolaus Leontius Leidenfis, grammaticus.  
 Petrus Blomevenna Leidenfis, theologus.



**N**OVOMAGI, non adpellantur vulgata veterive nostrate lingua, novi amici vel vicini, sed *Magen* Batavice cōsanguineos dicimus. Quare longe altius ejus vocabuli ratio petitur, ab his qui Belgarum vicinorumque Germanorum Historias exactius & majore judicio conscribere. Qua de re in BATAVIA nostra non nihil attigimus, ubi etiam nobilem arcem BATOBURGVM, non a BASSANO, Regem nescio quo forte chartaceo, sed a BATONE Batavorum Principe, ad Mosæ ripam conditam ostendimus. Neque *Bassanbozch* (ut est apud Abbatem Trithemium) sed, servata Batavicae linguae proprietate, *Ba-  
tenboz*g dicitur. 5 10 15

ROTERODAMVM, Batavorum oppidū, & olim non ignobile, & nostra ætate Desiderij Erasmi incomparabili eloquentia & eruditione apud exterarum nationes magis nobilitatum, non a Sycamborum Rege quopiam, sed ab aquis, in quarum aggere (quem *Dam* Batavi dicunt) situm est, quasi ROTERÆ AGGEREM dicas, denominatur. 20

De Sycamborum finibus, & ubinam ultra Rhenum, Rheno licet proximi, habitarint, Cæsar Iulius in primis consulendus. Nam hos qui ab Octavio Augusto in Gallicā Rhēni ripam translati leguntur, nullum unquam Regem proprium habuisse constat. 25

Quæ vero de Francis & Sycambis scribuntur, ad alia tempora & loca spectare videntur. Suntque hic obscuræ Historicorum veterum nebulæ discutiendæ, ut veritatis splendor Lectori adpareat. Id quod nos, Christo auspice, aliquando conabimur. 30



GELDRIÆ Ducatum (ita dici coeptum) a Gerlaco Geldriae Praefecto nomen habere, tam verum est quam Vahalim Buscumducis Brabantiae oppidum praeterfluere.

GELDRIORVM Praefecturam, ante Gerlacum, VVichardus & Lupoldus administrarunt; neque opus est, ut ad Geldriacum monstrum, fabulosum videlicet illam & volatilem draconem, recurramus, illorum ineptam gloriationem imitantes, qui Olorem Ledæ adulterum & nescio quem obscuriorem incubum generis nominisque sui auctorem agnoscere malunt, quam notæ probitatis plebeium quempiam.

Verisimilis autem conjectura est GELDRIAM a GELDVBA arce, paucis immutatis literis, dictam. Sed de his in BATAVIA nostra fufius. Iulius Cæsar non minus omnis eruditionis, & in primis Mathematicæ, quam armorum gloria clarus, recte (ut cætera) scribit Scaldem in Mosam influere. Hujus rei etiamnum haud obscura vestigia exstant. In Zelandia, quæ Hollandiæ subjacet, Insula est (in qua CIRICZEA oppidum celebre, cujus cives rei nauticæ peritia cæteras fere maritimas nationes excellunt) quæ a Scaldi fluvio Scaldiæ nomen sortitur. Quæstores quoque Zelandiæ, unus a Scaldi Orientem versus, alter a Scaldi Occidentem versus, appellantur. Præterea in Mosam, non procul a BRIELIS oppido, influit. Sed exteris mercatoribus imponit, quod ubi olim terra pagis & arcibus culta extabat, ibi nunc vastum mare cernitur. Hinc factum est, ut fluviorum ostia, ad veterum præscripta internosci vix queant. Constat inter maritimos Flandros, Zelandos, Hollandos, Frisios, colles illos arenarum, (Dunen vulgo dicuntur) quos rerum parens Deus terminum mari circumdedit, olim non tam late perruptos ac diffusos fuisse, quam nunc sunt. Cœlestis enim pater peccatis nostris ad iracundiam provocatus, horridis tempestatibus terras admodum fertiles in falsissimum mare intra ducentos annos convertit. Sed nos infelices plane & vecordes naturæ adscribimus, quod  
solis



solis sceleribus nostris imputandum erat. ADVATICI, five  
 ACTVANRICI (utrumque enim legitur) neque Antverpiani  
 sunt, quorum civitas Scaldem præterfluentem habet, neque  
 Mosa-Trajectini, quorū oppidum Mosa interfecat: sed Cæ-  
 saris testimonio, Advaticorum oppidum, omnibus partibus  
 in circuitu altissimas rupes despectusq; habebat, una ex par-  
 te leniter acclivis aditus in latitudinem non amplius ducen-  
 torum pedum relinquebatur. Raymundus Marlianus, allu-  
 dens ad vetus vocabulum, Duacum (vulgo A Duay dicitur)  
 esse arbitratur. Verum Cæsaris descriptio, huic loco, nescio  
 an unquam, certe hac ætate minime quadrat.

Cornelius Tacitus de Germanis, homo Romanus, non  
 male meritis, quem etiam constat Belgicæ Galliæ rationes  
 procurasse, non potuit tria Rheni ostia ignorare, quum Cæsar  
 Rhenum, ubi Oceano appropinquat, in plures diffluere par-  
 tes scripserit. Verum ea nominatim non explicat, sicut nec  
 Plinius, qui duorum tantū meminit, tertij velut notioris nul-  
 lam mentionem faciens. Tacitus præterea eo loci, BATAVO-  
 RVM INSVLAM, non Rheni ostia describere voluit. Huc ac-  
 cedit, quod brachium Rheni ad Septentrionem nomen suū,  
 ut ad Gallicam ripam, nondū mutaverat: sed tam ad Septen-  
 trionem, quam medio alveo, Rhenus dicebatur. Postea Lacus  
 illi, in quos Rhenum se ad Septentrionē spargere Plinius in-  
 dicat, una cū vicinis paludibus, deductis fossis, multis in locis  
 exsiccati, eaque Rheni pars, quæ in hæc influebat, intra certas  
 ripas fluere, aggeribus coacta, ISSVLA dici cœpit. Ad hujus  
 dexteram est hodie tot nobilium Equitū patria Comitatus  
 ZVTPHANIAE, qui a paludibus (quas ~~Denen~~ vulgus appellat)  
 nominatur. Peninsula vero, quæ ad sinistram jacet, & ipsa a  
 locis palustribus, VEENAVIA, id est, paludum Insula, corrupto  
 vero vocabulo VELVA vel VALAVIA adpellatur. Verum de  
 his in FRISIA nostra, ubi ad OSTERGOAM, & VVESTERGO-  
 AM, id est, ad pagos Orientales & Occidentales, perventum  
 fuerit,



fuerit, exactius scribemus: declarabimusque quomodo Oceanus crebris tempestatibus actus, excrescens atque exastuans, fluviorum ostia, a veteribus diligenter descripta, confuderit.

Quæ vero ad BATAVORVM INSVLAM pertinent in BATAVIA nostra paucis perstrinximus, licet sint, qui absque ratione, nulla veterum auctoritate muniti, a me in quibusdam dissentiant. Sed candidi Lectoris esto iudicium.

Eos qui VETERA castra, nunc XANCTVM oppidum agri Clivorum dici putant, Cornelium Tacitum oscitanter legisse adparet. Is enim Veterum situm describens, partem castrorum in collem leniter assurgere dicit. Constat autem XANCTVM in palustribus locis fuisse, licet paulatim tot annorum spatio terra altius aut adcreverit, aut adgesta sit. Legitur in vita Divi Victoris & commilitonum ejus, quod corpora eorum in loca palustria projecta sint, quorum ossa meætate, sub fundamento templi Divi Victoris reperta, & Maximiliano Augusto, ob insignem magnitudinem, miraculique gratia, ostensa sunt.

MARARMANIS portus, cuius Ptolemæus meminit, est inter duo fluviorum ostia, Vidri videlicet & Amasis, ergo nullo modo fuit ubi nunc CAMPI, VEENAVICI littoris oppidum est, sed necesse eum est fuisse in FRISIA. Et quum is portus jam nusquam sit, excutiendæ sunt veteres Frisiorum Historiæ, in quibus legitur, quod olim brachium quoddam maris Oceani tutissimum portum magnarum navium fecit juxta arcem MARARMANIS, cuius nomen & ruinæ etiam hodierno die manent. Situs quoque hujus loci omnino cum gradibus longitudinis & latitudinis, per Ptolemæum descriptis, concordat.


De BATAVODVRO, quod Batavice ~~Querst~~at dicitur, distatque duobus plus minus miliaribus ab ULTRAIECTO, in BATAVIA nostra diximus.

F I N I S.

K

ADE-







CORNELII AVRELII  
BATAVIA,

five

*De antiquo & veroque ejus Insula quam Rhenus in  
Hollandia facit situs & laudibus,*

Adversus

GERARDVM NOVIOMAGVM,

libri duo.

Ad

REINERVM SNOYVM GOVDANVM,

Virum Doctissimum & Medicinæ

Professorem.



ADELARDVS AMSTERODAMVS  
 CORNELIO AVRELIO  
 S.

**G**randis Lovanij est contentio inter plerosque doctos, Hollandiam non posse vocari Bataviam. Istud nisi tu refellas & improbes, nemo est qui poterit; ut cui totius Hollandiae reconditissima quæque sunt perspectissima. Nam & huius auctor opinionis Noviomagus te solum veretur, teque unum omnibus Hollandiae doctissimis viris præfert. Cupit amice refellas rationes suas, & cito cupit: quod ni feceris, pudefiam ego, constanter asserens, te ut facillime, ita & verissime posse manifestam eius inscitiam ostendere. Uilbelmum Hedanum Trajecti ad S. Johannis Decanum consule, si opus est, ut huic Gelro, ac proinde non satis Hollandie faventi, resistas. Sed citra calumniam fiant volumus omnia. Erasmus Basileæ agit. Miramur omnes quod tui sincerissimi semper amici & præceptoris nusquam meminit. Vale, & scias nullum te uno mihi chariorem Aureli. Lovanij.  
 Anno M. D. XV.

COR-



CORNELII AVRELII  
BATAVIAE

LIBER PRIMVS,  
quem ipse Auctor inscripserat,  
DEFENSIONEM GLORIÆ BATAVINÆ.

*Bataviam Hollandis nulla ratione præripiendam,  
Historicis argumentis probatur.*

CAPVT I.

**R**Omani, certissime cognito, Britanniam rebellasse,  
(quam sibi olim, sub Caio & Claudio, auxiliariis  
Batavorum cohortibus fecerant tributariam) mox  
communi Senatusconsulto illuc Constantium, Circa an-  
num Chri-  
sti 300. Magni Constantini patrem, legaverunt. Is destina-  
tum sibi munus sagaciter obiens, <sup>a</sup> Angliam tributa reddere a Britan-  
niam.  
cogit, perduellionibus aqua ignique interdictis. Rebus ita-  
que compositis, Insulaque <sup>b</sup> Anglorum recepta, mox lega-  
tus Helenam <sup>c</sup> Cœli filiam (vt eos arctius in fide & officio b Britan-  
norum,  
c Cœli.  
sibi retineret) loco vxoris accepit, quam ille pridem (quod  
se veneno petisset) Romæ occiderat. In hujus satellitio De-  
marchus quidam merebat, ab Athenis exilio relegatus, for-  
tunamque quâqua versus sequens, vir plane armis strenuus  
& prudentia singulari. Qui audita ex commilitonibus in-  
credibili Batavorum probitate, visenda gentis pellectus de-  
siderio, <sup>e</sup> Britannia Staldunum cum suis appulit, vbi Mosa Stael-  
duppen  
fluvius haud procul ab æquore, reducto paululum sinu, quasi  
portum quendam egredientibus mare fecerat. Exploratis  
exul Atheniensis omnibus quæ mox usui fore ducebat, loci-  
que amœnitate captus, & ubere gleba, sedem sibi illic consti-  
tuit. Tum Atticæ religionis memor, aram in honorem Dei  
sui ibidem erexit, cui <sup>a</sup> Monischyros (Vnum fortem dicimus) d Mona-  
chyros,



Monster  
prope  
Nael-  
dijck.

Wogra-  
ben.  
Oude-  
water.

Boel-  
dijck  
terwe.

nomen erat. Cujus adhuc auspicio vicus ille corrupto paululum vocabulo Monastherium vocitatur. Hic oraculum erat omnium quæ tum in Batavia minoreque Frisia stabant longe celeberrimum. Vnde & finitimi omnes huc consul-  
tandi gratia confluebant, & offerentes Deo loci parvulos  
suos, credebant fortiores omnibus evasuros. Proinde exire  
tritum in gentibus proverbium, Fortissimos omnium Bata-  
vos esse, qui Deo Vni forti ab ipsis cunabulis dicarentur. Erat  
ea tempestate inter Bagaudas rusticus quispiam, eo in distri-  
ctu commorans, ubi tum Rhenus Batavorum facto sinu ad  
Veteres tendebat aquas. Huic ovis domestica agnum proce-  
riore forma & corpore enixa est, quam pro ea ætatula par  
esse videbatur. Homo insolita stupefactus specie pecudē Deo  
Monischyro destinat immolandum; ratus sibi Deum illum  
magis magisque propitium fore, si tam insuetum munus ei  
omni ex grege obtulisset. Arripit ille duorum fere dierum  
iter cum matre agni; ne lactis victu proles interim fraudat-  
retur. At ubi ad profanum Monischyri fanum perventum  
est, ilico aruspex (qui tum oraculo præerat) prospiciens edi-  
tum ex ovicula prodigiosæ magnitudinis agnum, suo more  
spiritu abreptus fanatico prælagire cœpit & vaticinari, buc-  
cisque reboare crepitantibus, & ita circumstantibus dicere:  
Quisquis, inquit, omnium vestrum hanc pecudem immo-  
laverit, ejus divinamus gentem genuina fortitudine & indu-  
stria suis semper hostibus superiorē fore. Audiit hoc sacerdos  
qui tum expiandæ hostiæ gerebat officium, & possessorem  
bestiæ alloquens: Vade, inquit, pro septem frugis triticeæ  
spicis in proximum agrum; quoniam non immolabitur hic  
agnus, nisi prius his fuerit sacratiore ritu coronatus. Ru-  
sticus, omnis technæ inscius & commenti, abiit in campum,  
& ne religioni quicquam deesset, spicas haud aliter atque  
jussus fuerat colligit, & in hodiernum usque diem ube-  
re gleba proveniunt. Verum, prius quam ille reverteretur,  
occisus



occisus est fatalis agnus ab ejus incola ruris, qui tum proxime sacrificium stabat. Quibus cognitis, herus animalis, haud parum excandescens, mœstus abiit, matremque oviculam ad ædem Monischyri iratus reliquit, dicens ad loci inquilinum: Qui tuo genio filium immolasti, & matrem pro simili creando foetu in tuam perniciem retineto, hujusque injuriæ Harpocrates noster vindex esto. His ira jurgio dictis, tum mox discessum est. & quod præsul Dei Vnifortis divinando prædixerat, hoc nimirum hac luce clarius ad hunc usque diem veraciter constare videmus. Quanquam enim Batavus uterque fuit, tamen (ut conjectoris veritas comprobetur) simulatque Martis opera opus est, Rhennus semper a Mosano, ut ita loquar, Batavo superatur. His itaque tum historice, tum allegorice prælibatis, tandem quo scopum intendam te nunc facile, mi Reinere, arbitror animadvertere: ut qui minime sinam (quod ad me attinet) Hollandis omnino suam eripi, nedum præripi, Bataviam. Verum enimvero non atra bile, non maledictis, (ut suus plerisque mos est) sed aperta ratione, & veterum dictis, & quidem adeo factis hostem, quisquis est, pie admonitum cupio, totisque eloquentiæ viribus eniti in mea illum reducere castra, & de turbato forsitan benevolum, de suspecto placatum, de æmulo gloriæ nostræ faventem, & de adversante facere mihi propitium & probe consentientem. Plurimum enim ejus eruditioni pariter & religioni deferendum esse quis ambigit? Sancti præterea patres (quorum vestigia exosculando veneror) non probant plurima scire, si ipsum sciendi nescias modum. Omnem quippe scientiæ fructum & utilitatem in ipso sciendi modo constituere. Quid igitur obsecro discis, nisi ut scias quo ordine, quo studio, quo denique fine unumquodque nosse oporteat? quo, inquam, ordine; ut illud prius, quod maturius movet ad salutem. quo studio; ut illud ardentius, quod ad Dei proximique



proximique amorem vehementius accendit. quo denique  
 fine ut non ad inanem gloriam & ostentationem, sed ad  
 tuam potius aliorumque salutem lectio tua proficiat. Quor-  
 sum, rogas, ista? Vt plane quisque religiosus intelligat, parum  
 sibi esse curandum, quod homines inhabitent solum, modo  
 is sibi aliisque sacra eruditione ac disciplina vindicet polum.  
 Non enim, restante scriptura, gentem propter locum, sed lo-  
 cum propter gentem elegit Dominus. nec pluvium facit bar-  
 batus ille Hieronymus, Hierosolymis habitasse, sed ibidem be-  
 ne vixisse summis effert præconiis. Postremo, quemadmo- 10  
 dum Theologis vitio damus si Prophetarum oracula vio-  
 lenter in suum pertrahunt institutum; ita & Historiographis  
 minime conceditur nimia perplexitate, ob similium conso-  
 nantiam syllabarum, veterum gesta depravare; & pro voto  
 aliorum fila præter ordinem suo glomeri intorquere. 15

*Aliam esse Batuam & Bethasiam; aliam quo-  
 que Bataviam & Bethicam.*

## CAPUT II.

20

*Bethica.*

ET quoniam ex rerum differentiis æquivoce distinctis ad  
 certiores earum pervenimus notitiam & veritatem:  
 quantum inter se Batua & Bethasia, Batavia quoque & Be-  
 thica differunt quam paucissimis explicabo. ut vel eo clarius 25  
 ac proinde facilius omnem extricemus errorem. Bethicam,  
 extremum terræ nostro in orbe versus Occidentem novi-  
 mus esse; ubi Europa ab Africa dirimitur. Interjacentibus  
 tamen duabus Insulis, quas Gades (quod in modum sepi-  
 mari circumduntur) appellamus. Primam & quidem ma- 30  
 jorem alij Erythræam vocavere, quod Tyrij eorum origine  
 exorti ab Erythræo mari ferebantur. Alteram, alij Aphro-  
 disiam, nonnulli Iunonis insulam divinarunt. In hujus  
 templo



templo & civitate, quæ Gadium (aliàs Iulia) dicitur, Hercules, ad perpetuam præsentia suæ memoriæ, geminas ex ære octo cubitorum fixit columnas. non secus atque olim Bacchus ad Orientem, Alexander Magnus apud Arimaspos versus Aquilonem, cum se Diis æquare, & cœlestes accersere tentat honores. Hoc unum denique restat, ut ad Meridiem magnus ille Hispaniarum Rex & egregium militiæ decus, superaris Lunæ montibus, nominis sui monumenta relinquat. Nec factu difficile fuerit, brevique auspicandum, modo Christiani (prôh dolor) sanguinis effusione inter Catholicæ fidei Reges satis sævitum esset. Hanc Bethicam a Bethi fluvio, qui Hispaniam & Lusitaniam, nunc Portugalliam, separat, ab incolis Turdetanam regionem, nos Granatam, ubi sedes est regni, dicimus a grano (Græci κόκκον vocitant) quod ibidem copiose proveniat. In quo lanas pulcherrimo tingi colore ostendit Martialis, ubi dicit:

Lib. 12.  
epigr. 100.

*Bethis olivifera crinem redimite corona,  
Aurea qui nitidis vellera tingis aquis.*

Nunc Bethasiam percurramus. Hæc Eburonum & Leodien-  
sium terra est, cis Rhenum ad utramque Mosæ fluminis ri-  
pam sita. Cujus populi carbonum e terræ cespitibus eru-  
endorum avide sunt studiosi, quos pro fabrorum usu Dordra-  
cum, extremum & nobile Belgarum oppidum, actuariis na-  
vibus convehunt. Vulgariter *Bethikers* appellantur. Porro  
Batnam ingredienti occurrit mihi in primis maxima ejuscla-  
ritas, quæ fide & religione nos præcesserit. Hanc enim Mar-  
cellinus presbyter ante Villibrordum ad Christi fidem pri-  
mus convertit: deinde Sanctus Verenfridus novellum in  
Baptismate populum a Vestervordio usque in Vicum are-  
nosum continuis prædicationibus salubriter rexit. qui tan-  
dem innumeris claris miraculis, sanctissimam corporis sui  
glebam deposuit, & in Vlmo quietis suæ locum elegit. Et

Bethasia.

Batna

Sandt-  
wijck.

Elst/prope  
Neomagnum

L

quid



quid de hujus terræ situ dicemus? Mira aëris coelique fruitur clementia; agrum habet frugibus fertilem, pecori bonum, fructiferis fecundum arboribus; fluviis & saltibus, pascuis & lacubus, pro cujusque loci conditione, cultissima; a Rheno Lobeceno usque in Lingam procurrens. Hominum genus 5  
*Lingen,* habet salubri corpore, velox, laborum omnium patiens, tra-  
*fluvius*  
*Gorcomium*  
*intersecans.* stabile, & suo Principi ad extremam usque servitutem inge-  
 nue obediens, convictu facile, fidei in suos & amicitiae tenax  
 & observantissimum: in alienos non ita. Et quid tum am-  
 plius? O nobilis & felix Batua, quæ Romanis Imperatoribus 10  
 præparasti cunabula. In te enim Iulij Cæsaris soror cuidam  
 Principi, Carolo nomine, juncta, Octavianum semper Au-  
 gustum genuit, & Octaviam ejus germanam. Hæc Regi Bra-  
 boni nupta, alterum in Novia (nunc Noviomago) genuit  
*Novia, sive*  
*Noviomagum.* Carolum, cui Imperator avunculus plurimas dedit regiones, 15  
 quibus ad annos ferme nonaginta magnifice præfuit, usque  
 ad ipsa Tiberij Cæsar. tempora perdurans. Is Titum reliquit  
 filium, qui Rex in Germania Vespasianum genuit Imperatorem.  
 Quid multis? Ea tempestate qua Carolus regnabat septimus  
 (ut plurima interim transeam) venerunt ex Pannonia in Ger- 20  
 maniam Sicambri, anno salutis nostræ CCC LXXX. sub Im-  
 peratore Gratiano, a quo a Angesifus huius Caroli filius Ro-  
 mam deductus, & iterum dimissus, a S. Martino Turonum Epi-  
 scopo baptizatur. genuitque Carolum octavum, Brabonem,  
 & Veraiam filiam; quæ Haymoni nupta Rhenano Principi 25  
 quatuor genuit filios. quorum memoria universoni orbi cele-  
 berrima est, & ad præsens usque Haymonis filij vocitantur.  
*De vici*  
*Haymonis*  
*hinderen.* Horum minimus nomine Adelbertus omnia bona sua Ec-  
 clesie S. Petri in Corbia contulit. alter autem nomine  
 Reynaldus in Colonia Agrippina tandem martyrio affe- 30  
 ctus, nunc Tremonie quiescit, multis coruscans miraculis.  
 Quid ad hæc vos dicitis o Batavi? Anne hæc vobis sufficiet  
 gloria, nisi etiam ab aliis falso vobis eam vindicetis? Sinite,  
 obse-



obsecro, Batavos, vel arma cohortesque suas non sine gloria Imperatoribus illis administrare, quos vobis datum est in lucem edidisse. Contenti igitur vestra estote gloria. quorum nimirum honoris demum ac tantus est, ut alieno colore seu fūco non egeat, neque aliquando cumulator fieri possit. Verum ut ad Christi fidem redeam (inde enim divertit oratio) nonne vobis præ omni natione quæ sub cœlo est desuper datum est illum Christianorum hostem acerrimum Simonem Godefridum Normannorum Ducem occidere? quem ne Francorum Rex & Imperator cum omnibus suis potuit ab immani totius Europæ vastitate, jam urbibus everfis, templisque Sanctorum incensis, cohibere? Hunc enim a Frisia revertentem (qua tum a Gallorum Rege in dotem neptis donatus fuerat) vos soli cum multis Danorum millibus interemistis? & in Batua vestra tandem permissione divina Christianorū vindicatus est sanguis, quem ille crudeliter per totum fere orbem effuderat. Qui ergo gloriatur, in Domino gloriatur. Nec opus est cavillosis & distorte complexis veterum commentatorū auctoritatibus, ab aliis gloriam haud secus atque clavam ab Herculis manibus extorquere. Sua quemq; liberaliter sequitur manetque gloria. Attamen Batua plurimum a nostra differt Batavia. Non enim illa a VVali dum a Mosa excipitur secundū Cæsarem incipit, neque Cattos sibi habet finitimos, neque Caligulæ speculam, neque Oceanum in fronte, marisque æstuarium, quamquam suo illam diluvio pelagus non semel invasit atque diripuit. Plurima apud veteres etiam Prophetas legimus, quæ huic nostro tempori & locis poterunt ut sonāt haud immerito coaptari. Dicit enim Esaias: Ite angeli veloces ad populum terribilē, post quē non est alius, cujus diripiunt flumina terrā ejus. Terram quā diripiunt flumina ejus, si ad sola respicimus verba, recte Hollandiam intelligimus. Nam lacus ipsi (propter frequentem maris incursum) quos in visceribus habet, ultra centum jugera agrorum

*Simonis  
Godefridi  
cades in  
Batua.*



quotannis sua alluvione diripiunt, devorant & consumunt. Ad stipulabor itaque ex verbis Prophetæ, Hollandos populum esse terribilem instar leonum, ubi vel semel fuerit provocatus, cujus terrorem & fortitudinem non Damiata modo, verum etiam ipsi Romani & Britanni sapius experti sunt. Verum longe distat hæc a sensu Prophetico tam scrupulosa interpretatio. Iudæorum enim populum Prophetæ his exprimit, qui erat terribilis imo & terrori omnibus propter miseriam & calamitatem quam sustinebat, & post quem non est alius populus scilicet miserabilior. cujus terram flumina, id est impetus militum, nunc ex Ægypto, nunc ex Babylone venientium, diripiunt, hoc est prædantur & devastant. Incongruum igitur & insolens est huiusmodi captiunculis curiosius intendere, & veterum sententias aliter atque deprompte sunt incrustare.

*Accuratissima Rheni qui a tergo Bataviam alluit descriptio; qua examussum & evidenter Bataviæ situm in longum & latum cognoscere possumus, secundum Cæsarem & Tacitum.*

## CAPUT III.

*Batavia  
descriptio.*

*Rhenus.*

NE igitur libera nonnullis errandi detur occasio, ipsam Bataviam ante omnium oculos depingemus; modo perennem Rheni decursum prius descripserimus. Rhenus itaque, inter tres maximos Europæ fluvios deputatus, de Rheticarum Alpium jugo usque in Oceani profunda cursum dirigit; Romanis olim memorandus contra feras gentes Imperij murus. Hic diversas alluit regiones, donec variato sæpius nomine, perpetuo decursu mari magno illabitur. qui & diversa diversarum partium flumina in se excipiens, evomit secum in pelagus, quo ipse tendit. Porro ubi Duisburgus appropinquat,



quat, in geminos se rivos dividit. Vno (Iselam dicunt) alluens *Isela,*  
Bronchorstium & Zutphaniam, Daventriamque & Harthe- *Isel.*  
num, apud Campium civitatem maritimam in fretum ten-  
dit Austrinum. Altero (nonnulli Lecam vocitant) Huf- *Leca,*  
senum præterlabens & Malburgum, alluit Arnhemum & *de Lecke,*  
Oisterbecum, V Vagenum, & oppidum Rhenum, Doresta-  
dum quoque. Et a nunc tandem Belloportum (Schoonha-  
viam dicimus) donec in Mosam refusus mare subintrat. Verū  
alia ex parte Novesium deferens & Iuliacum, ubi Novioma-  
gum attingit, V Valis dicitur, usque ad dum venias Loveste-  
num. Qui deinceps Mosa dictus, aut si mavisa Mosa exceptus, *a nunc,*  
Lecamq; deorsum, & Goudanū Iselam, Romani impiam, in *quia olim*  
fereci piens, ad Oceanum æque decurrit. Ast iusto hic forsitan *non, ut pa-*  
spatio, & quidem cis Dordracum Mosam deducuntibus, de- *tebit ex se-*  
scribendū nobis fuerat præcipuum Rheni brachium (Plinius *quentibus.*  
Helinū vocat) quo plures Selandiæ efficiens Insulas, tandem *VValis,*  
prope V Valachriam Oceano cōmiscetur: nisi dumtaxat no- *de Wael,*  
stri esset propositi, quod ad solius nostræ Bataviæ situm attinet *Love-*  
demonstrandum. Hac itaque multivaga Rheni præmissa in *stein.*  
pelagus decursione, nunc ad incepta revertamur. Igitur ubi  
V Valis fluvius desinit, ibi, Iulio teste, nostra Batavia incipit.  
Hunc locum nunc Goricum civitas, quam & celebriorem ef- *Helinum*  
ficat amplum D. Martini collegium, & arx munitissima, per- *præcipuum*  
petuum <sup>b</sup> Caroli primi Comitis nostri monumentum. Hic *Rheni bra-*  
principium Batavorum olim fuit, ad V Valim scilicet & Lin- *chium.*  
gam. præsidium sane quam munitissimum regni que prin-  
cipium, de quo Theodericus, primus Catholicæ fidei Co- *Goricum,*  
mes, quem Carolus Calvus tum his terris præfecerat, <sup>c</sup> Da- *b Theo-*  
corum monarcham, qui jam pridem omnia in circuitu va- *derici,*  
staverant, potenti manu eiecit. Ab hoc præterea loco ripa *Theoderi,*  
tenus Batavia nostra progrediens, Dordracum (Belgarum, *cus primus*  
alii Slavorum, oppidum) in vltiori Mosæ alveo relinquit, *Comes Ca-*  
& transitis deinde Lecæ Iselæ que faucibus, usque in Roterod- *tholicus.*  
damum, *c Dano-*  
*rum mo-*  
*narchia.*  
*Dordraci.*  
*Roteroda-*  
*rum.*



damum, Erasmi nostri (optimis terrarum religione & doctrina notissimi) cunabulum, protenditur. A quo, eodem in aggere, Delphicos invisens portus, opus mirabile & sumptuosum, Sciedamū, Vlardingumq; pertransit. Postremo, Brielli peninsula e prospectu a longe consalutata, Staldunum cum Mosa flumine tandem intrat. Porro ubi Mosa Oceano miscetur, nostra nihilominus Batavia contra achorum ad Septentrionē procedens, & a pelago in fronte excepta, usque ad torrentē (qui marinis e collibus distillans, sacrum in Haga Comitum pręsecat lucum) plurimis circumvallata terrarum tractibus procurrit, ibiq. finem habet ac desinit. Batavis mox Catti sunt finitimi, qui hinc usque in Sacrę domus torrentē transeunt. His modo V Vassenarij Heroēs absolute imperāt, ex Claudio Civile & Cereale trahentes originē. Cattos sequuntur Caninefates usque in Alcmariam, quibus a Verona olim civitate maxima accedunt Frisij & Frisiabones, usque in mare Fresonicū. Hęc quinarya partitio, quę apud Plinium Tacitumq. celebratur & legitur, totā nunc Hollandiam cōplectitur. Verum ad nostrum ut revertamur institutum, Batavos & Cattos, auctore Tacito, mare ipsum a fronte alluit, ut supra diximus, & Rhenus a tergo excipit, in hunc maxime modum quem nunc ponemus. Itaq; Rhenus ille magnus Germaniæ fluvius, olim a Rheno oppido, Rhenani Regis basilica & habitaculo, prope Dorestadum (alij Batavodurū) civitatem maximam & quinquaginta duabus Ecclesiis ante Danorum incursiones celeberrimam, solito cursu (Rhenus inquam) descendebat, versus Arcem Antoninā, barbaris V Viltiburgū, nobis Trajectum, Ptolemæo Navaliam, quod illic navium statio erat in trajicendis mercibus quę ex mari advectę fuerāt. Deinde V Voirdenum, Svameredamum, Rineburgum, Arcemque Romanorum alluebat. Inde mox gemino dispartitus gurgite Leidas pertransiens, tandem in Oceanum apud Cattos ibat. Omnia igitur loca, civitates, vici, & paludes, (ut breviter curram)

**Delfs-**  
**haben.**

**Stael-**  
**dupnen.**

**a Corum**

*Haga Co-*  
*mitis.*

**Cattwijc-**  
**ken.**

**Hille-**

**chammer**

**beech,**  
*prope Har-*  
*lemum.*

*V Vassenaria*  
*domus ori-*  
*go.*

**Aene-**  
**miers.**

*Verona.*

**West-**

**Friesen.**

**Noort-**

**Hollan-**  
**ders.**

**Water-**  
**landers.**

*Dorestadū.*

*Traiectensis*

*urbis varia*

*appellatio-*  
*nes.*

*Leida Lei-*

*darū, sicut*

*Athenę,*

*propter ho-*

*norificentia*  
*tanta civi-*  
*atis.*

5

10

15

20

25

30



ram) quę in fronte a VVali & Mosa marique usque in Cattos alluuntur, Batavorum sunt. Et iterum quicquid terrarum a Dorestado Rhenus in tergo usque in Cattos juxta completitur, vnanimi omnium Historicorum sententia Bataviam constituit, quam nunc maxima ex parte, haud injuria Hollandiam, alij Holtlandiam dicunt; quod olim tota fere sylvestris *Holtlandia.* fuerit & nemorosa: Sic enim veterum Comitum literę aureis obsignatę sigillis, quas ex venerabili domino Menardo Abbate Hecmundensi & primate nostro olim accepi; qui eas legit, & in sacrario Cœnobij sui reconditas habet. qui etiam earum rerum, quę patriam suam (Hollandus enim est) illustrare possunt, quam maxime studiosus existit; bonorumque omnium ac perinde literatorum liberalissimus fautor & patronus. vir sane integra fide, integriori doctrina, integerrima religione. Cujus (ut verum fatear) ejusque Monasterij haud immerita præconia in eo libello, mi Reinere, inveneris quę De Hollandiæ nostrę illustribus viris & locis inscripsimus. Nunc ad nostram Bataviam, vnde excessimus, pedem referamus. Igitur ne meis dumtaxat verbis fides adhibeatur, nec illis perinde atque Apollinis oraculo stetur, vetustissimorum testimoniis auctorum singula comprobabo.

*Bataviæ verus situs. eamque maxima ex parte ad Hollandos pertinere, probatissimorum auctoritatibus scriptorum irrefragabiliter & evidentissime demonstratur.*

## CAPUT IIII.

REctius nihil unquam apud Historicos agi posse Tullius ipse definit, quā ut stabiliendę veritati veterum adducāt testimonia. Hoc enim hominibus potissimum innatum esse cognovimus, ut veritatē vel ipsa instigante natura fideliter inquirent. quam etsi per se minime possunt invenire, consulunt nihilominus sapientes; ut saltem eorum vestigiis inhærendo, veritatem ipsam præclarius investigent. Horum equidem provocatus exemplo, & ut apes solent singulis insidere floribus



floribus, & inde quæ ad rem suam conducit colligere: haud  
 aliter, quanquam librorum mihi curta supellex, indagandæ  
 veritatis causa & intuitu, receptorum dicta scriptorum in me-  
 dium adducam. Virtus enim intellectualis (si quid Philoso-  
 pho creditur) augmentum habet ab experimento & tempo-  
 re. Illi ergo in dubiis sunt nobis potissimum consulendi, qui  
 vel exercitio vel senio plurima cognovere. Ad hoc etiam  
 nos suo in Cantico Moses hortatur, dicens: Interroga patrem  
 tuum, & annuntiabit tibi; majores tuos, & dicent tibi. Igitur  
 Hollandiam Romani longa ante Christi tempora Bataviam, 16  
 quod profunda & infera videbatur, vocitabant. Nam Batavia  
 insularis est provincia, bicorni Rheno conclusa, qui utraque  
 ex parte se Oceano immergit. Hoc ipsum & Iulius Cæsar  
 quæ maxime affirmat; qui in Commentariis ita scribit: Mosæ  
 ex Vogeso monte profluens, in finibus Lingonum, qui sunt 15  
 in Galliis supra Helvetios (ne omnino verbis ejus teneam) &  
 quadam parte Rheni receptus, quæ VValis dicitur, Insulam  
 efficit Batavorum: neque longius ab Oceano millibus passu-  
 um octuaginta in fretum influit. Hunc quidem locum omnes  
 qui in Cæsarem scripsere commentatores interpretantur 20  
 de Batavis qui nunc Hollandi appellantur. nec injuria, ne-  
 que absurde. Si enim hos Iulij passus in nostra milliaria redi-  
 gere voluerimus; procul dubio vndecim circiter constituent.  
 Quod profecto spatium a Gorico civitate, ubi VValis desinit,  
 usque in Oceanum, justo resultat calculo. nisi quod assidua 25  
 forsitan maris alluvione non nihil terrarum a Cæsaris nume-  
 ro nunc videas diminutum. Bataviam igitur recte dicimus,  
 teste Iulio, ibi incipere, ubi VValis in Mosam decurrit usque  
 in Oceanum, per octuaginta passuum millia. Bataviam ita-  
 que affirmant Hollandiam esse, longe discrepantem a Betua, 30  
 sive Batua, quæ Sicambrorum hodieque est; & a Bethasia,  
 quæ Eburonum est, cis Rhenum ad utramque Mosæ flumi-  
 nis ripam; de quibus supra satis meminimus. Quidquid ergo  
 terrarum

Lib. 4.



terrarum brachio Mosę in fronte, ubi V Valim excipit, & brachio Rheni a tergo prope Dorestadū interjectum protenditur utrinq; usque in Oceanum, Batavia est. At non continuo omnem Hollandiam dixerim Bataviam; neque rursus omnē Bataviam esse Hollandiam. quandoquidem & pars Trajectinæ diœcesis, nec forsitan minus Geldriæ. si quid ad eam pertinet quod a Mosa juxta Goricum protrahitur, vsque dum venias Dorestadum, ubi Rhenus a tergo Bataviam alluere incipit. quod profecto in singulis Hollandia non est. Ad horum omnium astipulationem Raimundum Marlianum, virum eque præclarum & haud vulgariter doctum, adducimus, ita scribentem in Indice Commentariorum Cæsaris, & maxime earum rerum quas ad cognitionem urbium, fluviorum & locorum invenit: Batavi, inquit, populi sunt inter Belgas. Nam Mosa flumē qua parte ex Rheno, fere ab Oceano octoginta millibus passuum, fluit, qui V Valis appellatur, Batavorum efficit Insulam. Hi hodie Hollandi vocantur, diœcesis Trajectensis, propinqui Frisiæ, & Ducatui Gelriæ, suntque mari Oceano finitimi. Cui profecto sententiæ accedunt recentiores quidam, sed viri æque doctissimi, Ioannes Tortellius, Beroaldus, Raphael Volaterranus, & noster Gaguinus. Quocirca obsecro hic nobis paulisper subsistere liceat, & hac ipsa luce clarius demonstrare, quam absurde illi desipiant qui Batuam pro Batavia intelligi volunt. Sed observandum huiusmodi fuerat, teste Quintiliano, ne id quod similitudinis gratia adscire nituntur, aut nimis obscurum sit, aut ignotum. Batuæ enim principium ibi temere ponunt, ubi ferme ad quatuor milliaria V Valis nondum a Mosa excipitur. numerumque Cæsaris, quo octoginta passuum millia colligit, causantur esse depravatum. Verum hoc illis pro tam brevi spatio ingenue condonaremus, si non omnes Geographi (sive Ptolemæum, Dionysium, sive Pomponium cites, aliosque innumeros) describerent singulas terrarum nationes



ibi desinere, ubi magis magisque Oceano appropinquant. Omnes quippe fluvij ad mare magnū veluti in antiquum chaos & matrē aquarum omnium relabuntur. Rursus ibi terrarum ponuntur initia, ubi remotius a mari dispariantur. At nescio qua isti temeritate hoc inferre & in caudam (vt cum Propheta loquar) quod illi super e in caput locitant. Rectius igitur Iulius auctoresque ceteri nostram statuerunt Bataviam, qui eam ibi asserunt incipere ubi VValisa Mosā excipitur, & inde in Oceanum vsque per octoginta passuum millia in fronte protendi. & in tergo quoque a Rheno exceptam, tandem per centena passuum millia, prope Cattos æque in mare deduci. Venum enim vero hunc protinus adversarij nodum rum-  
 pentes, novam sibi concinnant technam, & aliud (ne Geographis, vt diximus, adversentur) Bataviæ suæ quærētes principium, Plinij centenarium in passibus numerum congeminant, vt Lobecam saltem pertingere detur, ubi manufacto Mosā alveo VValim incurrit, hicque Bataviæ suæ initium  
 nituntur reponere. Porro hi Cæsaris verba atque sententiam haud recte videntur trutinare, qui proculdubio ibi fatetur Bataviam incipere, non ubi Mosā VValim, sed ubi VValis Mosā influit. Credimus vel tandem nunc illis ista sufficere, qui nostrā Bataviam facere suam enituntur. Sed littus arant, laterem abluunt, frustra que laborant; nisi forte aut novam sibi creare volunt aut somniare Bataviam. novum præterea effodere pelagus in quod se Rhenus exoneret. novam in<sup>a</sup> aspera aut alibi properabunt forsitan erigere Pharum, quæ navigantibus suis per noctē inserviat facibus. Hæc modo de Bataviæ nostræ solum dixerimus fronte, qua per Mosā in Oceanum deducitur. quid si ad tergum ejus pergamus, quod Rhenus alluit? Vbinam, obsecro, hi Batuvani reponent sibi Dorestadum, olim civitatem Batavorum maximam? ubi Trajectum, Arcem Antoninam, & nunc Batavorum metropolim, nostrorumque sedem Pontificum relinquent? ubi denique (vt interim

<sup>a</sup> Forte  
 Aspera.  
 Asperem.



interim interiora ejus viscera, Veteres scilicet aquas, Bello-<sup>Oude-</sup>  
 portum, Goudamque meam, & Delphos transeam) tot pro-<sup>water.</sup>  
 pter Rhenum vicos arcesque sitas, & Arcem Romanorum,<sup>Schoon-</sup>  
 grande Neronis opus. Igitur aut hæc quæ recensuimus loca in<sup>haben.</sup>  
 sua nobis quam somniant ostentēt Batavia; aut certe suo erro-<sup>Room-</sup>  
 ri probe consulentes, in nostra hæc omnia nobis relinquant<sup>burg.</sup>  
 mirenturque Batavia. At de his hæcenus. Mavelim equidem  
 nostra ingenue defendere, quam aliena satyrice refellere.  
 Neque enim hoc nostrā decet ætatē, neque vitæ institutum.  
 Omissis itaque hic blateronibus & plagiaris, cupientes bene-  
 volis atq. amicis (quo ad ejus per nos fieri potest) haud segni-  
 ter satisfacere, alterum in rem nostram producemus testem,  
 itemq. & tertium, ut nihil ambigui relinquatur. Accedat igitur  
 Cæsari Plinius ipse; cui merito adhibenda fides, quod Ro-  
 manæ classi præfectus nostra fere flumina enavigavit, & res  
 Germanicas viginti & amplius libris descripsit. Si tamen ve-  
 rustissimus codex, quem Parisijs apud Victorinos legi, non  
 exorbitat. Is præterea Plinius est, quem qui non legit, cen-  
 setur indoctus: qui lectum fastidit, indoctior: cui deni-  
 que non sapit, indoctissimus. Nec omnino in tanta lite-  
 rarum jactura naufragamur, quamdiu nobis superstes est  
 Plinius. Is itaque talis tantusque auctor ita de nostra scribit <sup>Lib. 4.</sup>  
 Batavia: In Rheno autem ipso, inquit, prope centum mil.<sup>cap. 15,</sup>  
 lia passuum in longitudine est nobilissima Batavorum In-  
 sula, & Caninefatum, & aliæ Frisiorum, Caucorum, Frisia-  
 bonum, Sturionum, Morsaciorum. quæ quidem Insulæ  
 sternuntur inter Helinum & Flevum. Ita appellantur  
 ostia, in quæ effusus est Rhenus, ab Septentrione in La-  
 cus, ab Occidente in amnem Mosam se spargit, medio in-  
 ter hæc <sup>a</sup> Choro modicum nomini suo custodiens alve-<sup>a Alij,</sup>  
 um. Hæc Plinius. Cui e vestigio, priusquam aliis distra-<sup>Chorum</sup>  
 hamur, Cornelium Tacitum jungemus, nostram in hoc <sup>versus,</sup>  
 veram Bataviam describentem: Batavia, inquit, Insula <sup>alij, ore.</sup>  
 quam <sup>Historiarū</sup>  
 M 2 <sup>lib. 4, 2</sup>



*Caninefa-  
rum caput.  
Herlemum  
Bacchi  
neg.*

quam mare Oceanum a fronte, Rhenus amnistergum ac la-  
tera ejus circumluit, & tempore hyemali aquis obtegatur.  
Quibus ex verbis hoc breviter citra omnem injuriam infer-  
re possumus, ut si qui nobis Bataviam præripere gestiunt, do-  
ceant in primis necessum sit, Caninefates sibi esse finitimos,  
urbemque ipsorum nominatissimam, & ipsis etiam Ægyptiis  
atque Heliopolitanis formidatam; Herlemum nunc dicunt, 5  
olim Bacchi sylvam vocitabant. Deinde ut inter duo Rheni  
ostia (Helinum dicimus & Flevum) demonstrent sese conti-  
neri. Postremo, nihilominus in fronte ab Oceano se ablui,  
æque nobis declarent. Sed quoniam hæc omnino præstare  
non possunt, quia neque Caninefatibus sunt proximi, ne- 10  
que Helino complectuntur & Flevo, neque ab ipso mari af-  
fluuntur, nobis cum pace Bataviam quæso relinquunt. Nisi  
forte ingenita sibi pertinacia dicere pergant, Hollandiam  
prorsus olim terram non fuisse, sed nuper novam cum cate-  
ris prodigiosæ eruptionis insulis e pelagi visceribus emeruisse. 15  
Verum hanc ipsorum hallucinationem, scotoma, & vertigi-  
nem facile medicabimur, si, qua ratione olim Rheni cursus  
apud nos sit obturatus, in medium adferamus. Omnis enim  
contentio eorum & controversia eatenus tendere videtur, &  
alibi Bataviam querere: quatenus non aspiciunt nos in ter- 20  
go, ut olim, a Rheno allui.

*Pluri-*



*Plurima temporis morbo ita ab hominum obliterari memoria,  
ut ne illa quidē olim fuisse certo constet. De ostio Rheni ob-  
turato, ubi primum nostram Bataviam ingrediebatur.*

*De Arce Britonum in Catuvico excisa. deque ejus-  
dem telonio in Leidas translato, cum omni-  
bus emolumentis et juribus ad usum*

*Principum Cattorum.*

## CAPUT V.

**I**nnumera possemus super his adferre testimonia, quæ no-  
stram nobis jure Bataviam restituunt. Sed quoniam hæc  
satis e re nostra, & benevolis credimus sufficere, ad viciniore  
nostræ ætati tempora descendere properamus, & Rheni no-  
stri alluvionem haud temere obturatam recitare. Meatum  
itaque fluminis Rheni, qui ab oppido Rheno propter Dore-  
stadum a tergo nostram Bataviam usque in Oceanum per-  
petuo decursu alluebat, hoc modo obstructum esse haud se-  
mel ex vetustissimis Trajectinorum Chronicis legimus.

Tempore enim Hungeri (qui vndecimus a V. Villibrordo præ-  
sidebat Episcopus) cum Dani, juxta Sancti Frederici prophe-  
tiam, Trajectum totamque Hollandiam hostiliter devastas-  
sent, visæ sunt in coelo stellæ inter se concurrere, fulgura Io-  
visque tela acrius stridere; flumina supra modum augeri &  
excrefcere. quod utique non tantum ad præsens damna in-  
ferre, verumetiam & aliqua significare futura Isidorus testa-  
tur. Quid multis? tanta Circio diuscule flante facta est ex  
Catuvico versus Leidas maris inundantia, ut ad Trajecti  
mœnia pisces marini caperentur. Sursum quoque Rhenus  
tum grandi pridem nive peractus, veterem secum Jordanis  
adducens tragoediam, conversus est retrorsum. Qui, dum  
(concertantibus invicem aquis ventorum violentia) in mare



Oude-  
water.

Wianen.  
de Leekie.

descensum non haberet, omnem, propere egressus ripas, invadit continentem. mox pecora involvens & homines, tristem ubique sui excursus relinquebat imaginem: ita ut etiam ipsa Sicambrorum Batua Deucalionis seculum lugeret innovatum. Tum arbores sylvæque propter marini gurgitis falsedine arefactæ, tandem effractis viribus, ventorū turbine sunt disiectæ. Quas ad hanc quoque diem vidimus apud Veteres aquas alibique e terræ visceribus erui, & cuneis in scissas farciendis domorum tectis regulatim coaptari. Hoc igitur malo afflictī, & animo consternati omnes qui circumcirca morabantur, Batuani scilicet & Trajectini, Batavi quoque & Hollandi, sibi posterisque suis de majore periculo provisuri, deliberato diu censuere decreto, ut ab urbe Dorestado ab utraque ripa, modici amnis a Rheno deorsum Viennam versus stillantis (Lecam dicunt) aggeres construerent, & in eos effossis ruderibus, manufacto meatu, Rheni fluentia deflecterent. Quod & unanimi studio, ardentique opera, & plurimis denique impensis pro communi utilitate elaboratum est, & efficaciter absolutum. Qua ex re quoniam & ascendentibus e pelago nautis, & rursus e Rheno descendantibus in mare, commodior via, & quidem compendiosiore tractu, adolevit. paulatim prior ille meatus Rheni, tum pridem interceptus & obstructus, adeo cum tempore evanuit, ut ibi jam boves pasci videas, ubi olim (maxime inter Dorestadum & Trajectum) videre licuit natant carinas. Ita Rhenus & nomen apud nos & flumen amisit. Quamquam desuper VVoirdenū, Arcemque Godefridi Præsulis, tenui alveo, deinde paulo effusiore Leidas subintrās, jam prope Rynsburgum, haud procul a Regali sacrarum Virginum Abbatia, facit stationem, quod dudum superne obstructo eius antiquo meatu, scopuli etiam in Catvvyco, ubi pelago influebat, redintegrati sunt. Et ne hoc quidem solum a nostra sublatum est memoria, verum etiam Pharus illa & turris speculatoria, quam in littore Oceani prope Cat-



pe Catvvyum olim Caius Caligula Romanorum Imperator posuerat, ut per noctem, facibus incensis, navigantibus inserviret, ita prorsus evanuit, ut ne illam quidem olim ibidem stetitisse jam credamus. Et quid est in universo orbe quod non oblitteret vetustas, aut temporis morbo intereat, si non literis commendetur? Verum longe alia hujus Phari destruendæ visa est ratio, atque adeo sine omni utilis detrimento & honesta, ut ne possessori quidem doleat eam amisisse. Nam, ut paulo altius repetā, hanc Arcem a Romanis Imperatoribus post Caium Caligulam & Claudium, Julius Paulus & Claudius Civilis fratres possidendam acceperant; quod hi patre quidem Batavo, sed matre Romana essent progeniti, majorū suorum more bicornis lunæ signum in armis deferentes. Hi igitur horumque posterī, ex hac Arce Britonum (ita appellata quod ab ea facillimus in Britanniam ex opposito esset transitus) piraticam exercentes, vectigalia ab omnibus Rhenum intrantibus & exeuntibus accipiebant. Sed ne ista quidem sufficiens fuit Arcis diruendæ causa & occasio, quoniam non suis sed dumtaxat alienis hæc gravamina imponētes, patriam fortiter præclarisque facinoribus defensabant: ita ut a tam apud Danos omnesq. maritimas nationes haud ignaviter celebres haberentur. Si quid enim apud finitimos super negotiis pelagi natum esset quæstionis, aut quoties in commune consulto opus erat, ad istos qui tum Arci præsidebant legati mittebantur, contempto Bataviæ omnisque minoris Frisiæ Domino & Comite. Quod moleste satis ac ingrato animo ferēs Comes, quia nullius apud exteros pretij haberetur, Dominū Vassenarium, Cattorumq. Principē, qui tunc Arcem regebat, accersiri ad se jubet, sortemque suam apud illum deplorans, petit juri sui & Arci lubens ei cedere, & in Burggravium Leidsensem Præfectumq. cum solitis Rheni vectigalibus eum constituit: traditq. Castrū quod ibidem bicorni gurgite Rhenus circumfluit, opus quidem rude & sphericum, sed munitissimum.

Julius Paulus & Claudius Civilis fratres.  
Brittenburg/ sive Britten.

a tum.

Heronum Vassenarium auctoritas & dignitas.

de Burg tot Lepa den.



mum, si defensorem habeat. Tanta insuper est porrectum ad  
 coelos altitudine, ut omnibus civium tectis facile superemi-  
 neat; habensque subinde, quaquaversum velis, prospectus  
 aptissimos. Intra hujus ambitus puteus est mira profundita-  
 te, raram tamen continens aquam, sed dulcem & limpidissi-  
 mam. de quo inaudita & incredibilia fabulantur. In planitie  
 vero & circuitu (quo ad utrumque Rheni brachiolum oper-  
 tus est transitus) fructiferis consitum est arboribus & vine-  
 tis, ut alteram non desideres Paradisum. Hanc modo Arcem  
 dominus meus & amicorum sincerissimus Petrus Brunus,  
 Canonorum Sancti Pancratij Decanus, vir singulari erudi-  
 tione & doctrina, legumque & canonum longe peritissimus,  
 ad suas suorumque delicias sub annua excolit pensione. Hæc  
 igitur, ut dicere cœperam, Castrorum commutatio, & nostri  
 Comitis provida concessio ad hunc usque diem jure hæredi-  
 tario Heroibus Vassenariis perseverat; & perpetui omni-  
 um quæ per Rhenum importantur portitores sunt instituti.  
 Tanti suam Comes patriam habuit, ut & aliis omnibus post-  
 habitis ejus gloriæ consuluerit, & vasallo suo nihil emolu-  
 menti ademerit. Porro obfirmatis sigillo pactis, Castrum il-  
 lud apud Cattsos (Arcem Britonum dicunt, quod ab ea dire-  
 ctus in Britanniam erat transitus) mox dirui Comes jussit:  
 & pristinam apud externos nostra suscepit Batavia dignitatem,  
 notitiam, & honorem.

*Veterum verbis, auctoritatibus, & dictis facta & opera sub-  
 junguntur, ut qui verbis nolint credere, vel operibus ipsis  
 credant, quibus Romani irrefragabiliter attestantur  
 Bataviam quam maxime Hollandorum esse.*

## CAPUT VI.

O Peræpretium nunc esse arbitror, Reinere virorum o-  
 mnium candidissime, his veterum auctorum testimo-  
 niis & verbis opera ipsa & facta conjungere; & Romanorum  
 monu-



monumenta in medium adducere, quibus nostram, atque adeo nostram illustrarunt Bataviam, ut alteram nemo qui vel hominem agit cupiat investigare. Quibus nimirum hac ipsa luce clarius poterit cunctis irrefragabiliter elucescere, Batavi-  
 5 am ipsam non Sicambrorum, sed quam maxime Hollando-<sup>Batavia  
Hollandorū  
provincia,  
non Geldre-  
rum.</sup>rum esse provinciam. Videre enim mihi videor, nonnullos ea comparatos esse natura, ut ipsis etiam Iudæis reperiantur  
 10 duriores, qui absque prodigiis & signis non coluere Deum. Accipiant itaque hi signa evidentissima, & in rem nostram atque sententiam venientia, quæ hodie extant, & cernuntur,  
 15 quæ quotidie compaginantur, & leguntur; ut si non Historicorum verbis, certe ipsis fidem adhibeant factis, & lapidibus insculptis; per quos ipsi Romanorum Cæsares nos credere compellunt, partium Hollandiæ Bataviam esse. Anno  
 20 igitur salutis nostræ supra millesimum quingentesimo secundo inventa sunt obiter aratro humum proscindente, pro-<sup>Antique  
inscriptio-  
nes in Ba-  
tavis anno  
1502 eru-  
ta, tot  
Roomburg.</sup>pe Leidas ad iactum sagittæ ab ipso Rheno, vetustissima Romanorum monumenta, grandibus insculpta saxi, cum circumferentia ad quadrum & fundamentis magni Palatii. Cuius sane muri senos in latitudine, ducentos in longitudine  
 25 pedes habebant; & in singulis ejus quadraturæ angulis singulas opere sphaerico miræ amplitudinis turres. Inter cætera, ut breviter curram, hujus Romanorum Arcis ruinosa, & plurimas forsitan fide majores reliquias (si oculi fallerentur) duo præcipui & grandes inventi sunt lapides, qui Romanis inscripti characteribus hoc continebant:

Scriptura sculpta in primo lapide:

SEVERVS. PIVS. PERTINAX. AVG.  
 30 IMP. TRIB. POT. VIII. IMP.

Hoc est:

Severus Pius Pertinax, Augustus Imperator, Tribunitia potestate, octavum Imperator.

N

Alia



Alia scriptura:

AVG. PIVS. PONT. MAX.  
P. L. SEPTIM. SEVER.  
COH. XV. VOL. P. P.

Hoc est:

*Augustus Pius Pontifex Maximus Publius Lucius Septimius Severus Cohortis quintadecimæ Volusianæ, aut Volscorum.*

Sculptura &amp; scriptura secundi lapidis:

IMP. CAES. L. SEPTIMIUS. SEVERUS.  
AVG. ET. M. AVRELIUS ANTONINUS.  
CAES. COH. XV. VOL. ARMAMEN-  
TARIUM. VETVSTATE. CONLAP-  
SVM. RESTITVERVNT. SVB. VAL.  
PVDENTE. LEG. AVG. PR. PR. CV-  
RAN. CAECIL. BATONTE. PRAE.

Hoc est:

*Imperator Caesar Lucius Septimius Severus Augustus, et Marcus Aurelius Antoninus Caesar, Cohortis quintadecimæ Volscorum, (vel Volusianæ,) Armamentarium vetustate conlapsum restituerunt, sub Valerio Pudente Legato Augustali, Praefecto Prætorio, curante Cecilio Batonte Praefecto.*

Mirum itaque si non miremur tantam Romanorum erga Batavos societatem, gratiam & amorē; apud quos non obstantibus tot terrarum spatiis, tanto suum Armamentarium labore opera, & impensis instaurant, curante Cecilio Batonte Batavorum Praefecto. Quæ quidem reparatio, si diligenter rem & tempus inspicere volumus, facta est sub Romano Pontifice Callisto primo, qui omnibus Deo sacratis clericis &



& sacerdotibus continentiam indixit, circa annum Domini CCXXI. Primam tamen ejus foundationem nusquam adhuc legimus, neque supremam ejus devastationem; qua profecto ita sub terris obrutum est, ut nemini nostrum antea constiterit quicquam ibi latuisse, ubi nunc tandem hæc ejus Arcis celeberrima Romanorum inveniuntur monumenta.

Sculptura & scriptura ejusdem lapidis in hac pagina. nam habet quatuor pedes in altitudine, & senos in latitudine, positus ad introitum anterioris portæ. Vidimus, compegimus, & legimus:

S. NERVAE. TRAIA. CAES. GER.  
DACICO. TRIB. P. PP. CONS. V.  
LVCENSIVM. PRAEF. TRAIANO  
TRIB. PO. LVCENSIVM.

At forsitan ad hæc inferet Batuanus noster, & dicet: Quid tibi hæc omnia, ô Aureli, ad tuam Hollandorumque Batavi-  
am? An vero quoniam in hac inscriptione legis CVRANTE  
CAECILIO BATONTE, ad Batavos continuo referes? Mi-  
nime inquam. Absit, absit hoc a me; nec quisquam credat  
velim tam hebeti me esse ingenio, tamque scrupulosum ut  
iis me cavillis occupem. Non enim in angiportu ambula-  
mus, prætorias & consulares ingredimur plateas, arcesque  
Romanas. Respice igitur & legito quæ proxime sequuntur,



& quidem maximis in hanc formam scripta characteribus:

G E N S  
B A T A V O R V M.  
A M I C I E T F R A T R E S  
R O M A N I I M P E R I I.

Hæc facile inscriptio ibi quam maxime declarat esse Ba-  
taviā ubi olim stetit & nunc tandem nostra aetate reper-  
ta est. Credo igitur te, quisquis es, & tantis testibus &  
tantis rerum monumentis ita obrutum, confutatumque esse  
ipsa etiam veritate, ut nihil posthac repugnare, nihil ultra  
quærere merito debeas.

Epigramma tumultuarium & extemporale  
in eundem.

*Hiscere num contra perges? Non, cedere fas est.*

*Credere & his veteres quæ posuere patres.*

*Si tibi profuerint quæ scribimus; ito, valeque:*

*Sin minus, est mecum pugna gerenda. cave.*

*Sæviet Aurelius, grandemque<sup>a</sup> ardescet in iram*

*Carminibus, stilo, Thespiadumque manu.*

Invocat auxilium omnium literatorum.

*Arma huc o Musæ, vos huc Heliconides arma*

*Conserite; inque spatas perfidus hostis eat.*

*Ferte arma Aonides, si non resipiscere curat,*

*Pellite cum e castris, fiat asellus iners.*

Batavus

<sup>a</sup> vel ex-  
virgat.



## Batavus ad Batuanum.

*Horum acies ponenda tibi: iam iamque videbis*

*Me cataphractatum, qui pedes ante fui.*

*Aut cede, & nostris tandem conjungere castris,*

*Aut metue, & fugito. Nam tibi tela paro.*

*De Batavorum virtute, fide, & gratia apud Romanos.*

## CAPVT VII.

**I**Nventa demum citra omnem controversiam Batavia: quanto eam habitatores amore coluerint, quantaque illustrarint virtute, nunc pariter audiamus. Cornelius quem Tacitum cognominant, de loci ejusdem incolis, sua quidem sententia, sed nostris nobis loquatur verbis. Qua videlicet in hostes virtute, qua in amicos fide & gratia, quo denique in patriam amore fuerint, quam paucissimis reperemus. Nam mores & vitæ eorum instituta proprium sibi codicem postulant & morantur. Arcem igitur illam (cujus jam jamque monumenta, & ut verius dicam, reliquias & fragmenta ostendimus) Vitellius inferioris Germaniæ sub Nerone Princeps gubernans, cōmuniter & pacifice cum Batavis agebat. Claudium Civilem gentis primorem charum habebat ex animo, eratque viro comiter inclinatus. Præterea omnibus civiliter præesse, cum equalibus cursu certare, jaculari, obequitare, venari, cunctisque gratus esse. Cujus rei gratia, suorumque precibus, Civilis, vir sane quam Regia stirpe, nostraque, provocatus, filio Romani Principis filiam suam dedit uxorem. ea demum ratione, ut communibus populi sui rebus ingenue consulèretur, & pacem cum Romanis perennem haberet; Hoc Latini fœdere non parum erecti, cœperunt in terra non sua nequiter agere, genium vino jocisque curare, co-

*Claudius  
Civilis.*



*Sacrum  
nemus,  
Schakē  
bosch  
vulgo pu-  
tatur, quasi  
Sacrum  
bosch.*

*Geom-  
burg.*

lonos opprimere, incautis insidiari, aliena rapere & calumniari. Deinde, quæ sua illis natura est, studere avaritiæ, luxuque omnia foedare; impuberes forma conspicuos, &, quæ plerisque nostratum est, procera pueritia, in naturæ dedecus ad stuprum trahere, & ingenuam juventutem ad delectum vocitare. His citissime Claudius cognitis, suorumque fortunæ miserens, & ab infandi sceleris haud minime abhorrens turpitudine, primores gentis suæ, & promptissimos quosque vulgi, quasi specie epularum, Sacrum in nemus vocitabat. Vbi quum eos mero & lætitia incaluisse videt, a gloria laude- 10 que patria orsus, injurias, raptus, & cætera servitij mala enumerat: neq. sese jam a Romanis socios, ut olim, sed tanquam vilia haberi mancipia. Insuper instare propediem delectum, quo liberi a parentibus, fratres a fratribus, mariti ab vxoribus veluti supremum dividantur. Emori præstare per virtutem, 15 quam hanc miseram vitam atque inhonestam, ubi alienæ superbiæ ludibrio simus, diutius sustinere. Magno cum assensu auditus Civilis, universos sibi adigit. Missi ad proximos Caninefates sunt qui consilia sociarent; statimque accitis Frisiis qui mox navigiis ad Arcem Britonum appulerant, repente 20 Civilis arma rapit; idemque cæteri fecere. Quid multis? Incautum Vitellij filium (nam ille tum agebat Maguntia) nec de comœatu satis provisum, ut qui amicitia gratia nihil tale suspicaretur, in castro (Arcem dicunt Romanorum) prope Leidas inopinata premunt obsidione, & hostiliter circum- 25 vallant. Præses, ejecto post alterum diem ab Arce nocte concubia nuncio, patri Civilis temeritatem scribit; qua neque staret conventis, neque geniali thoro quicquam deferret; oratumq. mittit, ut si sibi suæq. posteritati bene consultum esse cupiat, sine mora descenderet liberare filium suum strictissime obsessum. Nuncius in itinere Trajectum versus a Baravis interceptus, ad Claudium reducitur; literas rogatur, & offert, omneque negotium coram proficitur. Tum 30 Civilis



Civilis ad Præsidis tabellionem ita refert, dicens: Ecce literas domini tui integras tibi reddimus; Vade ocys, ne steteris. extremum enim Vitellij periculum simulque nostrum nunc agitur. Interea auspicandum nobis est, ut qui plurimum debemus virtuti, quid etiam fortunæ, si adsit, debeamus innotescat; quam nemo unquam mortalium diu in potestate habuit. Hæc & alia hujusmodi ubi Claudius dixerat, post Præsidis nuncium, & ipse versus Vbios & Rheni accolæ mittit, orans ut saltem Vitellii iter & descensum suo equitatu retardent, & transitu coërceant. Nam tum Coloniensibus etiam hostis erat. Se interim suo periculo in commune libertati confuturum: ipsum se hujus præclari facinoris caput & principem gerere: neque militarem sine duce turbam aliud quicquam esse quam corpus sine spiritu. Quare sibi in primis capta oportunitate consulere, deinde amicis in necessitate non deessent. Unam omnium esse sententiam, Romanos omnes e Germania propellere, libertatem natura omnibus etiam mutis animantibus datam, virtutem vero proprium hominis bonum, Deosque fortioribus semper adesse. Audita est hujusmodi Civilis oratio ab Agrippinensibus cum omnium silentio & assensu, transitumque Vitellianis non permisere. Interea Præfectus Arcis Romanæ (quam tum Claudius noster cum suis occupaverat) spe venturi patris destitutus, ac interim annonæ attritus inopia, se suamque suppellectilem pacto redimens, Arcem Civili aperuit; sicque nostris nullo sanguine & vulneribus victoria stetit. Deinde confestim duarum cohortium hiberna proxime Oceanum irrumpunt, nomenque Romanum quaqua versum ab Insula sua propellunt. Nullum etenim mare tantos concitat fluctus, quantos multitudo libertate luxurians habet motus. Hæc ubi Romæ audiuntur, lugere omnes, Vitellij injuria & libidine Batavos fratres & amicos Imperij a se tandē descivisse. Quare mox illum jussu Vespasiani accitum,  
Tiberinis



Tiberinis immergere vorticibus; quod suæ studens avaritiæ, fidissimos Imperii socios, sua etiam petulantia Imperio abruptisset. Ecce tanto Claudius Civilis pro patria succensus est amore, ut se ultro cum suis Batavis, eatenus periculo exposuerit, quatenus detestabile crimen vlciscens, de medio suorum tolleretur. tametsi omnes sui tributorum expertes erant, viros tantum & arma Imperio ministrantes.

*Quæ Batavi Imperio beneficia præstitere, & quæ illis vicissim Imperium præstitit.*

## CAPUT VIII.

**G**Aude nunc igitur in sinu, ô felix Batavia, quæ tales produxisti viros quibus Romanum haud minime sustentabatur Imperium; & qui rursus in multis decorati sunt ab Imperio. Tanti enim ab Imperatoribus priscae ætatis habiti sunt, ut sine illis nullum extra Urbem armigeri Martis subire tentaverint periculum. Hi sunt quippe Batavi, qui ablatam Neroni Italiam restituere. Hi sunt qui Vespasiano diu deliberanti, amicitiae gratia Imperium adegere. Hi sunt denique Batavi, qui Heduos juxta Ararim fluvium & Arvernos populum Aquitaniae instructissimo equite protrivere. cum quibus olim ne ipse quidem Iulius congregi audebat; quod aquis undique sepirentur, & innumera gauderent populi multitudine. Frequenter enim in Caesarem circiter ducenta millia pugnatorum eduxerunt. At Batavi milites inperterriti & equites, præcipuo natandi studio edocti, arma equosque retinentes, integris turmis noverant flumina perumpere, & ab insperato hostibus imminere. Per hos præterea Caligula & Claudius Imperatores Britanniam tributariam effecerunt. Per hos Galba, Otho, Vitellius, sacri Imperij incubatores, profligati & repulsi. Per hos denique Lingones in provin-



provincia Lugdunensi, quos Vitellij motus turbaverat, in Imperatorum officio sunt retenti. Tam enim formidabile cunctis Batavorum erat nomen, ut grande viderentur momentum sociis, aut (prout inclinassent) adversis. quod & Martialis poeta & Domitiani culinarius testatur his verbis, Lib 14.  
epigr. 176. dicens.

*Sum figuli lusus, rufi persona Batavi:*

*Quæ tu derides, hæc timet ora<sup>a</sup> pater.*

a Domi-  
tianus.

Hæc Batavi, ut quam paucissimis plurima præteream, Imperio præstitere. Nec mentiar, si dicere velim, & congruis testibus asseverare, nunquam per orbem, tantum terrarum sub Regibus usque ad Tarquinij Superbi expulsionem Romano adauctum esse Imperio, quantum illi, victricibus armis, Batavi adiecere. Neque enim omnes ille veterum cruentæ victoriæ, & tantis emptæ calamitatibus, per ducentos ferme & quadraginta quatuor annos, tantum dilatare potuerunt Imperium, quantum illud suo tempore Batavi extendere. Sed dices: Quid rogo pro his omnibus præstitit Batavis Imperium? Plurimum, inquit, per omnem modum. In primis tanto eos Romani honore & gloria, amore & benevolentia (quibus neque melius neque amplius in natura mortalium est) & quidem quam officiosissime prosequuti sunt; ut illos nullo modo a se divelli permiserint. Quum enim Fabius Valens Præfectus Augustalis Batavos ab exercitu Romanorum dividere destinasset; quod paulo jactantius garrirent, omnem belli fortunam in ipsorum manibus sitam, quodque simul ex petulantia (ut plerumque fit) perfidiam suspectabat: mox mœrorē socij Romani, fremere Legiones, orbari se fortissimorum virorum auxilio. Veteres illos tot bellorum victores, diuque exercitos, postquam in conspectu sit hostis, veluti ex acie abduc; clamitantes Batavos Imperij sanitatem, sustentaculum, robur & columnen. ideo neque abrumpendos,

O

ut cor-



ut corpori validissimos artus. Cæterum tanta Romani Bata-  
 vos fide & gratia donaverunt, ut suum inter eos erexerint Ar-  
 mamentarium, in rebellium terrorem, & post plurima an-  
 norum curricula, illud vetustate conlapsum ad perpetuam  
 mutui amoris memoriam instauraverint. Quid de præfidiis  
 dicam, quæ in littore maris, ad tuendam sibi Bataviam ab in-  
 cursu Barbarorum, olim posuerunt? Quid referam de aggeri-  
 bus & collibus, quos tum in nostræ regionis fronte contra  
 maris æstum, tum in tergo adversus Rheni excursus pluri-  
 mis laboribus & impensis construxerunt? Quid denique lo-  
 quar de Latinarum Schola literarum, quam ibidem ad Rhe-  
 num haud procul a castro (quod Arcem dicimus Romano-  
 rum) aperuerunt? Videntes enim Batavinam juventutem  
 procera pueritia, acrique ingenio, si studium non deesset: lin-  
 guam eorum suapte natura exsertam, vocalem, expeditam, &  
 ad omniaabilem idiomata, & cui extrema non excidunt te-  
 nuiter syllabæ, nec vox faucibus auditur, sed plano resonat  
 pectore, sermoque profertur expressior: non potuere com-  
 mittere quin Romano eos instituerent eloquio, quorum in-  
 dustriam & linguam, sua tum eruditam, sibi adhuc usus fore  
 sperabant. Nam quoniam Batavia portuosa est, & mare ei  
 apertum, quo ad omnes facillima navigatione pervenias na-  
 tiones: credebant Romani; in nullo sibi utilius consultum  
 iri, quam ut Batavorum pueros bonas artes omnemque civi-  
 litatem edocerent; ut utriusque linguae suffragio facilius ad  
 subjugandas ignotæ sibi linguae nationes perirumperent; &  
 Batavos, eorundem juvenum parentes, ea specie in officio ar-  
 ctius retinerent, quorum filiis tantam impendere curam vi-  
 debantur. Tota namque Romanorum spes & fiducia totius  
 Germaniæ in fide conservandæ, a solis tum visa est Batavis  
 propendere; qui jam diu Germanorum bellis erant exerciti.  
 ne si illi forsitan ab Imperio desciscerent, reliquæ Teutonum,  
 imo & Galliarum, nationes mox sequerentur. Nec multum  
 abfuit,

*Armamen-  
 tarium Ro-  
 manorum  
 in Batavis,*

*Schola an-  
 tiquitus  
 prope Lei-  
 das.*



abfuit, ſi non frequenter cum illis Romani Principes diſſimulaſſent. Propterea enim, & quidem quam maxime, Iulius Civilis præpotens inter Batavos periculo exemptus eſt, ut non cum Pompeio Belgicæ procuratore & Iulio Burdono Germanicæ claſſi præfecto morte abriperetur. Cauſam rogas? Ne ejus ſupplicio (inquit Tacitus) gens ferox Batavorum a Romanis alienaretur. Tam formidata Romanis Batavorum virtus, tamque accepta fuit eorum fides & conſtantia.

Haſtenus ex reconditiſſimis Veterum archivis, vere de vera Batavorum regione, potentia, ſocietate & gratia cum Imperio, ſatis dixerimus. Reliquum eſt, ut nunc de noſtræ Insularis Bataviæ felicitate, quæ inter duo Rheni brachia ſita eſt, per pauca dicamus. Hæc gemina Rheni oſtia Plinius Helinum vocat & Flevum. Illud prope VValachriam, extremam Rheni & Selandiæ Inſulam, Oceanum petit. Iſtud vero circa Herlingum, celebrem Friſiorum portum, & proxime Scellingiam in mare præcipitatur.

*Vide infra  
finem libri  
ſecundi.*



CORNELII AVRELII  
BATAVIAE

sive

DEFENSIONIS GLORIÆ BATAVINÆ,

LIBER SECVNDVS.

*Quem ipse  
Auctor in-  
scripserat,  
Elucida-  
rium va-  
riarum  
questi-  
onum  
super Ba-  
tavina re-  
gione et  
differētia.*

**O**Ptatiſſima nobis eſt, mi Reinere virorum omni-  
um candidiſſime, tuæ flagrantiſſimæ voluntatis  
inſtitutio; qua pridem animo deſtinasti, mutua  
Epistoſularum viciffitudine, quod corpore ſepara-  
mur, in literario mecum ſtadio velitari. Condi-  
tionem, fateor, pro mea virili, & quidem amice fideliter-  
que, admitto. At cave tu interea, amicorum ſinceriffime, ne  
contra te Carneadem provocaiſſe doleas; dum (quod forſitan  
quam fieri poterit breviſſime) iuarum quaſtionum nodos  
cupis diſſolvi; multo ille ocyter longiore quam æquum eſt  
oratione, ex ea quam ei facile tribuis dicendi copia, tuas aures  
defatiget. Necte Daretis quidem ac Entelli oblitum eſſe ve-  
lim, barbarique Hieronymi dicentis: Bos laſſus fortiter figit  
pedem. Cave itaque tibi, ne dum preſſius aliquando humi  
veſtigia fixerim, tuas dolenter obtrivero plantas. Verum hac  
interim more noſtro familiariter jociati ſumus. Tuæ enim  
charitati morem gerere, quoad ejus per me fieri poteſt, gratiſ-  
ſimum habeo. Verumtamen in hiſqua flagitas non me ago-  
gum & ducem, ſed ſocium & comitem lubens offero, polli-  
ceor, & ſpondeo. Cum igitur intelligam te magis ex aliorum  
ingenio, quam proprio (vt qui in tuiſ elaboratiſſimis Bata-  
vorum Comitum & Pontificum Hiſtoriis ne in minimo  
quidem a me diſſentias) hac ipſa dubitando proponere: haud  
moleſtum nobis fuerit, quantum libet dabitur oij (nam di-  
urni cogimur ex religione laboris penſum reddere) ſuccifi-  
vatem-

*Reineri  
Snoyi Hi-  
ſtoria Hol-  
landica.*



va tempora tibi & amicis impartiri. Igitur, quoniam, teste Philosopho, dubitare in singulis non erit inutile, & nunquā sine disceptatione res dubias credimus elucescere, ad indagandæ veritatis prælia tecum accingimur. quam nimirum, si quid Aristoteli deferimus, sine disputatione quærentes, haud immerito comparabimus viris viam qua eant ignorantibus. Accedit & his verus fidelisque testis Hieronymus, ita contra Pelagianos scribens: Socraticorum Schola, inquit, consueverat omnia adducere quæ dici possent ex utraque parte: ut magis perspicua fieret veritas. Sed & Sacri nobis Canones in his non minime suffragantur, ubi legimus: Veritas sæpius exagitata magis splendet in lucem. Sicut enim in aquæ cyathos si guttam olei coniectam multum exagites, plurimos generat oculos; ita etiam variis qualibet res discussa altercationibus oculatiorem ipsam efficit veritatem. Quapropter Scholasticis permittitur quandoq. ad ardentissimam usque bilem disputando contendere, ut vel ita rei veritas clarius elucescat. Sed jam in campum expedienda est acies. En acinace accingimur, septi armis, galeaque obrecti, hastam in agrum coniecimus. Contortis vibranda est oratio jaculis, ut quacunque nudus fuerit hostis feriat. Igitur, ut tandem stadium ingrediar, nihil ambiguitatis de Batavia nostra tibi relictum esse, sed omnifariam te nostris astipulari sententiis, scribis. Porro *Betua, seu Batua.* de Betua seu Batua, quam tu auctore Tacito Bethasiam credis, non nihil a me dissentire videris. Amo in te, ut verum fatear, hanc incredibilem atque adeo accuratam historicæ veritatis indaginem, & cumulatissimis usquequaque eam extollere contendo præconiis; qua profecto non tuos modo labores, verum etiam mea studia ab omnibus doctis & quidem benevolis commendatum iri procuras. Hac est nimirum veritas quam tota Philosophorum Academia quarit; quam præclara Theologorum Schola invenit; quam deniq. Sancta Religio plenarie, atque adeo vna possidet. Morem itaque ge-  
○ 3.
ram



ram tuo, mi Reinere, desiderio. modo tu vicissim memineris  
 duplicato me fœnore remunerandum. Sed quo id facilius  
 possis, imo ut voluptuosius, & quidem sine labore atque di-  
 spendio velis; nulla re alia opus erit, quam ut immortale Hi-  
 storiarum tuarum opus in lucem edas, & nostræ parvitas o-  
 puscula, quæ tenui confecta sunt Minerva, sed tuo amoris in-  
 genue dicata, sine fastidio lectites, & in mutuae charitatis  
 argumentum sine fine lecturias. Itaque ut ad rem nobis  
 propositam demum pertingamus, breviter dicimus: Ne-  
 minem Latinorum, qui Germaniæ describunt Historias, de  
 Betua (aut, si qui malint, Batua) fecisse mentionem. Qua-  
 propter quæ olim de hac regione legimus, fideliter in me-  
 dium proferemus. Quum igitur ante duo lustra geminas-  
 que messes Parisios reformationis gratia peteremus, Parla-  
 mentæa acciti auctoritate, & Patrum præcepto emissi; in-  
 travimus tandem obiter haud ignobile in Hannonia Cœno-  
 bium monachorum. vbi mox, cæteris comitum meorum  
 sese reficientibus, solus bibliothecæ loci ab armario admissus  
 conscendens, inveni librum quendam pulveribus obsitum,  
 & antiquissimo perscriptum caractere, qui omnes Germa-  
 niæ Belgarumque Historias continebat. In hoc, quæ nunc de  
 Betua, deque Bethasia, & nostra denique Batavia scripturus  
 sum, legi & collegi. Nam ibidem fere biduo propter aëris  
 inclementiam hospitati sumus. At de Betua primum quid  
 hic legerim tibi literis mandare curabo. Igitur, Agrippinen-  
 sium Vbiorumque ecclesia suo inevitabili fato privata pasto-  
 re, cum jam circumquaque Arriana pestis immineret, provi-  
 sum est Synodali Episcoporum Galliæ & Germaniæ conci-  
 lio (cui tum maxime Martinus Turonensis præsidebat) ut Se-  
 verinum, severum hæreticorum in Aquitania oppugnatore, eidem  
 præficerent. Qui Patrum decreta humiliter suscipiens,  
 relicta protinus Burdegala Coloniam petit, ut munus sibi ab  
 Episcopis injunctum sagaciter exequatur. Hunc non ita longo  
 post

*Germania  
 Belgarum-  
 que Historia  
 MS. Pari-  
 sis.*



post tempore suorum quidam ex Aquitanica regione proce-  
res sunt consequuri. Quibus ut apud se commanendi locum  
provideret, orat Severinus Brabonem Caroli septimi filium, *Brabo.*  
Pepinique primi Brabantiae Ducis avum, qui tum Gelriae &  
Hasbaniae praesidebat, ut suis cognatis sedem alicubi ordinet.  
Qui, Praesulis charitate devictus & gratia, Insulam Rheni in  
Gelria eis concessit, & ipse in Landeno sibi mansionem sta-  
tuit. Hi itaque proceres cum terram sibi a Brabone concessam  
viderent esse campestem & planam, facileque meabilem,  
Betuam ex situ loci vocitarunt. Betere enim veteres, bene &  
sine molestia ire interpretantur. Quemadmodum etiam ubi  
in regionibus intra alpes & monticulos terra occurrit plana  
& campestris, eam continuo Campaniam appellamus. Ita in  
divinis reperitur scripturis, cum Martyrum memoriae recen-  
sentur, Campania Galliae, ubi Rhemorum civitas est, quae  
Francorum Reges sacro initiat chrismate; & Campania Ita-  
liae, quae nunc Terra laboris dicitur: quod haec quondam lo-  
ca, circumjacentium comparatione, non montosa; sed aqua-  
lia & gressu facilia, pascendisque pecoribus apta esse cogno-  
scuntur. Quocirca multo omnium facillime possumus col-  
ligere, nihil de Betua Romanos olim scriptores meminisse;  
quae id sibi nominis tum primum accepit, cum Theodosius  
Minor rerum potiretur. Deinde ab ea tempestate, & S. VVe-  
renfridi temporibus, qui Catholicae fide; radiis eam primus  
illustravit, in hunc usque diem apud nos idem perseverat  
nomen. Nihil tamen hac Sicambrorum portio, quantula  
est, cum Bethasia, neque nostra cum Batavia commune  
habet. Et quoniam horum procerum (quos Sancti Severini  
cognatos memoravimus) alij superne, alij inferne moraban-  
tur, vno sub nomine Betuam superiorem & inferiorem distin-  
guebant. Hanc in possessionem longo post tempore tanquam  
haereditaria successione VValgerus Princeps, & ipse pater.  
no genere Aquitanicus, cum Tersterbandie Comitatu, prope  
Tielam

*Betua ap-  
pellatio un-  
de fluxerit.  
Sed nuga-  
tur Auctor  
quisquis  
est.  
Campania.*

*d'Ober-  
Betulue  
eude de  
Beder-  
Betulue.  
VValgerus  
Betua &  
Tersterban-  
dia Comes.*



*Valgeri  
frater*

*Theodericus*

*Batavia si-  
ve Hollan-  
dia Comes.*

*Bethasia.*

*Octavia  
urbs.*

*Rheni cur-  
sus in Fle-  
vum.  
Leida,*

Tielam commorans acceperat, priusquam frater suus ju-  
nior Theodericus, a Carolo Calvo Francorum Rege, post  
Danorum incursionem, Batavia, nunc Hollandia, donaretur.  
Hæc de Betua interim, mi Reinere, tibi sufficere credimus.  
Porro de Bethasia, quæ priore libro Bataviæ gloriam tuentes  
scripsimus, tu ratissima habeto omnia, quoniam eodem ex  
fonte libroque memorato ea nostris tibi verbis accurate satis  
expressimus. Hæc enim Bethasia Mosanorum est regio, cu-  
jus, ut ipse nosti, meminit frequenter Tacitus. Hic milites  
Romani suas stationes & hiberna agebant, quod natio illa  
quasi medius Germaniæ Galliæque sinus videbatur; ut eo  
facilius Austrasiorum & Lingonum regna, quæ nunc Lotha-  
ringos & Burgundiones complectuntur, in fide & officio re-  
tinerent. Hic præterea, ne quid Imperiali deesset industriæ &  
cōmodo, Octavianus Imperator semper Augustus in hono-  
rem patris sui Octaviam urbem haud procul à mari condidit,  
propter argenti fodinas in monte Vosago, salisq. fontes can-  
didissimi. At mirum dictu, ubi tum mare propius atfluebat,  
ibi nunc, dum vorat & removet dira charybdis aquas, amplif-  
simā plurimis passuum millibus continentem relinquit. unde  
de & nos versus Septentrionem suis vorticibus acrius invadit:  
tantaque facta est ab ea ætate usque in præsens locorum & flu-  
minum, morumque & hominum, apud Germanos, Belgas,  
& Batavos immutatio, ut nova prope indigeant Historia. Ha-  
tenus de Bethasia. Porro de nostra Batavia satis superque in  
priore libro commentatum esse arbitror. ubi tamen quod  
maxime dictum oportuit præterisse me recolo. Dum enim  
omnem atque adeo, unam in Batavia describenda intor-  
queo mentem, alterum Rheni cursum, (ut vel gemina ejus  
brachia non prætermittam) quo ipse in Flevum tendit, non  
descripsi. Igitur quemadmodum, priusquam Leidas civita-  
tem Batavorum longe omnium ædificiis & moribus orna-  
tissimam Rhenus ingreditur, bicornis est; ita gemino juxta  
gurgite



gurgite extra præfatam urbem, relicto jam rure Lopseno, prope sui nominis Burgum, ubi nunc Regalis sacrarum virginum est Abbatia, sese dispartit. Altero, quo per utrosque Cattos Oceanum petit; altero, quo Caninefates Frisiosque interluens, tandem propter S. Athelbarri Regale Monasterium, supraque Castrum, quod Rheni domum vetustas appellat, grandi sinu in Flevum usque decurrit. In utraque Rheni hujus ripa, ab eo ferme loco, quo Cattos Rhenanos deferens, versus Subsolanum in præfatum usque tendit procursum, plurima olim visebantur castella, villæ, pagique populosi, domus voluptariæ, quas a volucrum circumstrepentium garritu Avium concentus vocabant. Hic nemorenses horti, deliciarumque monticuli, saltus innoxij, & omni ferarum genere offerri, fertiles agri & palustres, omnibus aucupiiis & leporum caniculorumque venationibus aptissimi. Hic lacus piscosi, & torrentes refrigeratorij; ita ut alteram terrestrem non desideres Paradisum. Hic domus illa stabat tributaria, quam Danorum Rex subactis sibi Frisiis ibidem erexerat; in qua Regalis Quæstor censum quotannis ad jactum ærei scuti exigebat: de qua Grammaticus Saxo miranda ponit in Historia sua quam De Gestis Danorum accuratissime edidit. Post hanc lucus sequebatur Baccho dicatus, undique vitibus vlmoque confitus. Ejus loci incolæ, Bacchiades olim, nunc Herlemij vocitantur. gens dura, sed æqui tenax. ubi adhuc nostra tempestate, cum nova erigendarum ædium fundamenta effodiuntur, certissime constat ad humani pene femoris spissitudinem veterum radices vitium inveniri. His præterea Prætoria accedit domus, & principale civilium causarum Consistorium. quod tandem V Vilhelmus Romanorum Rex designatus & Comes noster Hagam transtulit; erecto ibidem mira magnitudine & Imperiali quodam splendore Palatio; in quo de patriæ causis & negotiis tractaretur; cuius laquearia & omnia tignorum ligna (mirabile visu) neque

Lopsen.  
Gijf-  
burg.

Cattwige-  
hen.  
Kenes-  
mers.  
West-  
friesen.  
Ginichē.

Dogeles-  
sanch.

Regis Da-  
norum do-  
mus tribu-  
taria.

Bakenes-  
fers in  
Haerlem.

Curia Hol-  
landia Har-  
lemo Hagā  
translata.



caries aut putrilago corrodere, neque aranea suis foedare telis  
 cernitur. Huic in descensu plurimę adjacebāt arces, domusq.  
*Baender* senatoriæ; quarum vel prima fuit Baronum de Lata virga, qui  
*Heerē vā* legitimā a primis Hollandiæ Comitibus progeniem ac stem-  
*Breeder* mata ducunt: deinde Dominorum de Vellefona & Bevere- 5  
*roede.* vico, Militum de <sup>a</sup> Hemerca vel Suthera, de <sup>b</sup> Gastrico, de  
*Illustrēs fa-* <sup>c</sup> Limba, de Polanio, de Polenburgo, deque aliis plerisque  
*milia Hol-* (modo nobis sine nominibus) castellis & mœnians . quæ  
*landia* <sup>a</sup> Heem- jam partim vetustas, partim edax flamma consumpsit. Po-  
*kerck.* <sup>b</sup> Castri- stremo Rhenus exinde progrediens, & prope Alcmariam re- 10  
*cum.* <sup>c</sup> Limmē. flexo cursu, Veronam versus (olim civitatem Frisiorum ma-  
*Alcmaria.* ximam, sed a Batavorum Comite solo potenter æquatam) ad  
*Verona.* Eurum vsque grandi lacu procurrit. Tandem circa arcem do-  
*Ginechē.* mumque suo illustrem nomine, & vetustissimorū Domino-  
*Egmundi-* rum de Egmunda monimentum (qui de ipso Rathbodo Fri- 15  
*norum Re-* sonum Rege trahunt originem) tutissimū aperiebat navibus  
*gia stirps.* portum, quæ de mari appulso Batavos & Rhenanos suis cum  
 mercibus adire cupiebant. In eum portum, primo Iustinia-  
 ni Imperatoris anno, nostræque salutis <sup>d</sup> D C LXXXVII  
<sup>d</sup> *Alj d c* S. V Vilfridus Lindisfarenensis Episcopus, Romam iturus, flan- 20  
 LXXVII. te Favonio appulsus est. qui ab Aldegillo Frisiorum Rege,  
 patre Rathbodi, & omni populo honorifice receptus, primus  
 in Frisia Christum per hyemē totam prædicavit, & complu-  
 res fonte abluit salutari. In hunc etiam anno D C X C missus  
 a S. Egberto Eboracensi Archiepiscopo V Villebrordus, re- 25  
 gnante in Anglia Catholico Rege Alfrido, & Præsule Colo-  
 niæ Alderoino, cum vndecim verbi Dei cooperatoribus, ut  
 Frisiam converteret, appulit. Ab hoc denique portu Rhenus  
 ampliore procursu Herlingum pertransiens, Flevum vsque,  
 Sceldingam S. Brandarij insulam attingit. Ecce dum aliud ab 30  
 Helino Rheni brachium (quod Flevum dicunt) quærimus,  
 forsitan opinione longius per varia terrarum spatia evagati  
 sumus. At nunc vel tandē ad propositas recurrat oratio quæ-  
 stiones.



stiones. Nuper igitur dum cœnabitæ & amico erroris præci-  
 pitium adimere cupimus, nonnullis & ipsi videmur errasse.  
 Scripsimus enim (nec inficias ire volumus) nostram ibi Bata-  
 viam incipere, non vbi VValis incipit, sed potius vbi desinit,  
 aut certe vbi nomen suum perdit, id est, prope arcem quam  
 nostra ætas Lovestenum vocat, haud longe ab oppido Gori- *Lobes*  
 co. Et vt audentius aliquid, sed non temere efferamus, dum *stipn.*  
 veluti sub Dædalæo quodam typo nostram Bataviam descri-  
 bere, omnemque prorsus ambiguitatē explodere cupimus,  
 tandem apertissime professi sumus, non ibi nostram initium  
 sumere Bataviam vbi Mosa (manufacto brachiolo alvei quo  
 Romanis brevior e Bethasia in Betuam & Noviomagū Im-  
 periale præsidium transitus esset) ipsum VValim influit, sed  
 vbi VValim Mosa excipit. At ista mihi plane proferenti sub-  
 stomachantur forsitan viri haud vulgariter eruditi, quod Au-  
 gusto & Cæsari ausim contravenire. Atqui Aurelius concer-  
 tet Iulio? Ille (vt forte lætitant) ibi dicit Bataviam incipere,  
 vbi a VVali Mosa recipitur. Ego autem e regione ibi nostrā  
 profiteor Bataviam habere principiū, vbi VValim Mosa ex-  
 cipit. Nam (vt verum fatear) plus equidem fidei nostris adhi-  
 beo oculis, quam Iulij Commentariis. Quis enim non videat  
 juxta Goricum (vbi nostræ Bataviæ caput est) VValim a Mosa  
 excipi, sed minime a VVali Mosam? quod & ipse rerū vsus &  
 natura nos docet. Omnis enim fluvius superne descendēs, ab  
 eo qui inferne fluit, donec mare intrat, rite excipitur. Quod si  
 convertere volueris, plurimum desipies, & naturæ genium  
 prope læseris. Vt cūq. tamen est, ego hanc scopulosam cavil-  
 lationem pili faciam, modo nostram monstravero ibi incipe-  
 re Bataviam, vbi VValis prope Goricum se Mosæ commi-  
 scet; donec simul vel in Helinum vsque, quo Rhenus brachio  
 multas complectitur Insulas, perpetuo meatu decurrant. *Commen-*  
 Atque vtinam rescire dignentur viri plurima lectione eru- *tarij Cæsa-*  
 diti, ipsum in Commentariis Cæsarem non ubique esse *ris aliena*  
*manu inter-*  
*polati.*



Cæsarem, hoc est, non ubique loqui ut Cæsarem. Plurimi  
 enim ejus Commentarij, qui olim marginibus a diversis in-  
 scripti fuerant, nunc librariorum inscitia, aut temeritate, in  
 textum Cæsaris coaluerunt; ita ut plurima videamus<sup>a</sup> Iulij  
 Capitolini aliorumque complurium commentatorum Iu-  
 lio Cæsari falsissime adscribi. Porro in vetustissimo codice  
 Cæsaris, qui in Monasterio regularium (quod olim Castrum  
 Nantonis dicebatur) apud Puteolos & Aurelianum, qui ante  
 mille & quinquaginta annos a Leone primo Romanorum  
 Pontifice, cum in minoribus ageret, scriptus perhibetur, sic  
 equidem ipse legi: *A Mosa VValis receptus Insulam effi-*  
*cit Batavorum:* ubi per erroneam literarum transpositionē  
 modo legimus: *Mosa a VVali receptus Insulam efficit Ba-*  
*tavorum.* Hoc etiam inter receptissimos haud contemnen-  
 di testantur auctores, qui de Rheno celeberrimo Germaniæ  
 fluvio ita scribunt: Rhenus multis, inquit, assumptis amni-  
 bus, Mæno scilicet, Limago, Mosella, Mosa, aliisque, in Ger-  
 manicum Oceanum duobus effunditur ostiis, pluribus factis  
 Insulis, quarum aliæ a Frisiis, aliæ a Sicambriis, aliæ a Batavis,  
 hodie Hollandis, incoluntur. quarum omnium nobilissi-  
 mam Plinius testatur Insulam Britannis oppositam. Quam  
 nimirum Batavorum Insulam, Cæsar, inquit, in Cōmen-  
 tariis, Mosam fluvium accepta Rheni parte, quæ VValis ap-  
 pellatur, efficere dicit. Hæc eadem cum plerisque aliis in rem  
 hanc atque sententiam transeuntibus priore libro attulimus.  
 Nec facile quovis modo ab ea deflecti valeo; quam & oculi  
 nostri probabiliorem nobis faciunt, & castigatiores Cæsaris  
 Commentarij veriores approbant & defendunt. At de his  
 hæc. Nunc ad postremam eundem est quæstionem.  
 Sunt etiam nonnulli quibus nostra Batavia longe videtur  
 angustior quam ut Romanis tanta multitudine militare po-  
 tuisset; ideoque ei Betuam tanquam superiorem corrupto  
 pau-

a Alij Iulij  
 Cæsi  
 manum  
 agnoscunt.

Cæsaris va-  
 ria lectio.



paullulum nomine Bataviam adjungi oportere. Verum-  
enimvero hæc mihi narratio visa est quasi aquilæ juvenus,  
quam nemo facile comprehendit. At qui vel Thraſonis ha-  
bet ſalem, hanc facile ſolverit quæſtionem; adeo digna res eſt  
vbi nervos intendam meos. O me ſcitum hominem, ſi vel  
homines prorfum ex ſtultis inſanos fecero, aut potius ita me  
comparem vt ſciolorum aculeos prudens perpetiar. qui, ſi  
veterum ſcriptores rerum oculatius inſpicere velint, inveni-  
ent proculdubio Batavos non numero ſed humero, non  
millibus ſed viribus, non anulo ſed animo, non multitudine  
ſed virtute, non ſtrato ſchemate ſed ſtratogemate vbiq. gen-  
tium pro Romano certaffe Imperio. Cujus rei gratia, quoties  
militem delectus apud Principes Romanos fieret, Gallicque  
& Germani ex nomine ſub certo citarentur ſalario, ſolis Ba-  
tavis gloria & victoria ex virtute promittebatur. Hi enim du-  
plici remunerabantur ſtipendio, & propter ſingulare, quo  
cæteris præſtabant, robur, ſpeciale præ aliis donativum, quan-  
tumque volebant itineris & certaminis pretium capiebant.  
Hos præterea C. Caligula electiſſimos ſui corporis habuit  
cuſtodes & ſtationarios; plus fidei noſtris quam ſuis deferens.  
Cui etiam (quum in Britanniam tendere ſtatuiſſet) conſu-  
luere ſui, vt Batavorum ante omnia numerum, & maxime  
equitum inſtauraret. Tanta quippe Romani Batavos æſti-  
mabant fide, conſtantia, & virtute, vt ſine illis nunquam au-  
ſpicari præſumpſerint bellum, neque ullam ſperare victori-  
am. His enim victoribus Hieroſolyma ſub Veſpaſiano eſt ex-  
ciſa; Italia Romanis reddita; Germania in fide & officio re-  
tenta; <sup>a Britan-</sup> Anglia denique (quam ne ipſe quidem Iulius evin-  
cere potuit) armipotenter eſt Imperio ſubjugata. Quæ pro-  
fecto omnia Batavi non populi multitudine, ſed animi vir-  
tute atque altitudine, audaci que ferocia, tanquam primipila-  
res & Reipublicæ propugnatores perpetrarunt. Verum vbi  
hæc virtus & audacia (vt plerumque fieri ſolet) inſolentiam



Batavis augere coepit, metuens Ordeonius Romani ductor  
exercitus ex jactantia seditionem inter legionarios cohortes-  
que posse suboriri, aut certe jam jamque apud Augustam  
Taurinorum exortam volens reprimere, decrevit Batavos,  
quos tum belli fortuna petulantiores effecerat, in Britanniam,  
vnde a Nerone exciti erant, ocius remitti. At ille mox poeni-  
tentia ductus, & dissuadentibus iis qui paulo ante suaserant;  
quod interim viderent Batavorum cohortes vna tendere ob  
veterem adversus quartadecimanos discordiam; inferioremque  
Germaniam (vt Civili jungerentur) expetere: scripsit Heren-  
nio Gallo legionis primæ legato, qui tum Bonnam obtine-  
bat, vt Batavos transitu arceret, sese cum exercitu sequutu-  
rum, tergisque eorum acriter hasurum. Batavi igitur, dum ca-  
stris Bonnensibus propinquarent, præmisere qui Herennio  
Gallo mandata cohortium exponerent: Nullum sibi bellum  
adversus Romanos esse, pro quibus toties bellassent. Longa  
dumtaxat atque irrita militia fessis, patriæ & orij cupidinem  
esse. Si nemo obisteret, innoxium fore iter. Sin minus, fer-  
ro viam se facturos. At, principium interno simul externoq.  
bello parantibus fatis, Herennius superbia elatus eis cum su-  
is armatis hostiliter congregi parat. Interea Batavi ordinata  
acie in vnum veluti apes globum confluentes, hostem con-  
stanter excipere, admissis equis haud segniter concurrere, &  
collatis signis Bonnensium aciem conturbare, constringere,  
persequi, profligare, occidere, magnamque stragem facere:  
ita vt etiam fossata Bonnæ corporibus mortuorum oppleren-  
tur, qui metu persequentium Batavorum se sponte immer-  
serant, quod portis recipi præ multitudine non potuere. Tan-  
tam tamque memorabilem multorum millium stragē, quos  
Herennius Gallus eduxerat, tribus circiter millibus Batavi  
confecere. Hæc dicimus, vt omnibus scrupulosis innotescat,  
nostrates non millium pluralitate, sed militum alacritate, in-  
dustria & virtute congregi solere. Quapropter nemo omni-  
um



um Betuam, quasi infractio nomine Bataviam superiorem,  
 nostræ pergat addere Pataviæ, ut vel exinde majore gaudeat  
 numero pugnatorum; quæ nunquam Betuanos, sed longe  
 viciniore sibi Caninefates & Frisios suæ frequenter adscisce-  
 re solebat militiæ. quorum dux a Brenno, vir magnæ auda- a Brinio,  
 iæ, & claritate natalium conspicua, Civili se jungens, olim  
 Romanorum castra diripuit, lixasque eorum & negotiatores  
 invasit, duarumque cohortium hiberna proximo Oceano ir-  
 rupit. Quin potius sæpissime legimus nostrates magis Bri-  
 annica invocasse auxilia quam Betuana. Sed nec opus qui-  
 dem erat. Nonne certissimo constat Comites nostros e sola *Hollandico-*  
 Batavia nostra & minore Frisia (nunc simul Hollandiam fe- *rū Comi-*  
 unt) centena expeditorum millia in hostem sæpius eduxis- *tum po-*  
 se? Nihil igitur unquam Batavis cum Betuanis sive Sicam- *tentia.*  
 bris commercij aut præsidij fuit. quos magis Gallis adversus  
 Cæsarem quam nostratibus suppetias misisse legimus. Et  
 propterea Iulium in eos movisse, ut Romani nominis metu  
 c terrore quietos redderet Germanos. Sed quum illi ad  
 primum nuncium in sylvas se occulerent, Cæsarem accen-  
 sis eorum agris ad Vbios se retulisse. Tradit præterea Strabo,  
 Sicambros Rheni accolæ initia belli factitasse, quod a pleris-  
 que Germaniæ populis adversum Drusum Liviæ Augustæ fi-  
 lium duce Molone Sicambro gestū est. Ex his & horum simi-  
 libus pro confesso breviter colligi potest, Gelros (sive Betua-  
 nos, sive Sicambros dixeris) semper ad hunc usque diem Ro-  
 manos infestos, & Gallis semper fuisse obnoxios, sed nobis  
 quam maxime adversantes. Habes vel tandem, mi Reine-  
 re, omnium quos antehac vidimus candidissime, & præter  
 summam Medicæ artis notionem haud vulgariter & non si-  
 ne plurimorū stupore in humanitatis studiis erudite: habes,  
 inquam, hîc verum nostræ Bataviæ initium ibi proculdubio  
 consistere, ubi Mosam non V Valis, sed ubi V Valim Mosâ pro-  
 pe Goricum excipit. Habes præterea abunde ostensum Betuæ  
 nomen



nomen recentioris esse ætatis, cuius nemo veterum Romanorum meminit, & quæ longe a Bethasia discrepet, quam sæpius vetusti scriptores memorant. Habes postremo nostram Bataviam minime contractiorē esse quam ut Romani Principes eam tanta fuerint dignati veneratione, suoque satellitio & mutua fraternitate, quæ, utique omnium Insularum Rheni facile nobilissima, mittebat Imperio viros etsi impari forsā numero, virtute tamē & fide omnium aliarum gentium præstantissimos. Verum unde & quando hæc Romanorum & Batavorum charitas & mutui amoris perpetuum fœdus originem habuerit, & ut longe ante Cæsaris tempora coaluerit, aliās apertius referemus.

a Aloysius  
Marlianus  
Mediolanensis,  
primarius Medicus  
Caroli Principis,  
residens

Mechlinia.

b Hieronymus Buslidianus, patri-  
tria Lucen-  
burgensis,  
Præpositus  
Arriensis  
in Arthesia  
& frater  
quondam  
D. Frācis-  
Buslidiani,  
Archiepi-  
scopi Bisun-  
tini, pri-  
marius Re-  
ctor Phi-  
lippi Regis  
Castellæ,  
&c.

*De insularis nostræ Bataviæ felicitate, cultu, deliciis, & commerciis; quibus (veluti quoddam Orbis emporium) omnibus notissima est.*

15

**D**E Insulæ Bataviæ cultu, felicitate, & commerciis loquutus, quoniam propio laus sordet in ore, nec quisquam sui suorumq. testis legitimus perhibetur, in mediū adducam virum mira ingenij dexteritate præditum, patriā Mediolanensem, arte Medicum, nomine<sup>a</sup> Aloysium Marlianum. Is pro confesso Bataviam asserens Hollandiam, in quadam Epistola D. b Hieronymo Buslidiano, Arriensi Præposito, elegantissime scripta, mihi que per nostrum Martinum Dorpi-  
um Theologum, virum omnium qui in humanis agunt longe candidissimum & juxta eruditissimum, pridem transmissa, Bataviæ nostræ præconia accuratissime decantat. cuius Epistolę, utpote lectu dignissimæ, ne fragmentum aliquod Lectoribus objiciam, totum exemplar adscribam.

20

25

*Aloysius*



*Aloysius Marlianus D. Hieronymo Bussidiano,  
Arriensi Præposito, S.*

**R**ecte feceris, mi Bussidiane, si meam solitudinem & ra-  
ram cum amicis cœnandi consuetudinē in bonam acci-  
pies partem, naturæque id meæ dederis aut fortunæ. Naturæ;  
quæ usque ab incunabulis ita me instituit, ut studiis potissi-  
mum delecter meis, neque maiorem ullam jacturam putem  
quam temporis: Fortunæ; quæ me adeo per ultima quæque  
exercuit, ut tandem satislatere mihi non videar, si etiam intra  
me ipsum latuero. Cōtineo igitur me apud me, & mihi vivo,  
cum veteribusque amicis, hoc est cum libris, quotidie magis  
in gratiam redeo, ex quibus non mediocrē fructum percipio,  
quum præteritæ fortunæ solamē, præsentis consiliū, & futuræ  
remediū afferant, doceantq. non magis me letē nunc fortunę  
credere, quā docuerunt adversam æquo animo ferre. His stu-  
diis, his amicis delector, mi Bussidiane, qui me apud te mini-  
me ambitiose excusant. Cave autē posthac ea uti mecum iro-  
nia, dum exoletas & immundas cœnas vestras narras. Iamdu-  
dum profecto ad Rhenum & Mosam Syrus Orontes decurrit,  
tantaq. facta est civitatum, hominū, & morum immutatio a-  
pud Germanos, Belgas, & Batavos, ut nova Historia indigeāt.  
Quo fit, ut cum hæc mecum repeto, & cum præteritis præsen-  
tia confero, adducar Astronomis credere, Æthiopiam apud  
vos quandoque futuram. Quo enim prisca illi mores Germa-  
ni & Belgæ? quo ardua & tetra illa virtus, quæ mercatores  
vinum, nec aliud quicquā quod viriles eorum animos emol-  
lire posset, importare prohibebant, ivere? Tacite in Galliam  
Belgicam & Germaniam commercio omnium gentium di-  
vitiae irrepserunt: applaudente Germanis gravidis metallo  
montibus natura, & utrisque Rheno Mosa & Oceano, conti-  
nuatoque sibi navigatione pene toto orbe Europa, Asia, nu-

*Aloysii  
Marliani  
Mediolanē-  
sis De Ba-  
taviæ sive  
Hollandiæ  
laudibus  
Epistola.*

*Vide Casar-  
is Com-  
mentarios.*

Q

per



per Afris & Indis commercio domesticis factis, orbis emporium & pene umbilicus facta est terrarum Gallia Belgica. cum divitiis & regina pecunia omnes Gratia & Veneres pleno Copia cornu venere in felicem Belgicam; cui nihil prorsus ad summam felicitatem deest, si non prisca virtus cum paupertate emigravit. Nitidi idcirco mundique & elegantes sunt Belgae, si omnibus conferas, praeterquam Batavis. Ego enim eam Insulam satis admirari non possum; siue rerum novitate, siue pulcritudine, siue omnium rerum felicitate. Quid enim novum magis, quam videre Oceanum cum terris luctantem? terrasque solo paleae intextae & nodatae scuto contra Oceanum tutas & victrices? Quid ventos, dum rotas agunt flatu suo cum aquis quotidie pugnantes, & quo velint aquas derivantes? Quid denique admirabilius videri potest, quam vno gelu totam concretam hyeme Insulam cernere? vltroque citroque huc illuc virorum, foeminarum, puerorum examina ferreis nescio quibusdam pedibus tam rapide ferri, ut multos Icaros volantes putes & Daedalos? Redeunte autem anno, & apparente vere, quid est ea Insula formosius, quid viridius, quid herbosius, quid floridius? Spirant undique opobalsamata venti; prata habent pascua, nemora, campos: tenent armenta prata pascua; nemora ferae sylvestres; laeta & luxuriantes fetgetes campos. Complet autem coelum undique omnigenum avium concentus. Scatet enim omnium avium genere, quas aut tellus pariat, aut aqua nutriet. Haec felix Insula, cum ad civitates perventum est (libet civitates, non oppida appellare) offert se oculis tanta elegantia, ut non sit minus difficile, quam male divertas querere, quam facile fortuitum & optimum hospitium invenire. Immundi quicquam importari vetat janitor, asperso sabulo vestibulo. Intus omnia sunt summe elegantia. Muri tabulati ex ligno quod sponte fluctuantis maris undas emulatur vestiuntur. Supellex ingens; argenti, aëris, metalli, tapetis & picti est plurimum. Lineae tela nives candore.

De hoc promiscuo inventum ac virginum. lusu in glaciæ, exstat elegans V. C. Iusti Lipsii carmen.



candore vincentes plusquam dici potest. Vis dicam vno verbo elegantiam omnium? Exspuendi locus non datur. Vnde sæpe mecum cum in ea Insula essem egi, natam ibi eam anilem fabulam: Cum duo amici cœnarent loco tam picto ut nefas videretur sputo aliquam particulam oblinere, in malefactam socij faciem, natura forte somniantem dum eam faceret, exspuisse. Vnde commoto altero, Parce inquit, respondisse, Amice nihil facie tua turpius hoc in loco obvium oculis meis fuit. Est præterea nihil usquam quo humana vita carere non debeat præstantius quam ibi. Mirum est, quicquid beata hæc Insula parit tam pulchrum est, ut matre Veneri editum putetur. Dij boni, quales homines, quales fœminas, quos equos, quæ cætera armenta, quæ pecora parit! ultra vero mirari hanc soli felicitatem, accedit quod cumulationem fortunam faciat copia rostratarum navium tanta, ut pene Germanici, Britannici, & Gallici Oceani domina dicatur. quibus ad assidua quæ cum omnibus gentibus exercet commercia vitur. Insuper tanta est lanificij cura, ut ambigere quisquam possit, dicatam ne putet Minervæ hanc Insulam, an Veneri? Lineæ autem pretiosæ telæ Ochemeniis telis prælatæ summum est pretium. Et ne terrarum benignitati & summæ arti mare cedere videatur, tam piscosum & beatum est, ut piscando Batavi plus argenti & auri venentur, quam extremis laboribus alij effodiant. Ad summum delectantis est opus naturæ, & ut Poëtæ ferunt, Dædalia est hæc insignis Batavorum Insula. quæ si ea forma præscis temporibus fuisset, amplam fabulæ materiam dedisset. Hanc profecto, posthabita Cyprio, Gnido, Papho, Cytherea Venus incoluisset. Sed quorsum feror? quid insanio? Noctuam Athenis ostendo, dum tibi Galliam Belgicam & Batavorum Insulam pingo. Verum non insanio, non casu sed consilio ad hæc littora delatus sum. Accuratius hæc percurri, ne posthac ironica nominis tui



figura in nos feraris, dum vestris plus æquo detrahis, & Italis nostris eadem figura plus æquo tribuis. Nisi semper velis nos irridere, & in Italicum fletum irrumperere; nobisque exprobras quod Troës fuimus. Fuimus equidem Troës; nec est quicquam quod forte nos futuros prohibeat. Petis a me, ut tibi Historiæ mer copiam faciam. Mihi autem tantum otij nunquam fuit, ut possem Historiam conari. Dices inquam, Ne vixisti. Vixi equidem. Scripsistine? Scripsi. Cur non edis? Non eadem est ratio scribendi & edendi. Scribere quocunque tempore possumus; edere autem nisi oportune. Accedit, difficilius esse emissam rem revocare, quam edere. Victus tamen tuo iudicio, brevi ad te studiorum meorum degustationem mittam. Sed cave ne te requisiti officij, & contra me suscepti negotij poeniteat. Vale.

Hæc Marlianus suo præstantissimo candore & ingenio. Quid si istis addere pergam plurima Bataviæ nostræ commoda & delicias, quæ ejus perpetuam, ut ita loquar, demonstrent beatitudinem? Habet enim in primis mare portuosum, omnibus finitimis, apertum & expositum; monticulos obherbescenti viriditate amœnissimos, valles & palustria feris sylvestribus refertissima; campos & saltus omnigeno pecore locupletissimos; lucellos permeabiles & innoxios; nemora quoque omnis pro tempore amœnitatis & gaudij plena, umbrisque opacis delectabilia, quas ne ipsæ quidem Gratia desiderant densiores; lacunas insuper & stagna admodum piscosissima; flumina suo fluxu & refluxu colonis omnibus accommodatissima; agros frugum omnium fertiles: sed tamen spatio breviores, quam ut suum expascant possessorem. Sed si quid minus est tritici aut vini, hoc nostra nobis argenti copia abundantissime ex omni natione subministrat. Postremo civitates habet complures opulentas, mœnibus & ædificiis permagnificas; pagosque & villas innumerabiles; vias negotiatoribus tutas, & propemodum expositas; ita ut sine mora, quo



ro, quo velis, sive rhedis, sive remis ocyus pervenias. Dent Superi, ut de hac felici patria ad patriam æternæ claritatis per-tingamus.

His quæ de Batavia nostra scripsimus, astipulatur validissi-me noster Erasmus, vnicum Germaniæ lumen, ita inquiring in Epistola quadam: Convenit inter plerosque doctos, nec id refragantibus conjecturis, eam Insulam, cujus Tacitus me-minit, esse quam nunc Hollandiã vocant, terram mihi sem-per & celebrandam & venerandam; vt cui vitæ hujus initium debeam. Atque vtinam illi nos tam possimus honestamen-to vicissim esse, quam illa nobis non est pœnitenda. &c. in Adagio, AVRIS BATAVA. Hæc noster Erasmus, simu-latque hunc nostrum legerat codicillum.

## CORNELIVS AVRELIVS AD SVAM BATAVIAM.

**P**Laude tibi nitidis suffulta Batavia fatis,  
Et varia Superum dote superba cane.  
Vix locus in mundo est, quem non tua gloria tangat;  
Roma tua extollit prælia, & Orbis herus.  
Ausoniis hostes adimis; Hierosolyma per te  
Excisa est; Anglos te duce Cæsar habet.  
Germanos placido Gallosque favore tenetas  
Sub fidei officio Romulidumque iugo.  
Te Roma agnovit, Damata stupefcit, Arabsque,  
Et Taricfsiaci fortia regna soli.

At



*At quum tanta potes terraque marique, dolendum est  
Ut minusat laudem Gelria sola tuam.*

*Ergone visa tui est secordia tanta Senatus,  
Robur ut antiquum fluxerat omne tibi?*

*Eloquar; atque utinam patriæ sim falsus aruspex;  
Concidis ipsa tuis, o mea terra, bonis.*

*Auro animum perdis, quem ferro atque ense fovebas,  
Tunc aderant vires; nunc gula abegit eas.*

*(Proh scelus) ingluvies, turpis Venus, æsque superbum,  
Ambitioque furens abstulit omne decus.*

*Ah tandem resipisce precor, pudeatque malorum,  
Pristinus ut redeat cum pietate vigor.*

*Aliud.*

*Dulce solum natale Vale. tua praelia gessi,  
Nunc galeam abiicio. Quisquis amicus, ovet.*

**FINIS.**

*Epistola*



## Epistola

CHRYSTOSTOMI NEAPOLITANI,

de situ &amp; moribus

HOLLANDIÆ.

MARTINVS DORPIVS HOLLANDIS SVIS

S. D. P.

Clarissimi viri, in hac Epistola Chrysostomi Neapolitani, hominis (si licet ab vnguibus leonē) elegantissimi, nolim offendat vos, quod Hollādis victum scribat esse parcissimum; quando & finitimæ gentes id vna voce omnes facile coarguant, a quibus voluptatis, gulæque damnati, etiam Ventres per jocum vocamur: tantum abest, vt tenui victu ac secundo pane victitare cēseamur. Et videtur Neapolitanus non in alia quam essedariorum hospitia divertisse: quæ vbinam gentium consueverunt non esse paulo sordidiora? & agrario nauticoque cibo, quam cupediis & lauticiis instructiora? Quod si in illis quoque eam omnium rerum mundiciam offenderit quam prædicat, quid in primatum opulentissimorumq. civium ædibus (quæ pleraque rectius palatia dicantur) conjectaverit latere? Porro anceps ambiguumque facit Chrysostomus: sitne ea nunc Hollandia, quæ ab Historicis celebratur Batavia. Atqui potest id conjecturis (nam apodixem afferri res ipsa reclamant) & quidem simillimis veri comprobari: de quo Ioannes Delfus præceptor meus libellū collegit, quem publico dignum forte aliquando emittam: simul vt ejus memoriam ab oblivione asseram, viri omnifariam quidem sed Historiæ in primis studiosissimi: simul vt Hollandiæ nostræ majore



majorum suorum praeclara facinora innotescant. Quod autem Olandiam scribat Chrysostomus, sciens aliquis (sat scio) persuasit, utpote homini extero & peregrino. Nam vocabulo nativo Holtilandia vocata est; ac deinde, quod asperius id vastiusque sonaret, coeptum est dici Hollandia. Siquidem in Patroni mei domini Abbatis Hecmundensis insigni bibliotheca Annales vidi multis jam saeculis asservatos, in quibus nunquam non inveni Holtilandiam annotatam, idque a lignorum copia, quam illinc Frisij gens vetustissima nec minus nobilis, sibi solent conquirere. Quod autem Calepinus auctor alioqui non futilis, Bataviam putat esse, quae nunc est Bavaria, somnium reputo. Errant & illi procul a vero, qui totam regionem, quanta inter duo Rheni brachia concluditur, vno Bataviae nomine censeri autumant; siquidem Plinius libro quinto Caninefates in Rheno collocat; qui non sunt Batavi, ut quos Tacitus meminit vicinos esse Batavis, origine, lingua, virtute pares, sed numero superatos. Postremo nec Gelria est Sicambria, quod multos velle scribit Chrysostomus. Nam Caesar (ut quarto Commentariorum est videre) ex Gallia trans Rhenum per Vbios (qui nunc omnibus sunt Colonienenses) contendit in fines Sicambrorum; ibique paucos dies moratus, in fines Vbiorum se recepit. Si cui ergo Gelria est Sicambria: is doceto, quinam sint Vbij ultra Rhenum, an citra Sicambriam, id est, (ut ipsi interpretantur) Gelriam. Adde iis, quod

*a Hac Epitheta infra ad calcem Epistola Chrysostomi consulto reiecta sunt quae alius.*

a Caesare factus est secundus pons prope Treviros: & is scribitur factus paulum supra priorē: ergo non procul a Colonia. Sed de his alias. Nunc a Epitheta dumtaxat quae celeberrimi auctores Batavis tribuunt subnectam, eaque fide integra. Valete, & hanc Dorpii vestri in patriam pietatem boni consulite.

CHRY.



## CHRYSTOSTOMVS NEAPOLITANVS

COMITI NVGAROLO

S. P. D.

**C**Ave dubites, mi Comes ornatissime, Vlyſſem illum, cui primas eloquentiæ ac prudentiæ Homerus tribuit, vafrum omnino & multiscium virum fuiſſe: verum ſolertia illa conſilia, & callida vaſſimenta, quibus tot pelagi terræque periculis emerſus, & Circes pocula & Sirenũ cantus effugit, ea ne credas (vt Poëta fabulatur) a Pallade illi ſuggeſta, & vt ita dixerim, in aurem inſtillata, ſed ad vnã animi prudentiam & plurimarũ rerum peritiã, quam diuturna illi pepererat peregrinatio, omnia ſcias eſſe referenda. Idq. ad ſummã Homerum ſub illo fictionis ſuæ involucro innuere voluiſſe:

*Qui mores hominum multorum vidit & vrbes:*

eum non modo prudentem ac ſapientem virum fieri, ſed aſſiduo ipſius Palladis, hoc eſt, ſapientiæ auxilio & præſidio, terra marique tutum reddi. Hæc adeo omnia ita eſſe, ſi quis vnquam fuit qui ratione collegerit, ſi quis re ipſa & experimento compertum habuerit, in his ego plane jam nomẽ profiteor meum. Nam poſtquam a te proſectus, Olandiæ oram perlustraui, (ſic enim eam recentiore vocabulo libentius, quam veteri Bataviam appellaverim: tum quia fortaffe non eſt omnino eadem nunc Olandia, quæ olim Batavia fuit: tum quia mollius, & blandius neſcio quid, & vt verum fatear, minus barbarum ſonat Olandia quam Batavia) poſtquam inquam Olandiæ oram perlustraui, Dij boni, quanto nunc mihi ipſi factus videor ſapientior, quam multarũ rerum peritior, quanto nunc mihi ipſi placeo magis! Tu ipſe, ni me agnoſcas, ſi videris, mi Comes, ſi loquentem audieris, longe alium eſſe cenſueris, quam eum qui antehac fui. Tam multa, tam varia didici ad rationem vivendi conducibilia, & ad mul-

R

tarum



tarum rerum vsum in primis necessaria. Sed ego summa rerum fastigia perstringam tibi, quibus & totius regionis situm, & urbium posituram, & instituta vivendi leviter collineabo. Cætera narraturus coram præservo mihi, ut ( id quod peregre advenientes facere solent ) aliquid in reditu habeam, quo te tanquam munusculo quopiam munerer.

**O**landia omnis ( sicuti ego ab incolis intellexi ) passuum ambitu fere septuaginta millium continetur : eam a Septentrione ac Oriente magna pro parte Oceanus ; ab Occidente bicornis Rhenus adluit ; a Meridie, quæ nunc dicitur Gelria, olim ( ut multi volunt ) Sicambria terminat. Terræ natura ejusmodi est, ut ab Oceano ad interiorē partem sit paulo devexior, sed Rhenus accepto Mosa, multisque aliis fluminibus, licet bipartitus, & mutato nomine in mare influat, tanto tamen aquarum fertur impetu ac magnitudine, ut Oceanum ipsum longe propellat, & tam influens quam refluens supra triginta millia passuum invndet, ac alterius pene maris speciem reddat. Quin etiam veluti a vastioribus aquis indigetur absorberi, cum Oceano tamdiu luctatus, ab omni, quod supra memoraverimus, pelago illius amarorem excludit. Quapropter iratus ille, ut opinor, abhinc tres & nonaginta annos licentius egressus fines, magnam Olandiæ partem, & in ea duos supra septuaginta pagos immergit ; e quibus omnibus vnum tantum infantem elapsum natu grandiores affirmant, & cum eo selem, ut in iisdem forte cunis uterque innatavit. Heu rem dictu nedum visu miserabilem. Enavigavi ego, nec parvo quidem navigio, loca illa, quæ adhuc extant qui meminerint aratris olim proscissa, & ferratis pervia plaustris. Visuntur adhuc multis in locis turrium cacumina, quæ tanquam aliqua sepulchrorum monumenta, cadavera ibi a oppidorum ab aquarum gurgitibus tumulari, prætereuntes commonent. Hæc maria sic Olandiam ambiunt, sic

*Anno videlicet Christi 1421.*

*a Nulla opida perire, sed pagus.*

passim



passim interfluunt, ac per crebras fossas & canales intermeant, ut fasciatim, modo aquæ, modo terræ veluti zonis quibudam distincta cernatur. Neque urbs vlla pagusve est, quo non curru pariter & mari possis duci. Neque usquam in tota regione, quantumvis penitissima, esse possis, unde trium horarum spatio ad mare non possis excurrere. Loca fere omnia palustria sunt, non tamen invia, ut non in aquosa viæ qua currus commeant, suggestis ut plurimum aggeribus, non sili- ce aut coctili latere, sed quadrato cespite in ordinem posito passim strata, hinc atque hinc aquarum fossæ lintribus ac navigiis innatantur. Tum crebri illices, in quos excrecentes aquæ derivantur, paludosa, & vix aliud præterquam pecori pabulum subministrata, distinguunt arva. Mortales ipsi æque propemodum in aquis, ac in terris degunt, ita ut amphibia quam terrestria animalia verius dixeris. Urbes fossa & muro cinctæ, duodecim perhibentur. Pagi & villæ, quæ neque magnitudine, neque cultu, quibusvis oppidis cedant, supra sex & triginta. Tum vici, compita, & magalia, sic passim interjecta, ut vix quoquam oculos vertas, ubi non aliquod ædificij occurrat genus. Urbes ipsæ plenis aqua fossis & lateritiis mœnibus cinctæ sunt. Nam saxi & topi expers omnino regio est. Tum amplissimos ac ad amussim dimensos vicos habet, & eos quidē glarea, navigiis aliunde invecta, stratos, nulli luto, nulli cœno obnoxios. Curia, Prætoria, Tempia, Xenodochia, & cætera id genus publica ædificia, plerisque in locis augustissima: privatarum ædium vna fere omnium facies, vna structura est. lateritij parietes in altum haud multum assurgunt, sed in acuminatam formam, pinnisq. quibusdam ad decorem distinctam, desinunt. Intus e regione ostij (nam inferiora ædium fere omnes incolunt) abacus & paries ipse adversus, grandioribus ex nitenti ære pelvibus & peltris (ut aiunt) omnisque generis lancibus & poculis instructi, prætereuntium oculos ad spectandum invitant, ac radianti quodam



dam fulgore luminum acies pene perstringunt. Bone Deus, quis vasorum nitor, quis lectulorum, quæ mensarum lautitia, quis mantilium, quis mapparum candor ! qui sedium ornatus, quæ denique parietum, quæ soli, quæ rerum omnium ceterarum munditia ! Coenaculorum, diatarum, cubiculorumve pavimenta levi aspergunt arenula : ut, si aliquid in ea immundū casu aliquo decidat, si coenosa fortasse cujuspian vestigia in ædes inferantur, foedari pavimenta non queant, sed verri scopis eve stigio sordes facilius possint, antequam solo inhareant. Hominum genus, ut plane inspexisse videor, 10 maxime industrium & negotiosum, sed versutum & callidū. Addo etiam essedarios, qui currulem vegetationem exercent, subdolos, & in advenas præsertim, lucelli cujuspian captandi gratia, fraudulentos. Mulieres ut pulchræ, ut lacteæ, ut simplici munditia omnes ; ita partim mercaturæ pertractandæ, partim 15 lanificio aut linificio potius dies & noctes intentæ. Victus omnibus parcissimus est, secundo pane aut lacte macerato, aut butyro leviter oblito vitam ducunt. Tum si quando se volunt invitare vinctius, aut bubulas, aut ovillas carnes, pridie coctas, & in sextum interdū diem servatas, apponunt. 20 Has ego intuens, averti statim jubebam. Videbar enim inspicere semilacerum, & ( ut tu festivissime dicere soles ) quatri-duanum aliquod cadaver a sepulcro aut scalis Gemoniis ad mensam pertractū. Bucularum & equarum ingens numerus. illarum lacte non magis aluntur, quam ingentes caseos quosdam 25 cōficiunt. Equarum servitio ad currus trahendos, quorū in Olandia frequens usus est, magis utuntur. Hanc ego regionem fere totam sex diebus perlustravi, aut percurri potius. Sed audi rem miram. Est ibi vrbecula quadam apprimè concinna, cui nomē est Roterodamo, in eam & proficiscens, 30 & rediens, duabus noctibus sum diversatus. Cumque miro quodam studio diligentius illam quam ceteras pertractarem, nescio quo pacto factum est, ut illius intuitu vix mihi oculi



oculi possent expleri. Cognoscebam sane illam, & magnitudine & opibus multis aliis cedere, occultioribus tamen nescio quibus causis ea mihi placebat impensius. Moenia, porta, strata viarum arridebant mihi. Parietes ipsi, tecta, ædificia omnia vltro mihi videbantur adulari. deniq. cœlum illud nitere purius, & aura spirare nescio quid divinius. Vernare propinquus ager, tepere circumfusus aër, herbæque ipsæ ac salicta, quibus Olandinus ager maxime confitus est, olere nescio quid amabilius videbantur. Dum id stupeo mecum, & causam ejus rei tacitus quæro atque vestigo, tandem cujuspiani relatu cognovi ea in vrbe auras primi haussisse luminis primum illud Latine atque Atticæ linguæ lumen Erasmi: agnovi extemplo hinc illud cœlum nitere defæcatius, hinc illos aëris vernos tepores, hinc illam arborum, herbarum, locorum olentiam tam suavem. Vah! quanto repente perfusus sum gaudio, quam bene mecum actum censui, cui fortunatum illud solum intueri contigerit, quod fortunatum ac salutare illud Germaniæ sidus aliquando protulisset. Veneratus igitur loci genium, vrbis moenia ter & quater exosculor: tum piis quibusdam conceptis verbis nutriculae illius divini hominis vrbi bene precatus, vix inde pedem extuli. Sed cum postremo ad illam Oceani partem pervenissem, quæ haud procul ab Harlemo vrbe infremens magnis arenarum cumulis longe lateque campos replet, e curru statim profiliens Oceanum patrem rerum salutavi. Sed ubi tam dirum Olandiæ vitricum illum fuisse animo subiit, qui tot oppida, tot ædificia, tot mortales uno haustu absorbuit, magnis cum conviciis & immanibus diris sum execratus. Deinde quantam rem egerim diu mecum contemplatus, quod homo jam sexagenarius, a Lucanis vsque in Italia ortus, ad extremum illum orbis terrarum limitem venerim, tot montes, tot sylvas, tot flumina tranans, tot terras, tot maria emensus; tam audax, tam memorabile facinus dignum censui,



quod aliquo posteris monumento testificatum relinqueretur: ac sicut Herculis quondam iter, erectæ ad Gades in Atlantico mari columnæ: Alexandri expeditionem, ad Caspicas portas positæ aræ: Pompeij arma ad Pyreneos montes illata, defixæ identidem columnæ testantur: Sic & nostros quoque tam longæ viæ labores, & tam magnos ausus, insigne aliquod monumentum memoriæ hominum commendaret. Quænim magis meruerint prædones illi hostes humani generis, suum ipsorum nomen illustre & æternum fieri, quam ego meum? cum illi regnandi libidine, ac propagandi per fas & nefas imperij aviditate, quietos & insontes populos vexare bellis, cadibus, rapinis, incendiis omnia vastare, ac divina & humana permiscere non veriti sint: Ego videndi tantum studio, ac ea perdiscendi, quibus & mihi & aliis prodesse possim, tantum viæ percurrerim, tam multa pericula, tam multos labores exhauserim. Tantumque abest ut indigenas quospiam infestem aut expilem, ut vel illorum plerisque pecuniolam meam ultro impartiam, dum pretio mihi hospitium & victum in diem paro. Iure igitur æternitati nominis nostri consulendum statuens, pro copia rerum & temporis angustia, cum in arenariis campis illis neque marmoris neque æris vlla daretur facultas, ingentem arenæ cumulum congero: eum viridanti cespite munio, ac dispositis circumquaque in valli modum crebris juncorum manipulis sepio: tum rem ipsam duobus versibus signo:

*Erexit molem Chrysostomus, Urbis alumnus*

*Parthenopes, studio qui hac littora adusque videndi.*

Rides fortasse me, qui tam imbecillum opus contra tam vastas æquoris ac ventorum procellas satis firmum putaverim. Ne mirere, ab ipsis Olandis Oceani accolis exemplum ceti. Villas illi habent ad ipsas undarum fauces positas: eas ibi sepulcris quibusdam ex simplici stipula vel junco intextis munivere:



vere: illarum obice contra præruptos undarum montes & terrificos Oceani fluctus se satis superque tutos putant. Sed ego, mi Comes, pro epistola jam libellum ad te do. dum longo literarum alloquio intermissæ cōsuetudinis nostræ jacturam me juvat refarcire, dumque tecum partiri bona fide studio quicquid ipse de Olandia properantibus oculis haurire potui. nam ne omnia oppida circumirem, neve diutius usquam immorarer, pestilentia, quæ plerisque in locis grassabatur, prohibuit. Vtunque tamen, iis totis mensibus sexdecim, quibus domo absun, candidiores mihi sex dies illuxisse vix meminerim, si te socio, ut compositum inter nos jam pridem fuerat, mihi hanc oram peragraré contigisset. Tua enim suavissima consuetudo, disertissimi sermones, & acutissima dicta, minus mihi laboriosam vectationem, & longe meliorem viam effecissent, præclarissimoq. isto ingenio tuo, singulari doctrina, & exactissima diligentia, investigasses, collegisses, annotassesque multo plura. Sed quoniam aliter fieri nequit, donec ubi per te ipsum enucleatius satisfeceris, esto mecum contentus iis quæ nos pinguiori quadam Minerva collegimus. Si quid tamen interea (ut omnium bonarum artium es curiosus) ab illo Sebastiano cosmographo didicisti, fac tu nos vicissim edoceas, ut uterque nostrum in commune (quod amicitia in primis munus est) æque alteri ac sibi consuluisse videatur. Vale.

## EPITHETA BATAVORVM

*a*

MARTINO DORPIO

*collecta.*

**F**Eroces. Truces. Animosi. Fortissimi. Veteres militiæ magistri. Populi virtute præcipui. Fidelissimi. Statura proceri. Nobilissimi. Socii Imperij Romani. A primævo ævo laudis  
&



& gloriæ populus. Laudis & gloriæ cupidi. Quondam duces Germaniæ atque Galliæ in bello quod gerebant contra Romanos. Audacissimi. Immetuentissimi. Victoriosi. Veteres multorum bellorum victores. Validissimi artus exercitus. Tributorum expertes. Galli pro libertate, Germani ob prædam, Batavi pro gloria ad prælia instigabantur, ut scribit Cornelius Tacitus.

DESIDERIVS ERASMVVS  
DE BATAVIS SIVE HOLLANDIS,

*In Adagio*

A V R I S     B A T A V A .

QVemadmodum Græci dicunt, Βαυωτιον οὖς, id est, *Bæoticam aurem*, pro pingui crassaque; itidem Martialis epigrammatum libro sexto *Batavam aurem* dixit agrestem, inelegantem, tetricamque:

*Tu ne es, tu ne (ait) ille Martialis,  
Cujus nequitias iocosque novit,  
Aurem qui modo non habet Batavam.*

Sic enim legit Domitius Calderinus, quamquam nonnulli mutarant pro *Batavam severam*. Erant Batavi Germaniæ populi, Cattorum pars; qui, domestica seditione pulsi, extrema Galliæ oræ vacua cultoribus, simulque Insulam inter Vada sitam occupavere: quam mare Oceanū a fronte, Rhenus amnis tergum ac latera circumluit. Gens tum bello valida, ut quæ Germanicis bellis esset exercitatissima: tum opibus pollens, quod Romana militia non exhauriretur, quandoquidem erat his cum Imperio societas, ut viros tantum armaque



maque ministrarent : quemadmodum copiosius prodidit Cornelius Tacitus. Convenit inter plerosque doctos, nec id refragantibus conjecturis, eam Insulam, cuius meminit Tacitus, esse quam nunc Hollandiam vocant, terram mihi semper & celebrandam, & venerandam; ut cui vitæ hujus initium debeam. Atque utinam illi nos tam possimus honestam mento vicissim esse, quam illa nobis non est poenitenda. Nam quod Martialis eam gentem rusticitatis infimulat, quod eandem<sup>a</sup> Lucanus trucem vocat : aut nihil ad nos pertinet, aut etiam laudi vertendum arbitror utrumque. Siquidem quæ <sup>a Belli Pharsalici lib. 1. Vangiones Batavique truces.</sup> gens non aliquando fuit rudior? Aut quando Romana gens laudatior, quam cum præter agriculturam & militiam nihil artium nosset? Quod si quæ quondam in Batavos dicta sunt, contendet aliquis ad hujus temporis rationem pertinere, quæ major laus Hollandiæ poterit tribui, quam si dicatur a Martialis jocis abhorrere, quos etiam ipse nequitias appellat? Utinamque Christianis vel omnibus aures essent Batavæ, quo pestilentet ejus Poëtæ facetias, aut non admitterent, aut certe his non caperentur. Quod si quis id rusticitatem vocare velit; nos convitium haud illibenter agnoscimus : videlicet cum integris Lacedæmoniis, cum priscis illis Sabinis, cum laudatissimis Catonibus commune. Lucanus autem (opinor) ita truces appellat Batavos, ut Vergilius acrem Romanum. Alioquin si mores domesticos spectes, non alia gens est ad humanitatem, ad benignitatem propensior : cuique minus adsit vel feritatis, vel truculentia. Ingenium simplex, & ab insidiis omni que fuco alienum, nullis gravibus obnoxium vitiis, tantum ad voluptatem, præcipue conviviorum, aliquanto deditius. Cujus rei causam esse puto, miram rerum omnium exuberantiam, quibus voluptatis studium irritari solet: idque partim ob commoditatem importationum, quod non solum occupat duo nobilissimorum fluminum ostia, Mosæ Rhénique, verum etiam quod aliquanta sui parte Oceano alluitur:



luitur : partim ob nativam regionis vbertatem, ut quæ passim navigabilibus ac piscosis interluatur fluviis, pascuis uberimis abundet. Ad hæc avium infinitam copiam paludes salustique suppeditant. Proinde negant aliam inveniri regionem, quæ simili spatio tantum oppidorum contineat, mediocri quidem magnitudine, sed incredibili politia. In domestica suppellectilis nitore palmam vni concedunt Hollandiæ negotiatores, quibus pleraque pars orbis est peragrata. Mediocriter eruditorum nusquam gentium frequentior numerus. Ad exquisitam eruditionem, præsertim antiquam, quod non perinde multi perveniant, aut vitæ luxus in causa est, aut quod apud illos plus honoris habetur egregiæ morum integritati quam egregiæ doctrinæ. Nam ingenium non esse negatum illis, plurimis constat argumentis ; quamquam mihi sane quam mediocre contigit, ne dicam exiguum, ut cætera pleraque.

## Epistola

GERARDI NOVIOMAGI  
de Zelandiæ situ.

G. N. SEBASTIANO CIRIACINO S. P.

**S**Alve. Perlegit mihi his diebus Martinus Dorpius, Theologus cum eloquētissimus tum sapientissimus, Epistolam Chrysostomi Neapolitani de Hollandiæ situ Hollandorumque moribus, quæ me impulit de Zelandia nostra Epistolam ad te scribere. Zelandia, multis insulis discreta, si in univ ersum spectatur, habet ab Oriente Hollandiam ; ab Occidente Oceanum Britannicum ; ab Austro Galliam Belgicam ; ab Aquilone per Oceanum Britannicum Scotiam & Norvegi-  
am a longe prospectat. Sunt qui Zelandiæ sexdecim insulas  
totidem.



totidemque adscribant oppida: alij ex hoc numero nonnihil demunt. Aer Zelandicus ob Oceani vicinitatem paulo asperior est & inclementior. Ager fertilis, qui longe diligentiori cura colitur quam Hollandicus. Triticum enim Zelandicum Hollandico & purius & candidius est. Oppida, Prætoria, Tempia, vt Hollandis, magnifica. Zelandis ferme ij mores, is cultus qui & Hollandis. Zelandus lingua nonnihil citatiore quam Hollandus est. Si portuum commoditatem, si mercimoniorum copiam & abundantiam, si navium numerum spectes, Zelandia Hollandia longe superior est. Zelandi bituminosas terræ glebas effodiunt, iisque ignem foveant. Ex cineribus sal coquunt candidissimū atque acerrimum. Advehitur etiam ex Britannia minori & Lusitania salis ingens copia, quod Zelandi excoquunt; quo vtuntur vicini Belgæ, Germanique superi. Tres sunt in Zelandia Insulæ insignes, quarum vnam V Valachriam, alterā Scaldiam, tertiam Suytbevelandiam dicunt. V Valachriam a Gallia denominari mutata G in duplex V persuasit mihi vir Princeps Philippus Burgundus, Oceani Præfectus; qui & hoc anno in V Vestcapella marmor repperit Herculis nomine vetustissimis inscriptum literis: quare & Hercule aut ibi aliquando appulisse, aut Zelandiam Herculi sacrā fuisse asserere nititur. Quod a vero (meo iudicio) non longe abest. In hac Insula portus est quā Armudam vocant: in quem ex toto orbe naves appellant. Est & alter portus Vericensis, sed in eo statio navium male tutata. Est & Middelburgus emporium frequens, civitasque refugij, quod tantū dedecoris adfert quantum commodi; in hāc enim civitatem ex toto orbe ære alieno gravati confluunt, sentinamque malorum efficiunt. Scaldia a fluvio hujus nominis dici videtur: in hac Ciriacum est oppidum amœnissimum, ab indigenis habitatum, honestissimisque abundans mercatoribus. Superest Suytbevelandia, ab eventu & situ sic dicta: nam & ante aggeres circumductos terra tremula erat, &



Scaldia Austrina est, cui opponitur parva Insula quam Nortbevelandiam nuncupant. In Suytbevelandia Goufa est oppidum ab ave, quam gansam Plinius dicit, nomē sortitum. Hic locus totius Zelandia a nonnullis dicitur amoenissimus. Sunt & oppida & insulae aliae celebres, de quibus jam nihil scribo, 5 quod Zelandiae situm incolarumque mores & laudes libello quodam scribere decreverim: in quo ea reperientur quae in hac Epistola tumultuaria desiderantur. Habet hac nostra aetate Zelandia viros eruditione claros, mihi que non ignotos; Paulum Middelburgum, Mathematicum insignem, atque multarum linguarum peritum; quem etiam ipsa Italia, quae 10 vult videri Latinissima, perorantem magna cum admiratione saepe audivit. Habet Hollandiae Praesidem M. Nicolaum Middelburgum, virum utriusque Iuris tam consultum, ut multo magis ipse eam ornet dignitatem, quam ornetur ab ea: ut 15 que ei palmam memoriae eruditionisque etiam illi tribuant, qui tanto viro male volunt. Habet & Simonem VViskerkensem, Iurisconsultum prudentissimum & multijuga eruditione instructum. Sunt Middelburgi amici mei duo, quorum vnus est Ioannes Borsalus, vir & vitae integritate & summa 20 eruditione clarissimus, qui a morum honestate Boni cognomen meruit. Alter est Hadrianus Cordatus, Mœcenas meus liberalissimus, eruditione & modestia nemini postponendus. Sunt & Ciriaci doctissimi viri, Iason Himnidicus, Medicus; Zagarus, adulescens literarum studiosissimus; Franciscus 25 oppida secretis, Erasmi illius nunquam satis laudati discipulus; & multi alij, de quibus alias scribam latius. Solus Barlandus, politioris literaturae armarium, multum decoris Zelandiae suae adfert; qui quantum in bonis literis possit florentissima 30 Lovaniensium Academia tecum novit. Habuit & superioribus saeculis multos rara doctrina viros, quos ut commemorem verat temporis angustia. Sed M. Nicolaum Middelburgum, Medicorum aetate sua phœnicem, silentio non preteribo;



teribo ; cuius raram & doctrinam & fidem cum prædicat non vna regio, tum sumptuosissima magnificaque domus Hantverpiæ, quasi monumentū, exstructa testatur. Hæc sunt, mi Sebastiane, quæ de Zelandia nostra ad te tumultuario scribere Chrysostomi Epistola me impulit. Quæ si tibi ceterisque amicis placere cognovero, propediem videbis de Zelandia nostra longe cumulatiora. Valebis. Lovanii in Collegio Cruciferorum, secundo Kalendas Martias. Anno M.D.XIIII.

HADRIANI BARLANDI  
HOLLANDIÆ ET ZELANDIÆ  
compendiosa descriptio.

HOLLANDIA.

QVam nunc Hollandiam dicimus, olim Holtlandia nominata est a copiis lignorum, ut habent Annales quidam. Hujus regionis herbis & salictis maxime confitus est ager. Frumentum, quo utantur, navigiis aliunde invehitur. Homines hic industrii, negotiosi, simplices, & ad omnem humanitatem benignitatemque propensissimi. Alios videas ad parandam vel rerum, vel linguarum cognitionem diversa Christiani orbis adire gymnasia. Hollandis vero magis honoratur egregia morum integritas. Quamquam nec ipsa negligunt studia precipue literarum meliorum, quas aliquanto felicius quam ceteri discunt, si modo a teneris annis præceptoribus tradantur. In vasorum nitore, mensarum lautitia, mantilium atque mapparum candore, munditia denique rerum omnium superant alias nationes. Mulierum genus pulchrum & lacteum, aut negotiatur ut viri, aut lanificio linificiove dat operam. Hollandia & piscosis interluitur amnibus, & pascuis abundat



vberimis. Neque regio esse creditur alia in orbe, quæ simili spatio tot habeat oppida, mediocriter quidem magna, sed apprime polita & concinna. Dolendum hanc tam nobilem, tam florentem provinciam Lutheranae factioni tantopere favere. Dicam nunc de oppidis hujus regionis.

## TRAIECTVM.

Hanc urbem attribuunt Hollandiæ, alij Frisiæ, Sive in Hollandico solo, sive in Frisia sita, haud dubie nobilissima est, & privatarum adium pulchritudine, & clero. Habet enim celeberrima Canonico-  
rum Collegia; in quibus principem tenet locum quod est Divi Martini. Habet & Antistitem, qui in sacris latissime imperat. Hic tam dives ac potens, ut, si quando sit necesse, quadraginta hominum milia ad bellum possit armare. Ex hac urbe Romanum Pontificem Hadrianum ejus  
nominis sextum nostra videt ætas. Quæ felicitas nulli unquam contigit aliarum quæ sunt in orbe nostro.

A Traiecto non longe dissita est DAVENTRIA, quod oppidum plures annos floruit schola bonarum literarum.

## DORDRACVM.

Vrbs est valide munita, negotiationi idonea, undique cincta mari, opibus & celebritate inter alias longe princeps.

## HERLEMVM.

Hanc urbem invenio conditam a quodam illustri viro cui nomen inditum fuerit *Lem* Germanica lingua. hinc vrbs dici coepta *Heer-Lemsstat* Germanice; nos eadẽ ratione Herlemũ dicimus Latine. Forum hic maximũ, pulchræ domus, templum egregium. Vrbs sita est loco peramœno; statim egres-  
sis moenia occurrit nemus, in quo varias avium linguas audire licet, in quo timidi damæ, cervique fugaces, lepores, cuniculi, denique ferarum omne genus.

LEYDA.



## LEYDA.

Pulcherrimum Hollandiæ oppidorum. Ædificia habet & concinna & frequentia. Vicorum hic est perpetua quadā mundities, vt aliis quibusdam terris plus luti ac cœni inuenias in domibus, quam hic in plateis.

## DELFTVM.

De hujus oppidi conditione, puto me dixisse non nihil in opusculo de Comitibus. Incolarum opes ampliæ sunt, multa in Divos pietas. Cervisiam conficiunt optimam, quæ plurima ad Zelandos vicinam gentem importatur.

Hinc parvo miliario distat HAGACOMITIS, (ita enim nominatur) pagus & magnitudine, & cultu, & incolarum frequentia non paucis oppidis anteferendus. Hic Concilium est, ad quod totius Hollandiæ atque item Zelandiæ populi concurrunt in rebus ambiguis.

## AMSTELREDAMVM.

Hoc cæteris, quæ nominavi, recentius oppidum, genus hominum incolit pecuniæ studiosius. Quocirca in remotissimis etiam terris negotiantur, habentque toto fere anno externum domi suæ mercatorem. Præstat hoc illis commoditas portus.

Sunt alia quædam non poenitenda Hollandiæ oppida, GORICVM, GOVDA, ALCMARIA, ROTERODAMVM, eximij illius viri Erasmi Roterodami vrbs nutricula.

## ZELANDIA.

De Zelandiæ meæ situ extat perquam eruditi viri Gerardi Noviomagi veteris amici nostri Epistola non inelegās. Dicit ille totam Zelandiam sexdecim insulis ac totidē oppidis constare. Fertilem esse regionis agrum, multoq. diligentius coli,



coli, quam Hollandicum. Quod hic nascitur triticum multo  
 & purius & candidius esse Hollandico. Mores esse indiscretos  
 cum Hollandis, lingua citatiore nostrates esse. Portuum com-  
 moditate, mercimoniorum copia, & navium numero Gerar-  
 dus Hollandiæ præfert Zelandiam. Coquitur hac Insula sal  
 candidissimum. Habet Zelandia tres insignes Insulas: VVala-  
 chriam, in qua V E R I A & M I D D E L B V R G V M oppida  
 mercimoniis florent: Scaldiam, vbi Z I R I C E A est opulen-  
 tum & non inconcinnum oppidum: Zuytbevelandiam, in  
 qua duæ sunt vrbeculæ, G O V S A, & R V E M E R S V V A L A. 10  
 Est hæc omnium Zelandiæ Insularum amœnissima. Sylvas  
 habet locis aliquot. Hortos quoque, in quibus est quicquid  
 natura produxit herbarum esculentarum. Pomaria passim  
 amplissima. Hic mensibus vernis omne avium genus sub-  
 silire, circumvolitare, colludere, deliciari videas. hic vel 15  
 studere, vel obambulare, vel cum amico confabulari, vel  
 cibum capere, vel cum sodalibus lusitare summa est volu-  
 ptas. Goufæ oppidulo, quod dixi, vicina est patria mea B A R-  
 L A N D I A, locus adeo & fertilitate ac rerum copiâ, & ædifi-  
 ciis, & littoris amœnitate præstans, vt non immerito de hac 20  
 dicere possim, quod de Baiis Horatius dixit:

*Nullus in vrbe locus Baiis prælucebat amœnis.*

Item Poëta Martialis:

*Ut mille laudem Flacce versibus Baias,  
 Laudabo digne non tamen satis Baias.*

Totus locus pratis irriguis parvisque cinctus est nemuscu-  
 lis. Dignam studiis, dignam Musis sedem diceres.

LÆVINVS



LÆVINVS LEMNIVS  
DE ZELANDIAE INSVLIS,

*ac gentis hujus natura, conditione, moribus,  
origine; deque ubertate soli, &c.*

Cum tam multa proferat Zelandiae regio, quae exteris etiam ad vitae usum ac commoditatem conducunt ac sunt necessaria: miror a plerisque hanc tam abjectam ac despiciam censerī. Nam praeter insignes atque in immensum fastigiatas lauros, (ut a telluris beneficio exordiar) perpolitae maturitate baccis onustas, quae Brabantis denegatae sunt; praeter efficaces & salubres herbas, cum medendis morbis tum esui accommodas; praeter sal candidissimum, quod civium industria conficitur; praeter rubiam, garanfam Gallis, nostris meedekrappe nominatam, adornandis pannis, ne color deflorescat, eumque intime concipiant, necessariam; praeter triticum, quo nusquam gentium candidius aut magis ponderosum; praeter immensam piscium copiam, quae quotidie recens advecta in omnes Europae partes distribuitur, urbes exhibet eleganter extructas, atque in iis aedificia splendida, re domestica ac suppellectile coccinnea exornata, ita ut omnia passim nitida conspiciantur, culta, expolita. Quae vni nuper admiratus est illustrissimus Hispaniarum Rex Philippus Belgii Princeps, & quibus stipatus erat, Proceres aulici. Accedunt his omnibus portus commodi, fidaeque ac tutae navium stationes, omni nationi expositae, atque ad frequentandas remotissimas regiones, quocunque terrarum cursum instituere libeat, aptissimae; nec illi negotio defunt exercitati naucleri, ac viri nautici, quibus omnes Oceani recessus sunt explorati. Quanta vero soli ubertas, quam pingues ac glutinosae glebae, quam feraces ac fecundi agri, quam numerosi armentorum pecudumque greges,

T

non

*Rubia radix, & alumen durabile coloe pannos imbuunt.*

*Zelandiae soli ubertas*



non facile vlli fidem feceris, nisi propius illi sint conspecta, vti etiam vberissima saginando pecori pascua non solum intra exporrectos aggeres ac ambitus, sed etiā extra littora, in ipsa Oceani crepidine, in quibus oberrant pecudum aliquot myriades maximo negotiatorum emolumento, quæstuq. vberissimo, non solum supra vulgarem magnitudinem, sed saporis etiam delicati atque exquisiti, soli ac graminum beneficio, quod saluberrimum iis pabulum suppeditat. Adeo vt exteri quoque summopere iis delectentur. Ita vt Vitiligatores, hoc est, qui sectandis litibus dediti sunt, nullis donariis (modo aurum demas) advocatis ac procuratoribus melius gratificentur, quam si villosas huiusmodi oves ac Zelandicos verveces illorum culinæ inferant, tum demum enim res illis cordi esse incipit, ac causæ insistant: quibus si accedat caseus ovillus virore perfusus in usitata magnitudinis, atque immensi ponderis, nihil adferri potest ad rei commendationem gratius. Tali siquidem condimento irritari solent ad potum ac repotia etiam saturi, ac vino affluentiore paulo ante perfusi. De aëris autem Zelandici clementia non ausim multa polliceri, vt qui in nonnullis partibus sit paulo asperior, & quam vicinarum gentium minus salubris, præsertim æstate ob paludum & stagnorum graves halitus, & quod regio arboribus minus confita. Hoc tamen habet commodi, quod contagioni ac pestiferis morbis minus sit obnoxius, ac serius inficiatur: at infectus immaniter in hominum corpora grassatur, nec facile conquiescit. Vt enim lignum durum egre quidem ignescit, ac flammam concipit, at incensum difficile restinguitur: ita corpora Aquilonis flatibus ac marina aura indurata minus prompte virus concipiunt, peste vero correpta ægre hanc excutiant. Aqua quoque putealis in insulis non ita pridem ex mari vindicatis parum sapida est aut salubris, ac vel salsa qualitatis, vel vliginosi fundi saporisq. ingrati particeps. Tamen si in civitate Zirizæa putei existant, qui ne aque quidem fluviali ce-

*Aer Zelandicus qualis.*

*Aqua in Zelandia qualis. Zirizæa puteos salubres habet.*



tili cedant, aut liquore pluvio sint inferiores. Regionem hanc maritimam veteribus olim non fuisse incognitam ex Cornelio Tacito colligi potest, non hoc equidem, quo nunc innotescit nomine, sed ex usu ac vulgata alloquendi consuetudine ac compellatione, qua populares atque indigenę inter se sunt vsi: itaque Mattiacorum illos nomine designat, cum inquit: Est in eodem obsequio Mattiacorum gens, Batavis similis, nisi quod ipsi terrę suę solo acrius animantur. Quo indicat, tamen si Batavis sive Hollandis a cavitate terrę sic denominatis vicini sint ac finitimi, ita ut inter illos referri debeant, vulgari tantum nominis appellatione discretos, atque Oceano propiores magis feroces esse, ut revera sunt, ac viribus, ingenio, solertia, versutiis, calliditate, fallaciis, captionibus, negotiandi peritia, ac conquirendi industria superiores. Quod autem Mattiaci nominentur, non a loco vel Duce aliquo, sed a populari appellatione atque vsitato loquendi more enatū est, nempe a *Mact*, quę vox in quotidiano sermone ac congressu familiari omnium apud nos actionū, contractuum, periculorū, ac totius voluntatis, consilij, laboris socium comitemq. sonat, omniumque rerum quas inter se exercēt participem ac consortē. Ita omnes gregales, venalitiij, consodales, & quotquot a vita societate, fido, firmoq; animorum consensu facultates ac copias suas in commune conferunt emolumentum ac quęstus spe, ex naturarum consuetudine, quorum maxima in iis regionibus copia, *Mact*, voce gentilitia ac vernacula nominantur, hoc est, conjuncti ac sociati. In magistratu vero, aut dignitate aliqua illustri, vel Consulari vel Senatoria, omnique munere publico, quęstura, ædilitate, pupillorū tutela, testamentorum procuratione, aliisque functionibus, *Depnout* sese vocant, etiam qui apud nos Consulatu funguntur, quod Latinis collegam sonat. Ex vetusta itaque cōsuetudine ac vulgato loquendi more, quem inter has gentes observabant Romani, cum in iis regionibus versarentur, illasque

*Zelandia  
an veteri-  
bus cognita*

*Vnde Ze-  
landi Mat-  
tiaci dicti,*



*Zelandia  
insulis fœ-  
cunda.*

*VValachria  
unde dicta.  
VValachria  
situs.*

*Arnemuda  
portus*

terras sibi vectigales ac tributarias facerent, aut in societatem ac tutelam Romanæ potentiaë assumerent, Mattiacos vocabant: ut qui apud Germanos ~~Harman~~ nominatur, Arminiū, atque apud Cæsarem in Commentarijs, ~~Ambarht-herren~~, Ambarhtos. Eo enim nomine designant Belge illustres aliquot viros, penes quos summa rerum, atque in eo colonia alicujus seu municipij ambitu, vlloque territorio, dominatus. Nam Zelandia nomen recens est, ac veteribus incognitum, a terra ac mari conflatum, quasi dicas, terram ac solum maritimum: mari enim vndique cingitur, multisque insulis distincta est, nempe quindecim. Tametsi paucis abhinc annis magnā cladem huic regioni Oceanus intulit, cujus sævitia atque immanitate magna Zelandia pars, divulsis ac dissipatis funditus aggeribus, salo oppressa est, atque mari æquata: subsistunt tamē insignes aliquot insulae, quarum tres præcipuæ cum Oceani æstu continenter luctantur, atque immensis sumptibus (quod non facile Principi, aut qui illius vices obeunt, persuaderi potest) aduersus barbarum hoc atque indomitum elementum ægre se tuentur. Inter has primum ex alto in portū delatis se offert VValachria, vel ab ejus cultore sic denominata, vel (ut conjicio) à Gallis, qui hanc oram frequentabant, qui Belgica voce etiam nunc ~~Walen~~ vocantur, impuberes eorū ~~Waelkens~~ aut ab ea Britanniaë parte, in qua versus Occidentē consistūt VValli apud Anglos præcipuæ nobilitatis viri, a Gallis etiam oriundi, quod idioma illorū adhuc indicat. Insula hæc ab Ortu Brabatiaë obversa est: a Meridie Flandriaë: ab Aquilone Bataviaë sive Hollandiaë: ab Occasu æquinoctiali Britanniaë, in quā brevissimus est trajectus, & a qua parte primus in Oceanū ingressus quocumq. terrarum visum sit navigationis cursum dirigere. Præbet enim Arnemuda, Metelliburgi municipium, tutissimū omnibus portum, fidā navium stationē: nam hic præcipue classis quamlibet numerosa instruitur, in quēcunque Oceani tractum velificatio perficitur. Cum autē hac in-  
sula



fula præter fundi aliquot appēdices serius illi annexas (Polders nostri vocant) octo miliarium ambitum cōficiat, ut etiam Scaldia, cui intra centum annos iugerum tria millia avulsa sunt, cultissimis aliquot pagis ac villis distincta sit, tum unum habet emporium negotiatorum frequentatione celebre cum primis ac illustre Metelliburgum, a Metello præcipua nobilitatis ac Consularis dignitatis apud Romanos viro id nomen, ut plerique opinantur, consequutum; cum ego a Burgo, hoc est, munito atque eminente castro, aut arce rupeque inaccessa, quale apud Romanos Saxum Tarpeium, denominatum putem, quod in insulae hujus meditullio ac velut centro consistat. Quæ loca occupare solent, ac præsidio munire Duces Præfectique regionum, quò ex editiore loco tanquam è sublimi specula, ac velut in excubiis collocati, omnia spectarent, atque incursionibus hostium obsisterent. Hinc enim apud Belgas emerfit Burgimagistri, & Burgravij dignitas, quod penes hos sit summa potestas, & loci illius Præfectura. Nec tamen diffiteor, quin ad hujus conditorem referri possit, a quo tali loco hoc propugnaculum contra hostiles impetus sit erectum. Distat autem a Metelliburgo versus Africum seu Occasum hibernum intervallo sexdecim stadiorum, quæ bis mille passus conficiunt, aut bina miliaria, verbecula exiguo quidem murorum ambitu, sed arte & natura munito qua parte mari obversa est, quæ strenuis piscatoribus atque exercitatis naucleis (quos Pilotas vocant) referta, Flissinga nominatur, non Vlyssæa ab Vlyssæ, ut quidam nugantur, producta origine, sed ab vrceo aut lagenâ potius, quod poculi genus fictile superne angusti oris est, ne imprudenter liquor effundi possit, in medio, distento ac capaciore ventriculo, qui circa imum gracilescit, ac sensim extenuatur, Belgis *En Flessche* nominata. Cujus imagine Civitatis hujus vexilla ac manipuli, quos etiam navium malis in vertice erectos conspiciamus, insigniti sunt. Cum autem loci hujus incolæ suaviter se

*Metelliburgum emporium.*

*Quid Germanis Burgh.*

*Flissinga civitas.*



*Nomen a  
re inditum  
Elissinga.*

*Zelandi  
sur poculis  
addicti.*

*Veria ci-  
uitas.*

*Scaldia in-  
sula a flu-  
mine sic  
dicta.*

*Zirixaa  
quando  
primum  
erecta.*

poculis reficiant, nec ab iis etiam abhorreant foeminae, aliquando in hoc certamine viris robustiores, ab amplexu lagenae, qua singulariter afficiuntur, eamque identidem exhaurire gestiunt, nomen hoc consequuti sunt; aut id ipsum sibi à potandi consuetudine asciverunt: quæ quidem inter hos inolevit, non ut inebrientur, sed inter se exhilarescant, atque animi nebulas discutiant. Sunt enim complures in hac regione tetrici, moesti, superciliosi, melancholici, qui affectus a Brabantis ac Flandris sunt alieni, ut quos non triste Saturni ac Martis, sed lätum & salutare Iovis & Mercurij sidus informat: eoq, fit ut Zelandi, qui percipiunt excutiendas illas animi molestias, Geniales esse studeant, atque affluentiore potu has animi carnificinas opprimere. Versus Ortum equinoctialem Scaldiae opposita, abest a Metelliburgo pari propemodum distantia ac totidem passibus Campoveria civitas, per angusto moenium ambitu, paucis ab hinc annis Scotorum frequentatione celebris, nomen id a freto obtinet, quod ab ea littoris ora in ulteriorē Campæ ripam ac sinum, qui Noortbevelandiae annexus est, transferri homines soleant. Primus enim portus, ac navium cymbarumque statio, à qua conscensa navi aut scapha trajicimus, *Deer Belgis* dicitur, aliis *Varrt*; Latine, *trajectus* & *transvectio*. Huic Aquilonem versus, aut ab Ortu solstitiali opposita est Scaldia, a præterlabente Scalde flumine sic nominata; quæ cum multis populosis pagis ac coloniis distincta sit, plurimas exhibeat rusticanas villas, pleraque urbana atque antiquæ nobilitatis prædia ac palatia, ut Haemstedium, & Renissæ affinem Moermondam, tum præter Broersaviam, non ignobile municipium, civitas Zirixaa, a conditore nomen sortita, hanc insulam præcipue exornat; quæ anno redempti orbis DCCC XLIX, imperante Lothario, primum in formam civitatis ædificari cœpta, ac moenium ambitu muniri, ex parvis initiis in eum splendorem adacta est, ut nulli clarissimarum civitatum sit inferior. De qua



qua hoc citra omnem ambitionem, aut immodicum erga patriam affectum ausim testari, plurimis illis viris eruditis, præclarisque ingeniis foecundam esse ac feracem, negotioribus providis ac sagacibus refertam, quibus ex re frumentaria ac lectissimo tritico, ex nivei candoris sale, ex rubia seu garanfa, salsamentorum ac piscium copia, armentorum pecudumque immensa vi quaestus accedit vberrimus. In re familiaris ac domestica, omnia elegantia, nitida, expolita; mensa frugalis ac moderata, nec vnquam prodigialiter sumtuosa: in mercatura exercenda nemo non civium solers atque industrius, lucri avidus, ad rem attentus, in tenuiores tamen atque inquilinos inopia pressos liberalis ac beneficus, in cæteros vero hospitalis, blandus, comis, affabilis, candidus, atque absque omni simulatione ac fucata specie, nulli non obuius & expositus: in pietate ac Dei cultu religioni quam superstitioni propior. Quod vero ad populares ac loci huius indigenas attinet, nusquam gentium tam dextri, tantaque sagacitate in odorandis explorandisque impostoribus, captiosis, fraudulentis, subdolis, insidiosis assentatoribus, quamlibet scite adulentur, palpent, blandiantur, aures titillent ac scalpturiant, adeo ut non facile horum technis, fucis, fallaciis, versutiis decipiantur, sed illas e vestigio deprehendant:

*Zirizai  
literis affl-  
ciuntur.*

*Zelandi  
astuti.*

*Dignoscere cauti*

*Perfius  
Satyr. 5.*

*Quid solidum crepet, et pictæ tentoria linguae,  
Nequa subarato mendosum tinniat auro.*

Vt assolet iis quibus aliud clausum in pectore, aliud in lingua promptum. Ab hac dijudicandi peritia emerferunt in Belgas aliquot (exhibita aliquando populari Comoedia) hæc vulgata dicteria, dictante morione, ne quis offenderetur: Brabantus hilaris, festivus, ridiculus, in scenicis Comicisque moribus immodicus: Flander mulierosus, salax, intemperans,



perans, libidinosus, petulcus, lascivus : Hollandus simplex, improvidus, incautus, infacetus, iners, segnis, somniculosus, stolidus, ac minime astutus : Zelandus callidus, vaser, versipellis, astutus, subdolus, captiosus, versutus. Qui affectus etiam in gravescente ætate ac senectute vires concipiunt, seseque efficacius proferunt, nisi domita naturæ propensione, atque institutione aliter condocesa facta ad meliorem frugem perducatur. Siquidem infimæ plebis ista sunt vitia, ac gentilitii mores, non patriciorum aut virorum illustrium qui liberaliter educantur. Cum autem omni nationi sui adsint affectus ac vitia, mores, propensiones, studia, hoc est, instituta quibus se quisque applicare solet, tum huic quoque genti, a qua nihil humani alienum, non desunt genuini insitique affectus, ad quos naturæ inclinatione feruntur, partim ex circumfuso aëre qui manifestò corpore afficit, partim, ut alimentata præteream, ex parentum natura, avitisque moribus, ac vulgari vitæ consuetudine, quæ aliquando ita inolevit ac menti infixæ est, ut vix eximi queat : quo fit ( si Patricios demas, qui nusquam non cultu ac doctrina expoliti sunt ) ut gregaria ac promiscua multitudo passim inhumana sit, rudis, agrestis, ferox, crudelis, indomita, atque a civili vitæ consuetudine aliena, quasunque etiam nationes excutias. Verum quò inveteratus error, ac depravati mores, qui ab incunabilis ac prima infantia inolescere animis nostris incipiunt, ita ut eos velut cum lacte nutricis suxisse videamur, eximantur : progenitorum munus ac officium est ( quod nostrates nunc sedulo præstare enituntur ) ut ex se prognati liberaliter instituantur, eumque animo cultum ac fomenta adhibere curent, ut exuta nativa insitaque feritate, ad omnia humanitatis officia inclinentur. Ut enim silvestres arbores cura atque industria hominum mitescunt ; immanes beluæ officio ac molli tractatione mansuescunt ac cicurantur : ita quoque humanus animus non prorsus ferreus aut adamantinus flecti potest, atque ad artes



ad artes humaniores, ad probitatem, decus, virtutem, pietatem, religionē informari. Quæ res effecit apud nos, ut piscatores gens rudis ac pelago assueta; quorum apud Zirizæos *Zirizæa piscatoribus fœcunda.* supra quingentos esse constat, præter hos qui nondum satis adulti in hujus negotij tyrocinio versantur, paulo post in nautas ac veteranos assumendi; ea sint morum ac vitæ integritate, ut nunquam inter illos ullæ contentiones, jurgia, simultates, dissidia exoriantur, nec unquam inter se lites contestentur, aut jure cum æqualibus contendant, ita ut magistratus nunquam nisi in urgentissimis causis se horum controversiis interponat, sed omnes inter sese coactis comitiis dirimunt ac consopiant. Nullum inter suos gregales tolerant mendicum, ac probro ducunt, si quis ex consociatis ostiatim stipem emendicet, aut quid aliud eblandiatur: quin ipsa piscatoria societas, & qui inter illos est primarius, quem Decanum vocant, singulis quibus res domi angusta est & contractior, quam ut familiam alant ac sustentent, ex communi ærario suum dimensum constituit, ita ut non desit quo famem frugaliter ac liberaliter solentur. Cum autē tam numerosa multitudo piscatu se exerceat, ac paulo longius in Oceanum progressa, victum in mari venetur, si quando parce & maligne piscari contingit, nullus unquam horum se vexat aut excruciat, nec cuiquam male precatur, sed omnia placide ac sedate perfert meliorum spe atque fiducia. Ista autem animi moderatio in hominibus tam incultis, non præscriptis legibus, aut sapientum doctrina, mentibus illorum impressa est, sed instinctu ductuque naturæ, ac rationis judicio cōcepta, quo discernunt, quæ honestati ac decoro deserviant, quæque illi sunt adversa. Cæterum ut ad Scaldem recurrat oratio, Fluvius hic *Scaldis fluvij origo & decursus.* in Veromanduis vetusto adhuc nomine cognitus, geminis fontibus progressus, per Nervios, nunc Tornacos, per Gandavum urbem celeberrimam, quæ mihi prima tyrocinij rudimenta contulit, reliquosque Flandriæ tractus diffunditur, ac



*Antverpiā  
Scaldis ex-  
ornat.*

*Scaldis per  
Flandriam  
decursus,  
cur de  
Monte di-  
catur.*

*Zirizel  
exercitati  
nautā.*

*Scaldis fre-  
mitus, quā-  
do tempe-  
statem de-  
nuntiat.*

mox Antverpiani delatus, vrbis mœnia alluit, portumq. inibi  
in signem, ac clarissimam navium stationem exteris exhibet;  
deinde paulo longius progressus, bipartito cursu Brabantiam  
ac Flandriā a Zelandia discriminat: siquidem sinistra in Au-  
strum contortus ac deflexus, Flandrię oras ac littora persequi- 5  
tur, alioque nomine insignitus, *de Monte*, a latratu ac fremitu  
vocatur, quo per Zuytbevelandiam ac V Valachriam in Oce-  
anum Occidentalem patet aditus, ac rursus in has oras acces-  
sus: dextra vero relictis Brabantia finibus continuato cursu,  
servatoque veteri alveo, per Scaldia insulae littora violento 10  
vastoque gurgite in Oceanum devolvitur, atque ex vetusta ap-  
pellatione Scaldis nominatur, Belgis usitato nomine *Schelt*,  
Gallice *l'Escault*; unde insula hæc Scaldia denominata, vulgo  
*Schauwe*. Cujus fluvij præcipuū alveum, profundumq. gur-  
gitem (*Canal* nautæ vocant) quem naves consectari debent, 15  
ne vadis inhæreant, ac sisti contingat, etiam hac tempestate  
indigenæ exactissime exploratum habent, suoque illum no-  
mine designant, commonstrato loco a quo ante multos an-  
nos Oceani ostia subire solet, ac fluctibus marinis emergi, ita  
ut ne intempesta quidem nocte nostrates nautæ ab hoc defle- 20  
ctant, aut in diversum rapiantur, ut aliquando usu venire solet  
velificandi imperitis, in signi mercium ac vectorum detrimē-  
to. Exaudiuntur autem hisce locis fragores ac strepitus hor-  
rendi vel subsidente in imum fluctu, vel ubi rursus æstus ad-  
ventare incipit, ac ventorum violentia exasperatus Oceanus 25  
fluvio obnititur; quod ipsum potissime usu venire solet, ubi  
post Aquilones Austrini flatus ingruunt, ita ut accola, perce-  
pto plusquam miliaris intervallo Oceani ac Scaldæ fremitu,  
tempestatem imminere ante triduum pronuntient. Cum au-  
tem angustiora olim essent Oceani ostia, minusque vasti ac 30  
patentes in continentem aditus, conspectius in mare Scaldis  
ferebatur; siquidem incrudescēte quotannis æstu marino,  
ostia faucesque dilatari contingat ac sinus laxiores effici: ut  
gulos



gulosi affolet qui immodico potu se proluunt. Quo fit ut flumen hoc affluentiori salo obruatur, nec facile decursus ejus, quo in Oceanum effunditur, conspici queat. Non desunt qui nominis affinitate decepti, eam speciem Aselli piscis, qui mihi aliquando Plinij visus est Callarias, ex hoc fluvio nomē obtinere credant, atque à Schelt Schelvisch denominari, quod in Oceani ostiis, in qua flumen hoc se exonerat, vel hamo, vel retibus subducatur: cum a squamis potius, vulgo Stellen (nam Stelpen testaceis attribuuntur, non piscibus) appellatum censeam, quibus densius contextus obductusq; est, ac velut lorica munitus: eoque fit, ut, cum elixandus est (nam torrerī recusat) cultro deradi debeat ac desquamari, secus quam Asellus, vulgo Cabbellau, lavore perpolitus, cuteque molli nec squamosa, nec etiam in ipsis Oceani faucibus, quas influit, capitur, sed in alto longeque remoto mari. Tametsi non ignorem pelagios aliquot pisces aliquando fluminis ostia subire, dulcis aquæ illecebra, qua mire pinguescunt: ut Salmones, qui ex Britannico Scoticoque sinu, adverso amne, in Rhenum ac Mosam penetrant; ut etiam Trissæ, Alosæ, Lacceæ, vulgo Elst, Mugiles, Harder, Acipenser vel Sturio. Anguillæ vero contra quam marini pisces salinam aquam appetunt, qua gustata mire agiles efficiuntur, minusque lubrici, atque esui salubriores, quo fit ut circa catarrhactas (nostri Slusen vocant a claudendo) quæ apertis valvis aquam, qua hibernis mensibus agri opprimuntur, violento impetu in mare profundunt, insitæ magnitudinis Anguillæ nassis ac sagenis eximantur. Verum de his aliquando uberius, ubi Conrado Gesnero viro compemis erudito paria fecerim, atque hostimenti loco Compendium de piscium trivialibus nomenclaturis illi dedicatum absolvero. Ceterum flumen hoc, qua parte Scaldia oras attingit, atque hinc in Oceanum illabitur, Orientales regionis hujus insulas ab Occidentalibus discriminat; quarum

Schel-  
visch piscis  
unde a no-  
minatur.

Asellus  
piscis,  
Cabbella-  
iau.

Anguilla  
salina aqua  
delectatur.



*Zelandia in  
duas Quæ-  
sturas di-  
uisa.*

*Hierony-  
mus & Se-  
roskerka.*

*Iudocus &  
Vervia.*

*Comites  
unde dicti.*

quæ ad Ortum spectant, *Beoesterschelt* indigenis vocantur: quæ vero Austro ac Flandriæ obversæ sunt, *Bewesterschelt*, quasi superiorem ac inferiorem, aut citeriorem atq. vltioriẽ dicas, quorum alij cis Scaldam, alij trans Scaldam consistunt. Designantur autem his nominibus duæ insignes Quæsturæ, quibus Prætoriam etiam dignitas, ac Dictaturæ potestas attributa est, sic vt harum Præfectis ius ac fas sit tota passim regione (præter civitatum municipia quæ Consulium tutelæ ac præsidio subsunt) Regio dominatu facinorosos coërcere, vagos ac palantes corripere, nebulones ac mendicos validos, sicarios, oppressores in vincula conjicere, ac tormentis exploratos in iudicio capitis arcessere, quò omnia passim quieta sint & pacata, & ne quis iter ingressus aliquid hostile metuat. Obivit hoc munus multis annis inculpate, eoque præclare ac magna laude functus est nullius offensione Illustr. vir Hieronymus à *Seroskerka*, Equestris ordinis *Heros*, multisq. aliis nominibus suspiciendus. Adauget vero soceri decus & amplitudinẽ pari generis splendore ac nobilitate magnificus vir Iudocus à *Vervia*, rei agrariæ in insulæ nostræ ambitu Præfectus nõ sine maxima amplissimarũ dignitatũ expectatione. Excitavit elapsis aliquot retro seculis fluvij hic decursus inter Zelandos (qui in eodem sunt cum Batavis Comitatu) & Flandros acerrimas contentiones ac cruentas pugnas. Appellat autem atque veneratur vtraque natio suos Principes Comitum nomine, adjectis aliquot speciosis titulis. Qui Dominatus hinc emerfit, quod præcipuæ nobilitatis viri Imperatores ac Cæsares in ad-  
candis periculis comitarentur, suamque operam sedulo illis præstarent, vulgo *Graben*. Quæ potestas ac nominis amplitudo Iustiniani tempore primum inolevit, eamque appellationem consecuta est. Deinde sub Berengario & Otthone competitoribus ad posteros derivata, proximum apud Imperatorem confessum ac comitatum obtinuit. Anno autem Domini *DCCC LXIII*, imperante Carolo Caluo, apud Batavos, illisque



illisque affines Zelandos hic Principatus primus constitui  
 coepit, ac Comitatus nomine designari, primusque Comitis *Hollandia  
& Zelandia Comitatus  
origo.*  
 nomine inauguratus Theodoricus filius Sigisberti Principis  
 Aquitaniae, qui annos octo & triginta in eo dominatu versa-  
 tus, successorē Theodoricum secundum herilem filium con-  
 stituit, a quo ad nostra usque tempora haec Regia potestas lon-  
 ga Heroum serie ad invictissimū Hispaniarum Regem Phi-  
 lippum devoluta Comitatus nomine censetur, ejusque pro-  
 vinciae Principes Comites appellantur. Sic qui apud Braban-  
 ros ac plerosque alios potestate Regia existunt, Duces vocan- *Duces unde  
nomen sortiti.*  
 tur, a deducendo in hostilem agrum exercitu, vulgo Hertogen,  
 quasi dicas, exercitus ductores. Cum autem Flandriae Comes  
 Guido Dampetra proferendae ditionis esset avidus, ad occu- *Guido Dā-  
petra Flā-  
dria Comes.*  
 pandas aliquot Zelandiae insulas animum induxit: itaque pri-  
 mo V Valachriam sibi subicere ac vectigalem facere medita-  
 tur, inductoque in hanc ditionem exercitu (nam facillimus  
 erat trajectus) illam incursionibus, incendio, igni, ferro depo-  
 pulatur ac vastat, tandem Metelliburgum obsidet, ac per feci- *Metellibur-  
gum expug-  
natur.*  
 alem (Harault nostri vocant) ad deditionem sollicitat: cum in-  
 id non admodum paratos promptosque sentit civium animos,  
 ad motis arietibus, factoque vno atque altero insultu civitatem  
 expugnat. Guilielmus Batavorum ac Zelandiae Comes, ejus  
 nominis tertius, cum civitati subsidium adfert, Zirizæis stipa-  
 tus quibus maxime fidebat, duobus vno die praeliis victus, san-  
 guine madidis vexillis (unde emerferunt Zirizæ civitatis in- *Vexilla Zir-  
izæa cur-  
rubra.*  
 signia sanguinolento colore perfusa) Zirizæam, qua nulla  
 tunc munitior aut Principi magis devota, propere contendit.  
 Guido victoria elatus, relicta intra Metelliburgum praesidio,  
 in Zirizæos omne belli robur convertit, quos dum sesqui-  
 mensem obsidione premit, maximis damnis afficitur. Siqui-  
 dem oppidani continua eruptione magnam stragem Flan-  
 dris intulerunt, multosque captivos in civitatem adduxerunt:  
 tandem impetratis utriusque consensu induciis, concessaque



*Zirizai**Metelliburgum**expugnatum**Comiti re-**stituunt.**Zirizæis**virtute**parca pri-**uilegia.**Francorum**Rex Ziri-**xeos sub-**levat**Triremes,**vulgo**Galepen*

sex hebdomadis belli mora, Guido in Batavos expeditionem molitur. Elapsis induciis Zirizæi, collecto milite, instructaque classe in VValachriam confestim trajiciunt, cæsisque ac profligatis Flandris, civitatem in potestatem redigunt, ac perexiguam accepto incommodo in sedes suas se recipiunt. Princeps Batavorum ac Zelandorum Guilielmus ejus nominis tertius, percepta tam insigni victoria, civitatem Zirizæam maximis honoribus afficit, multisque privilegiis, congiariis, donativis muneribus exornat. Guido vero Flandriæ Comes re apud Batavos male gesta, acceptoque vulnere, in Zelandiam secedit; deinde paululum recreatus ad oppugnandos Zirizæos, a quibus ereptum Metelliburgum indignatur, animum intendit. Itaque coacto numeroso exercitu, tametsi ultra sesquimensem bis ab hac esset repulsus, atque infecta re discedere sit coactus, rursus illos laceffit, atque arctissima obsidione pressos cōtinenter oppugnare non desinit. Cum autem oppidani in extremis essent constituti, atque in summa difficultate, in maxima rerum inopia versarentur, nullis tamen vel blandimentis, vel minis ad deditionem impelli potuerunt, tametsi jam septimum mensem præter incendia atque immissas in civitatem faces, omni tormentorum genere, arietibus, catapulcis, testudinibus, fundis, ballistis, aliisque machinis, quarum illo seculo frequens usus, terra marique oppugnarentur. Cum itaque in angusto res essent constitutæ, omnique præsidio destituta civitas, opportune Rex Galliarū Philippus, cognomento Pulcer, nulla interposita cunctatione aut mora, Ioannem Payderosum ducem Præfectumque maris, ac Reginerium Grimaldum Genuensem, instructa classe, atque adornatis aliquot longis navibus, quæ quod remis frequentius incitantur triremes vocantur, Zirizæam amandat, utque obsessis subsidio adsint ac mature subveniant cohortatur: illi nihil cunctati Regis mandato obsequuntur, omniaque eventigio perficiunt: quos ubi in excubiis constituti, e sublimi atque



atque eminente specula, a qua in mare latissimus prospectus, adventare, nec procul abesse denuntiant, confestim Guilielmus Bataviæ ac Zelandiæ Princeps, Regis sororius, conspecta primum nave Pætoria, deinde numerosa longo agmine classe, quas ipse in eum usum instruxerat naves illis adjunxit, collatisque copiis atque unita classe Flandros adoriri atque opprimere statuunt, oppidanis etiam re-inesperata in spem victoria erectis; qui, redintegratis viribus longa obsidione attritis, rursus in hostem animantur. Cum autem stat in proximitate acies, ac classis omnibus armamentis accurate instructa, in hostem incitanda, è statione moveri incipit; Flandri (ut nulli defunt astus militares ac strategemata) navem quandam sarmentis, fascibus, scandulis, stramentis, stipulis, alioque fomite atque aridis nutrimentis, quæ cito flammam concipiunt, constratam, oleo, pice, sulphure, sevo, adipe perfundunt, eamque accensam æstu ac vento secundo in adversam classem dirigunt. Cum autem navis flammis corusca hinc inde hæreret, ac subinde vadis implicita lente progrediretur, ita ut Oceanus propemodum in summo consisteret, ac iamjam refluxum meditaretur; ecce derepente (quod singulari Dei providentia factum credi par est) ventus mutata statione in Aquilonem impellitur, ac remeante maris fluxu flammifera navis retorta, Flandrorum classem invadit, omnique ex parte incendia miscet. complures, ne flammis absumerentur ac concremarent, in mare defiliunt, ac periculum periculo commutant, vitamque natandi peritia redimunt. Turbatis hac clade Flandrorum rebus, nostrates remis velisque in illos irruunt. Illi nihilo facti segniores, restincto, qualicet incendio, reliquas naves flammis intactas, omneque exercitus robur acriter hosti opponunt. Certatum est initio ancipiti dubioque Marte à meridie ad emergentem usque Solem, ita ut ne nox quidem, quæ ea parte anni, nempe Idibus Augusti, sublustris est, pralium.

*Flandrorum strategema.*

*Navale pralium.*



prælium dirimeret. Nostrates equo loco constituti, ventoque ab iis averso ac subsidente Oceano, igni, ferro, faculis, accensisque sarmentis ac sudibus hostibus terrorē ineunt, multosque arduos globos ac faces in hostium naves iis comburendis provolvunt. Interim oppidani reſeratis portis ſacraque eruptione maximam illis cladem inferunt, ac Flandrorū impetus in noſtros retundunt ac reprimunt, mulierculis etiam in hoſtem ita efferatis, ut non minus fortiter & animoſe quā viri ſe illis opponerent. Tantus in eo conflictu fragor, ſtrepitus, clamor, vociferatio, ululatus fuiſſe perhibetur, ut plerique teſtati ſunt, pluſquam trium miliarium intervallo horredos illos clamores fuiſſe exauditos. Quod nemini ſupra fidem videri debet, cum in mari editus ſonus, aut excitatus fremitus incredibili diſtancia percipiatur, præſertim tacita ſilenteque nocte. Cum enim nihil obſtet, vel nemora, vel montes, aut in cœlum erecti ſcopuli, clangor per æquoris planitiem, velut patentem atque vndique exporrectum campum, longe lateque ſe diffundit, ac per aëra volvitur. Cum autem tota nocte miſeranda ſtrages, ac cædes horribilis ſit edita, diluculo rebus deſperatis victi fuiſque Flandri in hoſtium poteſtatem rediguntur. Deſiderati in ea pugna Flandrorum octo pluſ minus millia, capti præter gregarios milites, quorum non facile numerus iniri poteſt, Guido Dampetra Flandriæ Princeps, ac cum illo innumeri Proceres aulici: direpta ſigna militaria, pelles, tentoria, manubiæ, multaſque opima ſpolia atque exuviæ cum Principe ac captivis in civitatem relata ſunt. Tota autem clafſis, quæ illis numeroſa erat, ſuiſque armamentis affabre inſtructa, vel quaſſata & convulſa, vel incendio abuſta: reliqua in hoſtium poteſtatem redacta. Hac itaque memorabili clade afflicti Flandri, de componendis rebus captivisſue redimendis conſilia ineunt. Quæ documento Principibus eſſe debet, qui alienæ ditionis ſunt avidi, ac finitimorum poſſeſſioni inhiant, non tentandas bello vicinas regiones,

*Guido  
Flandro-  
rum Comes  
captus ab  
Hollandis.*



nes, vbi nulla subest legitima causa, aut iusta belli origo : quæ etiam si existat, præstat omnia potius experiri, nullasque non conditiones pacis admittere, quam arma in manus arripere. Cæterum soluta jam civitatis Zirizæ obsidione, confectoq. bello, quod evenit anno Domini MCCCIII, Idibus Augusti, qui dies erat Laurentio sacer, ne parta ex tam atroci ac cruento bello victoria annorum decursu oblivione obrueretur, aut civium animis excideret, decrete sunt solennes atque anniversariæ supplicationes Deo immortalis, easque Senatus quotannis eodem quo hæc peracta sunt die, ac periculo est exempta civitas, in sempiternam rei memoriâ continuari voluit; quod a posteris nunquam intermissum est. Quin & impuberes, qui scholas publicas frequentant, atque in palæstra literaria versantur, hunc diem festum habent, ac feriantur, permessa iis ludendi licentia. Ita rei gestæ recordatio posteritati tanquam per manus traditur : quo cuique civium innotescat, mentique fixius inhæreat, in quanta angustia, vitæque discrimine versati sint olim progenitores, cum pro aris & focis, pro conjuge & caris liberis acerrime decertant, suoque Principi strenuâ fidamque operam præstare conantur. Interim hanc præcipue doctrinam exhibet posteris, eosque commonefacit rei hujus annua continuatio, ut rebus afflictis ac desperatis, ad Deum Opt. Max. mentem erigant, atque ab eo salutem, patriam obsidione liberam, prosperos rerum successus, victoriam incruentam summis votis exoptent : quod vnice factitasse legimus Abrahamum, Moysen, Davidem, Ezechiam, Iudith, compluresque alios, qui huiusmodi præsidiis victoriam sunt consequuti. Cæterum cum Scaldia, in eaque sita Zirizæ frequenter ab exteris laceßita sit, ac bellis quassata, tum insularum nulla minus Zuytbevelandia, quæ a solo Austro opposita sic denominata est, spatiosissimo amoenissimoq. versus Flandriæ ac Brabantiae oras tractu exporrecta, tamen paucis abhinc annis maximam jacturam passa, dimidio jam sit angustior.



*Romersualla  
civitas.*

*Goesa civi-  
tas.*

*Toletum  
Zelandia  
civitas.  
Martinia-  
na civitas.*

*Zelandorū  
origo.*

*Zelandia  
apud Da-  
nos.  
Hafnia,  
Coop-  
mans-  
hauen.*

*Zelandia  
Batavia  
appendix.*

stior. Ab hac avulsa est civitas non ignobilis Romersualla, quam nullis excultam agris, nullis exornatam pomœriis, Oceanus vndique alluit, ita ut vnica salis negotiatione subsistat. In Occidentali vero insulæ parte sita est Goesa civitas, perexiguus quidem murorum ambitu, ac splendide atque affabre constructa, civibus morum civilitate perpolitus. Est præter hanc insula quædam Brabantia contermina, exiguo tantum freto discreta, in qua consistit Toletum a vectigali & portoriis ita appellatum: a qua non procul abest Martinianus agger, Principis Aurasienensis municipium, locus amœnus atque arboribus vndique confitus, in quibus maxima alitum, præsertim ardearum, copia nidulatur. Sunt præterea minutæ aliquot insulæ, minusque celebres, ut Duvelandia a columbarum frequentia sic denominata, Goereda à fida navium statione, Plattessa, tum plæræque aliæ non ita pridem ex mari vindicatæ, quarum descriptionibus inherere supervacaneum puto, cum edita nuper Zelandiæ Topographia singula exacte exhibeat, quæ spectator curiosus per otium oculis poterit demetiri. Quod vero ad gentis hujus originem spectat, constans fama est, atque indigenis per manus tradita, à Gothis ac Danis hæc profluxisse, præsertim ab illa insula Cimbrica quæ in Dania Zelandiæ nomē inscripta est, in qua spectatur celeberrimum Emporiū Hafnia, vulgari nomine Coopmans-havē, à portu negotiatoribus frequētata, qui hanc terram cultoribus vacuam, oppositis erectisque aggerū molibus, in insulas redegerūt, atque extructis primum casis, minutisque atque angustis tuguriis, sementi ac pascuis reddidere idoneā. Erat enim Cæsaris ætate magna terræ hujus pars, quæ non aliud quā Bataviæ appendix est, inculta nec vnquā ad serendi vsum vomere proscissa, aut fossione subacta, sed æstuariis ac paludibus impedita, ita ut etiam nunc Hollandia plurimos vndique lacus exhibeat, adeo ut pedestria passim itinera illis concisa, cymbis omnia transigenda sint: quod ipsum etiam Zelandis vsuvenit in æstuariis.



æstuariis, quæ nihil aliud sunt quam loca extra intraque lit-  
 tora marinis fluctibus exposita. Siquidem effuso in ipsa me- *Æstuariorum*  
 diterranea salo, aquam affluenter concipiunt, ita ut hibernis *quid.*  
 mensibus omnia invia sint, nec nisi scaphis ea loca adiri  
 queant. Quod vero solum extra aggeres ad maris usque cre-  
 pidines atque extremas oras multis jugeribus longe lateque  
 exporrigitur, ex alluvione coacervatum, crebris fluctibus, æ-  
 stuque iunditur, ac nonnunquam extumescente Oceano, ut  
 affoiet Luna vel plena, vel plurimum incoata, fluctibus ob-  
 ruitur: subsidente vero, rursus emergit, ita ut loca paulo edi-  
 tiora, & quæ eminent, suavissimo pabulo pecudes reficiant.  
 In huiusmodi receptacula se olim conferre solent impube- *Æstuariorum*  
 res ac mulieres, omnisque ætas ad bellum idonea, ubi *in bello*  
 Romani Belgiam incursionibus infestarent: erat enim tu- *Belgarum*  
 tissimum ibi perfugium, quod aditus accessusque esset diffi- *perfugia.*  
 cilis. Sunt enim ea loca quæ nostri *Stellen*, vel potius *Staller*,  
 hoc est, caulas ac pecorum stabula vocant, nostro etiam  
 tempore multis incurvis voraginibus, ac verticosis fossis, *Voragines*  
 per quas Oceani æstus volvitur, (nostros *Grêten* vocant) *Zelandicæ.*  
 impedita adeo, ut equitem armatum, si imprudenter atque  
 incaute in illas inciderit, absorberi atque obrui contingat:  
 quo fit ut loci huius viæque ignaris istac penetrare pernicio-  
 sum sit. Sunt autem multis Zelandiæ locis herbida plani-  
 ties ac viridantia floridaque prata nullis cincta aggeribus, qua-  
 rum usus in iis regionibus nunquam defuturus est: cum quæ  
 à parte una abradi avellique contingit, alteri alluvione adji-  
 ciantur, ita ut nunquam extruendarum insularum materia  
 huic regioni deesse possit. Horum quædam à virenti grami-  
 ne ac læta pabulatione *Garfen* indigena vocant: quæ vero par-  
 tibus gramine virescunt, nec uberè adhuc pabuli copiam sup-  
 pediant, a pascendo vellendoque *Storren* vocant. Ex his ubi  
 aliquot jugerum millia conglobari contingit, insulas effi-  
 cere nostros tentant: ac cum vetustæ tum recentiores



*Batavi Ze-  
landis con-  
sociati.*

*Com. belli  
Gallici 4.*

*Mosa origo.*

*Rheni origo  
& decursus*

ope humana ex iis rudimentis coagmentatae sunt ac coalue-  
runt. Multi olim soli hujus vbertate, atque agrorum specie  
electi, expulsis veteribus colonis atque inquilinis, terrā hanc  
invaserunt, ejusque possessionē armis sibi vendicarunt. Non  
defuerunt atavorum memoria, qui Batavis ac Zelandis infe- 5  
sti, has insulas in suam ditionem ac potestatem redigere sunt  
aggressi; sed duae istae nationes inter se confociatae, semper  
hostibus fortiter restiterunt: quo fit ut ad hanc usq. aetatem  
utraque gens eodem utatur dominatu, eisdem legibus, eadem  
juris aequitate, eodem sit in hostes animo. Fuisse hanc gentē, 10  
quae Zelandiae nomine insignita est, Batavis confinē ac pro-  
ximam, ejusque regionis partem atque appendicē, ex C. Cae-  
sare, praeter alia, iis verbis colligi potest: Mosa ex monte Vo-  
sego profluit, ac parte quadam Rheno recepta insulam effi- 15  
cit Batavorum, neq. longius ab eo milibus passuum in Oce-  
anum influit. Rhenus autē ex Lepontiis qui Alpes incolunt  
oritur, ac longo spatio citatus fertur, atque vbi Oceano ap-  
propinquat in plures diffluit partes, multisq. ingentibus in-  
sulis effectis in Oceanum influit, quarum pars magna a feris 20  
barbarisque nationibus incolitur, quae piscibus & ovis avium  
vivere existimantur, à quibus Rhenus multis capitibus in O-  
ceanum influit. Quibus verbis mihi graphice describere vi-  
detur Batavos Oceano Septentrionali viciniore, tum illis  
conterminos Mattiacos seu Zelandos, quorum insulas & qui 25  
in Occidentali Belgica eadem sunt cum iis conditione ac na-  
tura, paulo post his verbis designat: Pars in sylvas, pars in cō-  
tinentes paludes profugit. qui proximi Oceano erant, hi in  
insulis se occultaverunt, quas aestus efficere consueverūt. Quae  
revera nullae aliae sunt quā Zelandicae. Quotquot enim sunt  
in Belgio Oceano circumfusae insulae, tali modo conflatae 30  
congestaeque sunt, ita ut primum natura consistant; deinde  
arte muniantur, ac paulatim cultura atque industria hominū  
in fructiferos fundos ac speciosos agros, cultaq. novalia redi-  
gantur.



gantur. Ea est autem apud nos rerum vicissitudo, ut minimo annorum decursu ac temporis intervallo magna incrementa hac regio suscipiat; rursus maximam jacturam ac detrimenta patiatur: nec vlla res vices rerum humanarum, aut varios instabilesque motus melius commonstrat, quam Zelandia insulae, quarum prosperi successus ac res secundae aestuario fluxu & refluxu nunc huc nunc illuc volvuntur. Nulla est apud vllas nationes annona, aut res frumentaria etiam lectissimi tritici vberior, ita ut bina jugera Zelandica plus emolumenti cultori ac colono adferant, quam quatuor Brabantica: minus tamen tuta est fidaque apud nos huius rei possessio, cum singulis momentis, praesertim hibernis mensibus, flante Coro & Circio, ex maris saevitia periculum immineat. Vnde enatum Proverbium ab iis qui optime rebus suis consultum cupiunt, atq. iis tuto frui exoptant, laudari Brabantici aeris clementiam ac soli stabilitatem; Zelandici vero fundi redditus atque annonae proventum. quod ita efferunt vulgari sermone, *Brabantische lucht, Zeeusche renten*. Nostra siquidem & avorum memoria centum plus minus jugerum millia in insulae formam redacta, atque aggeribus undique cincta, dissipatis convulsisque in immensum congestis molibus invndante Oceano, non sine maximo incolarum interitu, salo oppressa sunt. Rursus indigenae erectis novis insulis, quod nostrates crebro faciunt, ubi herbidi ac graminosi campi se proferunt, sementi ac culturae sedulo insistant, ita ut paucorum annorum spacio, affluentem omnium rerum copiam, supra quam credi possit ditentur. Sic apud Zelandos insultibus marinis continenter expositos, nihil stabile, firmum, diuturnum, & cui tuto possis fidere aut inniti. Siquidem loca portuosa, quae navibus fidam tutamque stationem olim praebuerunt, vadosa efficiuntur, ac vel arena vel limo oppleta, ne minima quidem navigia admittunt. Rursus littora nullis portubus distincta, nullisque navibus frequentata, facta eluvione commodissimos portus

*Zelandia  
mutatione  
obnoxia.*

*Proverbijs  
Belgicum  
de Brabantia & Zelandia.*

*Magna n-  
pus Zelandos rerum  
vicissitudo.*



*Holcas ge-  
nus navigii  
vastum,  
vulgo  
Hulcā.*


consequuntur, facilesque aditus atque accessus navibus exhibent: quo fit ut negotiatio hominumque concursus & frequentia non vni loco perpetuo sit addicta, sed aliquando ob portus commoditatem ac loci situm alio demigret ac transferatur. Sic Zirizaa, nostra etiam memoria numerosa classe instructa, non solum onerariis navibus, sed rostratis & quæ ex Homeri appellatione Holcades voce Belgis usitata nominantur, præter Hispaniarum ac Mauritaniae oras, longinquas versus Aquilonem regiones frequentabat: nempe Norvegiam, Daniam, Rivaliam, Rigam, Gedanum, vulgo *Danijick*, 10 Stocholmiam illustrissimi Sueciae Regis Erici auspicijs nunc celebrem: quæ navigatio, ut sunt vices rerum humanarum, Amsterodamum modo translata est. Quanquam civitas Zirizaa rebus omnibus ad commoditatem atque usum vitæ necessariis cumulate fruitur, non minus affluenter quàm cum exteris negotiatoribus esset celebris ac comitantium ultro citroque multitudinem frequentata; siquidē exterorum hominū cōcursus, nundinatio, mercatus, locorū celebritas, aliquando improvise dilabuntur ac concidunt, vel exorto hostili externoque bello, vel concitato populari tumultu, aut civium se- 20 ditione: confestim enim quotquot alieni sunt ab eo loco, se subducunt atque incolumitati suæ consulunt. At ea negotiatio quæ excluso omni foenore inter cives & domesticos perficitur, facta etiam ab exteris vel inquilinis compendio, quæstuque liberali, stabilis est, firma, solida, minusque invidiæ ex- 25 posita. Quod si aliunde calamitas ingruat, tum cives & domestici, intrepido infractoque animo subsistunt, nec facile patrias sedes, aras, focos, conjugem, carosque liberos desertos patiuntur, aut suis finibus egressi, se suaque alienis cedunt. Videntur autem Zirizaei in tanta rerum humanarum mutatione, 30 ne, atque ex alia in aliam vicissitudine quæ divina providentia perficitur, commodis suis solerter consuluisse, atque incerta certis commutasse. Cum enim populares velificandi sint peritus-



peritissimi, vbi non satis succederet negotiatio illa nautica quæ transmarinis mercibus perficitur, mutata navigandi ratione, piscatu se exercere cœperunt, vberimo quæstu ac nemini damnofo, adde nullo prorsus naufragij metu, nulla rei familiaris jactura, nullaque fœnoris aut vsuræ infamia. Reliqui vero cives compendia quæstusque honestos ac minime invidiosos sectantur, ex iis quæ terra in vsum hominum cumulate atque affluenter effundit, quibus illi neutiquam defraudato Genio liberaliter fruuntur, ac præter laudabilem institutionem, amplissimam liberis hæreditatem, paternique nominis ac memoriæ patrimonium relinquunt. Caterum vt exteris innotescat qua terræ coelique parte constituta sit Zirizæa, & quantum ab elevatione poli digrediatur; dimensimus polum Arcticum sive Borealem supra Zirizæa horizonta extolli vno & quinquaginta gradibus & quadraginta septem minutis, in eamque altitudinē verticem illum produci; longitudinem vero perfici viginti quinque gradibus. Quo efficitur vt cum Sol non adeo aversus sit, nec longius ab insula digrediatur, sed duobus æquinoctiis ac totidem solstitiis illam moderate illustrat, indigenæ Solis beneficio minus stupida obtusaque ingenia sortiantur, verum faceta, urbana, festiva, pleraque ex auræ marinæ afflatu salsa & vitiosa quadam dicacitate contaminata. Qua de re suaviter nuper philosophatus sum cum Hiobo Nicolaide, viro sagaci atque industrio, qui cum strenue Reipublicæ functionibus incumbit, illamque summa ope fulcire nititur, integros incorruptosque civium mores exoptat: & si quid vitij ex Oceani halitu & falsuginosa vicinia contraxerint, institutionis industria corrigere.

FINIS.







ANTIQUITATVM  
BATAVICARVM  
Tabularium,

*Hollandiæ, Zelandiæque, ac Noviomagi Gelrici  
Inscriptiones Monumentaque antiqua  
representans omnia.*

Archiota PETRO SCRIVERIO, Batavo.



ANNO CIO. IIO. C. IX.

cb.



C. Suetonius Tranquillus de XII Cæsaribus lib. iv.  
In vita C. Caligulæ Cæsaris cap. XLIII.

**M**ilitiam resque bellicas semel attigit, neque ex destinato, sed quum ad visendum nemus flumenq. Clitumni Mervaniam processisset, admonitus de supplendo numero Batavorum, quos circa se habebat, expeditionis Germanicæ impetum cepit: neque distulit, sed legionibus & auxiliis undique excitis, delectibus ubique acerbissime actis, contracto & omnis generis commixtu, quantum nunquam alius, iter ingressus est, confecitque, &c.

Mox cap. XLIII.

**A**dminio Cinobellini Britannorum Regis filio, qui pulsus a patre cum exigua manu transfugerat, in deditione recepto, quasi universa tradita Insula, magnificas Romam literas misit: monitis speculatoribus ut vehiculo ad Forū usque & Curiam pertenderent, nec nisi in Æde Martis, ac frequente Senatu, Consulibus traderent.

Item cap. XLV.

**M**ox deficiente belli materia, paucos de custodia Germanos trañci, oculique trans Rhenum iussit: ac sibi post prandium, quàm tumultuosissimè adesse hostē nunciari. Quo facto, proripuit se cum amicis & parte equitum Prætorianorum in proximam silvam: truncatisq. arboribus, & in modum Tropæorum adornatis, ad lumina reversus, eorum quidem qui securi non essent, timiditatem & ignaviam corripuit, commites autem & participes victoria, novo genere ac nomine coronarum donavit: quas distinctas Solis ac Luna, Siderumq. specie Exploratorias appellavit, &c.

Ibidem cap. XLVI.

**P**ostremò, quasi perpetraturus bellum, directâ acie in litore Oceani, ac ballistis machinisq. dispositis, nemine gnaro ac opinante quidnam cœpturus esset repente ut conchas legerent, galeasq. & sinus replerent, imperavit: spolia Oceani vocans, Capitolio Palatioq. debita, Et in indicium victoria altissimam Turrim excitavit, ex qua, ut ex Pharo, noctibus ad regendos navium cursus ignes emicarent. & cetera: Quæ ridiculosissima multa de hoc furioso Principe Suetonius persequitur: alii que meminerunt ejus insanix: sed in primis Dio, qui copiose narrat.



ANTIQUITATVM  
BATAVICARVM  
COLLECTANEA.

**A**ccipe, Lector candide, Antiquitatum in Batavis & vicinis locis repertarum omnium (quæ quidem ad notitiam meam pervenerunt) collectanea; sive confirmandis Aurelij nostri disputationibus, sive etiam illustrandis. Nostrum, qui charissimæ Patriæ volumus quoquo modo gratificari, non erat ea præterire: tuum est, si Antiquitatis, aut Patriæ (ut debes) studiosus es, ea non negligere. Ordiam a præstantissimo (dum Fata Deusque sinebant) & commemoratione memoriaque omni dignissimo Monumento, quod ARCEM BRITANNICAM Latini, & BRITTENBURGVM vulgo vocant. Fuit illud Præsidarium Populi Romani Castellum Rheni quondam superciliis, ipsique ostio, ut videtur, impositum; deinde hostica vi excisum; postremo maris aestu ac litoralibus arenarum cumulis adobrutum, sepulchi simile nihil præter nomen hodie reliquum habet. De quo quid viri docti sentiant, operæpretium est audire.

*Humfredus Lhuydus Anglicus in Epistola ad Abrahamum Ortelium Antvverpianum.*

**D**E TURRI BRITANNICA (cujus nomen Ortelius jam mundo illustre suis elegantissimis typis fecit) quod conjectura assequi possum, (quum certi nil me legisse contigit) accipito. Britannos omnes, omnesque Oceani accolæ olim piraticam exercuisse, ex nostris Annalibus Britannicâ linguâ  
Y 2 scriptis



*a* A Mo-  
rinis  
*ita dicta.*  
*qui Gallia*  
*Belgica po-*  
*puli apud*  
*Terwa-*  
*nen Flan-*  
*drie conse-*  
*disse putan-*  
*tur.*  
*b* Ruthe-  
niam pro-  
avorum  
atate Flan-  
driā fuisse  
nuncupa-  
tam, conte-  
statu-  
nalis. Et  
Ruthen  
etiam nunc  
teste Meiero  
littus Flan-  
dricum ap-  
pellatur à  
nautis. Idē  
quoque RU-  
thenie  
meminit,  
initio An-  
salium  
Flandrico-  
rū. Atque  
hinc vox  
populi,  
Ruten en  
roben.

scriptis liquet: eosque sæpenumerò in Morianam, Rutheniam, & Germaniam trajecisse constat. Quæ nomina *a* Morianæ & *b* Rutheniæ nostrates & Angli nostrarum Historiarum interpretes, ob linguæ & historiarum imperitiam, in Mauritanos & Russos satis infeliciter pro Morianis & Flandris contorquent. Igitur quum nullus esset commodior portus, quam ostium maximi fluvij Rheni, verisimile est eos in illum locū sæpius trajecisse, & inde incolas Turrim aliquam ad eorum impetum resistendum fabricasse, & Imperatores Romanos hoc ædificium (nomine servato) postea in alium usum convertisse. Alia etiam conjectura ex eadē officina fabricari potest. Antonini etiam tempore, quum jam mare per Saxones & Frisios infestaretur, ipse hoc ædificium instauravit, impositis in eodem ex Britannico exercitu militibus: vnde & nomen adipisci potuit. Restat vna, quæ instar omnium erit. Quum Britannia tunc temporis esset quasi horreum Occidentalis Imperij, & annona illinc transferebatur per Britannos, ad exercitum limitis Germanici custodem alendum, nullus aptior locus erat deponendi onera, quam in ostio maximi fluminis Rheni: vbi iterum alterius generis navibus contra cursum aquæ per Menapios ad Coloniam & Moguntiam usque (vt nunc faciunt) veheretur. Vnde ille locus, quum & esset mercatorum Britannorum receptaculum, & annonæ ab illis in vectis quasi horreum (qualia refert Ammianus Marcellinus Iulianum Cæsarem multa per Galliam & Germaniam pro Britānica annona conservanda exstruxisse, & alia incensa & diruta restaurasse) à frequentia Britannorum Britannici nomen meruit.

*Hadrianus Junius Batavia Cap. x.*

**I**N ripa medij alvei Rheni ARMAMENTARIUM Populi Romani exstitisse, tum fundamentorum substructio, tum marmo-



marmoris in eo refoffi inscriptio loquitur, clareque convin-  
cit; quod ut principio Pharus fuerit, postea tamen majori vſui  
futurum in Præſidiarium Caſtellum ( vbi appoſitis excubiis  
& cuſtodiis arma navalia ac rela aſſervarentur ) converſum  
fuerit, facilè ut credam adduci poſſum, quo ſic à piratarū in-  
juria, a quibus mare Britannicum ſæculis omnibus per Saxo-  
nes Cimbricæ accolæ, & Germanos maritimos ( qui & Fran-  
ci ) inſteſtum fuit, portus opportunus defendi poſſet. BRIT-  
TEN vulgo in hodiernum vſque diem nuncupatur, & BRIT-  
TENBURGVS, quod ſonat Britannicum Caſtellum, a vicina  
oppoſitaque Britannia, tunc Romani Populi vectigale, vnde  
frumentum claſſibus ad præſidiaria Romanorū horrea, Rhe-  
ni ſuperciliis impoſita, importatum ſubvehebatur : ea nam-  
que vero ſimilior eſt nominis origo, quam quæ pacis argu-  
mento vocem in FRIDTENBURGV M detorſit. Iſti meę con-  
jecturæ, quam ante annos ſex ſcripto mandaram, adſtipula-  
torem nuper naſtus ſum Humfridum Lhuydum Anglum,  
virum literatum; cujus de TVRRI BRITANNICA (ita enim  
nominat) Epistolam typis procudendam dedit Abrahamus  
Ortelius, inſignis Geographus, in elegantiffimo illo opere  
cui THEATRVM ORBIS nomen eſt. In ea parum evariat a  
mea ſententia, annotans ex Occidentalibus Imperij provin-  
ciis annonam transferri per Britanniam velut horreum con-  
ſueviſſe, inde ſubvectū fuiſſe navigiis Britannicis per oſtium  
Rheni ad præſidiaria limitis Germanici horrea, atque ita à  
mercatorum vel potius vectorum Britannicorum frequen-  
tia, BRITANNICÆ TVRRIS nomen ſecutum. At ego non  
aliunde per Britanniam, ſed ex ipſa tanquam cellâ penariâ  
Reipublicæ Romanæ ſubvectum fuiſſe frumentum ad limi-  
tanea Germaniæ præſidia, natamque inde nominis Britan-  
nici originem autumo. Adfert idem & alteram appellationis  
conjecturam à milite præſidiario è Britannia ab Antonino  
loci cuſtodie impoſito ortę. Adjicit & tertiam, qua putat eam



*C. Caligula  
conditor  
Brittan-  
burgi.*

*a Admi-  
nio, Regis  
cynobel-  
lini filio.*

*b In Cali-  
gulæ vita,  
cap. 46.*

Turrim ad latus portus seu ostij Rheni a Batavis indigenis constructam ad defendendum periculum a Britannorum piraticam exercentium incursionibus, quas in Morinos & Batavos faciebant, ut illius gentis loquuntur Annales, creatumque exinde nomen, mutato licet ædificij usu. Caterum refragari argumento superiori, aut id revellere omnino velle animum non induxi: si qui tamen disputatione quasi core adhibita veritatem velit acuere, is Caium Caligulam opponat, auctorem & conditorem, meo quidem iudicio, istius Pyrgi: cuius stultitiam insignem ac famosam toties in exiguo libello, Apolocyntosi inscripto, sugillat Seneca, ut pudeat referre: neque dissimulat inpunè illi fuisse objectam Tranquillus. Omitto, quòd recepto transfuga <sup>a</sup> Britanno laureatas ad Senatum literas miserit, quasi per somnium locuples, sibi que ipsi persuadens universæ Insulæ imperium, quam cum exercitu nunquam adierat: quòdque simulacra pugnae, crediderit vera fuisse praelia. Quod verò evidentius innatæ stoliditatis argumentum & indicium requiras, quàm quod confecturus bellum adversus Oceanum susceptum, instructa acie, umbilicos & conchas Oceani spolia repente colligi a milite præceperit, atque in victoriæ signum excelsum in littore Pyrgum extrui curarit, de quo ut <sup>b</sup> Suetonius loqui intelligatur, verba ejus adscribā: Postremo, inquit, quasi perpetraturus bellum, » directa acie in litore Oceani, ac ballistis machinisque dispositis, nemine guaro ac opinante quidnam coepturus esset, repente ut conchas legerent, galeasque & sinus replerent, imperavit, spolia Oceani vocans Capitolio Palatioque debita. » Et in indicium victoriæ altissimam Turrim excitavit, ex qua, » ut ex Pharo, noctibus ad regendos navium cursus ignes emicarent. Quo ex loco viri non indocti suspicantur & conjiciunt, TURRIM, quam è ruinis in ARMAMENTARIUM converterit postea Severus Imperator, esse illam ipsam maritimam & litoralem, cujus facta sit a Suetonio mentio, ac tum destina-



destinatam fuisse muneri accendendorum ignium noctur-  
 norum, quibus cursus navium regeretur ad prænuncianda  
 vada. Certè in Bataviæ litore eam expeditionem, Caligulae  
 ingenio accommodam, lusam fuisse atque adornatam, tribus ver-  
 bis voluisse indicare<sup>a</sup> Cornelium Tacitum, videre mihi vi-  
 deor, quum de<sup>b</sup> Brunone inter Caninefates claritate nataliū  
 nulli secundo, Duce delecto, loquens, narrat patrē eius multa  
 adversus Romanum nomen hostilia ausum fuisse, & Caiāna-  
 rum expeditionum (quas obiter transcurrentes memoravi) lu-  
 dibrium in punè sprevisse. Quo verborum compendio quid  
 magis appositè dicere potuit, quam Caninefatem illum con-  
 vicio inulto atque in punito, linguæ effrenioris habenas libe-  
 rius solvisse. in Caligulae insaniam, qui cum mari bellū susci-  
 peret, pro spoliis hostilibus conchularum ornamenta, pue-  
 rilia scilicet crepundia, legenda mandaret. Vbi vero potuerit  
 ille in punius debacchari in Imperatorem, qui vitæ necisque  
 jus in acie linguæ haberet, (ut de Alexandro quondam dixe-  
 rat Callistratus) quam inter suos, hoc est Batavos, aut proxi-  
 mos saltem Bataviæ finibus, non intelligo. De istius expedi-  
 tionis in Britanniam cogitatae apparatu, consimilia penè li-  
 teris prodidit<sup>c</sup> Dion Cocceius in hanc sententiam: Caligula  
 ad Britannicum Oceanum profectus, conscensis triremibus,  
 paululum provectus e vestigio revertit, datoque è sublimi tri-  
 bunali militi signo, velut ad conflictum, animatos tubarum  
 sonitu, iussit conchas marinas colligere; quo peracto, gloria-  
 tus se Oceani victorem, post numeratum exercitui opimum  
 congiarium, cum spoliis maris ostentui futuris Romam re-  
 petiit. Verum asseveranter sententiam meam interponere,  
 re propter altissimam vetustatem dubia ac controversa, su-  
 persedeo, aliis, qui maiore abundant otio, & quibus ro-  
 tundiore felicioreque Genio loqui datum est, libenter  
 herbam cessurus. Quidquid sit, siue Caligulae Pharus fuerit,  
 siue alterius cuiuspiam Fabrica, id extra dubium est, ARMA-  
 MENTA.

<sup>a</sup> *Histor.**lib. 4.*<sup>b</sup> *Hic alias**Brinio**dicitur.*<sup>c</sup> *Histor.**Roman.**lib. 59.*



MENTARII vsum & nomen induisse sub Severo Imperatore, & ab eodem restitutum; cuius memoriam tuetur lapis è ruinis extractus anno Salutis CIO. IO. XX, & in ædes Principis Familiæ V Vassenariorum Hagam Comititis inde translatus. cuius hæc est inscriptio:

IMP. CAES. L. SEPTIMIUS SEVERVS  
AVG. ET M. AVRELIVS ANTONI-  
NVS CAES. COH. VOL. ARMAMEN-  
TARIVM VETVSTATE CONLAPSV  
RESTITVERVNT, SVB. VAL. PVDEN-  
TE LEG. AVG. PR. PR. CVRANTE  
CACIL. BATONE PRAE.

a Armamentarium  
est proprium  
machinarum,  
tormento-  
rum, telorum  
atque omnis  
generis ar-  
morum.

Vnde Iuvenalis:  
Quid habet  
telorum

armamen-  
taria cali.

Meminit

Cicero Ar-  
mamentarij

Telluris, &

Plinius Ar-  
mamentarij

mille navi-

um capacis


Istud vero ARMAMENTARIUM forma quadratum, paribus in omnes partes spatii productum, satis loquitur ac commonstrat, quam hic damus, ejus ichnographia, è nudatis (quod ter mea ætate accidit, primū anno Salutis CIO. IO. XX. deinde iterum CIO. IO. LII, die Divo Pontiano sacrata: tertio CIO. IO. LXII) fundamentis fideliter expressa: quodlibet autem vniversi operis latus ducenos quadragenos pedes complectitur, nimirum vicenas nostrates metatorum decempedas, quo mensuræ modo decempedam in duodenos porrigi pedes cognoscitur. Turrium propugnacula in Rheni præterlabentis ripam obversa fuisse apparet, ad maiorem operis firmitudinem contra fluenti vim, & hostilē quoque, si quam piratica adferret. Procurrentes vtrunque illinc versus Orientem Solem, hinc Occidentem, murorum ductus extra Arcis aream, cloacæ videntur fuisse, per quos omnium purgamentorum receptacula, quidquid erat sordium, aquam admissam & castellis receptam, proluisse atque in mare exonerasse crediderim. Saxa ingentia è fundamentis eruta, quæ vidi, quaternos pedes longa ferè erant, ternos crassa: qualia anno CIO. LII, ad quadraginta numero refossa annotavi. Extra

Arcem



Arcem ripæ margines crassioribus tabulis præstructi erant, & palis per fistucas altius adactis præmuniti, ne ab undis decurrentibus adederentur.

*Ichonographia Armamentarij Populi Romani,  
quod Brittenburgum appellant.*



Hæc ARMAMENTARIJ vestigia reliqua, sepulta, marique adobruta latent, nisi si quando post Africi vehementis continuatâ furiam, subito sæva & immoderata tempestas à Cau- ro, litoris nostri tyranno, commota successerit: tunc namque nudatum arenis littus reiectas à fundamentis reliquias, recedente maris æstu, spectandos præbet, quamvis eæ tenues ac perexiguæ relictæ sunt, quando studium & improbitas hominum ad inusitatum spectaculum affluentium, quidquid residui fuerat toties repetitis vulneribus (nam tertium aperta fundamenta mea novit ætas) omne exhausit. ARMAMENTARIUM autem ipsum à Nortmannis aliisque immanibus  
Z Barbaris,



Barbaris, quos Borealis plaga nimbi instar Hollandiæ infudit, excisum soloque æquatum existimo, solas ruinas mari reliquas facientibus.

*Guilielmus Camdenus in Insulis Britannicis.*

**I**N Hollandiæ littore, quæ Rhenus se olim exoneravit, fluctibus obteguntur ARMAMENTARIJ antiquissimi fundamenta, quæ rarius Oceani inundatione nudata, admirandæ venerandæ Antiquitatis spectaculum & nobilissimam substructionis formam exhibent, quam elegantissimis typis Abrahamus Ortelius veteris Geographiæ instaurator & amicus mihi conjunctissimus ex ipso Oceano vindicavit. Hujus libentius meminerim, quod Hollandi *Duytsche Wydden*, id est, DOMVM BRITANNICAM indignant: ut saltem nomine sit Britannica. Ut enim in confesso est C. Caligulam, quum Britanniam cogitaret, in ludicra illa expeditione pro Pharo construxisse; ita Septimium Severum vetustate collapsam restituisse antiqua Inscriptio ibi effossa testatur; unde tamē *Wyttē* dicta fuerit, in conjectura positum. A Britannis ut nomen sortiatur, probabile est: BRETTAM enim Philippi Melancthonis patriam à Britannis denominari ipse credidit, & MONTE S in Hannonia *Breten* à Britannis dictos fuisse, alibi legimus. Verumtamen, ut cum Plinio loquar, quum ille Britannicæ herbæ, quæ Bataviæ peculiaris, nomen miretur, nisi fortè confines Oceano Britannia propinqua dicaverint: sic ego, cur hæc ARX BRITANNICA diceretur, demiror, nisi nostræ Britannia oppositæ Batavi consecrarint. Locum in Morinis Portū Morinorum Britannicū vocat Plinius, vel quod inde in Britannia trajecerēt, vel quod ex adverso prospiceret. Quid igitur impedit, quò minùs hæc Arx eadē ratione BRITANNICA appellaretur? Hic enim Britannos sæpè appulisse, & hinc è Germania in Britanniam trajectum fuisse nemo diffiteri



diffiteri possit, quum Zosimus Oceanum inter Britanniam & hoc Rheni ostium interfusum 10 000 stadiis tanquam visitatum trajectum dimensus fuerit, scripseritque annonam è Britannia ad hunc locum subvehi solere, & inde fluvialibus navigiis adverso Rheno ad Romanorū castra distrahi: quum <sup>a Sub posteris</sup> Iulianus Augustus horrea exstrueret, ut inquit Marcellinus, <sup>ricibus Imperato-</sup> ubi condi posset annona à Britannis sueta transferri. Quo <sup>ribus Ca-</sup> tempore hoc ARMAMENTARIUM in horreum cōversum, <sup>stella parva</sup> & ex Britannica annona Britannicum appellatum videatur, <sup>oportuna</sup> eoque magis quòd in Hollandiæ monumentis <sup>bello, & an-</sup> Bittenburg <sup>nona copia</sup> concipitur. Illa enim ætas castra opportuna & annonæ copia <sup>munita</sup> referta <sup>Burgi</sup> BURGOS, ut est in Burgundionum Historia, vocavit. <sup>dici coepe-</sup> Quid (ut hac in re, quæ iam multos incertat, conjecturam ex <sup>runt, nomi-</sup> conjectura contexam) si Britanni hoc occupaverint, & suo <sup>ne novo,</sup> nomini adoptaverint, quum Magnum Maximum, quem alij <sup>quod post</sup> Clementem Maximum nominant, purpura contra Gratia <sup>translatum</sup> num induerint? Ille enim ad hoc Rheni ostium adpulit. Si <sup>in Orientē</sup> necdum hinc Britannicum nomen acceperit, quid si Saxones <sup>Imperium</sup> <sup>a Gracorum</sup> Bups te Bitten vocarint, quòd in Britanniam hinc solverint, <sup>Pyrgo</sup> quum nostra littora suis ciulis (sic myoparones vocarunt) in <sup>Germanicis</sup> festarent. Saxones enim Bataviam, Saliis Francis expulsis, in <sup>alij mutuo</sup> sedisse docet Zosimus, & inde in Britanniam se infudisse satis <sup>sumpsisse</sup> <sup>videntur.</sup> <sup>Vnde &</sup> clarè constat. Quod etiam Dominus Ianus Douza, vir verè <sup>Burgun-</sup> <sup>dicum</sup> nobilis & doctissimè eruditus, in sua Ode Lugdunēsi innuit. <sup>nomen, quasi</sup> Audi tamen, ne in Britannicam gloriam effusior videar, <sup>Burg-</sup> quum doctissimus Bataviæ alumnus Hadrianus Iunius Bri- <sup>Weners/</sup> tannicam herbam ad Bitten suæ gentis vocabulum revoca- <sup>quia Bur-</sup> rit, quod copiosè proveniat in cespitibus quos illi Bitten di <sup>gos incole-</sup> cunt, & è quibus contra Oceanum aggeres exstruunt: neui- <sup>rent, sic e-</sup> quam absurdum erit, si quis hanc Bups te Bitten ad eandem <sup>nim illa</sup> originem referat, scilicet ita nuncupatam fuisse, quod contra <sup>atas crebra</sup> <sup>per limitem</sup> incursantes vndas oppositis aggerum molibus è cespite sive <sup>disposita</sup> <sup>habacula</sup> Bitten munita fuerit, quas quum Oceani violentia intersci- <sup>vocavit.</sup>



disset, etiam ædificium depresso videatur. Sed hæc viderint illi, qui vim verbi & loci situm penitus perspiciunt, & mihi ignoscant si in alienam messem falcem immiserim.

**A**In verò seriò, vir clarissime, vir integerrime, vir eruditissime, tum quum optime de Patria nostra mereris, ignosci tibi postulas? Quid si (quod tamen alienissimum à niveo Camdeni pectore) male tractasses, aut dictorio aliquo obiter perstrinxisses? (nam nulla tam felix regio & omnibus absoluta numeris, quæ reprehensione careat) ignosci tibi par erat. At nunc contra amare te, Batavice quæ laudis studiosissimū cencere, tam æquum est quàm quod æquissimum. Placeatne, Domine, mecum Collectanea hæc Antiquitatum, quas paucas ex plurimis injuria temporis nobis reliquas fecit, diligentius paullo & pensiculatus examinare? Placet, opinor. Adscribam eas itaque omnes, quæ in manus meas venerunt. Proculdubio obscuris lucem foenerabit subactissimum tuum ac in omni literarum genere versatissimum ingenium.

ARCIS BRITANNICÆ vetustatem probat, exstructumque primò à Claudio Cæsare asseverare non dubitat Ortelius cum Golzio, qui hanc Inscriptionem ex fragmento antiqui marmoris in ruinis Arcis eruti descripsit.

..... TANNIC. GERMANIC. PIVS. FELIX. AVGVSTVS

..... MAX. TRIB. POT. XVIII. COS. III. P. P. IMP. III.

.... RAM. A. DIVO. CLAVDIO. ET. POSTEA

.... ERO. PATRE. SVO. RESTITVTAM

Hic lapis, etsi omnibus modis mutilus, testari videtur Aram in Batavis a Claudio positam, & a Severo postea restitutam. Inscriptionem autem ita fuisse conceptam, non ablu-  
dit a vero: non enim ausim cum viris doctis affirmare eam  
hæc



hoc pacto suæ integritati omnino restitutam.

IMP. CAES. M. AVREL. a ANTONINVS  
BRITANNIC. GERMANIC. PIVS. FELIX. AVGVSTVS  
PONT. MAX. TRIB. POT. XVIII. COS. IIII. P. P. IMP. III  
ARAM. A. DIVO. CLAVDIO. ET. POSTEA  
A. DIVO. SEVERO. PATRE. SVO. RESTITVTAM

a Qui a  
genere ve-  
stis, qua de-  
lectabatur,  
Caracalla  
cognomi-  
natus.

Hinc liquere arbitratur Ortelius a Claudio Cæsare (cui e-  
tiam Hollandiæ b Annales hanc Arcem attribuunt,) in sua  
nempe expeditione Britannica, cuius Suetonius & Dion me-  
minerunt, sive in commodiorem legionum cohortiumque  
transvectionem, sive quo milites hybernarēt, Arcem Britan-  
nicā primo exstructam esse, eo loci forsan vbi Cæsar Caligu-  
la antea in monumentum debellati Oceani, vt Suetonius au-  
ctor, Pharum erexerat, ac postea a Severo restitutam conse-  
cratamque a M. Aurelio Antonino. Hec ille. Sed aliud egisse  
vir doctissimus videtur, quum ista dictaret. Nam ex ipsismet  
auctoribus, quos in testimonium citat, facile erroris convin-  
citur, ex Dione inquam & Suetonio; qui Claudium expedi-  
tione Britannica Gessoriacō solvisse oram & Oceanum traje-  
cisse restantur, ibique fornicem seu Triumphalem arcum illi  
ob victoriam devictis Britannis ex Senatus Consulto positi.  
Gessoriacum autem Morinorum Navale est & Galliæ Belgi-  
cæ portus, è regione Albionis Insulæ: Bononia alias dicta.  
Nam ita disertè Tabula Itineraria Peutingeri, superioribus  
annis immortalis beneficio viri amplissimi Marci Velseri Au-  
gustani Antvverpiæ ab Ortelio edita, testatur: in qua legitur,  
GESSORACVM QVOD NVNC BONONIA. Vulgo illud  
oppidum incolæ Bologne, Flandri Brumen vocant. In veteri Glos-  
sario Britanico Bononia redditur Bolung Long. Vt Navale  
fuisse appareat. Nam naven Britanni lingua sua Lhong vo-  
cant: quod nupera Britannicæ Camdenianæ Editio Augusta

b Divisio  
ne 1. cap. 19  
& Divi-  
sione 2.  
cap. 15, Ex  
Iohannis  
Gerbrandi  
Chronico  
Divisione 1.  
cap. 13.



Londinensis docuit. Gessoriacū idem esse cum portu Iccio, persuasum est quibusdam. Rectène an perperam, ego in medium relinquo. Parum aut nihil ad nos ea disputatio pertinet. Magis ista Inscriptio sequens: quā docemur ARCEM BRITANNICAM, sive Caligulae Turris fuerit, sive alterius cuiuspiam Fabrica, ARMAMENTARIUM fuisse dictum antiquitus, posteaque restitutum a L. Septimio Severo Augusto & M. Aurelio Antonino Caesare. Sic autem loquitur lapis, in iisdem, ut memoratur, ruinis repertus: exstatque Haga Comitum in augustissimis ædibus Nobilissimorum Dominorum de VVassenaer.

IMP. CAES. L. SEPTIMIUS. SEVERVS. AVGE-  
M. AURELIUS. ANTONINVS. CAES. COH. XV  
VOL. ARMAMENTARIUM. VETVSTAE  
CONLABSUM. RESTITVERVNT. SVB  
VA. PVDEKE. LEG. AVG. R. R. CURAE  
CAECIL. BATONAE. PRAE.

Lapidis huius Epigraphen etiam alij exhibuerunt, sed non ea fide qua oportuit. Nos eam ad ipsum marmor describi iussimus, curavimusque. hinc bona fide exprimi, servata etiam characterum, quibus exarata est, forma, & contempnitionibus, quas ita resolves licet.

*Imperator Caesar Lucius Septimius Severus Augustus & Marcus Aurelius Antoninus Caesar Cohortis decimaquinta Voluntariorum Armamentarium vetustate conlapsum restituerunt sub Valerio Pudente Legato Augustali, Praetore, Curante Caecilio Batone, Praefecto.*

Has Notas, COH. XV. VOL. interpretor Cohortis decimaquin-



quintæ Voluntariorum. Ejus Cohortis mentio in alio lapide, quem prope Leydas ad Rhenum, anno M D II, cum aliis erutum testatur Aurelius. Meminit & ejus alia vetus Inscriptio, quæ exstat Romæ, ubi in marmoris basi:

TRIB. COH. XV. VOLVNT. C. R. &c.

Id est, Tribunus Cohortis decimæ quintæ Voluntariorum Civium Romanorum. Cohortis etiam octavæ Voluntariorum Civium Romanorum mentio alibi occurrit in opere Inscriptionū Orbis Romani, quod auspiciis C C. V V. Iosephi Scaligeri & Marci Velseri nuper prodiit, edente præstantissimo Iano Grutero I. C. & Philologo eximio, cujus immortalis beneficio locupletissimum Antiquitatum thesaurū perpetuò est debitura posteritas. Quare non est quod hîc quispiam cum Aurelio Cohortem Volusianam aut Volscorum somniet. Cæterum ex fide hujus lapidis Castrum quod hodie *Byttenburg*, sive *Dupste Bytten* vulgo appellatur, Armamentarium Romanum fuisse creditur. Et rectè: si modò ad Oceanum lapis ille repertus. Sane Aurelius & Auctor magni Chronici Hollandiæ testantur disertissimis verbis cum circa annum M. D. II Romæoburgi erutum. Idemque videtur innuere Gerardus Geldenhaurius Noviomagus. Ita ut <sup>a</sup> Arx quæ vocatur Romana Armamentarium <sup>a Boom-</sup> fuerit, non Arx Britannica. Castrum autem illud, quocunque <sup>burg.</sup> loco positum fuerit, non sub Severo Imperatore, quod Iunius credidit, Armamentarii vsum nomenque induit: sed jam tum ante armorum telorumque promptuarium, concupsum aut ævi longinqua vetustate, aut alio casu, restituerunt Severus & Antoninus, circa annum Christi CC VII. De quo ut nihil ambigimus, ita in sequentibus plerisque N. L. Sed videamus, & quæ opis nostræ sint in mediū conferamus.

Visitur hodieque apud Hagam Comitum in V Vassenarię gentis



gentis edibus prius à me nominatis alter lapis in iisdem ruinis rutisque cesis Arcis Britannicę repertus anno M. D. XX, cum hac Epigraphe vtrimq. a fronte pariter & tergo mutila.

..... EVER. PIVS. PERT. AV .....

..... MAX. TRIB. PAT. XIII ....

..... NTONIN. PIVS AV .....

..... ER. MILIT. LEG. I. ME ....

..... ENIDIORV .....

Extat ibidem & tertius lapis falsi maris vndis & post imbribus exesus ad modum pumicis, qui nihil admodum certi præfert, præter literarum aliquot ad dexteram sulcos & picturas propemodum ignorabiles. Est autem trilateralis, hæc formâ.



In exteriore latere seu fronte lapidis icuncula alata Victoriæ cernitur, dexterâ lauream coronam attollens, lavâ tenens deprimensque clypeum : In altero Aquila alis expansis Orbi duabus se mutuò secantibus zonis cincto insistens, excurrentibus vtrimque tribus radiis, ut videtur Iunio : Ego Iovis fulmen esse arbitror. In tertio Inscriptio sequens:

IMP. CAES. ANTO. AVG.  
COH. BAETORV. PE



In Iunij Bataviâ Inscriptio illa ad hunc modum legitur :

IMP. CAES  
ANTO  
..NE  
AVG. COH  
M TORV  
PE

Quæ Delio natatore egent. Nostra clariora sunt. Et totidem literis exstant in Collectaneis Inscriptionum Gruteri. Ad <sup>Fol. c c,</sup> quas etiam absolutissimus Index Capite sexto, quod ea quæ <sup>LXVIII.</sup> ad rem Militarem & bellicam spectant continet, <sup>num, 2.</sup> COH. BAE-TORVM; & Capite decimo, quod Regionum, Populorum, Oppidorum nomina, aliæque Chorographica designat, BAETOS populos agnoscit: ex hac videlicet Inscriptio-  
ne. Idem Index Capite vigesimo, has Notas sive literas singu-  
lares P. E. interpretatur, Publicè erexerunt.

Inter ejusdem Castri rudera coctiles varij lateres inscripti, imbricesque, & tesseræ seu quadratæ pavimentorum tegu-  
læ inventæ. Exprimit, quos vidit, Iunius tres lateres vtrinque  
ceu parietibus assurgentes, qui parte sui insternebantur & vi-  
cissim substernebantur alteris, ut quasi communicatis operis  
imbrem aquamque pluviam, quam ex imbricibus precipi-  
tantem



tantem excepisse videntur, per compluvium deveherent.


*Lateres coctiles quindecim pollices longi.*




Extant apud eundem imbrices, & diversi generis tesserae, quarum diversimodè expressa Inscriptio INFERIORIS GERMANIAE Exercitum loquitur.

*Imbrex tredecim pollices longus.*

*Tessera omnes octo in quadrum pollicum, duos digitos crasse.*



*An. 1320.*



Vidit idem figlinorum fundos, in quorum vno legebatur hac



hæc Epigraphe VITALIS. FE. in altero BOVONV. FE.  
Capedinum quoque & paterarum fictilium fragmenta, cum  
Inscriptione MINV. EV. F.

Haftenus de Monumentis literatis, quæ cantant a se (vt Plau-  
tus jocatur) cuja sint. Ejus generis alia multa penes Antiqua-  
rios; quæ parcam adscribere, quòd mutila sint, & ferè nullius  
frugis. Ad alia veniamus.

Extracti ex iisdem ruinis hi lapides sculpti. Primus Hercu-  
lem clavigerum exprimit; alterum Victoriæ simulachrum,  
vt videtur Iunio; qui de tertio quid dicat, non habet. Ego  
etiam quid velit, ignoro.



Repertum ibidem æneum sigillum togatum, quod in Lara-  
rio stetisse verisimile fit Iunio, stilobatae insistentis: & alterum  
Palladis galeatae, dexterâ noctuam tenentis, lævâ hastam, quæ  
\* 2 quamvis



quamvis hinc aberat, aperta tamen elataque manus clapsam  
amissamque testatur.



*An. p. 562.*

Eodem in loco inventus lychnus pensilis, sive lampas aenea,  
cui cavum est affabre circinatum, cum imminente quadrato  
cælo, ad arcendum flammæ periculum, vti apparet; sive etiam  
contra fumi surgentis nigrorem.



Item Samium poculū elegantissimi operis rubrum, è Lem-  
nia terra, vt creditur, summi laeavoris, collo angusto, cuius me-  
diis



diis in faucibus, ceu tubulus quispiam crenatus assurgit; ore  
pando quaterna foramina in cordis speciem figurata præfe-  
rente, cujus interiorum ambitum quædam veluti margarita-  
rum linea, intersparsis cyanei coloris eranis distincta, tan-  
quam limbus pulchrè exornat, quod ejus cavum auri admo-  
tum maris murmurantis fremitum representat.



Præterea hæc antiquæ figlinæ vascula, confracta.




Inventa inter alia hæc clavis, septenos pollices longa, & pon- *An. 1520*  
derosa mole prægravis. Sunt qui eam ipsius Armamentarij  
clavem palàm affirment. Quod ego, ut incertum, in medium  
relinquo,



Sequitur clavis anulata, quam libuit sculptoris manu fide-  
\* 3 ter ex-



ter expressam hoc loco apponere.



*Tit. de Le-  
gat. 2. Leg.  
Quum Pa-  
ter 77. §  
Pater plu-  
rib.*


Ejusmodi claves sive anulos complures in ruinis Arcis Britannicæ & alibi erutos, videre est apud Antiquarios, forma minutissimi digiti. Vir summus Iustus Lipsius signatorios sive sigillaricios hos anulos fuisse existimat, cum adjuncta clavi, ad duplicem scilicet usum, signandi aperiendi que. Non enim solum (ut hoc in tyronum gratiam adjiciam) epistolas vltro citroque missitandas signabant Romani, sed apud ipsos etiam moris erat, ut domi supellex penusque omnis anulo signaretur, ne quid negligentia aut furto periret. Cujus anuli cura propriè ad matres familias pertinebat. Hinc Flavius Vopiscus sub finem Historiæ Aureliani Cæsaris : Vxori & filiæ anulum sigillaricium quasi privatis instituit. Et in Pandectis Iuris, Pater pluribus filiis heredibus institutis moriens claves & anulum, custodiæ causa, majori natu filiæ tradidit. Signabāt autem res non tantum pretiosas, verum etiam minimi momenti. Vilissima vtenfilium anulo clausa Cornelius Tacitus Annalium lib. 11 commemorat. Et Plinius Historiæ Naturalis lib. xxxiii : Quæ fuit, inquit, illa Priscorum vita, qualis innocentia, in qua nihil signabatur ? Nunc cibi quoque & potus anulo vindicantur a rapina. Testatur quoque Cicero matrem suam lagenas sive amphoras vinarias etiam



etiam inanes obsignare solitam, ne dicerentur inanes aliqua  
fuisse quæ furtim essent exsiccata. Hujus moris obvia passim  
apud Auctores veteres exempla. Erant autem isti anuli ferè  
ex ferro. Ferrei que sunt quos in Batavis erutos meminimus.  
Ut appareat servorum fuisse, aut vulgarium militum : quan-  
quam (o sanctos mores !) C. Mario, quum de Iugurtha tri-  
umpharet, anulus in digito ferreus erat : & D. Augusto De-  
curias ordinante, major pars Iudicum in ferreo erat, anulo.  
Quod narranti Plinio credi convenit. Qui scribit quoque  
avorum memoria multos illustres viros Prætura functos, in  
ferreo consenuisse anulo. Idemque tradit adhuc sua ætate  
sponsæ anulum (quem Pronubum appellabat Tertullianus)  
à sponso mitti solitum, ex ferro simplici, & sine gemma. qua-  
lem Cassum Literatiores vocant. Constat tamen anulos fer-  
reos vulgarium militum fuisse, aut servorum. Non mediusfi-  
dius ad ornatum, sed ad signandum ea quæ domi custodienda  
sunt. Anulus aureus Equitum Romanorum peculiare orna-  
mentum erat. Distinguebatque Equestrem ordinem a Plebe.  
Iusque anuli habere, perinde erat ac Equestri dignitate prædi-  
tum esse. Hæc antiquitus. Pòst Imperator Septimius Severus  
aureis anulis sine discrimine uti, & domi militem habere per-  
misit. Quod memoriæ prodidit Herodianus Historiæ Augu-  
stæ lib. III. Deinde Iustinianus Imperator discrimen illud  
lege sustulit. De quo, ut & de jure anulorum libros Iuridicos  
consule. De anulis post Plinium non protrita Alexander ab  
Alexandro Genialium Dierum lib. II. cap. XIX. Ad quem  
locum edecumata multa Tiraquellus annotavit. Petrum Fa-  
brum quoque Sæmestrium lib. II. cap. V. adhibe. Et vi-  
de inprimis de Anulorum origine, variis eorum generi-  
bus & usu apud Priscos Præloquium in Abrahami Gorlæi  
Dactylithecâ. Ex qua anulus sequens depromptus, in tuum  
vltum



usum, mi Lector, huc translatus est.



Is ex ære constat, addita gemma onyche. Quamobrem aptior ad duplicē illum usum, signandi aperiendique. Nam characterem incisamque imaginem, quæ hîc est, in aliis desidero. Character autem ille navis gubernaculum & spicas duas continet. Quæ imago gemmæ incisa, Agriculturæ & Navigationis, divitiarumque ex iis symbolum est. Sed de his hoc loco plus satis. Pergamus.

Extractum ex iisdem ruinis Simpulum è candidâ materiâ, cuius in Sacris affundendo vino usum fuisse Iunius arbitratur; apud quem ejus pictura exstat. Ampullula ea est strictioris, ventrosa, ansata, fundo exiguo.

Multa item & varia emblemata rotunda, quæ diversorum animalium rictus & ora referebant, per quæ guttatim liquores fundi poterant, ibidem inventa.

Nomismata præterea infinita ex auro, argento, ære. Inter quæ conditoris Pyrgi Caij Caesaris duo, ab adversâ parte C. CAESAREM GERMANICVM loquuntur; averſa unus tres ipsius sorores stolas nominat, AGRIPPINAM scilicet, DRUSILLAM, & IULIAM: alter Adlocutionem Consulium præfert. Non teram tempus recensendis omnibus. Tantum alia duo insignia



in signa appingam, eorum nempe qui conlapsum vetustate  
Armamentarium cultu splendidiore restituerunt.



V. CC. Stephanus Vinandus Pighius in Hercule Prodi-  
cio, Hadrianus Iunius noster in Batavia, Ianus item Grute-  
tus in Antiquarum Inscriptionum Collectaneis, & Petrus  
Bertius in Explicationibus Tabularum Geographicarum  
producent ex Gerardo Noviomago istam Epigraphen, tam-  
quam è ruinis ejusdem Armamentarii erutam:

GENS BATAVORVM AMICI ET  
FRATRES ROMANI IMPERII.

Atqui Auctor ille (si ejus verba modò rectè assequor) Ro-  
maeburgi istam Epigraphen repertam dicit. Quam grati (in-  
quit in Historia Batavica) Severo fuerint (Batavi nempe) sa-  
tis declarant vetustatis monumèta meâ ætate eruta non pro-  
cul a Legia oppido (Leidam designat, ita a Legionibus quæ  
ibi castra habuerunt denominatam, ut ejus conjectura est.)  
his hæc inscripta erant:

IMP. CAES. L. SEPTIMIUS SEVERVS  
AVG. ET M. ANTONINVS CAES.  
COH. XV. VOL. ARMAMENTARIVM  
VETVSTATE CONLAPSVM RESTI-  
TVERVNT, SVB. VAL. PVDENTE  
\*\* LEG.

Fol ccc.  
x c i x.  
num. 13.

Pag. 12.  
nostra Edi-  
tionis.



LEG. AVG. PR. PR. CVRANTE  
 CAECIL. BATOE. PRAE.  
 GENS BATAVORVM AMICI ET  
 FRATRES ROMANI IMPERII.

Hæc Geldenhaurius. Apud quem vulgò duas Inscriptiones ita continuatas legis, vt vnã putes. Vitio (vt opinor) typographi. Sanè vix aliter possum induci, quam vt credam duo hîc Epigrammata esse. Prius apud omnes Antiquarios in PRÆ desinit. Exstatque hodie etiamnum lapis ille, vnde descriptum. Posterioris archetypum periiit. Sed seorsim eam Inscriptionem exhibet Aurelius, exscriptamque a se testatur Romæoburgi, vbi maximis in hanc formam characteribus scriptam offendit :

G E N S  
 BATAVORVM  
 AMICI ET FRATRES  
 ROMANI IMPERII.

Quæ literæ prægrandes egregium aliquod opus publicum, & supra militare Præsidium ibi stetisse arguunt. Sanè sic lubet existimare. Et suspicari porrò, quidquid Inscriptionis hoc est, fragmentũ fortè ejus lapidis esse, cujus Inscriptio integra reperia in schedis Ludovici Vivis, exscriptaque a Carolo Langio exstat in Smetij Antiquarum Inscriptionum volumine, & Pighij Hercule Prodicio. Ex quibus etiam Gruterus recitat:

FOR.



FORTVNAE. AVG. SAC

PRO. SALVTE. ITV. AC

REDITV. D.D. N.N

M. AVR. ANTONINI. PII

AVG. ET. P. SEPTIMII

GETAE. NOBILISS. CAES

CIV. BATAVI

FRATRES. ET. AMICI. P. R

V. S. L. M.

*Grute-  
rus fol.**LXXII.**num. 9.*

Sed ut hoc timidè ac cunctanter affirmem, ita non dubitem Gerardum Noviomagum de Romæoburgo loqui. Maximè, quum Aurelius contestetur. Cujus verba, ut hoc quod mihi persuasissimum est, omnibus liquido appareat, etiam hinc legenda proponam: Anno (inquit) Salutis nostræ supra millesimum quingentesimo secundo inventa sunt obiter aratrum unum proscindente propè Leidas, ad jactum sagittæ ab ipso Rheno, vetustissima Romanorum monumenta, grandibus insculpta saxi, cum circumferentiâ ad quadrum & fundamētis magni Palatii, &c. Quibus mox subjicit Inscriptionem illam de Armamentario, & alteram quæ Batavos amicos & fratres Romani Imperii dicit. Quis Pyrrhonius ille, qui adhuc dubitet? Quis Tiresias ille, qui hæc Aurelij verba non de litore prope Catvvicum, sed de Leiden si agro suburbano accipienda esse non videat? Sanè, qui ad injectam aratri mentionem attenderit, manibus pedibusque protinùs in meam sententiam concessurus est. Nisi forsàn Marrucinus aliquisurare Batavos etiam litus existimet. Qui quàm inutilis & nanis labor sit, etiam a Proverbio testatum est. Ego Aurelio nostro & Geldenhaurio adhæreo, quidquid alij obloquantur. Major est me Hercule habenda fides referentibus ea quæ viderint

*Ovid. Non  
profecturis  
littora bu-  
bus aras,*



a Plaut in  
Truculent

viderint oculis, quam iis qui narrant ab aliis audita. Et juxta  
Comici sententiam, pluris est oculatus testis vnus, quàm  
auriti decem. Quare non est quod in posterum Brittenburgi  
in litore ad Catyvicum, sed Romæoburgi prope Leidas Ar-  
mamentarium Cohortis xv Voluntariorum statuamus.  
Et hoc ita se habere, puto me partim idoneis testibus, partim  
ipso Vero vicisse. Sed de Romæoburgo, & Antiquitatibus ini-  
bi repertis paulò post. Iam verò quod Iunius VALERIVM il-  
lum PVDENTIVM, qui in Armamentarij marmore LEGATVS  
AVGVSTALIS dicitur, eundem facit cum eo cuius meminit  
Inscriptio oppidi Hisconij, quod *El Guasto* vulgò nominatur in  
Regione Italia Ferentana; vix agrè mihi probatur. Etsi non  
nesciam nuper exortos, qui hanc Iunij hariolationē an hal-  
lucinationem arripuere, & scriptis suis intexuere. Est autem  
Inscriptio Hisconij talis, quemadmodum eam ex V Volfgan-  
go Lazio & Onuphrio Panuinio producit Gruterus:

Fol CCC  
XV XII,  
mm 3.

L. VALERIO. L. F  
PVDENTI

HIC. QVVM. ESSET. ANNORVM  
XIII. ROMAE. CERTAMINE  
IOVIS. CAPITOLINI. LVSTRO  
SEXTO. CLARITATE. INGENII  
CORONATVS. EST. INTER  
POETAS. LATINOS. OMNIBVS  
SENTENTIIS. IVDICVM.  
HVIC. PLEBES. VNIVERSA  
HISCONENSIVM. STATVAM  
AERE. CONLATO. DE CREVIT  
CV RAT. R. P.

Quamquam creditu difficile non est, vt quem Roma Poëtam  
laureum in adolescentia vidit, eundem postea ætate prove-  
ctiore Legatum Augustalē Germania viderit. Atque vnum  
eundem-



eundemque hominem literarum gloriâ & virtute bellica clari-  
uisse equidem non miror. Non tamen temerè hoc de Vale-  
rio Pudente affirmaverim. Sed quibus ejusmodi conjecturæ  
placent, atque in deliciis sunt, iidem etiam ambabus mani-  
bus hanc tabellæ marmoreæ Inscriptionē accipiant, quæ Ro-  
mæ ad Tiberim in vinea Casarini legitur, a Grutero, qui ex *Fol. MCXI*  
Boissardi schedis descripsit, nuper edita: *num. 7.*

L. AGRIO. VESTIARIO  
TENVIARIO. IMP. CAES  
ANTONINI. PII  
L. VALERIVS. PVDENS  
FRATRI.

Ex hujus Inscriptionis fide Valerio Pudenti Legato Augusta-  
li fratrem L. Agrium nomine colligant, eundemq. Antoni-  
ni Pij Vestiarium tenuiarium fuisse, & quis Vestarius tenui-  
arius sit, doceant. Sed me Hercule Commentatores isti in ca-  
ducum parietem inclinant: & quò confugiunt, planè fi-  
culnum est auxilium. Firmioribus innituntur tibiae, qui  
per amplam atque illustrem fuisse in hac Inferiore Ger-  
mania cum Imperio familiam Pudentium observandum  
monent, quum in Arce Neomagi ad Vahalim in Ducatu  
Gelriæ legatur hæc Inscriptio:

DIIS. MANIBVS  
C. IVLIO. CLAV  
PVDENTI LVIDONIA  
VET. LEG. X. G. P. F  
AN. L. ET. IVL. 7  
IVNIO. F. EIVS

H. E. ○ C.

Sic ex Smetij Inscriptionum Antiquarum volumine Grute-

*Fol. D.*

*XLVII,*

*num. 11.*

\*\*

3

IUS



rus representat. Atque ita disertè hodieq. legitur Neomagi; nisi quod literarum quarundam formæ & connexiones hîc expressæ non sunt. Vti nec gryphus ex variis literis compactus, qui in grandi illa O visitur, per absentiam sculptoris his addi potuit. Alias, volente Deo, fidelius exprimetur a nobis & illustrabitur. Nunc interpretationem meam tantùm lapidis apponam:

*Dijs Manibus.*

a Per eandē  
Notā etiam  
CAIA  
passim in  
antiquis  
Monimen-  
tis expri-  
mitur.

*Caio Julio Claudia (scilicet Tribu) Pudenti Luidonia (domo videlicet) Veterano Legionis Decimæ Geminae Piæ, Felicis, annorum quinquaginta, & Julio a 7 (Centuriæ Nota est in multis lapidibus, in quibusdam etiam Legionis & Liberti. Sed nulla harum explicationum hîc convenit.) Filio ejus Heredes erigi curarunt. Vel si F pro E exaratum oportuit, Heredes faciendum (vel fieri) curarunt.*

Gryphus, qui sequitur, varias cōjecturas admittit. Quas aliàs, ut dixi, proferā, convenientiori fortassis loco. Ceterum monendum hoc loco videtur, Inscriptionem illam ante centum  
b Scripta anno 1504. & quod excurrit annos a Petro Montano in b Epistola ad Gerardum Noviomagum, ad hunc modum citari:

### DIS. MANIBVS

G. IVLIO. CLAV. PVDENTI. NEOMA. VET. LEG.  
X. G. F. AN. L. ET. IVNIO. F. EIVS. H. F. \* C.

Adjuncta ejusmodi interpretatione:

*Dis Manibus.*

*Gaio Iulio Claudio Pudenti & fratri ejus hæ fuere consecrata.*



In medio, subdit idem, quod ponitur non benè queo congregare. Hæc ille. Quæ quamquam inepta sunt, tolerabiliora tamen sunt iis quæ barbaro sæculo ante ducentos prope annos de hoc Monumento Neomagensi in Historia Gelrica annotavit V Vilhelmus Berchemius, Rector Provincialis Ecclesiæ de Nyel Duffliæ. Animi recreandi gratia ejus bellissimam interpretationem apponam. Favete linguis.

*Dijs Manibus Cæsaris Iulio Claudioque Pudenti  
Omanetiæ ex Consulibus Piantæ Leonem Iulius  
in Junio est eius hæc figura Cæsarea.*

Hæc verborum portenta credidit vir ingeniosissimus lapide isto contineri, & trahere ea ipsa ad Neomagi vrbis primordia non dubitavit. Ait enim, Iulium Cæsarem Consulibus pro Republica interemptis Iulio Claudio Pudenti & Omanetiæ, ut Deificatis (lautitias Berchemianas agnoscis) hominibus mense Junio Sole piante, id est, intrante signum Leonis, in Palatio suo Noviomagensi quoddam erexisse Templum, inque eo Iulium eosdem suosque Deos & pro Republica occisos, tamquam in Deorum societatem raptos, pro Diis venerari solitum: postea verò Templum hoc ad instantiam Caroli Magni per Leonem III Pontificem Maximum in honorẽ S. Nicolai fuisse consecratum. Hæc ille. Qui præterea Notam illam in fine Inscriptionis Iulij signum esse existimat, in testimonium veritatis appositum. Potuitne (per Deum immortalem!) quidquam divinius comminisci: potuitne aptius illustriusque documentum aliud adferri, quo Noviomagi conditor Iulius Cæsar fuisse probetur? Nam sunt, si Dis placet, qui nobilissimæ vrbis ac Metropoleos Gelricæ originem ad C. Iulium Cæsarem referant, & Historiam miris fabulis involvant. Quas profectò vel tralatitio aspectu non dignor, ne quis eas hinc me commemoraturum existimet. Apage, apage nugæ.



nugacissimas nugæ: quæ animum meum nimium quantum turbant. Ad plausibilia aliquanto veniamus. Petrus Montanus, ut jam vidimus, in lapide Neomagenſi NEOMA legit. Montanum ſecutus Iunius noſter etiam NEOMA agnoſcit. Quod tamen in archetypo nuſquam comparet. Bertius probandæ Urbis antiquitati eandem Inſcriptionem laudat, ex Iunio, ut apparet; apud quem depravatiffime ſic legitur;

## DIS. MANIBVS

C. IVLIO CLAV. PVDENTI NEOMA. VET. LEG.  
XC. FAN. L. ET IVNIO F. EIVS H. F. C.

Studioſus Veri & Antiquitatis apud vtrumque (Iunium dico & Bertium) ad exemplar noſtrum menda facilè corrigit, & pro NEOMA reſcribet LVIDONIA. Sic ſequentia emendenda ad exemplar noſtrum, ſeu potius ad fidem ipſius lapidis, in quo pro XC. FAN. L. legi X. G. P. F. AN. L. neque vllam NEOMAGI mentionem fieri, multus qui viderunt, atque ad ipſum marmor deſcripſerunt, credi convenit. Ceterum quod Gerardus Noviomagus ex duobus prioribus huius Inſcriptionis verbis colligit Sacellum, cujus parieti ea inſerta eſt, Dijs Manibus fuiſſe a veteribus conſecratum, jocularis viri doctiſſimi hallucinatio eſt. Nam in Elogiis Sepulchralibus expreſſum DIS MANIBVS, ſive has Notas ſingulares idem ſignificantes D. M. ceu ſolenne Carmẽ præmitti, jam pueris notum eſt. Ita ut Morychus ſim, ſi verbum amplius addam. Majore cum fructu ſimul & delectatione industria mea verſabitur circa Præſidiariorum Militum Romanorum ad urbem Noviomagenſem conditorum Epitaphia. Certè iis non indelectatoſ fuiſſe, amicos quosdam meos, primi nominis viros, illuſtris Reipublicę noſtræ aſſeſſores, nuper animadverti. Ea itaque, nugis omiſſis, hîc ſubjiciam.

Effoſſus



Effossus annis superioribus in agro Neomagensi Cippus marmoreus, trium Militum Romanorum inibi sepulcorum index, ita loquitur:

AVRELIVS. T. F. CAL  
VOS. CAL. MIL. LEG. X  
GEM. ANN. XL. STIP. XVIII  
ET. M. AVRELIVS. T. F  
GAL. FESTVS. CALAG  
ANN. XXXVIII. STIP. XVII  
ET. AVRELIVS. FLAVI. F  
FLAVIANVS. LIXA. ANN  
XVIII. HIC. SITI. SVNT  
S. V. T. L. H. F. C.

*Militū Ro-  
manorum  
ad urbem  
Noviomag-  
ensem  
cippi tres  
sepulchra-  
les,*

In eodem agro alius erutus Cippus, hac Inscriptione:

L. VALERIVS  
L. F. VOL. MATER  
NVS. TOL. G  
MIL. L. X. G  
ANN. XXV  
AER. XII  
S. T. T. L  
H. E. T. F. C.

Dimidiato ferè ab Vrbe miliari inventus & iste Cippus, qui hodieque exstat in ædibus civis minimè degeneris, Gerardi Falkenburgij, Noviomagi, viri clarissimi, & ob Dionysiacam

\*\*\*

Nonni



Nonni Poëtae, quæ primus publici juris fecit, optime de Re-  
publica literaria meriti.

Q. BISIVS. SECVNDVS  
Q. F. DOMO. BRIXSÆ  
MIL. LEG. X. G. 7 COMINI  
CELSI. AN. XXX. STIP. VII  
HERED. EX. T. F. C.

Et hic lapis dimidiato itidem ab Vrbe miliari repertus:

MINERVAE  
CVR. LADAE  
T. PVNICIVS GE  
NIALIS. II VIR CO  
LON. MORINO  
RVM. SACERDOS  
ROMAE. ET. AVG  
OB. HONOREM  
F. V. A. M. O. V. L.

His interpretandis, singulisque minutatim explicandis, non  
morabor te, crudite Lector, longo & ambitiose tristi Com-  
mētario. Obscuriores tantum literarum singularum vocum-  
que abbreviatarum Notas evolvam, & paucis in quorundam  
gratiam illustrabo. Igitur

#### Primâ Inscriptione:

CAL.) An Calagorritanus sit, an Calubrigensis, an Cala-  
tinus, an Calaber, aut aliud denique, cogitandū. Vidi qui Ca-  
lagorritanum diceret. Si qui volent Calonem, Calatorem,  
Calcu-



Calculatorem, sive Caligatorem aut Caligatum interpretari, per me licet. Sanè CALIGATI MILITES nominantur in alia Inscriptione apud Gruterum pag. CC LXXIX, num. 3. Quid si autem Calbiensis? Nam Romæ apud Matthæos in basi sub imagine Solis CALBIENSES DE COH. III. Habes apud Gruterum pag. xxxvi, num. 1.

STIP. XVIII) Stipendiorum octodecim.

GAL.) Nonnemini Gallus est cognomen L. Aurelij. Nec deerit fortassis, cui Gallæcius videbitur. Mihi hîc non cognomen, aut natale solum militis signari videtur, sed Tribus Galeria, quæ iis characteribus mille locis in Monumentis antiquis formatur.

S. V. T. L.) Sit vobis terra levis.

H. F. C.) Heredes fieri curaverunt.

### Secundâ Inscriptione:

VOL.) Volitina sive Voltinia, scilicet Tribu. Ita ut innuat hic L. Valerius Lucij filius Maternus fuisse ex Tribu Voltinia, Cujus Tribus multa mentio in Monumentis antiquis, & meminit Cicero in Oratione pro Plancio.

TOL. G.) Toletanus Genere, vel Tclosanus, Tolentanus, Toleriensis. Has enim omnes & alias insuper conjecturas admittit illud TOL. Porro D non G legisse quosdam in lapide video, hoc esset, Domo. Sic cum alibi tum hîc in tertia Inscriptione, DOMO BRIXSÆ. Sic & in lapide mox producendo, DOMO BETAVOS.

M. L. X. G.) Miles Legionis Decimæ Geminæ.

AER. XII.) Valetærum, id est, Stipendiorum duodecim. Sic Aquileiæ Inscriptio, quam Pigafetta, qui ad motis scalis descripsit, Grutero communicavit pag. M CX, num. 6.



L. VALERIVS. L. F  
ANIENSIS. VERC  
MILES. LEG. XX  
ANNORVM. XXX  
AER. IX. HIC. SITVS.

Materia scilicet stipendij militaris ærea fuit. Stipendium (inquit Varro in Fragmentis lib. 11. de Vita Populi Romani) appellatur, quod æs militi semestre, aut annum dabatur: cui datum non sit propter ignominiam, ære dirutus est. Videntur idem Varro de Lingua Latina lib. 1111. sub finem. Vlpianus I C. l. ager. 27. ff de Verborum significationibus. Quid multis? Materiam stipendij æream fuisse, ex Livij lib. VII. & mille aliis locis cognitum. Neque solum libera Republica iste mos fuit, sed & labente jam Imperio sub posterioribus Principibus æreos nummos pro stipendio pensos, ex Auctore anonymo de Rebus Bellicis, quem nuper Vegetio nostro conjunximus, paret.

S. T. T. L.) Sit tibi terra levis. Passim in Monumentis antiquis. Atque hæc Formula vsitatissima in Funebribus: etiam apud Poëtas.

H. E. T. F. C.) Heredes ex testamento fieri curaverunt.

### Tertiâ Inscriptione:

MIL. LEG. X. G.) Ex iis quæ supra annotavimus liquet, ut pudeat me eadem semper inculcare.

7) Centuriæ inter alia hanc esse Notam supra monui. Et ita hoc loco accipienda, ut hic Q. Bisius Secundus ex Centuria Cominij Celsi fuisse declaretur.

STIP. VII) Vide in primam Inscriptionem.

HERED. EX. T. F. C.) Harum Notarum facilis interpretatio ex præcedentibus.

Quartâ



## Quartâ Inscriptiōe:

**CVR. LADAE.**) Non intelligo, nisi scribendum fortè sit **KALE**, sive **KALDR**, aut **ÆRAR**. Vt Titus Punicus Genialis (non Cenialis, vt quosdam interpretari video) Curator Kalendarij sive Ærarij Augusti fuisse innuatur. Quod si conjectura hæc displicet, num scribendum denique **LARV**. aut **LARVM**? Nugæ, nugæ. Itaque sustineo me, & ingenuè testor, mihi N. L. Auctor Indicis ad Inscriptiōes Gruteri cap. i. quod est de Deis Deabusque, inter **MINERVÆ** cognomina ponit illud **CVR. LADAE**. Et cap. v. quo idem Magistratus maiores minoresq. Dignitates, Honores & Officia recenset, **CVR. LADÆ**. inter Curatores diuersarum rerum conspicitur.

**IIVIR. COLON. MORINORVM**) Duumvir Colonorum, sive Coloniae, Morinorum.

**SACERDOS. ROMÆ. ET. AVG.**) Sacerdos Romæ & Augusti, sive Augustorum. Hujus Sacerdotij etiam alij lapides meminerunt. Vide Indicem ad Inscriptiōes Gruteri, cap. III; quod Sacerdotes, Religiosos, Magistratus Sacris faciundis, & Ministros Sacrorum complectitur.

**OB. HONOREM. F. V. A. M. O. V. L.**) Has Notas singulares interpretari, non tam in proclivi atque imber quando pluit. Sed nugæ agere existimandus sim, si me circa harum interpretationem miserè torqueam, & in omnes formas cōmutem, quum legendū sit, **OB HONOREM FLAMONII**. Cujus cujus illa conjectura, annotata ad oram Inscriptiōis, verissima est. **FLAMEN ROMÆ ET AVGVSTORVM** in pluribus Inscriptiōibus occurrit, apud Gruterum pag. CCCXX. num. 1. 2. 3. 4. 5. 6. 7. & alibi. Octava quæ deinde in dicta pagina sequitur Inscriptiō meminit **SACERDOTIS AD TEMPLVM ROMÆ ET AVGVSTORVM**. Hæc obiter. Fusius curatiusque alibi, volente Deo, de his sumus dicturi. Nunc extra



*Legio X.  
Gemina  
stationem  
suam ha-  
buit ad Va-  
halim.*

oleas, quod dicitur, vagamur. Quare in viam redeamus. Prius quā tamen ulterius progrediamur, illud etiam non praterendum, sed in primis notandum videtur, tria illa Epitaphia Militum Romanorum mentionem facere **LEGIONIS X GEMINAE**. Eam nimirum post multas in longinquas oras, etiam in Syriam Armeniamque, susceptas expeditiones, laboresque, & infinita pericula exanclata, quietē tandem ad Vahalim, quo loco nunc Gelriæ Metropolis Noviomagum, consedisse, mihi omnino fit verisimile. Huc facit, quod Legio illa Decima, sive quod in Batavis stativa haberet, aut fortē quod magnam partem e Batavis esset conscripta, etiam **BATAVA** cognominata sit. Sanē **LEGIONIS X BATAORVM** vetus Inscriptio meminit, quam ex marmore fracto Romæ describebat Merellus, ex cuius schedis publicavit Gruterus pag. D. X. III, num. 12. In eo fragmento servata tantum illibata tria illa verba:

### LEGIONIS. X. BATAVORVM.

Quod marmor, siue sepulchri index, siue aliud monumentum fuerit, utinam integrum existeret! Faceret proculdubio illustrandæ Bataviæ nostræ. Legionē autem hanc Decimam Geminam appellatam scribit Dio, quod ex duabus Legionibus, bello atritis, una fuerit facta. Sed quid agimus nostri immemores? Iterum extra chorū saltamus, iterum exorbitamus atque in diversum tendimus. Ignosce Lector candide, jam ē diverticulo in viam redimus. V. C. Paulus Merula, felicitis memoriæ, etiam de Noviomago hoc Gelrico potius quā de quo alio (nam cognomines huic aliquot vrbes legi apud Scriptores, testatissimū est) capiendam censebat hanc Inscriptio- nem, quæ Romæ in Cippo marmoreo visitur: in cuius fastigio Miles in lecto discubitorio, appposito tripode, pueroque, qui anguem manibus torquet, ad lecti pedes adstante.

D. M.



D. M.

T. AVRELIO. T. F. VLP  
 NOVIOMAG. VINDICI  
 a EQ. SING. IMP. N. TVR  
 AEL. VERECUNDI  
 VIX. AN. XXII. MIL. AN. XI  
 T. AVR. PLACIDVS. HERES  
 AMICO. OPTIMO. F. C.

Gruter. fol.  
 DXXXII,  
 num 9.

a Equiti  
 singulari  
 Imperato-  
 ris nostri.  
 Turma Ælij  
 sive Æliani  
 Verecundi.

Sed ut hoc tanquam non satis compertum, in medium re-  
 linquo, ita sequentes Inscriptiones fidenter Batavis vin-  
 dico. Inventus lapis Bregatij (vide Ortelij Thesaurum  
 Geographicum) in Pannonia Superiori, seu Transsylvania.  
 sed translatus Eberstorfium in Arcem nobilis & magnifici  
 Domini Hieronymi Beck a Leopoldstorf quarto à Viennâ  
 miliari, præferens hanc Inscriptionem, sub duobus equis stra-  
 tis, quos frenis tenet pedes.

ALBAN. BALVI. F.

DEC. ALAE. AVGVSTAE. ITVRAEO  
 RVM. DOMO. BETAVOS. AN  
 NOR. XLII. STIPENDIOR  
 XX. HIC SITVS. EST. TITVLVM  
 b MEM. POSS  
 TIB. IVLIVS. REITVGENVS. ET  
 LVCANVS. CDEC. ALAE. AVG.  
 ITVRAEORVM.

Gruterus  
 fol. D XIX.  
 num. 5.

b Memoria  
 posuerunt.

c Decurio.

Non est quod quemquam moveat (monente in Notis ad  
 Dionem eruditissimo Ioanne Leunclavio, cui primâ hujus  
 Inscriptio



Inscriptionis publicationem deberi existimo) hinc dici Albanum Batavum inter equites alæ Augustæ Ituræorum meruisse. Nam frequens hoc illis temporibus (quemadmodum etiam nostris) ut diversæ gentes sub vno signo militarent. Et hoc factum ideo putandum est, quod etiam Ituræi parem penè cum Batavis equestris rei laudem obtinerent. Equitum Ituræorum ejusdem alæ Augustæ meminit alius lapis, qui est Eberstorffij apud eundem Dominum à Leopoldstorff, & Inscriptio ejus apud Gruterum pag. D. XXXIII, num. 9. Istihinc, si cui ita videbitur, petenda. Nos Batavis nostris celebrandis vnicè hoc loco incumbimus. Romæ, teste Mazochio, ex cujus Epigrammatis antiquæ Urbis cum alij, tum Gruterus profert, in Regione Montis Esquilini, in vno eodemque lapide gemina Inscriptio, Candidinij Spectati & Candidinij Veracis fratrum, Batavorum, equitum singularem nomina præferens, olim lecta est, exscriptaque ante annos prope centum ab ipso Mazochio, Antiquario primi nominis. Qui nonnihil variat ab hodiernis Antiquitatum collectoribus. Mazochius scribit ad hunc modum, inter Epigrammata de Exquilino Monte:

In S. Eusebio, juxta Trophæa Marij.

CANDIDINIUS SPECTATUS EQ. SING. IMP. N.  
NAT. BADAUS VIXIT ANNIS XXX. STIP. XI.  
TVR. PROCLINI CVR. GENIALINAE VINDICE.

Ibidem in eodem lapide.

CANDIDINIUS VERAX EQ. SIN. IMP. N. N.  
BADAUS. VIXIT ANN. XX. STIP. IV. T. PROCLINI  
CVR. CANDIDINIO SPECTATO FRATRE IPSIVS.

Alij



Alij, inter quos etiam <sup>a</sup> Gruterus noster, hanc formâ pro-  
ducunt:

<sup>a</sup> Fol. D  
LXXV.  
num. 6.

CANDIDINIUS. SPECTATVS  
EQ. SING. IMP. N. NAT  
BADAVS. VIXIT. ANNIS. XXX  
STIP. XI. TVR. PROCLINI  
CVR. GENIALI :: :: ::  
VINDICE :: :: :: :: :: ::

Item:

CANDIDINIUS. VERAX  
EQ. SING. IMP. N  
N. BADAVS. VIXIT. ANN  
XX. STIP. VI. T. PROCLINI  
CVR. CANDIDINIO. SPEC  
TATO. FRATRE. IPSIVS.

Sed utrum hoc an illo modo legantur istæ Inscriptiones, di-  
fertè nihilominus testantur, Imperatores Romanos e Bata-  
vis quosdam <sup>a</sup> equites Singulares legere solitos. Quod ut ple-  
nius planiusque etiam imperitioribus & Antiquitatum igna-  
vis constet, dictiones quædam compendiaræ & signa expli-  
canda sunt.

<sup>a</sup> Ala equi-  
tum Singu-  
larium  
meminit  
Tacitus  
lib. 4. Hist.

EQ. SING.) Eques Singularis, sive Singularius. Nam ita  
libi in lapidibus. Apud Gruterum pag. M xxviii, num. 2.  
Inscriptio ex Vrsini schedis deprompta expressè EQVITVM  
SINGVLARIOR. AVGG. N N. meminit.

IMP. N.) Id est Imperatoris nostri. Quis designetur nescio.  
Sed scio similiter in multis Inscriptionibus scriptum exstare.  
NAT. & N. BADAVS.) Natione Batavus.

STIP.) Stipendiorum. Vti superius non semel annotatum.  
TVR, & T. PROCLINI.) Turmæ Proclini.

\* 2

CVR.



CVR. ) Curante. Reliqua per se perspicua.

Hæc in rudiorum gratiam obiter hîc dicta sunt. Cæterum,  
Lector candide, mirari noli, me præcedentes lapides ad Ba-  
tavos trahere, quum in iis non BATAVVS, sed BETAVOS, &  
BADAOS legatur. Iterum rogo te, noli mirari. BETAVOS  
sive BETAVVS purum putum gentis nomē. Nam Batavorum  
Insula, vulgò de Betau appellatur. Quare potius mirandum,  
quod in illa corruptione nominum propriorum exteris usi-  
tata, purum putum gentis nomen hîc reperiatur. BADAOS  
autem sive BADAVS mendosè legitur. Quod imputandum  
scies quadratario sive sculptori marmorario, cujus vitio hîc  
litera D pro T scribitur, & V omittitur. Quemadmodum  
supra in fracto marmore BATAORVM. Virumque errorem  
sæpiusculè erratum observare est passim (vt scribas librariorum  
præteream) in lectione veterum Inscriptionum: in quibus me  
in infinitis locis ADQVE pro ATQVE, QVODANNIS pro  
QVOTANNIS, notasse memini: etiam nonnunquam ED  
pro ET, LIMIDES pro LIMITES, RELIQUID pro RELI-  
QUIT, & similia. In iisdem omissæ literæ V obvia exempla.  
Sic DAVS pro DAVVS, FLAVS pro FLAVVS, PAIMENTVM  
pro PAVIMENTVM, QVATTOR pro QVATTVOR ibidem es  
reperturus, si modò non dedignatus fueris Collectanea In-  
scriptionum percurrere, aut saltem consummatissimum In-  
dicem cap. XIX inspicere. At verò BADAVS in lapide ex-  
aratum esse, quid mirum? quum apud Reginonem Prumi-  
ensem Abbatem Chronicorum lib. II. etiam BADVA pro  
BATVA legatur, ad Annum D CCC VI. Imperator (inquit,  
nempe Carolus Magnus) dimisso utroque filio in Regnum  
sibi deputatum, Pippino scilicet & Ludovico, de Theodonis  
villa profectus, navigio per Mosellam Rhenum ingressus, ad  
Neomagum in Badua venit, ibique tota Quadragesima fuit,  
& sanctum Pascha celebravit, &c. Sed Iunius noster impres-  
sos codices manuscriptum facile redarguere testatur, in quo  
Batua



Batua disertè legitur. Quomodo Aimonus initio Historiæ Francorum: Mosa (inquit) parte quadam ex Rheno recepta „ quæ appellatur Vahalis, vulgo autem dicitur V Vaal, Insulam „ efficit Batavorum, quæ rustico sermone vocatur Battua. Et „ ipse Regino ad Annum D CCC LXXXV: Godefridus audito „ eorum adventu, illis obviam procedit ad locum qui dicitur „ Perispith, in quo Rheni fluentia & V Vaal vno se alveo resol- a *Perwin*  
vunt, & ab invicem longiùs recedentes Battuam provinciam hodie audie  
quo gurgite cingunt. Multi itidem alij Scriptores evi Carolini apud Arcē  
Batuam clarè nominant. Quorum loca hîc coacervare quid Lobkaxam  
attinet? Vtique quum sint præter rem & institutum meum. ipso princi-  
Et jam largiter (verendum, ne nimium) de Batua & Neo- pio Agri  
mago dixisse me sentio. De quâ vrbe qui plura scire deside- Batavici.  
at, suadeo clarissimi Merulæ singularem de eâ vrbe Com- Scripsit for-  
mentariolum adeat: cuius viri curiosa diligentia omnem no- tassus Regi.  
is explicandę pressius atque illustrandæ Urbis laborem ade- no Peris-  
nit. Is liber quidem editus nondum est, sed propediem, vi- win/ aut  
pero, edetur. Nos exorsam telam pertexamus, & reliqua ve- Perewin  
statis Monumenta in Hollandiâ pridem eruta, adscriba-  
mus.

Vilhelmus Heda Alfinius, Rerum Ultrajeſtinarum Scri-  
tor nobilis, qui ante annos P. M. centum floruit, & Maxi-  
miliano Cæsari à Consiliis Secretioribus fuit, ejusdemque  
semel atque iterum Legatus, vir amplissimus pariter & do-  
tissimus, ita de Castro Voorburgano in Hungero XI Epi-  
scopo scribit: Circa annum Domini <sup>b</sup> D CCC LVI, teste b *Alij ve-*  
phanne Beka, incensa (a Nortmannis, puta) Arx munitissi- risimilius,  
na in ea Provincia quam Hollandiam vocant, ab Aureliano D CCC  
quondam Augusto illic constituta, quam vulgo Arundulum XXXI IX.  
vocant in vico Dooyburg. Cujus vestigia ipsi videmus nostra  
tate, & fragmenta Romanam architecturam ostentantia,  
fodi: veluti partem pavimenti tessellati; pedem æreum con-  
actæ statuæ; nummos æreos, argenteos, atque aureos, cum  
\* a 2 in.



inſcriptione AVRELIANI : nec non catenulam auream cum ſmaragdis aliquot ſeſquiangulis politis & perforatis, contra epilepſiam ad collum ſuſpendi ſolitis infantium. Hac Heda. Iunius Bataviæ cap. xvi i i, quod eſt de Arcibus Hollandiæ & Caſtellis: Antiquiſſima (inquit) memoratur in ore hominũ celebris Arx Elini (quem tantum non alterum Midam faci-

<sup>a</sup> Coniungunt Annalium Scriptores, ab aſininis auribus<sup>a</sup> Eſelorum ap-  
pellantes) non procul diſſita ab Haga-Comitis, Voorburgo  
Et ſic Boc-  
kenbergius : pago vicina, quæ multorum iugerũ ſpatium circuitu com-  
Vnde in eũ  
Douza:  
Auriculas  
aſini Rex  
habet an  
Tragoras?

<sup>b</sup> Voorbur-  
gi, non Rijk-  
vrij, vii  
Smetium  
ſequutus  
Gruterus  
fol D XL,  
num. 6,

Repertus<sup>b</sup> ibidem fuit ab arante ruſtico lapis quadratus in  
Aræ formam, qui hanc præfert Inſcriptionem :

DIANA E  
IVNIANIVS  
AMABILIS  
IIII. VIR  
AVG.C.V.TEX  
IVSSV. IPSIVS  
L. M.


Quatinquam feſtinem, non poſſum tamen committere, quin  
literas ſingularias exponam. I I I I I. VIR. AVG. valet Sevir,  
vel Sexvir Auguſtalis. Hęc Nota, vt & illa VI VIR, idem de-  
notans, obvia in antiquis Monumentis. De Sexviris & eorũ  
munere, qui volet, adeat V Volſgangi Lazij Commentario-  
rum Reip. Rom. lib. vi. cap. i i i. Notas ſequentes, C. V. T.  
video interpretari in Indice, Curavit uſus titulo. Rectè ne an-  
ſecus, non facile dixerim. Forſitan non malè interpretaberis,  
Cura-



Curatoris vsus titulo : quum alibi inveniatur, Curatoris honore vsus.

In eodem agro Voorburgano repertus hic lecythus vitreus herbacei coloris, crassus ac proinde gravis, ansa lata, eaque rhomborum instar crenata.

*Lecythus vitreus, prope Voorburgum inventus.*



Protulit idem ager, teste Iunio, qui Hagæ apud Adrichemium veterum sigillorum amatorem vidit, tudiculam auream representantem incerniculum quodam tenuium foraminum labyrintho pertusum, mirandi operis atque adeo inimitabilis, aurificû confessione: cujus materiam sunt qui electrinam augurantur: major portio se merum probat aurum : brachiû quod manu tenetur, auro improbiore constat: id quod lacunulæ, vitio terræ falsuginosæ altiùs insidentes, loquuntur.

Ad pagum Naeldyvico ( pagus is inprimis Martini Dorpij, Theo-



Theologi & non infelicis, ut captus eorum temporum erat, Poëta natalibus celebris) vicinum, cui *Monster* nomen, lapis olim dum novale aratro proscinditur erutus, translatus inde Syonem, (quod Cœnobio Monachorum Delfis suburbano, nunc diruto, nomen fuit) atque isthinc porro, substituto meliori e marmore exemplari apud incuriosos Antiquitatis Cœnobitas ablatus, & in villam Persiniam Hagæ-Comitis propinquam transportatus ab amplissimo Ultrajectinæ Senatus Præside Hippolyto Persino. Vbi hac forma & his insculpta literis hodieque visitur.

*Columella miliaria, Monasterij reperta.*

*Gruter, fol.  
C L V I,  
num. 7. ex  
schedis Pi-  
ghij, qui le-  
git atque  
exscripsit.*



Eriam



Eriam hîc cogor subsistere, & in gratiam quorundam interpretationem columellę istius miliarie subjicere. Ea sic habet:

*Imp. Cæs. M. Aurelio Antonino Augusto, Pontifice Maximo, Tribunicie Potestatis XVI. Consule XIII.*

*Et Imp. Cæs. L. Aurelio Vero Augusto, Tribunicie Potestatis II. Consule II. Et Notę aliquot ignotę.*

De queis quid sentiam, & quid velint, non promptū est mihi dicere. Nec Smetius, aut Index ad Inscriptiones Gruteri eas interpretantur. Qui hoc modo Notas illas repręsentant, A. M. A. E. C. Alię Notę tres, quę in lapide vltimę, faciles explicatu: eccillas cum interpretatione suā, M. P. XII. Millia passuum duodecim. Quare videor mihi quasi per nebulā videre, sub M. Aurelio Antonino & L. Aurelio Vero Augusto columellam istam a Mari, sive a Municipio, ad Forum, sive ad Fundum, Constitutam mill. pass. XII. Quod autem Municipium sit, quod item Forum, Fundusve, ignoro. Fortassis (nam in his talibus nihil pręter conjecturas habemus) designatur FORVM HADRIANI, quod in Batavis & ad Rheni fluentum agnoscit Auctor Tabulę Itinerarię, quę vocatur Peutingeri. Putavi aliquando ejus Fori vestigia etiamnum superesse in pagis *Doorburch*, cujus modò meminimus, & *Doorschooten* in vicinia Lugduni Batavorum, ab Hadriani Foro ita forsitan nuncupatis: quasi *Forburch* & *Forrschooten*. Sed & Rhijnlandię pagus alius est Nordvico vicinus, cui *Doorbout* nomen, & *Fozenholta*, si antiquis Diplomati- bus & Chartis credimus. Quid? an potius illius pagi nomenclatura istinc petenda? Cogitemus. Atque interim Iunium de <sup>a</sup> Castris Albinianis (quorum item Tabula illa Peutingeri & <sup>a</sup> *Alphen*, quod Antonini nomine circumfertur Itinerarium memine- runt) deque <sup>b</sup> Arce Romana loquentem audiamus: Ad decem <sup>b</sup> *Romburg*. millia (inquit) passuum <sup>c</sup> Lugduno seu Hollandica miliaria <sup>c</sup> *Lepden* bina, expedito pediti circiter trium horarum spatio emetien-



da, editiore in clivo Castra fuisse Romana Albiniana nomine, extra controversiæ aleam est. Ea verò ab Albino quopiam Cohortis Præfecto nomen sortita : nisi quis ad scripturæ periculum confugiens, Alpheniana (proximior vocis origine cum vulgata nomenclatura) scribi debere contendat, ut  
*a In vet. Inscripte. nunquam Alphenus, sed semper Alphenus scribitur. Hinc Alphen.* nomen fortè traxerint ab <sup>a</sup> Alpheno Varo Batavorum ductore, cuius meminit Tacitus in Historiis, & in Othone Plutarchus. Ita, ut si cui probetur magis altera denominatio, habeat in promptu quibus se tueatur exempla. Pagus enim, qui insignis est hac ætate cespitum bituminosorum fodinis & mercatu, Alphen dictus est. Quod ipsum non multum dissentit ab Albino. facilis namque deflexio est aut transitus ab Albin ad Alfin, inde Alfen, vel meliore scriptura Alphen. Fuit enim vetusta & prænobilis Romæ Albinorum familia, quod Iulius Capitolinus in Clodio Albino commemorat. Sed hanc litæ controversiam indicasse contentus, nihil quidquam definio. Lugduno adjacet Romæoburgum in hunc usque diem a Romanorum præsidio, ut prima fronte nomen præfert : locus olim Martiis viris, post virginum Vestalium coetui dicatus, variis Antiquitatis monumentis clarus, in quibus duo leonum ex ære conflata signa, cum Deæ Palladis hominibus illis ignoratæ simulachro, & Nomismata ænea argenteaque Neronis, Antonini, aliorumque complura magno numero eruta, quæ sibi donata abstulit Maximilianus Cæsar anno cloc. VIII. una cum ossibus giganteæ staturæ hominis, cui sola tibia æquabat mediocris viri crus cum femore ad usque inguina, cujus lorica humeris circumpositam, at ærugine aderam, diu se asservasse testata mihi fuit Cœnobij Antistita, pia & cordata anus. Inter cætera cimelia saturi viroris gemmam (smaragdum, vel certè jaspidem fuisse suspicio est) juglandi nuci propemodum parem intervertisse Gaesbecanus Dynasta ferebatur. Phialam heminae vini capacem, opus elegans, sed figlinum, Hippolytus Frisiæ Præses non sine precibus



ibus obtinuit. Vidi illic & imbrices ita inscriptos, EX. GERM.  
INF. Vidi & Numismata IMP. DOMITIANI. GERM. COS.  
XI. Item Nervæ, Traiani, Tiberij, Claudij Cæs. cum Cere-  
re Aug. Anastasij cum Victoria Aug. ex auro. Q. Curtij  
Ruffi, aliaque. Lampadem aneam, quadrifidam (quæ in qua-  
tuor veluti guttos exit unde ellychnia flammam vomebant,  
& in quaternas columnas circinatum cœlum excipientes as-  
surgit) isthîc repertam asservat, & expressam opera pictoris  
communicavit, ut hîc apponetur, Cornelius Nicolaus Aqua-  
nus, homo Antiquitatis studiosissimus.

*Lucerna polymyxos, Romæoburgi inventa.*



Erat Cornelius iste vascularius Lugdunensis, honoris causa  
non semel Iunio nominatus. Qui tamen si a literis alienus,  
mirum tamen quàm curiosus fuerit, quamque diligens in  
cognoscendis veteris memoriæ indiciis, convasandis fragmē-  
tis, colligendis & conquirendis Numismatibus, quorum fe-  
livam copiam possedit: area quingenta, argentea plusquam  
recenta, & quædam etiam aurea, cum in ruinis Arcis Bri-  
annicæ, tum apud Romæoburgum reperta, unâ cum infini-  
tis omnis Antiquitatis monumentis aliis, quæ aut ipse inde  
extulit, aut ab aliis redemit. Hæc magnam partem post illius  
iri excessum facta sunt juris Knottorum. Reliqua in omnē  
quaqua versus regionem disseminata, multorum Antiqua-  
riorum loculo exornant. De huiusmodi autē Lucerna plu-  
rium luminum Martialis lib. xiv. ubi Lemma, LYCERNA

\* 6

PO.

Lucerna  
hæc poly-  
myxos in  
Iunio Bæta  
via trans-  
posita suo  
loco non  
comparat.  
Revocanda  
ea a pag.

120 in  
pag. 269



POLYMYXOS, eique subiectum hoc Epigramma:

*Illustrem quum tota meis convivium flammis,  
Totque geram myxas, una lucerna vocor.*

*a Annal.  
lib. 12.*

Quum multiplex sim (inquit) & polymyxos, id est, plura elychnia habeam, & totum tricladium meis luminibus perfundam, una tamen dicor lucerna. Anastasius Bibliothecarius De Vitis Pontificum Romanorum, in Silvestro I, meminit lucernę ex auro purissimo mixarum duodecim. Ita enim legendum, non nixorum, ut in contextu est, aut lychnorum, ut voluit Editor in margine Idem mendum alibi apud eundem Auctorem observavi. Sed hac Grammaticorum sunt, neque huius loci, Quare ad Antiquitates Batavię & Chorographica quę restant exequenda gradum contendamus. Charta Militaris, sive Tabula Itineraria Peutingeri, cuius supra meminimus, PRÆTORIUM AGRIPPINÆ in Batavis haud longè a Lugduno ponit. Nobilissimus & omnis Antiquitatis peritissimus Marcus Vellerus Duumvir Augustanus in explicatione schedarum quarundam ejus Tabulę his ex<sup>a</sup> Tacito premittit: Agrippina, quò vim suam sociis quoque nationibus ostentaret, in oppido Ubiorum, in quo genita erat, veteranos Coloniamque deduci imperat, cui nomen inditum ex vocabulo ipsius: Eg<sup>a</sup> hanc (inquit) ambitionem in Colonia & huius Prætorij nomine valuisse sentio: neque enim valde ambigo Prætorium etiam ad Agrippinam Germanici filiam pertinere. Certo fortassis consilio Bataviam ostentationi delegit imperiosa & sagax mulier, quò apud illam gentem venerationem augeret, ex qua Augustorum Augustarumque corporis custodes. Reliquiæ in Romæoburgo superesse videntur. Situs convenit, & nomen Romanam antiquitatem præfert. Iunius ostendit refossis fundamentis varia Antiquitatis monumenta id loci esse eruta: præter imbrices literatos, & figlina opera, etiam græca signa, atque argentea numismata:

quia



quin & prægrandem gemmam : quæ fidem faciunt aliquid  
 supra Militare Præsidium ibi stetisse. Hac ille. Quibus quod  
 demam aut addam, non habeo. Adsentior non invitus viro  
 vndecunq. doctissimo, & adsurgo ei lubens merito. Cujus &  
 deinde conjectura quæ sequitur, non mihi admodum im-  
 probatur. nedum a Vero absona (vt non nemo vult) videatur.  
 Nimirum ad hoc Prætorium Agrippinæ revocandam esse  
 eadem Vrsulæ & ceterarum Virginum Britannicarum, quam  
 ab Hunnis Colonie Agrippinæ patratam, fama ex nominis  
 errore orta proditum. Imperitè (inquit) quisquis auctor fuit  
 Historiæ, quod Hunnorū & Agrippinæ nomen inaudisset, ad  
 Attilam & Coloniam Agrippinam reulit, magno temporū  
 & locorum errore. Ad<sup>a</sup> tempus quod pertinet; Gratiani &  
 Maximini (qui Gratiano Imperium & vitam ademit) ævum  
 perspicuè ex Gaufrido Asaphensi intelligimus: Ad locum;  
 Germanicum litus. Guilielmus Lindanus apud Cæsarem  
 Baronium Æstuarium Germanicum ad Rheni ostia, me appro-  
 bante, interpretatur. Sed ea Coloniam vsque pertingere cui  
 fidem faciat? Profectò qui schedas Tabulæ semel inspexerit,  
 Prætorium Agrippinæ longè rectius accipi, fateatur necesse  
 est. Et si jam tunc temporis Romæoburgum a provin-  
 cialibus vocabatur (quod quidem non valdè affirmo, ve-  
 rum tamē esse nihil impedit) probabilis erit conjectura, hinc  
 opinionem de Romana peregrinatione natam. Nam Bonna  
 ex Veronæ nomen fluxit: Quum Virgines Veronā primū  
 appulisse antiqua Historia narret: Et Verona in hoc littore  
 vrbs opulenta & florens olim steterit. Quod<sup>b</sup> Hadrianus Lu-  
 nius & <sup>c</sup> Suffridus Petrus observavēre. An & Pasilea a Præ-  
 torio, (Basileam enim vsque Vrsulam aduerso Rheno navi-  
 gasse volunt) non affirmatè dixerim. Vnum Agrippinensi-  
 bus libentes largimur, pleraque Virginum cadavera ad illo-  
 rum urbem, quæ in primis ampla & potens, atque cum reli-  
 qua Gallia in Maximi potestate esset, venerationis causa de-  
 lata.

a Anno  
 Christi  
 CCC

LXXXIII

vt supputat

Baronius,

qui Gaufrid-

um Asaphē-

sis vetusti

sed vt plu-

rimum fa-

bulosi

scriptoris

fragmentū

ex Vatica-

na Biblio-

cā publica-

vit in No-

tis ad Mar-

tyrologium

Romanum,

XXXI.

Octob.

b Batavia

cap. XV. 1.

pag. 284.

c De Fris.

Antiquit.

lib. I. cap. 2.

pag. 37.



lata. Haëtenus Velferus. Cæterùm quàm miserè multorum  
 frivolis conjecturis hæc Virginum Historia lancinata sit, vide  
 in<sup>a</sup> libello quem ex variis concinnatum de iis nuper emisit  
 Aubertus Miraus. Quod autem<sup>b</sup> Aurelius noster in literas  
 retulit Romanos, haud procul a Castro quod Arcem dici-  
 mus Romanorum, Latinarum literarum Scholam aperuisse;  
 illud ego in medium relinquo, & sine gravi & antiqui scri-  
 ptoris testimonio nihil hujus meo periculo temerè assertum  
 velim. Quamquam V. C. Bonaventura Vulcanius, vtriuf-  
 que linguæ & Historiarum in paucis peritus (cui hæc & alia  
 Aurelij opuscula debemus) non dubitavit apud amplissimū  
 civitatis Leydensis Senatum in hunc modum de hac Schola  
 differere: Agnosceitis, inquit, Scholam Latinam a Romanis  
 „ propè Leydas ad Rhenum in Municipio vestro quod *Roem-*  
 „ *burch*, hoc est Arx Romanorum, dicitur conditam: vt juven-  
 „ tutis Batavica, quam acri ingenio, aptissimaque addiscendis  
 „ aliis idiomatibus linguā esse norant, suā etiā, hoc est, Roma-  
 „ nalingua instructę opera, facilius sibi alias nationesejus igna-  
 „ ras reconciliarent; & hac beneficij specie ipsos juvenum pa-  
 „ rentes sibi arctiūs devincirent, atque adeo in officio retine-  
 „ rent, &c. Hæc Vulcanius, sed qui auctorem alium, quo se  
 tueatur, non habet præter Aurelium. Cui bono Cœnobitæ  
 ego antiquum lapidē, quem effossum inibi videri, imposu-  
 isse existimo, in quo Scholæ mentio facta fuerit. Quā Scho-  
 læ appellationem, alium ejus vocabuli vsum & significatio-  
 nem ignorans, putavit vir solers ilico ad ludum literarium re-  
 ferendam. In quo falsus est. Nam Scholarum diversarum fre-  
 quēs mentio in veteribus Inscriptionibus. Quæ quum Scho-  
 las dicunt, ferè aut Officiorum & Corporatorum Collegia,  
 aut Militum quā armatorum, quā inermium Palatinorum  
 Ordines & Cōubernia intelligi & exaudiri volunt. Sic apud  
 Gruterum pag. C LXIX, num. 6. SCHOLA AVG. FABRORVM  
 TIGNVARIORVM. Apud eundem pag. DC XXXII, num. 4.

<sup>a</sup> Hoc titu-  
 lo: De SS.  
 Virginibus  
 Coloniensi-  
 bus Disqui-  
 sitio. Pari-  
 sis, Anno  
 M. DC. IX  
<sup>b</sup> In fine  
 Batavia,  
 lib. 2.



TABVLARIVS SCHOLÆ MEDICORVM. Roma, in limine  
superiori portæ exterioris S. Alexij in Aventino:

IN. HONOREM. DOMVS. AVGVSTAE.

Ti. Claudius. Secundus. Coactor. cum. Ti. Claudio. Ti.  
Quir. Secundo. F. Viatoribus. IIIvir. & IIIvir.  
Scholam. cum. Statuis. & Imaginibus. Ornamentisq;  
omnibus. sua. impensa. fecit.

Gruter fol.  
CLXIX,  
num. 5.

Ibidem, sub Concordiæ templo, in capite fori, dum fossores  
terram altius moliuntur, inventæ hæ Inscriptiones:

Bebryx. Aug. L. Drusianus. A. Fabius. Xanthus  
Cur. Scribis. Librariis. & Praconibus. Aed. Cur. Scho-  
lam. ab. inchoato. refecerunt. Marmoribus. Orna-ve-  
runt. Victoriæ. Augustam. & Sedes. Aeneas. & ce-  
tera Ornamenta. de. sua. pecunia. fecerunt.

Gruter fol.  
CLXX,  
num. 8.

Item:

Bebryx. Aug. L. Drusianus. A. Fab. Xanthus. Cur.  
Imagines. Argenteas. Deorum. septem. a post. Dedic-  
tionem. Scholæ. & Mutulos. cum. Tabella. Aenea.  
de sua. pecunia. dederunt.

a Alias, A

Ibidem in vno perystilio interiori parte legebatur:

C. Avilius. Licinius. Trosius. Curator  
b Scholarum. de. suo. fecit.

b Alias,  
Scholarum.

Sed an istæ Inscriptiones ad ejusmodi Scholas referendæ sint,  
dubitari posse video: quum prima ex iis ad Gymnasia, statuis  
& imaginibus Deorum hominumque sapientia insignium  
antiquitus exornari solita, jamdudum relata sit a viris haud vul-



*Codefcalcus  
Steuvechi-  
as Commē.  
sario in  
Vegetium  
de Re Mili-  
tari lib. 2.  
cap. 6.*

gariter eruditus. Sed & ipsos videtur decepisse vocabulum Scholæ. Sanè Inscriptio illa (cujus testimonio videntur) videtur mihi innuere Scholam Viatoribus iiii virorum & v virorum, a Ti. Claudio Secundo Coactore & Ti. Claudio Ti. Quir. Secundo ejus filio factam. Item altera Inscriptio testatur Bebrycem Aug. L. Drusianum & A. Fabium Xanthum Curatorem, Scholam Scribis Librariis & Præconibus Ædili-um Curulium faciundam curavisse, posteaque resectam a C. Avilio Licinio Trosio. Atque ab hoc Xantho fortassis Schola Xantha dicta, cujus meminit Rufus in libello de Regionibus Urbis. Ea mihi quidē sedet sententia, salvo aliorum judicio. Sed de Scholis Militum armatorū (erant namque Scholæ Militiæ Castrensis, & Militiæ Palatinæ) habes in iisdem Monumētis antiquis. SCHOLA SPECVLATORVM LEG. I & II ADIVTRICVM, &c. in Marmore quodam Budæ in Hungariâ reperto, apud Gruterum pag. C LXIX, num. 7. Apud eundem pag. D CC LIII, num. 4. SCHOLA VEXILLARIO-RVM. Schola equitum & peditum, in Codice Iustiniano lib. II tit. VIII, de Advocat. diversor. Iudicum. Schola Scutariorum, & Scutariorum clibanariorum in Vrbe Constantinopolitana, in codice Theodosiano, lib. XIIII, tit. XVII. de annonis civicis & pane gradili. Scutariorum meminit etiam Ammianus Marcellinus lib. XXII, & eorumdem Scholam primam & secundam nominat lib. XXVI. Scholæ tertiæ meminit vetus Inscriptio:

*Gruterus  
fol. CIO.  
III, inter  
Monumeta  
Christiana,  
Num. 11.*

M. M. IN. PACE  
FLANIGGO. SCVTARIVS  
SCOLA. TERCIA. QVI  
VIX. ANN. L. M. XV. &c.

Tres etiam scutariorum scholas, I. II. III. agnoscit Notitia Imperij Romani, in Occidente sub dispositione viri illustis



stris Magistri Officiorum. Ibidem schola Armaturarum: schola Gentilium (cujus scholæ & Marcellinus meminit lib. xxvii.) schola agentium in rebus, & Deputati ejusdem scholæ. Cujus scholæ cum in eadem Notitia, tum in codice Theodosij, & Iustiniani crebra mentio. scholarum etiam Militariū meminit Vegetius de Re Militari lib. ii. cap. xxi. Et a scholis Milites scholares dicti, in Cod. Theod. lib. vii. tit. 6. de erog. milit. anno. l. 34. lib. xi. tit. 18. Qui a præbitione tyronum excus. l. vn. In cod. Iustin. lib. i. tit. 31. de officio Magistri offic. l. 3. & 5. In eodem lib. xii. tit. 30, de privilegiis scholarium. Vbi in orâ ex Alciato monemur, intelligendos militantes in sacro Palatio. De scholaribus, siue scholaris (vt ibi, & alibi in Cod. Theod. appellantur) qui interdium & noctu in Aula versabantur, vide Agathiam Histor. lib. v. & adhibe Suidam in hac voce. Scholæ Palatinæ mentio in l. ii § sin autem, & in § illo proculdubio Cod. Iustin. lib. ii. tit. 1. de iudiciis, & apud Marcellinū lib. xv. Schola Domesticorū in Cod. Theod. lib. vi. tit. 24. de Domesticis & Protectorib. l. 3. eod. lib. tit. 25. de Præpos. laborum l. vn. lib. xii. tit. 1. de Decurionib. l. 38. In Cod. Iustin. lib. ii. tit. 23. Vbi senator. l. 3. Et apud Marcellinum lib. xxvi. In eod. Cod. lib. i. tit. 27. in Laterculo Præfecti Prætorio Africæ plurium scholarum mentio, videlicet Singularium, Mittendariorum, Cursorum, Nomenculatorum, stratorum, Prætorianorum, Draconariorum, Chartulariorum. schola Notariorum in Cod. Theod. lib. vi. tit. 2, vbi ea schola sacratum Collegium aliàs dicitur. schola Notariorū etiam in Notitia Imperij & apud s. Gregorium in Registro lib. vii, epist. xvii. qui & scholam subdiaconorum nominat ibidem Nam Ecclesia multis vocabulis vitur sumptis a Re Militari. sic schola Cantorum reperitur apud veteres Auctores qui agunt de Divinis Officiis. Et vt olim in Re Militari qui scholæ siue contubernio præerat, dicebatur caput scholæ,



Scholæ, id est, Decanus habens sub se novem homines : quibus ipse decimus præerat : a quo illi nomen : sic hodieque in Collegiis Ecclesiasticis ( quod ab illustri viro Iosepho Scaligero accepi ) qui decimus est ac princeps Collegij, alibi Decanus, alibi caput scholæ vocatur : ut in Volcis Teſtoſagibus, & Aremoris, & reliqua provincia Narbonensi. Nimirum quia schola & contubernium idem. Verum his omisſis, restat schola ſilentiariorum, nobis indiſta. Ejus mentio apud Nicephorum lib. xv. cap. xxiii. In Cod. Iustin. lib. xii. tit. 16. de ſilentiariis & Decurionib. l. 4. devotiſſimorum ſilentiariorum schola. Erant autem ſilentiarii non a Secretis Principis, quod Accursius & ejus ſecutuleij crediderunt, sed qui importunum murmur cohibebant, & curam habebant ne quis in Principis Palatio ſtrepitus inſolens excitaretur. ſilentiariorum Palatii meminit Procopius ſecundo Perſicorum, & de Fabricis ſive Ædificiis Iuſtiniani. Ipſe Iuſtinianus in Cod. lib. iiii. tit. 28. de inoffic. teſtam. l. 3c. § vlt. Exceptis ſolis (inquit) viris ſpectabilibus ſilentiariis ſacri noſtri Palatii. In eodem Cod. lib. v. tit. 63. de excuſationib. tut. a l. vlt. Imperator Anaſtaſius A. Antiocho Præpoſito ſacri Cubiculi ſic ſcribit : Viros Clariffimos ſacri noſtri Palatii ſilentiarios circa latus noſtrum militantes, de tutelis & curationibus excuſari ſancimus. Dat. Kal. Jan. Ioanne & Aſclepiogene Coſſ. Facit huc Inſcriptio vetus :

*a Huc legi  
vulgo viti-  
osum & rei  
minime co-  
veniens  
lemma præ-  
ponitur.  
Tale: Conſi-  
liary Prin-  
cipis excu-  
ſantur a  
tutela.*

IVLIVS. FELIX. VALENTINIANVS. V. C. ET  
EX. SILENTIARIO. SACRI. PALATII. &c.

Quare illi qui hodie urbium ſecretarios (quos Ab actis non malè fortassis dicas) ſilentiarios appellant, quo auctore ſe tueri poſſint, etiam atque etiam videant : ſiquidem Latinè loqui in animum induxere. ſed de ſcholis (hui!) quot verba apud eruditas aures perdidi! Quid faciam, benevole Lector? Equidē fateor, interdum longior ſum quam par eſt, & quam ipſe volo. Sed quia provincia hæc ſuſcepta eſt, ſatisfaciendum fuit



uit quibusdam amicis meis, in quorum gratiam hæc omnis  
e Scholis disputatio (quam docti supervacaneam dicent) in-  
stituta est. Tandem, tandem ad Aurelium, de quo cœperam  
dicere, revertatur oratio. Videtur itaque e ruinis Castri illius  
apis erutus, qui Scholæ mentionem fecerit, & quo duce for-  
sis Aurelius in profundissimum erroris abyssum præcipi-  
tus. Nam Scholam addiscendis Latinis literis ibidem con-  
stitutam fuisse a Romanis, nescio num apud omnes fidem in-  
venturum sit. Lubet suspicari, mentionem in eo lapide fuisse  
Scholæ Armamentarij. Sic Schola Armamentarij a-  
ud Vbios legitur in frustra marmoris, quod Coloniâ adve-  
t & in Musæum suum transtulit Heidelbergæ V. C. Mar-  
uardus Freherus. Descripsit illud Gruterus pag. C L X X,  
um. 2. Vbi inter alia :

H V I C T I T V L V :: :: :

S C O L A, A R M A :: :: :

:: :: V M. V B I I. & C.

inc Indicis cap. XI. inter Ædificia publica ARMAMENTA-  
IVM APVD VBIOS relatum. Sed dum pressius vestigia fu-  
entium literarum lego, videtur mihi in marmore exaratum  
fuisse S C H O L A A R M A T V R A R V M, non quod viri magni cen-  
erunt S C O L A A R M A M E N T A R I I. Scholæ Armaturarum  
pra ex Notitia Imperij meminimus. Armaturæ autem cer-  
m genus militum. De quo Vegetius non vno loco, & Mar-  
llinus lib. XIV. XV. & XXVII. Iulius Firmicus quoque Ar-  
aturarum militarium meminit. Sed de his hæcenus. Resi-  
a Antiquitatum hæc sunt. Testatur idem Aurelius se Ro-  
æoburgi Inscriptionem istam legisse:

S. NERVÆ. TRAIAN. CAES. GER

DACICO. TRIB. P. P. P. COS V

LVCENSIVM. PRAEF. TRAIANO

TRIB. POT. LVCENSIVM.

æc Inscriptio (ut annotavit clarissimus Vulcanius, qui Au-

\* c

relij



relij Bataviam primus in lucem edidit,) parum proba est, videturque omnino ex diversis Inscriptionibus conflata. Sed quum Aurelius se eam vidisse & compegisse testetur, intactâ relinquere quam mutare idem maluit. **LVCENSES**, qui hîc commemorantur, an a Lucâ Tusciæ vrbe dicti sint, & ex Italiâ venerint, sive potius ex Africâ (nam Luca Africæ locus maritimus est apud Procopium in Vandalicis, distatq. a Carthagine iter novem dierum) non facile dicam. A Luco Augusti fortassis ita nuncupati. Nam Cohors Lucensis meminit Notitia Imperii, in Occidente sub finem, vbi Praeposituræ Magistri Militû præsentium a parte peditum recensentur: In provinciâ Hispaniæ Galliciâ, Tribunus, inquit, Cohortis Lucensis Luco, scilicet, præsidebat. prope Flavium Brigantium. Lucus Augusti, vrbs est opulenta, nunc Lucensis dicta, vnde hæc Cohors denominatur, ex sententiâ doctissimi Iurisci Consuli Guidi Panciroli. Pighius in Hercule Prodicio Hagam Comitum Lucensium municipium appellat. Lucenses autem, quorum mentionem in antiquis Batavorum monumentis (hanc fortè Inscriptionē innuens) reperiri ait, a luco in Batavis olim celeberrimo ( Tacitus Sacrum nemus vocat) denominatos censet. Ab eodem luco idem Luguduni vrberymon arcessit: & **Bytten** ad Oceani litus, sive vt ille scribit **Byttheim**, Vetera Castra Romanorû interpretatur: quasi **Veterheimum**, nomine ex Latina & antiqua voce Belgica composito. Quæ originationes (liberè dicam) pectines Solis & Lamiae turres, vaniores gerris Siculis Quibus refutandis non hîc diutius immorabor, digito tantûm indicasse contentus. Nec referam hîc tricas de luco ferali veniæque exsorti, quem Hagæ Comitum propinquum & ob horrorem inaccessum fuisse memorant Annales nostri vernaculi. Quorum initium cecritus aliquis scripsisse, aut dictasse anus somniculosa videtur. Hæc cum venia tua, erudite Lector, obiter. Dabitur aliàs, vt spero, de iis vberius disserendi occasio. Nunc quod in stat  
agamus.

**Wout  
sonder  
genaden.**



gamus. Reperta est apud Batavos (locus non designatur) bas  
s hæc Martis Victoris: in qua supererant adhuc pedes statu  
im impositæ, sed postea confractæ.

MARTI. VICT  
GLADIATORES  
L. G. P. F.

*Smetius fol.*

XXV 1.

*Gruter fol.*

LVIII 1.

num 6.

uæ basis, teste Smetio, exstabat annis superioribus Dor-  
echti apud Martinum de Beaumont. Notas illas L. G. P. F.  
deo vulgò ignotas esse. Interpreter ego, Legionis Geminae  
æ Felicis. Nam Gladiatores etiam ad militiam vocatos legi-  
us. Cæsar de Bello Civili lib. 1. Gladiatores, quos ibi Cæ-  
r in ludo habebat, in forum productos liberati confirmat,  
que iis equos attribuit, atque se sequi iussit. Sed Gladiato-  
s hîc fortè sunt gladiatorum fabricatores. Quomodo Gladia-  
res accipiendi apud Tarrutenum Paternum l. C. Rerum  
militarium lib. 1. in Pandectis lib. x l. tit. v. l. ult. de jure im-  
unitatis. Si quis volet ad arenarios Gladiatores referre, per  
e licet. Nam non Romæ tantum, sed & in provinciis & mu-  
cipiis Romani Imperij ludos Gladiatorios editos scimus:  
eorum Præsidem Martem. Tertullianus libro de Spectacu-  
: Martem, inquit, & Dianam utriusque (nempe Gladiato-  
& Venatorij) Præsidem novimus. Hujus rei etiam Salvia-  
m dare possem auctorem, nisi ablectissima Iusti Lipsij Sa-  
rnalia consulenda putarẽ. Nec mihi mens, erudite Lector,  
erare te copia exemplorum. Redeo ad pensum. In VVa-  
thria Zelandiæ Insula, pago volgo Westrappel dicto, prope  
issingam, in templi fonte sacro legitur hæc Inscriptio:

\* 6 2.

HER.



ANTIQUITATES  
HERCVLI  
MARCVSANO  
M.R.R.I.M.F.F.I.V.I.S  
TERTIVS  
V. S. L. M.

a Lib 2.  
Meminit  
idem  
Lib 3. Frā  
scorum.

b Exstat  
huius  
nummi ty-  
pus apud  
Guilielmum  
Choulum  
Gallum de  
vett Rom.  
Reliq. Et  
Inscriptio  
apud idol-  
phum Oc-  
conem Au-  
gustanum.

Ita exhibet Gruterus pag. M LXX, num. 4. ex schedis Pighij, qui in Hercule Prodicio ad hunc modum cōmentatur: HERCVLEM templis ubique locorum & divinis honoribus cultum, cognominaq. vel a factis, vel a locis, in quibus colebatur, diversa sortum esse ferunt. Hinc Gaditanus apud Iberos, MARCVSANVS apud Batavos, Monæcus apud Ligures, &c. Ioannes Goropius Becanus, vir ingeniosissimus & politissimus, hujus Inscriptionis quoque meminit in <sup>a</sup> Originibus Antvverpianis sive Cimmeriorum Becceselanis, & festivissimo (ut ferè omnes ejus Origines) etymo illustravit. Quod apud ipsum vide. Nos hîc Ortelium potiùs audiamus, qui in Thesauro Geographico ita loquitur: MAGVSANI HERCVLIS Fanum circa Schaldis ostia olim fuisse, Vetus Inscriptio, quæ superest, indicat. Ineptiunt qui MARCVSANVM legunt: quum nec canina litera, neque ejus vestigium in lapide (quæ diligenter inspexi) cernitur. At hanc veram esse scripturam, testimonio est Postumi nummus æreus, qui HERCVLIS MAGVSANI quoque effigiem & nomen liquidò ostendat. Postamum Trans-Rhenani hujus limitis Ducem & Galliæ Præsidem factum a Valeriano, Trebellius Pollio memoriæ prodidit. Inscriptionis formula hæc est:

HERCVLI  
MAGVSANO  
M. PRIMIVS  
TERTIVS  
V. S. L. M.

Haftenus insignis ille & verè Regius Cosmographus. Quibus



bus ista adiciebam. Repertam scilicet hanc Inscriptionē anno **CLDXIII** à V. N. Philippo Burgundo, Oceani Præfecto. Quod testatur in<sup>a</sup> Epistola de Zelandis ad Sebastianum Ciriacinum Gerardus Noviomagus. Meminitque idem alibi in Collectaneis suis de miranda antiquitate Regū Germania, ex Ioannis Marij & Berosi fabulosis Antiquitatibus. Sed Inscriptionem ipsam non adscribit. Quæ fortassis illo ævo præter nomen Herculis agrè legi potuit. Nuperque adeo de ea Inscriptione inter doctos certatum: quibusdam **MARCVSAVO** legentibus, & literas sequentes singulas punctis distinctas fuisse existimantibus, ad hunc, ut jam supra vidimus, modum: **M. R. R. I. M. F. F. I. V. I. S.** Aliis contra **MAGVSANO**, & **M. PRIMELVS** legentibus. Quàm lectionem Laurinis omnium Antiquitatum doctissimis placuisse intelligo. Sed Ortelij lectionem veram esse, facilè inducor ut credam. **PRIMIVS** nomen viri proprium est, reperiturque in veteribus Monumentis, ut & **TERIVS**. Quod autem hîc **PRIMIVS** legatur, movere neminem debet. Exempla alia in antiquis Inscriptionibus occurrunt, in quibus **I** redundat. Sic ibi est **MARIIVS**, **MACXII MINVS**, & talia. Vide Indicem eorum quæ ad Rem Grammaticā pertinent, cap. XIX.

*Explicit Antiquitatum Batavicarum Tabularium.*

Sed heus Lector, Inscriptiones veteres, quæ Frisiorum meminerunt, his etiam attexere placuit.

Romæ, in Palatio prope Trivium,  
viâ Salaria.

1 *Bassus. Neronis  
Cæsaris. Corpore  
Custos. Natione  
Frisius. Vixit  
An. XL.*

Interamna in Umbria, in Ec-  
clesia S. Marię Magdalene.

2 *Hilarus  
Neronis. Cæsaris  
Corpore. Custos  
Natione. Friseo  
Vix. A. XXXIII.*

\* 6 3 Roma,

a 1, ex Ma-  
xochij 2  
ex Apianis  
Antiquita-  
tibus  
Gruterus  
pag. DC  
num. 12.  
G 12.



Gruterus

ab Horatio

Vallæ pag.

D XXXII,  
num. 6

c. 7.

c. Equiti

Singulario

Augusti.

l. Turme

Æl. j. Gemi-  
nij.

c. Amico

optimo fa-  
ciendum  
curavit.

Romæ, sed qua Urbis Regione non additur.

3 D. M.

4 D. M.

Aug. Vero. a Eq. Sing. Aug

T. Fl. Verino. Nat

Nat. Friseo. b T. Ael. Gemin

Friseavone. Vix. ann

Vixit. ann. xxx. Mil. ann XIII.

xx. M. vii. T. F. Victor

Aur. Mæsius. Her

Eq. Sing. Aug. fratri

c A. O. F. C.

Dulcissimo

F. C.

Notandum in harum Inscriptionum vltima T. Fl. Verinum natione Frisavonē dici. Frisiabones Plinio lib. IV. cap. XVII. Rhenanū populi sunt, inter Helium & Flevum ejus ostia strati. Sunt qui Zelandos interpretentur: at V. Vaterlandi vulgò creduntur, qui Hollandiæ partem Septentrionaliore incolunt. Monuit Ortelius apud Plinium aliquos codices legere Frisi Avones. Quæ veræ lectionis vestigia, ut in Animadversionibus nostris in Bataviam Iunij notavimus. Has alias, vita comite, videbis. Nunc vide an ad Frisiorum Hollandorumve gloriam spectet ara marmorea Romæ, retro S. Marcum sub Capitolio, in vico appellato *in Furno*; cujus hæc Inscrip-  
tio:

Gruter. fol.

D XVII,  
num. 5.

d Marsa-

os Plinius,

c. Marsa-

cos Tacitus

commemo-

rat. Quo-

rum vesti-

gia in

diep agno-

scimus. Vi-

de Iunij

Bataviam,

pag. 29.

D. M.

T. Hortesio. Mucroni. Nat. d Marsaqueo. V. An

XXXXV. Ael. Verinus. Arm. Cust. Eq. Sing

Aug. Fratri. F. C.

Atque hæ sunt Inscriptiones omnes tam peregrinæ quā originariæ, quæ ad notitiam meam de Batavis Frisiisq. pervenerunt. Eas in quorundam gratiam raptim pro ingenij mei tenuitate interpretari sum conatus. Sicubi erravi, Lector candidè, memento me hæc corrente prælo dictasse.

Da veniam subitis: non displicuisse meretur,

Festinat Patriæ qui placuisse sue.



Sequentibus pagellis, alioqui vacaturis, ut Burgi Lugdunensis Scenographia cum descriptione ejus ex Iunio appingeretur, curavi. Utique quum exstent, qui opus Romanum existiment. Conjunge autem Bataviam Aurelij lib. 1. cap. vi.

*Scenographia Burgi Lugdunensis.*



Lugduni (ait a Iunius) media fere vrbe in acclivi vnde- a *Patavia*  
 cunque tumulo, editiore loco, Pyrgus exstat, Burgum patria *pag. 269.*  
 lingua vocat, circinato mœnium ambitu, fornicibus arcuatis  
 quem ab Engisto circiter quadringentesimum & quinquage-  
 simum a Christi Natali annum exstructum, quum Heros ille  
 consilio manuq. potens e Britannis victor domum redisset,  
 sunt



sunt qui chartis prodidère: locum habitationi ineptum, quod domiciliis careat, medium omne spatium pomiferae arbores occupant. In eo puteus altissimus & peramplus visitur, quem credulum vulgus fabulatur cuniculum habuisse pervium ad Armamentarium usque Romanum prope Catvicum. Quod commentum facile convicerit tractus ille totus uliginosus & pratensis, qui ut eam subterraneam cuniculi altitudinem admittere potuerit, ut per quatuor passuum milia subter Rheni alveum penetrarit, vero dissonum videtur. Ab hoc Pyrgo Burg-gravij (quæ vox sonat Pyrgi Comites) inclytum nomen trahunt, Dynastæ potentes olim proprietarij Lugduni Domini. quod imperium & jus penes V Vassenarios incolume stetit, cum Rhenani territorij (Rhijnlandiam vocant) possessione, teloniisque; donec anno CIO. CC. LI. extincto Iacobo Christina filia, cujus tutelam occuparat Princeps, hæreditario omni jure exuta est. Lugduni possessionem, (quæ ob concisas Comitis literas, injuriæ nomine, adempta fuerat) beneficio piæ Principis Iacobæ, familiæ restitutam, recepit ad se Philippus Burgundus; a quo in Comitibus publicè, intrepido & ad truculentiam composito ore, jus aviti Dominatus repetere ausus est Iacobus Henrici filius, voti invalidus adversus potentiores: obtinuit tamen quædam, iniquis (ut fit) legibus.

#### Errata in Antiquitatibus sic corrige:

*Pag. 176. vers 12. CAECIL. pag. 180. vers 18, extructamque. Pag. 181. vers 21. de victis Ibid vers. ult. quod me nupera. Pag. 186. Imbrex tredecim pollices longus transpositus, restituendus in sedem iussu: qua vicissim ei substituenda, ut agmen ducat sequentium. Pag. 192, vers. 18. vnum. Ibid. vers. 3. alterum. Pag. 196. vers. 27 HISCONIENSIVM. Pag. 199. vers. 2. quamquam. Pag. 206. vers. 17. BATAORVM. pag. 207. vers. 6. VIX. AN. XXIIX. pag. 222. vers. 26. B. M. IN. PACE.*

FINIS.



Illustrissimorum  
HOLLANDIAE  
ZELANDIAEQVE  
COMITVM AC DOMINORVM  
FRISIAE  
ICONES ET HISTORIA.



Insignia  
COMITVM  
HOLLANDIAE



ZELANDIAE

&

FRISIAE.





## Hollandia unde dicta.

**H**ollandiam, alij Holtlandiam, id est, terram lignorum:  
alij Hollandiam, id est, terram cassam & non solidam,  
dictam volunt. Nonnullis enim locis adeo solida est, ut na-  
rare dicatur super aquam. Quo autem tempore ita dici cœperit,  
non me legisse memini. Veruntamen constat hanc appellatio-  
nem admodum esse recentem. Nam Hermannus Contractus,  
qui scripsit ad annum usque Domini M. LXVI. in fine,  
ubi de Theoderico Marchione quarto ejus nominis pluribus  
locis fit mentio, nusquam Hollandiam nominat, sed ubique  
Fladirtingam. Ab eo puto oppido quod hodie haud procul Ocea-  
no nomen habet Vlardingem. Quod Gerardus Noviomagus  
vetustissimum esse asserit, vocatque Vlardingam & Vlar-  
dingiacum. Fladirtingam autem non pro oppido solum, sed pro  
ipsa regione ponit Contractus.

Hæc Iacobus Meierus Annalium  
Flandriæ lib. XI.





Primus ego Batavae gentis Comes, ortus ab alto  
 Sanguine Teucrorum, Santone patre, fui.  
 Pacis amans, bellique potens: hoc victor, at illa  
 Devictis Frisiis invidiosus eram.  
 Hinc pulsus, Calvo mea regna iuvante recepi:  
 Restitui pacem: pace data perij.  
 Quae mihi mors potuit melius contingere? nam qui  
 Bellâram juvenis, pace quiesco senex.

THEO.



HISTORIA.  
THEODERICVS I.  
COMES PRIMVS.

5

**C**arolus cognomento Calvus<sup>a</sup>, Romanus Imperator, & Galliarum Rex, quum audisset Hollandiam Imperatoriam terram a Danis, qui Traiectum incolébāt, vi bellica foedari, <sup>b</sup> Ioannis octavi Pontificis rogatu, Principatum ejus contulit Theoderico uidā Sigisberti Aquitani filio, Troiani sanguinis viro, anno DCCC LXIII, vt Annales tradunt. Is confestim armata manu Hollandiam ingressus, Frisios compescuit primum. Deinde, quum invidere cōpissent ij populi tam longam<sup>c</sup> Theoderico cum finitimis pacem, eum provincia eiecerunt. Ejectus confugit ad vnicum & promptissimum subsidium <sup>d</sup> Carolum Calvum Imperatorem. Cujus iterum opera non ita multo post in Hollandiam<sup>e</sup> reductus, de iis, qui conjurationis auctores fuerant, supplicium sumere non distulit. Obijt mortem jam senio confectus, anni initi Principatus quadragesimo, relicta vxore Gena, nobili femina. Peperit ei hæc Theodericum, qui paterni Comitatus hæres postea fuit. Ambo & Theodericus & Gena sepulti Egmondæ.

<sup>a</sup> Ludovici  
Pij Caesaris  
filius &  
Caroli Ma-  
gni nepos.  
<sup>b</sup> A quo  
Carolus  
etiā Calvus  
inunctus  
memoratur  
<sup>c</sup> Theoderi-  
cus a Frisi-  
is Hollandia  
eiectus.  
<sup>d</sup> Quem  
Principem  
sibi adhuc  
iuvenis for-  
titer agende  
amicitia &  
familiari-  
tate de-  
vinxerat.  
<sup>e</sup> Theoderi-  
cus in Hol-  
landiam  
reductus.

Hic COMES THEODERICVS accepit etiam ex donatione Ludovici Germanorum Regis Ludovici Pij filij anno 868 Zelandiam: unde quum Dani, VVilti, & Slavi ( qui eum præerant Dordracō & Traiecto) novum Principem deturbare cōnarentur, præfectus est militaria Lupoldus, alter Suevorum Comitatus filius, qui re prospere gesta, sedibusque inibi constitutis, ibi in stiribus Borsalis ortum dedit, vt vulgo creditur.

*Ex Meieri Annalium Flandria lib. II.*

Carolus Rex, quo plures haberet, quos Danis Norman-  
nisq; efferis nationibus opponeret, Hollandiam, Batavorum  
olim celebrem insulam, Comitatus honore decoravit, Theo-  
derico cognomine Frisio, fortissimo viro, primo instituto  
Comite.

An. 863.

à

3

Virtu-





Virtutis patrie, patrij quoque nominis haeres  
 Marte meo clarus, ut fuit ille, fui.  
 Idem hostis Frisius, sic & victoria utrique:  
 Haec blanda, imperiis invidus ille meis.  
 Mox etiam flammis monumenta absumpta paternis  
 Manibus aeterno marmore restitui.  
 His gestis morior: testis mihi fama, tueri  
 Me nec sceptrum magis, nec potuisse patrem.

THEO.



## THEODERICVS II.

## COMES II.

**T**heodericus hujus nominis secundus, qui in demortui patris locum factus est Comes, iterum rebellantes Frisios his memorabili prælio devicit. Egmondense Monasterium crematum a Frisiis, ex lapide instauravit. Fatalem autem obiit diem, anno gubernationis octavo & octogesimo. Corpus ius ingenti hominum vtriusque sexus conventu Egmondam delatum.

*Ardus*





*Ardua, dum vixi, generoso pectore bella  
 Sustinui, ad pacem tardus, ad arma celer.  
 Testes sunt Frisij, Phrygij qui sanguinis hostes  
 Senserunt, hostem quid sit habere Phrygem.  
 Hæc mea vita: necem memor ipsa Batavia narret,  
 Quæ patrio exanimem me posuit tumulto.  
 Pace quievit avus, genitorque; ego primus in<sup>a</sup> armis:  
 Utraque mors laudi est. elige posteritas.*

ARNVL.

*a A Frisii  
 casus.*



HISTORIA.  
ARNVLPHVS  
COMES III.

9

Arnulphus tertius Hollandiæ Comes, Theoderico patri  
successit. Hic Princeps multa cum Frisiis bella gessit. Ad  
ultimum cæsus ab iisdem in quodam VVest-Frisiæ agro  
non sine maximo dolore suorum, a quibus & ipse Egmon-  
ium exanimis deportatus, in majorum conditorium repo-  
nitur.

b

Defen-





a Adebol-  
dus Episco-  
pus capens.  
b Orienta-  
lis, puer.

Defendi patrium, patre non minor ipse, Leonem,  
Proque parente parens, proque Leone Leo.  
Me duce Traiecti<sup>a</sup> Prof<sup>s</sup> s. b Frisi, sive subacti,  
Inseriae caso qui cecidere patri.  
Hostis uterque: sed hic belli, fraudum ille minister,  
Eventus vates stella comata fuit.  
Sic pius in patrem vixi, sic sortis ad arma;  
Alterutro quisvis vel Deus esse potest.

THEO-



## THEODERICVS III.

COMES IIII.

Theodericus hujus nominis tertius, defuncto patre Arnulpho, rexit Hollandiam; cujus Principatu multis diebus arsit in ea regione stella crinita, quam subsequutum est bellum Trajectense: in quo caesis utrimque multis haud obcuri nominis Principibus, captus etiam Adeboldus loci Prae-  
sul abducitur in Hollandiam; ubi Comitis jussu diu multumque custoditus manuit, quum propositas sibi condiciones abnuisset. Creditur ejus belli praecipua causa fuisse, quod Adeboldo instigante Frisii rebellassent. Itaque postea, ut patris necem vlcisceretur Theodericus, incensis villis, agrisque late vastatis, omnem brevi Orientalis Frisia regionem suae ditio-  
nis fecit; quumq. bello victis a Florentium minorem filium praefecisset, ipse victorem exercitum reduxit in Hollandiam. Hierosolymam profectus, ut Dominicum sepulcrum ex voto inviseret, in reditu mortem obiit. Corpus ejus Egmondæ illatum tumulo majorum. Praefuerat hic Theodericus Hollandiae XLVI annis; quo defuncto, ejus vxor Vithildis ad Saxones suos reversa est.

Bellū Tra-  
iectense.

Adeboldus

Episcopus

captus.

a Hunc Flo-  
rentium, &alterū The-  
odericum

natum maio-

rem, susce-

perat ex fi-

lia Ottonis

Ducis Sa-

xonum, cō-

iuge sua.

*Ex Meieri Annal. lib. II.*

Baldvinus Barbatus IX Comes Flandriae ob rem bene gestam in Lotharingia adversus rebelles donatus est ab Henrico Caesare Valachriis cum aliis Zelandiae insulis. Quae quidem res origo fuit longissimae inter Flandros atque Hollandos discordiae ac belli, quod quadringentes prope per intervalla tenuit annos, contendentibus usque Hollandis Zelandiam jure optimo esse suam, Donatione quadam jam inde ab Ludovico Caesare Ludovici Pij filio profecta.

An. 1007.





a Leodij  
viro nobili  
occiso.

Quid vitam carpis, quid praelia gesta, Viator?  
 Sit satis hostili me perijsse manu.  
 Nam quod<sup>a</sup> Eburonum maculavi sanguine ludos,  
 Ista resistentis, non mea, culpa fuit.  
 Bella sequuta tamen: quæ nullis viribus hostis  
 Gessit, at interne proditionis ope.  
 His cecidi moriens, illis velut ante cecidi:  
 Tolle necem hanc, & tunc iudicet ipse Cato.

THEO.



HISTORIA.  
THEODERICVS IV.  
COMES V.

13

Post defunctum patrem Theodericus quartus Comes fuit,  
qui Leodij, quò ludorum gratia cum multis aliis variarum  
regionum Principibus venerat, homicidio perpetrato trepi-  
dus aufugit. Nec sic quidem tutus. Nam alij Principes, qui cē-  
dem nobilis viri cupiebant vindicare, cum ingenti armato-  
rum manu fugientem vsque in Hollandiam sunt insequuti.  
Dordraci, quam urbem proditione occupaverant, cruento  
certamine dimicatum, occisis vna nocte quadringentis nobi-  
libus. Defunctus ea pugna Theodericus, manē post solis or-  
tum, quum animo satis otioso foris deambularet, telo in fe-  
more ictus ab hostibus, qui nocte superiore aufugerant, bi-  
duo tantum supervixit.

Ludi Leo-  
dienses.

Proditio  
Dordraci.

Inibique  
Comitis in-  
sidiosa  
mors.

*Ex Meieri Annal. lib. III.*

Theodericus IV. conjuratione Agrippinensium ac Leo-  
diensium Dordraci occiditur Idibus Maij, 1048.

An. 1048.

b 3

Pre-





a Lamber-  
tus Comes  
Lovaniensis.

Præfectus Frisiis, Batavis Comes, unus utrumque  
Cavi, neu ferrent, neu mihi damna darent.  
Invidere mihi a Grudius, Leodinaque mitra  
Agrippinensi foedere juncta comes.  
Nec mora: colligitur miles, nocitura parantur  
Arma, sed auctori perniciofa suo.  
Scilicet una omnes dedit & pugna abstulit hostes:  
Nunc, virtutem victa fer invidia.

FLO-



HISTORIA.  
FLORENTIVS I.  
COMES VI.

15

QVum Theodericus sine prole decessisset, frater ejus Florentius ex Frisia in Hollandiam accersitus, Reipublicæ gubernacula suscepit. Hujus successibus externi Principes aliquot, Archiepiscopus Coloniensis, Antistes Leodinus & Lambertus Comes Lovaniensis invidentes, contraxerunt exercitū, quo novum Comitem Principatu deturbarent. Quod ubi ad Florentium permanasset, statim ex consilio senis cujusdam, quā hostem venturum credebat, factas clam noctu ingentes foveas, ut qui intendebatur dolus procederet, fœno & stramine operuit, in quas egressi hostes quum incidissent, adfuit Florentius, qui magna prius edita cede, multos abduxit captivos, inter quos erat Comes Lovaniensis, quem postea grandi pecunia redemptum dimisit incolumem. Hac victoria Comitis tantum abfuit ut Archiepiscopū Coloniensem deterruerit, ut non multis inde annis interjectis cum numeroso exercitu in Hollandiam sit reversus, cui effusius omnia vastanti occurrēs cum non pœnitenda suorum manu Florentius levi pugna hostem fudit. Multi in eo pralio cecidēre, reliqui capti, qui atate, aut alia re impediti fugere non poterunt. Fuit annus ille quo Florentius eam victoriam adeptus est humanæ salutis M LXXII. Habent Annales, hunc eundem Principē non multo post superatum Archiepiscopū sub arbore quadā (currēdo an pugnando dubiū est) defessum se disse, ibiq; interemptum ab his qui superiori prœlio fugerāt.

Ex Meieri Annal. lib. III.

In Synodo Agrippinensi data est pax a Casare Henrico IV. quia Palduinus Pius Comes Flandriæ terram omnem inter Schaldis & Teneram, quinque Insulas Zelandicas cum quatuor a Officiis retinuit, anno 1057

Dum

comitis  
hostes.

Insidia.

Victoria  
Comitis.

Victus de-  
nuo Archi-  
episcopus  
Coloniensis.

Alij (inter  
eos Luca)  
Comitis ca-  
dem in  
annum  
1061. in-  
cidisse vo-  
lunt, &  
Kalendas  
Julias.





*Dum novus imperij successor quaeritur, anceps  
 Femineo dudum pectore pugna fuit.  
 Imperium sprevit sexus, mens alta cupivit,  
 Sexuque evasit altior illa meo.  
 Cœpta secundavit bona Pax, pulsusque repente,  
 Quod dederat Paci, Mars tulit exsilium.  
 Sic ego regnavi : nunc tu cape regna Roberte.  
 Quid numeras <sup>a</sup> annos? respice pacis opus.*

*a Vltra bi-  
 ennium  
 enim non  
 praefuit.*

GER-



HISTORIA.  
GERTRUDIS,  
COMES VII.

17

Mortuo Florentio, prae fuit vxor ejus Gertrudis; qua<sup>a</sup> gubernante non invenio usquam bellatum. Hæc vita decessit, edita jam ex duobus maritis<sup>b</sup> numerosa prole.

*Ex Meieri Annalium lib. II.*

Anno 1113 obiit sepeliturque Furnis Gertrudis, Vice-Comes Furnensis, Balduini Securis avia, Roberti Frisij vidua.

a Gubernavit & prae fuit biennium.

b Nam quatuor filios & unam filiam reliquit, Philippo Francorum Regi connubio sociatam, nomine Bertam.

c Patre





aBaldvino.  
 b Citerio-  
 ris, puta.  
 cTheodori-  
 ci V, qui po-  
 stea Comes.  
 d Godefri-  
 dus.  
 e VVilhel-  
 mus.

Patre <sup>a</sup> Pio genitus, Comitem quem Flandria vidit,  
 Devicta <sup>b</sup> Frisia nomina magna gero.  
 Auxi, dum licuit, <sup>c</sup> pupilli regna Batavi.  
 Et bene, ni gemino pulsus ab hoste forem.  
 At tu <sup>d</sup> Leucorum Dux improbe, tuque <sup>e</sup> Sacerdos.  
 Traiectine time. Vim sua vis sequitur.  
 De me nil dico, pro me mea facta loquentur,  
 Vires, non animum succubuisse meum.

ROBER-



HISTORIA.  
ROBERTVS FRISIVS,  
COMES IIX.

19

Robertus secundus Gertrudis maritus a Theoderici pri-  
vigni sui necdum maturi gubernaculis Tutor adscitus,  
Rempublicam summa integritate continentiaque rexit. Pul-  
sus tandem a Godefrido Lotharingæ Duce, qui V Vilhelmi  
Trajectensis Antistitis opibus fretus Hollandiam per vim oc-  
cupavit.

a His Theo-  
dericus est  
quatuor  
Gertrudis  
filiis natus  
maximus  
fuit, & po-  
stea Comes.

Ex Meieri Annal. lib. III.

Aldenardæ indictus a Balduino Pio Flandriæ Comite  
optimatum conventus. Cōfectum ibi matrimonium inter  
Robertum Pij filium natu minorem ac Gertrudem viduam  
Florentij Comitiss Hollandiæ. Institutus Robertus Procura-  
tor Hollandiæ, ac Tutor liberorum Florentij, ex voluntate  
Legatorum Hollandiæ. Assignatæ Roberto pro sua hæredi-  
taria portione quinque Insulæ Zelandicæ, V Valachria, Scal-  
dia, Zuytbevera, Nortbevera, Borselia; Comitatus adhuc A-  
lostanus cum terra quatuor Officiorum, ac grandi pecuniæ  
summa. Profectus igitur Robertus continuo in Hollandiam  
cum Gertrude celebravit nuptias, statimque Frisiis indicto  
bello partem aliquantam ejus regionis subegit, indeque no-  
men sibi Frisio peperit.

Anno 1070 cum Frisiis bellum gessit. Citeriores Frisios  
simul b Kamerlandos & Alkemarchos domuit. Privignos  
suos Theodericum, Florentium, Bertam strenue defensavit.

b Rescribe  
in Meiero  
Kene-  
merlados  
et Alcke-  
marios.





Quid male parta meis, Hospes, regna objicis armis?  
 Quid poenam exposcis? mors mihi poena fuit.  
 Respice iustitiam, victrices respice palmas,  
 Qua rexi Batavos, queis Frisios domui.  
 Respice fundatas celebres me Principe Delphos,  
 Mox tangent ipsis sidera verticibus.  
 Hec volui te scire, Hospes: nunc i memor, & dic,  
 Quam bene firmavit, quæ male quæsierat!

GODE



## GODEFRIDVS GIBBER,

COMES IX.

Godefridus, quum jam videret omnia sibi ex animi sententia succedere, factus multo elatior, bellum Frisiis intulit; quibus devictis reversus in Hollandiam, subsedit Alcmariæ; novem interim hebdomadas a Frisiis obsessus, imploravit opem Trajectensis Antistitis, qui repente succurrens, multis milibus Frisiorum cæsis, Alcmariam obsidione solvit. Postea idem Godefridus (qui Gibbosus dictus, quod grandis ei pectore gibbus excreverat) condidit oppidum Delfense, nostris temporibus divitiis & pietate multum insigne. Tradunt quidam eum, quum forte ventrem exoneraret, graviter vulneratum, paucis post diebus animam efflasse, fuisseque hoc modo pœnas a alieni per vim occupati imperij.

*Godefridus Gibbosus conditor oppidi Delfensis.*

*a Nam (ut dictum est) expulerat eieceratque Hollandia*

*Ex Meieri Annal. lib. III.*

Godefridus Lotharingæ Dux cognomento Gibberosus auxilio Guillelmi XXI. Trajectensis Episcopi invasit Hollandiam. Restitit Robertus quantum maxime potuit, occurrat hostibus cum exercitu ad Castellum nomine Leidam; sed pugna ibi commissa, deteriore fuit fortuna, victusque & fugatus cum vxore & liberis profugit Gandavum; quò ad eum raptim omnis convenit Nobilitas Flandriæ Teutonicæ, durum Richildis imperium, avaritiam, superbiamque muliebrem exosa. Nam præter alia nova vectigalia, quaternos tota Flandria denarios a singulis exegit lectis.

*Robertum Tutorem eius pueri, qui hæres per aetatem administrare non potuit.*





a Conra-  
dus, V Vil-  
helmi suc-  
cessor.

*Jam sublatus erat, qui me Tutore fugato  
Expulerat patrij sedibus imperij.  
Quid facerem? amissos virtus spirabat honores,  
Spirantem vires destituere pares.  
Vicit vim virtus tamen, & te, ô perfide a Præses  
Trajecti, ereptas reddere jussit opes,  
Bisque rebellantes Frisios parere Leoni.  
Regna dedit Calvus; reddo ego, major uter?*

THEO-



## THEODERICVS V.

COMES X.

Godefrido cæso, rediit Comitatus in familiam & ad ve-  
 rum hæredem Theodericum hujus nominis quintum;  
 qui administrationem adeptus, pro magno habuit negotio  
 recuperare patriam hæreditatem; cuius gratia Conrado Tra- *Bellum in-*  
 iectensium Antistiti bellum indictum, exercitus conflatus: *dictum Epi-*  
 Mirum dictu, qua cupiditate recuperandæ hæreditatis per *scopo Tra-*  
 vim adeptæ, quanta sit alacritate & impetu hostem aggressus: *iectensi.*  
 qua quidem re factum, vt territus Antistes, ac veritus ne illud *Pax inter*  
 malum plus nimio invalesceret, deditiorem fecerit. Itaque *Episcopum*  
 pax facta, & quicquid antea vi armisque Conradus Theode- *& Comitē.*  
 rico adhuc puero ademerat redditum. Ortum interea no- *Bellum Fri-*  
 vum a finitimis bellum, Frisiis novo Comiti rebellantibus; *sium.*  
 contra quos per concretas frigoribus aquas (jam enim brumæ  
 tempus erat) profectus Theodericus, modico negotio eorum *Ceduntur*  
 aciem disiecit, cæsis in eo certamine quatuor Frisiorum mili. *Frisi.*  
 bus. Tantum abfuit, vt ea clade accepta quieverint, vt eodem  
 tempore contracto alio exercitu eduxerint contra Theoderi-  
 cum; qua rebellionem vehementer commotus redijt illè, est-  
 que eo die atroci concursu tanta Frisiorum strage pugnatum, *Iterum caesi*  
 vt nullius neque sexus, neque ætatis respectus sit habitus. *Frisi.*  
 Plures etiam villæ atque pagi incensi. Stauria tribus hebdo- *Staurie*  
 madibus circumfessa, tandem his conditionibus rebellionis *obsidio.*  
 veniam impetravit, vt deditiione facta certam pecuniæ quan-  
 titatem Theoderico daret. Hunc in modum subactis Frisiis,  
 pax composita, perpetuumque obsequium Hollandiæ Co-  
 miti promissum. Hic Theodericus vita defunctus est quum  
 præfuisset annis quinque & viginti.

Dar-





Dardania virtute pater sibi regna paravit,  
 Parta ego servavi, qua dedit ille, fide.  
 Differimus tamen hoc : quod Mars gratissimus illi,  
 Pax fuit in cunctos officiosa mihi.  
 His fortunatus Princeps successibus omnes  
 Iustitia colui, religione Deum.  
 Sic ego, dum vixi, nulli gravis, omnibus una  
 Morte fui : sed nunc utraque vita nova est.



## FLORENTIVS II. PINGVIS,

## COMES XI.

**T**heoderici v. filius Florentius deinde imperat, vir excelsa statura, crasso corpore, pacis quam belli amantior. Egenos hic & pauperes (quod magnū iustitiæ opus est) aluit, studuitq. toto Principatu<sup>a</sup> omnibus prodesse, nocere nemini. Hoc modo vivendo, omnes qui ante eum fuere Comites virtute ac sanctitate antecelluit. Mortuus postquam annis duobus & viginti in summa pace & otio Hollandiam rexerat.

*Florentius  
pacis ama-  
tor.*

*Florentius  
optimus  
Princeps.*

*Nunc con-  
tra faciunt  
Principes,*

*quorum v-  
num studiū  
est, assiduīs*

*exactioni-  
bus populo  
ad egestatis*

*terminos  
reducto, suū  
ararium*

*locupletare.*

*Ex Meieri Annal. lib. IV.*

Anno 1096 repetit Henricus IV. Cæsar a Roberto Comite Flandriæ Alostanos, quatuor Officia, Arcem Gandensem, & Insulas Zelandicas: verū Roberto sua fortiter defendente, Henricus cogitur incepto desistere.

*Ex eodem.*

Anno 1108 Hollandi fœdere cum Henrico V. Cæsare icto Zelandicas Insulas a Roberto repetunt.

*d*

*Quanta*





a Duce  
Florentio  
Nigro, fra-  
tre.  
b Heriber-  
tus.

Quanta latent regnis discrimina ! vix pater urna  
Conderis, en, bellum qui ciet, hostis adest.  
Hostis adest<sup>a</sup> Frisius. dumque hic cadit, ecce repente  
Traiecti<sup>b</sup> Praeses ad nova bella venit.  
Teque capit Lævīr victum, & me destinat Orco,  
Si eripiam. O facinus ! vim facit, & prohibet.  
Cedo tamen. quid tum ? me postera saecula bellis  
Invictum, victum hac relligione ferent.

THEO.



## THEODERICVS VI.

COMES XII.

Fuit inde Comes Theodericus, superioris Florentij filius  
 natu maior, qui subita defectione rebellantes Frisios do-  
 muit, adque obsequium retraxit. Sed non diu illi in officio  
 manserunt. Nam paulo post Florentio Nigro, quē in Theo-  
 dericum fratrem animo infenso esse non ignorabant, socia  
 arma jungentes, hostiliter in agrum Hollandicum incurso-  
 ne facta, Alcmariam incenderunt; exarsissetque multo latius  
 id incendium, nisi repente certior factus Theodericus hostē  
 retrò abire coëgisset. Haud multo post, quum allatum esset  
 uxoris ejus fratrem a Frisiis captum, exercitum a Trajecten-  
 sium Antistite superatum, Trajectum profectus hostiliter  
 eam urbem circumfedit, eratque omnifariam mox instru-  
 mentis oppugnaturus, nisi cum vniverso clero Heribertus  
 Antistes Pontificio habitu urbem egressus, vt anathemate  
 Comitem notaret, militem compressisset. Commentarij,  
 quos sequimur, tradunt ipsum quoque Theodericum ad  
 Antistitis pedes iacentem anathematis fulmen suppliciter  
 deprecatum. Supplici ignotum, urbsque obsidione liberata.  
 Huius Theoderici temporibus Traiecti, nescio quo casu, or-  
 tum incendium, cuius adeo flamma invaluit, vt præcipua vr-  
 bis templa, non poenitendis adornata imaginibus, arserint.  
 Miraculi loco habitum, quod in tanta pulcherrimæ urbis  
 conflagratione Ædem Salvatori dicatam ignis non attigit.  
 Quidam scribunt huius Theoderici temporibus in Galliis  
 tanta laboratū siccitate, vt fontes, putei, lacus, fluvij omnes  
 exaruerint, ac veluti rimis fatisciente terra flammeus quidem  
 eruperit ignis, qui perpetuum biennium duravit.

*Theoderi-  
 pus Comes  
 Frisios con-*

*Alcmaria  
 incensa a  
 Frisiis.*

*Obsidio  
 Traiecti.*

*Traiecti  
 ortum in-  
 cendium.*

d 2

Quid





<sup>a</sup> Antiochia  
enim sepul-  
tus hic Co-  
mes.

Quid peregrinum, Hospes, miraris in urbe <sup>a</sup> Seleuci  
Funus, & ignoto marmora sculpta solo?  
Desine : nam latet hoc Florentius aggere, Virtus  
Quem sua Memnonias vexit ad usque plagas.  
Qui Sarraceno redijt bis victor ab hoste,  
Qui pacem extorsit supplicibus Frisiis.  
Invidit Batavos illi tamen, ecce, triumphos  
Mors, ne victa foret, Mars quia victus erat.

FLO.



HISTORIA.  
FLORENTIVS III.  
COMES XIII.

29

**T**heodericus, cujus modo res gestas perstrinximus, filium reliquit Florentium; qui postea factus Comes, matrimonio junxit filiam Regis Scotiae, quam a Viboldio Abbate Egmondensi, viro multa sanctitate praedito, in Hollandiae portum advectam incredibili apparatu laetitiaeque excepit. Hunc & Godefridum Trajectensium Antistitem, de Frisiae imperio contendentes, in gratiam reduxit Fredericus Imperator, qui sedandae altercationis gratia id temporis in Hollandiam descenderat. Contigit paucis post mensibus, ut, Florentio Comite majoribus curis occupato, Frisii in Hollandiae agrum egressi Alcmariam iterum incenderint; qua re commotus Florentius, educto exercitu, cum Frisiorum gente confligit. Victi Frisii, non paucis argenti modiis pacem redemerunt. Estque deinde Florentius cum plerisque aliis illustribus viris Hierosolymam profectus. Quibus omnibus quum una esset susceptae peregrinationis ratio, ut Saracenos, qui Terram Sanctam invaserant, Divino freti auxilio ejicerent, bis cum ea gente dimicaverunt, ac primo praelio interfectorum armis adiuti, altero ita foede hostem afflixerunt, ut in ea pugna undecim Saracenorum milia ceciderint. Spolia ampla relata. Tamque singularis victoriae auctori Deo actae gratiae. Si satis diligenter & integra veritate compositi Annales, periit Florentius in Antiochia.

*Filia Regis  
Scotiae data  
Florentio  
Comiti.  
Viboldius  
Abbas Eg-  
mondensis.  
Fredericus  
Imperator  
venit in  
Hollandiam.*

*Alcmaria  
iterum in-  
censa a  
Frisiis.*

*Florentius  
Comitis  
peregrina-  
tio Hiero-  
solymitana.  
Saracenorum  
caedes.  
Comes  
Florentius  
in Antio-  
chia mor-  
tuus.*

d 3

Quantus





<sup>a</sup> Guliel-  
mus.

<sup>b</sup> Ducibus  
Lotharin-  
gia & Bra-  
bantia.

Quantus amor regni! Vix patria sceptrā capesso,  
En contra fratrem <sup>a</sup> frater ad arma venit.  
Mox Traiectina tueor dum Sedis honorem,  
Impedit Otto meum, ne bene cedat, opus.  
Perfeci tamen: hinc capta Sylva-Ducis, uno  
Inuictus, <sup>b</sup> gemino nescius hoste premor.  
Sic pace Antistes, sic bello strenuus Heros,  
Si quis rite fuit, solus utrumque fui.

THEO-



## THEODERICVS VII.

## COMES XIV.

**T**heodericus septimus patri Florentio in Antiochia defuncto surrogatur; qui Comitatum adeptus, cum Guilielmo fratre suo in Zelandia satis atrociter confligit. Verum non multo post, Balduinus Traiectensium Antistes & Theodericus Archidiaconus concordiae auctores fuere, hac conditione, ut Guilielmus Theoderico majori natu Comitatum Hollandiae cedens, in Frisia Orientali Rempublicam administraret, & quotannis ex Geervlietensi teloneo trecentarum librarum (ut vocant) redditum acciperet. Desijt postea in humanis agere Balduinus Antistes, a cuius obitu Theodericus Hollandiae Comes Sedis Traiectinae (de qua electis duobus contendebatur) factus est Tutor, cui summa fide res Ecclesiae curare nitenti obstitit Geldriae Concilium: estque ob id cum ea gente dimicatum. Postquam hic motus resedit, Comes Theodericus cum exercitu Brabantiam ingressus Buscum ducis vi cepit; eratque nobiles inde viros aliquot in Hollandiam abducturus, nisi subitus Lotharingiae Ducis adventus omnia mutasset. Nam caesis illic in magno numero Hollandis, Dux ipse captus non potuit prius in suum Comitatum redire, quam omne damnum, quod Buscoducensibus intulerat, aqua aestimatione persolvisset. Idem quum annos tredecim rexisset, & morbo gravi non longe a Dordraco premeretur, multumangebatur Guilielmi fratris absentia, quem Adae filiae adolescentulae admodum, & immatura adhuc aetate ad imperandum, relinquere Tutorem cupiebat. hisque impicitus curis moritur, omnibus magnum sui desiderium relinquens.

*Mors Bal-  
duini Tra-  
iectensis  
Episcopi.  
Theodericus  
Comes Tu-  
tor Episc-  
pi Traie-  
ctensis.  
S' Her-  
toghens-  
bosch  
captum.*

*Nec*





*Nec sexus mihi, nec fuit ætas apta regendi,  
 Iura tamen Batavis, ut pater ante, dedi.  
 Quam bene, fœminei taceo memor ipsa pudoris,  
 Posteritas, vitæ conscia, testis erit:  
 Bellaque cum Ducibus vicinis gesta loquetur,  
 Dum nostrum infestant, ô a Ludovice, thorum.  
 Fœmina quid possit, cerne Hospes. Nupta<sup>b</sup> Roberto  
 Pacis opus dederat, nunc tibi Martis habe.*

*a Comes  
 Loffensis.*

*b Gertrudis.*

ADAM



ADA, THEODERICI VII. FILIA,  
COMES XV.

Ada superioris Theoderici filia, mortuo patre, nupsit illi-  
stri viro Ludovico Comiti Loffensi. Cui quum tantum  
conjugium a finitimis quibusdam Principibus invideretur,  
magni bellorum motus in Hollandia orti, vix tandem post  
multam cædem resederunt.

Ludovicus  
Comes  
Loffensis  
Hollandi-  
am turbas.

Et





<sup>a</sup> Orienta-  
le intellige.

<sup>b</sup> Rex enim  
Molgtoli-  
nus sive  
Malcolmus  
eius avun-  
culus  
<sup>c</sup> Comes  
Loffensis.

Et <sup>a</sup> Frisiam, & Batavos rexi Comes æquus habenas:  
Contentus gemino non tamen imperio,  
Regna etiam Scotiæ petij trans æquora vectus,  
Debita quæ patrij sœdere <sup>b</sup> conjugij.  
Quin Trajectinis persolvi mille talenta,  
Pacis ut hinc, palma certior inde forem.  
Sed <sup>c</sup> Ludovicus obest: dumque hic mihi vincitur, atra  
Mors subiit: victor sic ego in astra feror.

GVLIEL-



HISTORIA.  
GVILIELMVS I.  
COMES XVI.

Gvilielmus Orientalis Frisiae Comes Adæ<sup>a</sup> neptis guberna-  
tionē excepit. Ab hoc inimicorum arces aliquot ever-  
sa. Incensum a Traiectensibus Dordracum hujus Principa-  
tu. Causam vastationis ejus non invenio. Pax tandem inter  
Hollandos & populum Traiectensem ita composita est, ut  
Comes Gvilielmus, qui prius multo majore incommodo  
Traiectenses affecerat, mille talentum (facit nummi no-  
stratis sexcenta millia aureorum) Antistiti persolveret.  
Hic<sup>b</sup> Molgtolini avunculi sui, Scotorum Regis, audita mor-  
te per quam Regnum lege ad se redisse putabat, classem con-  
traxit, qua Scotiam ingressus, multa oppida expugnavit: sed  
quum a Ludovico Loffensi Comite Hollandiam igni ferro-  
que vastari accepisset, ne certum & jam acquisitum Comita-  
tum pro incerto Regno amitteret, domum reductis navibus,  
Ludovicum adortus est, qui Hollandiæ agros latissime popu-  
latur. Obiit mortem hic Gvilielmus anno initæ apud Hol-  
landos gubernationis vnde vigesimo, in Frisia Orientali sex-  
to & vigesimo.

<sup>a</sup> Nam fra-  
ter erat su-  
prioris  
Theoderici,  
& Adæ  
filia sine  
prole de-  
cesserat.

<sup>b</sup> Malcol-  
mi alij.





Quin pergis? satis est, nomen si videris, Hospes:  
 Nam mea, si queras, quilibet acta canet.  
 Aut qui tercentum me navibus æquor arantem  
 Oceani rector vidit, & ingemuit:  
 Aut qui tum cæsos duce me meminere Statingos,  
 Turbantes nostræ religionis opus.  
 Hæc mea facta: necem narrarem nunc quoque: sed vel  
 Non perij, vel mox reddita vita mihi est.



HISTORIA.  
FLORENTIVS IV.  
COMES XVII.

37

**F**ilius ejus <sup>a</sup> Florentius hujus nominis quartus fit inde Comes, peritia dimicandi nulli superiorum Principum secundus. Magnitudine rerum gestarum hujus viri accensa Claromontensis Comitiss vxor maritum oravit, vt ludos militares ex industria pararet; rata futurum vt Florentius studio dimicandi cum suis accurreret. Constituitur certamini dies. Ad quem diem quum & Florentius, cujus vnus gratia factus erat ille apparatus, venisset, leta mulier conscendit partem domus superiorem, vt ex editiore fenestra dimicantem prospiceret; cujus virtutem ipsa quum subinde laudibus ferret, suspicans maritus adductum sibi ante oculos tori insidiatorem, contractis clam armatis in locum certaminis descendit, omnisque rei ignarum Florentium obtruncat. Obtruncati corpus ad Rhenoburgense Coenobium deportatum, ibi loci magnifice sepelierunt Almaniae Proceres. Perit autem hic Florentius viridi adhuc ætate, quum annis duodecim Hollandiæ præfuisset.

*a Ex prioro  
coniuge susceptus,  
duas enim  
duxerat.*

*Ex Meieri Annal. lib. VIII.*

Anno 1233, incitante Gregorio IX, ductæ sunt terra marique copiae in genus quoddam Hæreticorum, qui Statingi vocabantur, Bremensibus contributi. Ii primùm viriliter se defenderunt, verum numero simul & viribus impares, partim interfecti sunt, partim in silvas & invias paludes se abdiderunt. Ejus expeditionis capita exstitisse lego Henricum Brabantiae Ducis filium, cui summa rerum erat concredita, cum eo Florentium Comitem Hollandiæ, cum Comite Cliviano, &c. Trecentas Hollandi naves ad id bellum misisse feruntur.

*An. 1233*

*e z*

*Ex*



An. 1278.

Partus mi-  
rabilis.

Anno 1278 obiit Mathildis filia Florentij Comitis Hol-  
landiæ, ea quæ vno partu liberos peperit CCC LXV ; qui  
omnes ab Othone Episcopo Traiectensi sacris abluti sunt  
fontibus in pelvi simul jacentes, ac deinde obierunt. Hoc  
Mathildi accidisse putatur, ideo quod pauperculæ cuidam  
mulieri geminos exprobrasset perinde atque adulteriæ, quæ  
conscia pudicitia suæ : Oro (inquit) Deum, vt tot pariat ipsa  
quot dies continet annus. Erat autem Mathildis vxor Comi-  
tis Hennebergenſis ( Hermannij,) mater illi Mathildis filia  
Ducis Brabantiaë Henrici, frater Gulielmus is Hollandiæ Co-  
mes qui ad Imperij apicem electus est contra Fredericum II.  
Sepulta est apud Loſdunum in Monasterio a matre fundato.  
Errant, qui eam Margaretam Comitem Hollandiæ vocant,  
cumque partum anno 1314 ascribunt.

*De partu hoc prodigioso ita Junius noster*  
*Bataviae Cap. XX.*

**L**oſdunum duobus paſſuum millibus ab Haga-Comitis  
diſſidet, a collibus quos inter habitat nomen adeptum,  
Bernardi inſtitutum ſequitur, a Mathilde conſtructum. vbi  
oſtenditur inter alia monumentum Margaretæ Principis fœ-  
minæ, quæ Florentij IV. Comitis è Mathilde jam dicta vxor  
filia, Comiti Hennebergenſi nupta, vno pauciores quàm annus  
vertens dies habet liberos partu portentoso edidiſſe memo-  
rur: quæ res, vt compendio abſolvam, ad hunc habet modũ.  
Pauperculam gemellos enixam, & pendentes virinque ab  
vberibus lactantem, quæ Comitis vxori ſe fortè obtulerat ſti-  
pem flagitans, probro in eſſebat: ipſa Princeps, & adulterio  
concepſiſſe inceſtam prolem aiebat; fieri enim poſſe, vt vno  
ex marito bina ſtirps naſceretur, pernegabat. Illa pudicitie in-  
teme-



temerata Deum testem citans, imprecatur illi sobolem quæ numerum solidi anni dierum æquet, si pudicitia suæ constaret honos. precum efficaciam comprobasse eventui fides dicitur, partu incredibili, nisi publici monumenti auctoritatem convellere, fidemque tabulae ad testandam sempiternam rei memoriam posite dissolvere nefas putarem. Epigraphen non abs re fuerit hoc loco adscribere, servata ejus sæculi lexi, ut Saliorum & Carmentis obsoleta verba religiosè retinenda duxit antiquitas, & conservanda, ne fides periclitetur.

Illustris Domini Florentij Comitis Hollandiæ filia, cujus mater fuit Mathildis filia Henrici Ducis Brabantiae, fratrem quoque habuit Guglielmum Alemanniae Regem: hæc præfata Domina Margareta, anno salutis millesimo ducentesimo septuagesimo sexto, ætatis suæ anno quadragesimo secundo, ipso die Parasceves, hora nona ante meridiem peperit, infantes vivos promiscui sexus numero trecentos sexaginta quatuor; qui postquam per venerabilem Episcopum Dominum Guidonem Suffraganeum præsentibus nonnullis proceribus & magnatibus in pelvi quadam baptismi sacramentum percepissent, & masculis Ioannes, foemellis vero nomen Helisabeth imposuit fuisse, ipsorum omnium simul cum matris animæ ad Deum æternaliter victuræ redierunt, corpora autem sub hoc saxo requiescunt.

Consimilis exempli in partu numeroso observari fides, (ne quid Dei potentia derogetur) adnotata legitur ab Annalium Brunsvicensium scriptore: consentientibus Alberto Ciano in Vandaliæ historiæ commentariis, & Ernesto Anhaltinorum Principum historiographo: quorum consensus testatur, tricesimo septimo post prædictum prodigium anno, Margaretam huic de qua loquimur cognominem, Holsteinij Comitis conjugem, totidem capitum sobolem maturo partu enixam edidisse, in quo foetus omnes humanam manifeste.

*Exemplum  
numerosi  
paritatis.*



stè speciem representantes, in baptisterio salutari undâ ablu-  
ti fuerint. Porro Aristarchi cujuspiam miniatas ceras depo-  
scere videtur, id quod Ioannes Cuspinianus (qui Caesarum  
vitas diligenter annotavit, scripsitque) a nostris Annalibus  
non parum evarians, Mechtildem, sororem Guilelmi Cæ-  
saris, Comitem Hennebergensem, nominat hanc ipsam  
quam nos filia puerperæ matrem diximus. Quam (ut ipse  
numerū init) trecentos quinquaginta foetus vno partu, fidem  
omnem superante miraculo, exclusisse prædicat, ab Othone  
avunculo Trajectino Præsule in pelvis labro baptismo tin-  
ctos. Nos tabulæ pensilis, quæ in Losdunensi fano memoriæ  
consecrata est, fidem sequimur: quam eo libentius hîc inser-  
uimus, quod animadvertam non piguisse clarissimos viros,  
Erasmum & Ludovicum Vivem, auctoritatē rei gestæ monu-  
mentis scriptorum publicè testatam ad posteros trāsmittere.  
Extatque hodie supra V Vorcomium cis Mosæ ripam Arx e-  
jusdem memoriæ testis, Puerorum cognomine nuncupata;  
quæ totidem, quot fuerunt capita, fenestras olim ostentabat,  
nunc Rosseniæ familiæ propria.

Arx pue-  
rorum.

*Hæc vir clariss. Hadrianus Iunius, cui continet Ludovicus Guiciardinus in Descripti-  
one Gallia Belgica, Verum hodie Tabula illa aliter legitur, ad hunc videlicet modum.*

*En tibi monstrosum nimis & memorabile factum,  
Quale nec a mundi conditione datum.  
Hæc lege, mox animo stupefactus Lector abibis.*

**M**Argareta Hermanni Comitis Hennenbergiæ vxor,  
quarti Florentij Comitis Hollandiæ & Zelandiæ filia,  
Guilhelmi Regis Romanorum, ac postea Cæsaris seu Gu-  
bernatoris Imperij, atque Aleitheia Comitis Hannoniæ so-  
ror, cujus patruus Episcopus Trajectensis, avunculi autem fi-  
lius Dux Brabantia, & Comes Thuringia. Hæc autem Illu-  
strissi-



strissima Comitissa annos quadraginta duos circiter nata, ipso die Parasceves, nonam circiter horam, anno millesimo ducentesimo septuagesimo sexto, trecentos sexaginta quinque enixa est pueros, qui prius a Guidone Suffraganeo Traiectensi omnes in duobus ex ære pelvibus baptisati sunt; quorum masculi quotquot erant Ioannes, puellæ autem Elitabethæ vocatæ sunt; qui simul omnes cum matre vno eodemque die satis concesserunt, atque in hoc Lausdunensi templo sepulti jacent. Quod quidem accidit ob pauperculam quandam fœminam, quæ ex vno partu gemellos in vlnis gestabat pueros, quam rem ipsa Comitissa admirata, dicebat, id per vnum virum fieri non posse, ipsamque contumeliosè reiecit. Vnde hæc paupercula animo perturbata, ac percussa, mox tantum prolium numerum ac multitudinem ex vno partu ipsi imprecabatur, quot vel totius anni dies numerarentur; quod quidem præter naturæ cursum obstupenda quadam ratione ita factum est; sicuti hic in perpetuam hujus rei memoriam ex vetustis tam manuscriptis quam typis excusis Chronicis breviter positum & enarratum est. Deus ille ter maximus hac de re suscipiendus, honorandus, ac laudibus extollendus in sempiterna secula, Amen.

F

Quis





Curia  
Hollandia  
& Zelan-  
dia, Haga-  
Comitis,

Quis credat? Batavis prima florente iuventa  
Princeps, & tibi Rex, maxima Roma, fui.  
Mox civile Forum dirimendis litibus Hagam  
Institui, pacis non leve praesidium.  
Inde rebellantes uno certamine Flandros  
Aut stravi, aut misi, sed sine veste, domum.  
Post victor, Frisios repetens, cado. Quid gemis, Hospes?  
Insanis, ni optes sic quoque posse mori.

GVLIELMVS



HISTORIA.  
GVLIELMVS II.  
COMES XIX.

43

O Cciso Florentio, Gulielmus filius ejus nondum maturus  
administrationi erat, sex tantum natus annos: tamen ei  
Comitatus Hollandiæ ad puberem ætatem incolumis man-  
sit Tutelâ patrui Ottonis, Trajectensium Antistitis. Hic  
Gulielmus, armorum quam auri multo studiosior, imberbis  
adhuc, & vix dum annum agens vicesimum, Romanorum  
Rex eligitur. cui inde Leodium per Antistitem loci consan-  
guineum suum perducto vniversus clerus extra urbem offi-  
cij causa obviam processit. Eodem ferè tempore apud Tre-  
virorum Archiepiscopum pluribus diebus commoratus, re-  
dijt postea in Hollandiam. Instituitque non longe ab oppido  
Delfensi Concilium, ad quod Hollandi Zelandique suas cau-  
sas deferrent. Locus dicitur Haga Comitum. Idem Princeps  
nunciis & literis certior factus Margaretam Nigram, quæ per  
id tempus Flandriæ præerat, exercitum conflasse ad expugnā-  
dam diripiendamque V Valachriam Zelandiæ insulam, Flo-  
rentium fratrem cum armata juventute eò misit, vt Flandros  
ab injuria arceret. Accidit fortè, vt non longè a Middelbur-  
go, nobili Zelandiæ emporio, duo exercitus inter se concur-  
rerint. Fuit ea pugna Flandris tam cruenta, vt latissimè sese in  
Middelburgensem agrum sanguis effuderit. Quod quum  
Gulielmus Rex audivisset, Flandros memorabili clade affe-  
ctos, navigans euestigio in Zelandiam, suppliciter accurren-  
tibus Flandrorum reliquiis pro innata sibi clementia veniam  
dedit; quumque omnes detractis vestibus nudos remisisset,  
ne a tanta illa clade reversi ludibrio suis essent, ex virentibus  
pisis subligacula sibi fecisse traduntur. In hunc modum su-  
peratis Flandris, Gulielmus ab Innocentio Pont. Max. in Ita-  
liam accersitus a Januæ Cæsarea accepit insignia. Inde pro-

Comes  
Gulielmus  
Rex Roma-  
norum ele-  
ctus.

Concilium  
in Haga  
Comitis.

Caduntur  
in signi  
strage  
Flandri.

a Legitur  
in Cōmex-  
tariis Ro-  
rum Hol-  
lādiæ, hunc  
Gulielmum  
per id tem-  
pus duode-  
cim dunta-  
xat assum-  
tis vir co-



mitibus, *furtim ve-*  
*nisse in Ita-*  
*liam, atque*  
*ita habita-*  
*peregrini*  
*plerisque*  
*lustratis op-*  
*pidis Ianue*  
*ab Innocē-*  
*tio Pont.*  
*Max. nullo*  
*non honoris*  
*genere ex-*  
*ceptus Co-*  
*rona Impe-*  
*rij ab eodē*  
*donatur.*  
*Sed errare*  
*eos censet*  
*Meierus.*  
*Vide infra*  
*pag. 49.*  
*a. Keure.*

fectus in vltiorem Almanniam, vbi per omnia oppida, pa-  
 gos, & arces maximis est honoribus cohonestatus, ex silenti-  
 bus vndique ad Regis adventū plurimis. Interea certior factus  
 Frisiorum rebellionē turbare Hollandiæ otia, cum ingenti ar-  
 matorum manu reversus, cum hoste bis conflixit. semel pri-  
 mo adventu; estque tunc Regiis viribus Frisiorum miles sub-  
 actus. item post v. Kal. Febr. quum omnia diuturnum gelu  
 pervia fecisset, Frisiam iterum ingressus, ante initum præ-  
 lium occiditur, novem & viginti annis in publica admini-  
 stratione completis. Sunt qui scribant, multo prius a nescio  
 qua Vate prædictum, fore ut armis Frisiorum victus occum-  
 beret.

*Ex Meieri Annal. lib. VIII.*

Anno 1241, Sub idem tempus V. Vassiani, (die vane Land vā  
 Wacs) qui hætenus fere sub Imperatoribus Romanis ac Hol-  
 landiæ Comitibus sine certa lege vixerant, leges suas (quam  
 a Choram vulgo vocant) a Flandris Comitibus acceperunt.

*Ex ejusdem lib. IX.*

Anno 1246 Iohannes Avenniensis, subnixus ope Guliel-  
 mi Comitis Hollandiæ, cujus duxerat sororem in matrimo-  
 nium, matri suæ Margareta (Flandriæ Comiti) bellum indi-  
 xit; ideo, quod Gulielmo Dampetræ posteriori thori primi-  
 genio Flandriam post se destinaret, quam jure optimo sibi  
 debitam contendebat. Hac ex re maxima oborta rerū omni-  
 um perturbatio. Erat Avenniensis strenuus, audax, floren-  
 tissimusque juvenis, omnesque prope optimates Hannoniæ  
 suæ habuit causæ studiosos. In Flandris item inter nobilia-  
 rem sermo hac de re opinioque multiplex ac varia agitur,  
 donec Divi Regis Ludovici Odonisque Cardinalis Roma-  
 ni Pontificis Legati arbitrio utraque pars consentientibus  
 animis controversiam omnem decidendam permitteret;  
 qui post maturum consilium pronunciaverunt, ut mor-



te Margaritæ Dampetra Flandriam, Avenniensis adiret Hannoniam, suisque vterque fratribus juxta consuetudinem per sortem bonorū provideret. His ita peractis, Gulielmus Princeps cum multis ex Flandrica nobilitate nomen dedit in Sacram militiam, primo quoque tempore Regem in Asiam sequuturus. Margareta autem insignia Gulielmi mariti Flandricis inseruit, Hannoniæque insignia reliquit.

*Ex eodem.*

Anno 1246, eodem tempore in Concilio Lugdunensi a- *An. 1246.*  
gente Innocentio I V, Friderico Cæsari jus Imperij est abrogatum, vacavitque dehinc Imperii solium duodetriginta per annos; quamquam eodem anno Henricus Turingus, ac dehinc Gulielmus Hollandus contra Fridericum eligerentur.

*Ex eodem.*

Anno 1247, defuncto Comite Turingiæ, mox inter im- *An. 1247.*  
placabiles Friderici Augusti cum Romano Pontifice discordias adsumitur ad rerum apicem Gulielmus Comes Hollandiæ, vir strenuus ac plane militaris. Quamquam neque hic neque Turingus in justo legitimoque Augustorum catalogo numeretur. In Chronicis Magunciasensibus proditum est, Hollandum tantummodo electum fuisse ab Archiepiscopis Magunciacensi & Agrippinensi.

*Ex eodem.*

Anno 1248, Gulielmus Hollandus (quem diximus Cæsarem designatū,) opum suarum quarens firmamentum duxit uxorem filiam Othonis Ducis Brunovicensis. Aquas Grani urbem Friderico devinctam sub Kal. Maias obsedit: quam coëgit tandem ad deditionem, redimitusque est ibi de more prima Imperiali tiara, die primo Kal. Novemb.

Hujus affinitate auxilioque fectus Iohannes Avenniensis *An. 1248.*  
spiritus sustulit, aususque matri rebellionem facere, per a suis longam ejus vitam; Hannoniamque primū invasit, seque-



eo nomine Henrico Episcopo Leodiensi iurejurando devinxit. Dehinc nactus Divi Regis Gulielmiq. fratris absentiam, auxiliante Hollando, Alostanos, VVasios, quatuor Officia, Teneremundanos, Geromontanos foede populabatur, atque incendit; causatus Flandricum Dominatum, ac quidquid beneficio Imperij teneretur, non esse cognitionis Regis Francici, eò quod, ut intendebat, non esset corporis Flandrici. Coactis Flandri copiis ad Arteveldam, Birfletum, & Hulstum confederunt, ubi aliquot ex suis amiserunt, congressi subinde cum Avenniensi, qui cum Comite Hollandiæ terra marique Ruplemondâ obsedebat. Margareta cognitis hostium viribus in conditiones descendit, pacem a filio redemit, sexaginta aureorum millia Avenniensi numeravit. Ita hostes utcumque placati Alostanis reliquisque Imperialibus una cum Insulis Zelandiæ cesserunt; facti etiam Cameracenses, Alluates, Cambresiamque ad corporis Flandrici pertinere unitatem. Missus hujus concordiae obses in Flandriam Florentius, frater Regis Gulielmi.

*Ex eodem.*

*An. 1252.*

Anno 1252 Gulielmus Cæsar magnus inimicus domus Flandricæ Margaretam Comitem Flandriæ terris Imperialibus privavit, propterea quod fidem Cæsari non præstitisset, illasque Ioanni Avennio attribuit: Terram, inquit, de Namurco cum suis appendicibus, terram juxta Scaldem, terram Alostensem, terram de VVasia, terram i v Officiorum cum omnibus appendicibus sororio nostro nobili viro Ioanni Avennio, ut eadem Comitissa in Foedum tenuit, concessimus, a nobis & Imperio perpetuo possidendas; quarum terrarum homines & habitatores eidem Ioanni obedire volumus & præcipimus. Datum Francofordiæ, v. Idus Iul. Anno M CCLII. Regni nostri anno 1 v.

*An. 1253.*

Idem Avennium in Hannoniam, unde a matre depulsus fuerat,



fuerat, restituit anno 1253. Margareta, ut occupatos ab hoste  
 recuperaret Dominatus, grandem ex Flandria Atrebatensio-  
 que conflatum exercitum cum duobus filiis misit in Zelan-  
 diam. Sunt auctores, agente Duce Brabantia Henrico, indi-  
 ctum fuisse Andoverpia de rebus componendis conventum,  
 eaque de causa factas aliquot dierum inducias, quas Margare-  
 ta fregerit, sperans inopinatos Florentium, Hollandum ac  
 Lupum Clivianum Casareos Duces profligare. Vt cumque  
 sit, Flandris ea expeditio opido quam infeliciter cecidit. Nam  
 acerrime ab Hollandis in insidiis locatis excepti, atroci præ-  
 lio victi sunt, ac foeda occidione ad magnum numerum cæsi.  
 Capti Principis filij Guido, Ioannesque cum Comitibus Theo-  
 baldo Barrensi ac Godofredo Ghisnensi, cum aliis CCXXX  
 (ut Jacobus Guisianus tradit) Equestris ordinis viris, tota  
 classe cum omni instrumento bellico amissa. Hæc in V Vala-  
 chria ad V Vestcapellam IV Nonas Iulias. Retulere quidam  
 in literas ad<sup>a</sup> triginta vel hoc amplius hominum millia hæc ex  
 nostris occubuisse. Misit Margareta Valterum Tornacensi-  
 um ac Rodolphum Morinorum Episcopos unâ cum Philip-  
 po Decano D. Donatiani Brugenſis ad Casarem de redimē-  
 dis liberis in Hollandiam. at ille adiri se non est passus, sed  
 statim in Vangiones se contulit. Legati magna diligentia  
 insecuti, post longam expectationem tandem hoc accepere  
 responsi: Quandoquidem multis modis Margareta perdu-  
 ellionis esset rea, quod se Casari devincere abnuisset, quod  
 tridui inducias per Ducem Brabantum pactas violasset, pri-  
 mum omnium sese purgatam redderet, Casareaque Maje-  
 stati satisfaceret, hinc de liberorum redemptione ageret. Hoc  
 per Hugonem Spiranum Imperij Cancellarium ac Cono-  
 nem Magunciacensem Pontifices accepto responso, domum  
 reverterunt. Margareta tali responso nihil admodum permo-  
 ta, res omnes adversas inconcusso invicto que pertulit animo,  
 nec ultra dignata ad Casarem mittere, nihil nisi de bello re-  
 parando

a Quin-  
 quaginta;  
 Cuspina-  
 nus in  
 Cass.



parando cogitavit; magnamq. spem in Divo Rege Ludovico, cuius jam ex Syria nunciabatur reditus, posuit.

*An. 1254.*

Anno 1254 missa est rursus Legatio in Germaniam ad Gulielmum Regem de Guidone ac Ioanne cæterisque Nobilibus captivis liberandis, non ab Margareta, sed nomine Regis Ludovici ac quinque civitatum Flandriæ. Propositæ ab Hollando hæc conditiones: Fateretur Margareta Cæsarcam se imminuisse Majestati; cederent Flandricæ civitates, vel reclamante Margareta, Comiti Hollandiæ in perpetuū VValachriam; Guido ac Ioannes ejus frater cederent æternum fratri suo Ioanni Avenniensi Dominatus Imperiales situs inter Flandriam & Hannoniam, juxta placita Conventus Francofordiani. Ad hæc approbarent Pacem ab Ludovico Rege Odoneque Cardinale Rom. Pont. Legato antea factam. Numerarent iidem pro sui dumtaxat redemptione ducenta millia florenorum iusti ponderis. Hæc ubi domum renunciasse Legati, Margareta celebri Procerum conventu: Viri fortes, (inquit) Guidoni filio Flandriam post me assigno possidendam: Vestram obtestor fidem, uti eam adversus hostem nostrum Hollandum meosq. filios Avennienses strenue defendatis. Quod si forte Guido in custodia Hollandica moriatur, filium ejus natu maximum Flandriæ Comitem salutabitis. His ita constitutis, ad Ludovicum Regem proficiscitur petitum eius opem, qui tum egit Parisiis apud Fanum Germani in Laya. Non continuo promissa illi auxilia, propterea quod contra placita Pacis anni 25, causa Ferdinandi Comitis factæ, fecisse videretur. Muniverat Arcem Ruplemondam adversus Hollandum. Dictum erat, ne quam tota Flandria Arcem Comites restituerent fundarentve absq. Regis consensu. Ipsa Ruplemondam licet Cis-Scaldanam non in Regno sed in Imperio sitam esse contendebat, atque ita vetere ritu fuisse observatum. Attamen post longam cum Margareta disceptationē, decreta illi amplissima contra Hollandum



landum auxilia, Carolo Regis fratri demandata provincia, sub hac conditione, ut dissolveret Margareta omnes belli impensas, Hannoniamque, dum ipsa viveret, Carolo possidendam traderet, quæ morte ipsius ad Ioannem Avenniensem rediret. Venere cum Carolo Duces Burgundus, Lotharingus Comites Alenconius, Borbonius, Stāpanus, Sabaudus, Campanus, Altfiodorensis, alijq. Nobiles permulti cum firmissimo exercitu. Compendium omnes conveniunt, ibi copiæ recensentur. Indictū Hollando bellum. Datus dono ab Hollando Fœcialibus qui bellum indixere torques aureus Guidoni captivo detractus. Ascana planities in cōfinio Brabantiae certo die pugnae constituta. Recepta ante omnia Ruplemonda. Exercitum deinde Carolus Margaretaque duxerunt in Hannoniam. Valentianæ, Castrilocus, Senogiæ, Binchium, Melbodium, Beaumontium, Atha, ac reliqua omnia oppida recuperata, excepto Bochano, cui parcitum est eo quod tum ibi Alisa Ioannis Avennij vxor jaceret puerpera, & Angia virtute Galteri Angiani defensa. Hollandus Avenniusq. cum copiis haud contemnendis Valentianas recipere tentarunt, sed mox rejecti sunt, ac tota Hannonia expulsi.

Anno 1255, post Caroli ex Hannonia discessum, Valentianas Cæsar recepit, cæteris oppidis in fide manentibus Margaretae. Ludovicus Rex ad Kal. Novemb. Gandavū venit ad redimendos de Cæsare Margaretae liberos, sed re infecta Gandavo decessit. Et paulo post Guilielmus Cæsar (quò fata trahebant) in Frisiam proficiscitur, ut bello eam gentem quateret; sed victus ibi est, & occisus sub Kal. Febr. Refert Albertus Crantz, ne hodie quidem constare vbi corpus sit tumultu.

Errare eos puto, qui hunc tradunt Genuae ab Innocentio 1<sup>o</sup> accepisse Cæsarea insignia.

Clade Gulielmi adeo fractus est Ioannes Avennius, ut ex mœrore animi morbo contracto finem vivendi fecerit 1<sup>o</sup> X. Ianuar. anno 1257. Sepultus Valentianis.

G

Quid





a Stuprum  
Gerardi  
Velfeni  
coniugi il-  
latum, ob  
quod ab  
eodem con-  
fessum.

Quid mihi bis mortem a facinus moliris ob unum  
Posteritas? semel ab sit periisse satis.  
Quin me quin potius cum Flandris bella gerentem,  
Aut mea cum Frisijs praelia gesta refers?  
Mitto ego quæ patriis umbris monumenta dicavi,  
Eximie testes quæ pietatis erunt.  
Hinc, spero, laudem tribues, mutataque dices,  
Quod te delevit, delet & illa scelus.

Flor.



HISTORIA.  
FLORENTIVS V.  
COMES XIX.

51

**F**lorentius hujus nominis quintus, annum agens septimumdecimum, vindicaturus patris Gulielmi Regis cedem Frisijs bello indicto, non multo post cum ingentibus copiis descendit. Congressi tum praelio Frisij plus octingentos è suis amisere. Florentius post aliquot annos iterum cum exercitu in Frisiam reversus a prospere pugnavit. Eodē tempore senis cujusdam indicio inventum patris corpus, quod usque in eam diem interfectores ejus occulerant, Middelburgum in Zelandiam deportandum curavit, sepelivitque magnificentissime in Præmonstratensium Fratrum Monasterio; quo non est hoc tempore structura magnificentius aliud in Ditione Burgundica. Meruit hac re illustris Princeps singularis in parentem pietatis laudem. Porro defunctus sepulturæ munere, cum Flandris, qui mox ad subigendam V Valachiam adfuturi dicebantur, navali praelio certare constituerat, sed priusquam educere in hostem potuit, interea adfuit Brabantiae Dux Ioannes, quo adnitente facta pax; quæ ut firmior esset, Guidonis Flandriae Comitis filia Beatrix nomine Florentio in matrimonium data. Ex qua quum suscepisset quatuor filios, tres in flore primo extincti sunt. Multa in diversis Hollandiae oppidis Palatia, magnifico extruxit apparatu: & secessus fecit amoenissimos, in quibus nunc venationi operam daret, nunc inter forma excellentes virgines deliciaretur. In re quoque militari dimicando jaculandoque se multum exercuit. Proditum est, cum domi ordinatis rebus in Angliam trajecisse, ut Scotorum gentem subigret: verum rebellione Flandrorum revocatus, mentem ad alia vertere coactus est. Quæ omnia prætereo studio instituta brevitatis. Extremæ vitæ tempore, magis contumelia causa quam impulsu libidinis, corrupit uxorem Gerardi cujusdam Velseni,

G 2                      quem

*Florentius  
hic adhuc  
infans in  
cunis vagabatur, quum*

*pater eius  
Gulielmus  
Rex a Frisij  
est inter  
impus.*

*Frisij bello  
petiti.  
a Cassis eorum  
1400*

*Monasterium  
Præmonstratensium  
Middelburgi.*

*Belli apparatus in  
Flandros.*

*Guido Comes  
Flandriae.*

*Opera Florentij  
Principis.*

*Florentius  
venationi  
deditus.*

*Florentij  
in Angliam  
tractus.*



*Florentius  
22. vulne-  
ribus con-  
fusus.*

quem ipse prius ad summos honores provexerat. Hoc factum ejus quum intolerabile videretur, conspiratum est in eum a multis, Gerardo Velfeno & Hermanno V Voerdeno, corruptæ patre, conspirationis principibus. Apprehensus igitur Trajecti, quum auditum esset in Hollandia contrahi exercitum ad liberandum Comitem, duobus & viginti vulneribus a Velfeno confoditur. Velfenus postea captus, perpetrati sceleris poenas dedit.

*Ex Meieri Annal. lib. I X.*

*An. 1236.* Anno 1236, Bruxellæ Pax convenit inter Margaretam Comitem ac Florentium fratrem Gulielmi Regis defuncti, eundemque Tutorem Florentij V, ac Procuratorem Hollandiæ. Liberati Guido Ioannesque Flandrenses cum cæteris captivis grandi ære. Nam proditum est, hîc Gandenses per se contulisse ad octo millia nummum. Pactum, ut Florentius Tutor, aut eo deficiente Florentius ejus pupillus duceret uxorem Beatricem, Guidonis Comitis filiam, cui dos esset Zelandia tota in fide ac clientela Comitum Flandriæ. Quod si casus ita ferret, ut neuter horum Beatricem duceret, tunc unus aliquis ex filiis Guidonis duceret Machtildā, Gulielmi Regis cæli filiam, cum Zelandia quo dictum est modo tenenda. Approbata per Hollandos Pax anni 1167, quantum attinet ad vectigalia Zelandica ac libertatem Flandricorum mercatorum. Confirmata apud Peronam Pax mense Septembri anni 1246, facta per Regem Ludovicum atque Odonem Cardinalem, Crivechors & Alluctum Guidoni, Bochanum & Ostervandia Ioanni Avennio post mortem matris per eundem Regem attributa. Interdictum Flandricis Hannonicisque exulibus in Hollandiam refugium, ademptum & Hollandicis invicem in Flandriam & Hannoniam. Duxit itaque postea secundum formulam huius foederis Florentius V Beatricem.



Beatricem in matrimonium, primus Comes appellatus Ze-  
landia; quam cum insulis ipsius omnibus possedit. Cessit &  
Carolus Andegavenfis, Ludovici Regis interuentu, Hanno-  
nia, solutis illi belli superioris impendiis; quæ intra quin-  
quennium haud absque magno fremitu atque indignatione  
Flandria pependit.


*Florentius  
V primus  
Zelandia  
Comes ap-  
pellatus.*

*Ex Meieri Annal. lib. x.*

Florentius Comes Hollandiæ, Gulielmi Cæsaris cæsi a  
Erisiis filius, a familiaribus suis Hermannov Voerdeno, Ge-  
rardo Velfeno, Gisberto Amstelio, dum aucupio animi gra-  
tia indulget, foedo parricidio occiditur; per causam, quod  
quibusdam arcibus ac possessionibus istos spoliasset in gra-  
tiam Ioannis Episcopi, qui Ecclesiæ bona esse contendebat.  
Audaciores forte facti fuere latrones isti, quod præter popu-  
lares suos, Eduardum Regem, suumque socerum Guidonem  
Flandriæ Comitem Florentius offendisset. Habebat enim  
Beatricem filiam Guidonis in matrimonio, ex qua natus fili-  
us Ioannes duxerat uxorem Elisabetham filiam Regis Edu-  
ardi. Nihilominus tamen tanta erat Gallorum Regis largitio  
& corruptio, ut Anglo Flandroque relictis, cum Gallo & Io-  
anne Comite Hannoniæ filio amitæ suæ foedus feriret.

*An. 1303.  
Imò 1296.  
Perperam  
Meierus in-  
An. 1303.  
reijcit: at-  
que hinc  
error cal-  
culi emen-  
dandus.*





*Jam motu, jam plena metu simul omnia circum  
 Reddiderat caesi mors inopina patris,  
 Quum Batavi regni, multis reuocantibus, haeres  
 Albionum Arcteo rector ab orbe vocor.  
 Veni, sedavi motus, fidisque meorum  
 Discordes junxi consiliis animos.  
 Mox victor redij a Frisus: nunc hac situs urna.  
 Dic Hospes, belli pacis an arte prior?*

IOAN.



HISTORIA.  
IOANNES I.  
COMES XX.

55

**I**nterfecto Florentio, quum puer adhuc abesset in Anglia <sup>Discordia</sup>  
filius ejus Ioannes, discordia aliquamdiu in Hollandia la- <sup>laboratum</sup>  
boratū est; donec missi in Britanniam legati Comitis nuper <sup>in Hollandia.</sup>  
casi heredem reducerent, sub cuius appulsum omnis repen-  
tē sedatus motus. Hic Ioannes natu grandior, bis rebellantes  
Frisios aggressus, magnis affecit cladibus. Hoc etiam Principe  
Dordraci tumultuatum est. Decessit post exactum in admi-  
nistratione quadriennium. Eodem ferē tempore vixisse dici-  
tur in Hollandia Gigas, Nicolaus Kieten nomine, cuius im- <sup>Gigas Ni-</sup>  
manitas corporis omnibus fuit admirationi: excelsa statura <sup>colaus Kie-</sup>  
homines sub brachio excepisse traditur: calceus ejus quatuor <sup>tera.</sup>  
excellenti magnitudine hominum pedes facilē capiebat:  
pueros quoque in ludum euntes ita vastitate illa membro-  
rum territabat, ut nisi procul & à tergo eum aspicere non fue-  
rint ausi. Hoc fortasse non ita facilē sibi fidem apud homines  
inveniet, quod fabulæ propinquum videri possit. sed cur mi-  
nùs æquo animo audiendum, quam quod olim in Creta in-  
sula repertum sit humanum caput instar dolij: & in terra In-  
dia vixerint homines tam insigniter auriti, ut aures ad pedes  
defluerent.

*Ex Meieri Annal. lib. X.*

**A**gebat tum Ioannes Florentij filius cum vxore apud Re-  
gem Eduardum in Anglia; sed flagitantibus Hollandis statim  
a cade patris domum reversus est, deque consilio Regis &  
Guidonis avi sui datus est illi Tutor (nam ferē puer adhuc e-  
rat) Vulfardus à Borsalia Veriensis Toparcha, vir quidem <sup>Mirum ve-</sup>  
strenuus & fidelis, sed Ioanni Hannonio non satis ad sto- <sup>ro Tutoris</sup>  
machum; ideo quod cum Flandris fugeret exercere inimici- <sup>eguisse, qui</sup>  
tias. <sup>maritus</sup>  
<sup>iam erat.</sup>  
<sup>sed videtur</sup>  
<sup>secū pugna-</sup>  
<sup>re hic Scrip-</sup>  
<sup>tor, qui pne-</sup>  
<sup>rum vocet.</sup>



tias. Igitur Hannonius, fretus foedere Gallorum, summittit occultè percussores, & Vulfardum occidendum curat, profectusque mox in Hollandiam Tutelam Ioannis arripit, illoque tandem (vt frequens fama est) per venenum sublato, Principatum invadit, tanquam proximus hæres. Erat quippe matre natus Adelide Florentij amita. ☞

*Ex Junij Batavia, Cap. II.*

*Nicolaus  
Kyethenius  
insigniter  
procerus.*

*Iohannes  
ab Arckel,  
Gigas, rari  
roboris.*

*Fœmina  
Selandæ in  
usitatè  
grandis, &  
robusta.*

*Iohannes  
Pusillus,  
Scotus.*

Annales nostri tradunt Nicolaum Kyethenium, quena Spennervvouda pagus Harlemo oppido vicinus extulit, tam enormi fuisse corporis vastitate, vt procerissimum quemque sui temporis subalarem admiserit: sed vires moli corporis & symmetriæ impares, non respondebant. Vti in eo quem Iulius Scaliger se vidisse testatur Mediolani, qui in Nosocomio decumbens, duas spondas lectorum iunctas porrectus explebat. In Herculana familia illustri apud Batavos Iohannes eo nomine octavus Gigantis cognomen tulit, ob vastam corporis staturâ, robur incredibile, & animum infractum, cunctis formidabilis, quem Annalium monumenta perhibent caballum ingentem solo attollere & adverso parieti appressum immobilem sistere potuisse; vnum Iunio Valenti & Miloni Crotoniatæ parem. Tradunt & Annales nostri à VVillelmo, cui cognomentum Boni virtus dederat, Comite Hollandiæ, adductam fuisse ad nuptiarum solennia Caroli Pulchri Franciæ Regis inusitata corporis mole fœminam, natione Selandam, præ qua proceri etiam viri pusiones videbantur; tanto etiam virium robore, vt bina dolia Cereali potu referta ambabus utrinque manibus portaret, quæ singula quadraginta pondo Italica appendebant; trabemque cui attollendæ impares octo viri fuerant, quò vellet, transferret. Hector Boëthius rerumque Scotticarum Scriptores memoriæ prodiderunt, quendam Iohannem antiphrastice Pusillum



Puillum cognominatum, implevisse statura pedes quatuordecim, in extrema Scotiæ insula sepultum. Refert & idem Scaliger ante annos circiter octoginta in Corcyra fuisse effossum hominem, cujus brachium iusti cruris totius longitudinem exæquabat.

*Ex Hieronymo Cardano, Subtilitatum lib. XI.*

Fuisse Gigantes, quum multa testantur monumenta, id tamen in primis argumento esse debet, quod Claudij Cæsaris temporibus<sup>a</sup> Gabbara nomine Arabs fuerit longitudine novem pedum ac totidem uncularum: &c.

*a De hoc  
Plinius  
Histor. Natural. lib. 7  
cap. 16.*

*Ad quæ Julius Scaliger ita commentatur in Exercitationibus.*

Ego vero novenorum tot homines vidi, tot hodie vivunt: ut de patre meo, ejusque fratribus quatuor nihil habeam scribere. Ego quum quinq. pedibus major sim, ille me tota facie superabat. Non ergo digni sunt illi, quos Gigantum titulo admiremur. Sed is, cujus ossa in Corcyra effossa anno ante hunc circiter septuagesimo: brachium enim totius iusti cruris longitudinem exæquabat. Sed & post victoriam, quam sub Ludovico Rege ad Laudempompeiam vicimus, Mediolanum profecti offendimus in publico Nosocomio juvenem unum tantæ proceritatis, ut stare non posset. Neque enim potuerat a Natura satis alimenti ad crassitudinem, roborisque proportionem meditari. Itaque jacebat, explebatque lectos duos simul junctos.

H

Quis





a Ducem  
Iohannem.  
b Comes  
Flandria.

c De  
Planting  
straet.  
dt' Mau-  
pat. prope  
Harlem.

Quis non hoste cadit gemino? tamen ecce <sup>a</sup> Brabantum.  
Teque mea vici, <sup>b</sup> Guido superbe, manu:  
Quos. ut regnandi stimulavit ad arma libido,  
Sic utrisque eadem perniciofa fuit.  
Testis Delphensi <sup>c</sup> Flandrorum vicus in urbe,  
Testis congerie <sup>d</sup> Semita facta virum.  
Nunc eat, Ambitio jaetet quæ regna subegit:  
Servata patriæ gloria major erit.

IOAN.



## IOHANNES II. HANNONIUS,

COMES XXI.

QVum sine liberis Ioannes huius nominis primus fato  
 cessisset, Hollandiæ Comitatus ad Ioannem Hannoniæ  
 Principem devolvitur. Hic fratrem suum Guidonem Traje-  
 ctensium Antistitē creatum tanto studio defendit, ut semel  
 profligatis qui illum Episcopatu deicere conabantur, nulli  
 deinde arma movere sint ausi. Per id tempus eques armatus *Prodigiis*  
 in celo visus, qui adhortatus dicitur clara voce populum ad  
 arma capeffenda: stetit & mare eodem temporis spatio innu-  
 merabilibus coopertum navibus. ad quod spectaculū quum  
 sese accolæ effudissent, repente naves illæ omnes evanuerunt.  
 His tunc prodigiis præmonstrata sunt paulo post apud Ze-  
 landos gesta bella. Flandrorum Comes Guido Dampirus (ita  
 enim scriptum invenio) intra paucos menses frustra Zirisa- *Zerixæ*  
 am obsedit, maxima suorum jactura. Ultimo ferè tempore, *obsessa.*  
 quo Gulielmus Ioannis Hollandiæ Principis filius bellum  
 hoc ad exitum perduxit, x. Augusti anno M CCC IIII,  
 tantis utrinque viribus est in aciem descensum, ut ad tria mi-  
 lia passuum (si veri sunt Commentarii, quos sequimur) exau-  
 ditus sit bellantium fremitus. Cæsa sunt in eo certamine de- *Flandro-*  
 cem milia Flandrorum. Naves captæ magno numero. Hac *rum cades.*  
 victoria filij audita, Ioannes Comes multum letatus, paucis  
 post diebus decessit. Sepultus Valencenis, nobili Hannoniæ  
 oppido.

*Ex Meieri Annal. lib. x.*

Ioannes Rineffius aliique propinqui & familiares Vul- *An. 1303.*  
 fardi occisi conatibus se Hannonij opposuerunt, Albertumq. *Ioannes*  
 Cæsarem, ad quem Hollandiam dicebant devolutam, solici- *Rineffius.*  
 tabant; sed Hannonius nixus Gallorum favore superior fuit, *Belli Zelan-*  
 Rineffiumque cum sociis multavit exilio; qui tum in Flan- *dici origo.*  
 H 2                      driam



*Flandri  
Hollandia  
Zelandiam  
eripere mo-  
liuntur.*

*aA Domi-  
nico Petri  
cognomina-  
tus. Dam-  
petra &  
Dāpirus  
quibusdam  
Historicis.  
Domini-  
cum Petri  
autem vi-  
cus ac do-  
minatus est  
in Ducatu  
Burgundia,  
haud ita  
procul Di-  
vione.*

*Classis  
Flandrica.  
Ioannes &  
Guido Na-  
murci.  
Catsant,  
seu Casolea  
insula.*

*b Is qui  
BONVS  
dictus, po-  
stea Comes  
Hollandia,  
&c.*

driam confugerunt, bellumque Zelandia inferendum ma-  
gnopere suaserunt. Igitur quia Zelandia beneficium erat Co-  
mitum Flandriae, juxta Leges & consuetudines eius provin-  
ciae, quoties absque sobole moriebatur beneficiarius, devol-  
vebatur ditio ad superiorem, cuius erat beneficium. <sup>a</sup> Guido  
Comes Flandriae, antequam a Gallis caperetur, Zelandiae  
Principatum ad se jure ac more majorum devolutum dice-  
bat, illumque filio suo Guidoni praestantissimo juveni dona-  
vit, armis quidem sibi vindicandum. Haec praeter veteres si-  
multates regnandique avaritiam nova causa erat belli Zelan-  
dici, auxitq. ea res indignationem Regi Galliarum Philippo  
Pulchro, quod tantos sibi sumserant Flandri animos, ut se cen-  
tentio (quando cum illis ipse bellum maximum gereret)  
ausi sint diversas etiam suscipere expeditiones. Nec defue-  
runt, qui Guidonis consilium vehementer reprehenderent,  
quum opera ejus maximè egeret Flandria contra Gallos, in  
tanta praesertim paucitate ducum. sed litorales Flandri ac  
piscatores, quibus perpetua erat cum Zelandis Hollandisque  
dimicatio, atque excubiae omni tempore habendae in litore,  
maximam Guidoni ostenderunt alacritatē, pollicentes bre-  
vissimo tempore Zelandiam posse domari. Ad x circiter  
Kal. Maias adunata multarum navium classe Ioannes Comes  
Namurci & Clusae, & Guido Dominus Rickoburgensis ex  
portu Brugensi solvunt in parvam Insulam, quae Catsant seu  
Casolia nuncupatur. Inter haec <sup>b</sup> Gulielmus filius Comitis  
Hannoniae per Calesiam navigat in Hollandiam. Nam quod  
Propancij tum foederati essent Flandris, hoc erat quod per  
Brabantiam negatus illi esset transitus. In Casolia dum omnia  
parantur quae bello forent necessaria, ventusque propitius a  
nostris exspectatur, adest de improvviso Gulielmus, de quo di-  
ximus, aestu ventoque prospero delatus cum Hannonio, Hol-  
lando, Zelando, Frisioque milite, nostrosque semiparatos ad-  
oriur. Nostri ex re consilium capiunt, resistuntque hostibus  
quantum.



quantum fieri potuit. Victor tamen fuit Gulielmus, interfe-  
ctisque aliquot Flandris mox in Hollandiam recurrit. Eo de-  
trimento nostri valde irritati, nihil cunctantur hostem cele-  
riter insequi. Guido fremens frendensque cum sua classe pre-  
cessit, eamque ad v r i Kal. Maias ad V Valachriæ oppidum  
parvum, cui Vera seu Camp-vera nomen est, appulit; quod  
quidem oppidum Vulfardi fuerat, dolo (vt supra commemo-  
ravimus) interfecti. Oppidani conspectis filiis & propinquis  
Vulfardi, qui aderant cum Guidone, Prætorem suum datum  
ab Hannonio interfecerunt, ac Guidonem cum progenie  
Vulfardi mox admiserunt. Hic Guido, dum paulum quiescit  
cum suis ac cibum sumit, certior mox fit de advētu hostium.  
Prælium igitur statim conseritur super aggerem quemdam,  
atque in utroque aggeris latere, durum atque acre. Sed terga  
vertere tandem coacti sunt hostes, desideraveruntque ex suis  
plurimos. Fugit Gulielmus dux eorum ad vicum Arenu-  
dam. Quò nostri ferociter insecuti rursus cum hostico exer-  
citu manus conserunt; caduntque utrinque multi, sed ex  
hostibus longe plures quam ex nostris. Nec sustinere no-  
stros diu valent. Itaque bis die vno fusus fugatusque Guliel-  
mus fugit ad oppidum Zirixeam situm in Scoudia, quæ vna  
est ex Insulis Zelandicis. Pugnatum item super alium agge-  
rem non ita procul Vera a solis Brugen sibus, qui Guidonem  
sequebantur cum quadam hostium manu; ubi victores Bru-  
genses paucos ex suis amiserunt. Nam de aggere quos hostes  
in aquam deturbarant, vivos adhuc multos finita pugna ex-  
traxerunt. Ex hostibus autem quotquot in aquis viderunt  
luctantes, non modo non retraxerunt, sed altius etiam de-  
merferunt. Adeò magno & crudeli odio duo isti vicini po-  
puli inter se grassati sunt, quos amicos potius ac fratres esse  
oportuit. Ioannes Namurcius his conflictibus non interfuit,  
quod multum dolebat; remotius enim atque altius in ma-  
ri ejus classis erat, nec terram tenere potuit tam brevi  
tempore.

*Flandri  
victi.*

*Conflictus  
inter Flan-  
dros &  
Hollandos.*



*Zirixee ob-  
sidio.*

*Guido  
Middel-  
burgum  
capit.*

*Induciae in-  
ter Flan-  
dros &  
Hollandos.*

*Tametsi  
autem in  
mari Hol-  
landia Ze-  
landiaque  
non tamen  
induciae erāt*

*in Hannonia  
Vide Meie-  
rā pag. 100  
a Haga  
Hollan-  
dię, quia  
& in Flan-  
dria Haga,  
in Frisia  
quoque, &  
alibi.*

*B XL. in  
ordine Epi-  
scoporum.*

tempore. Guido secutus Gulielmum, in oppido eum Zirixea obsedit per spatium temporis satis longum, arcubus, fundis, aliisque instrumentis impigrè oppugnans; sed capere non valuit. quin Gulielmus facta viriliter eruptione mille & quingentos ex Flandris occidit, ut tradit Ioannes Beka Hollandiae scriptor. Tunc Guido Middelburgum primarium V Valachriae oppidum aggressus, eo intra dies octo aut decem potitus est. Capto Medioburgo, pactae sunt induciae ab Kal. circiter Iuniis ad usque ferè Aprilem insequentis anni; adjecta conditione, ne fortiùs interim Zirixea, quam tunc esset, muniretur, manente in Guidonis fide V Valachria; in qua, excepto Ioanne Cruningo, procures reliqui omnes Guidoni dicto erant audientes.

Tunc Guido in Flandriam, Gulielmus ad patrem Ioannem se contulit a Hagam Hollandiae, ubi Ioannes ob exactam aetatem tradita omni administratione filio, in Hannoniam se recepit.

Sub Kal. Februarias Guido Namurcius, quas habebat in Hollandia inducias cum Comite Hannoniae, malo usus con- filio, revocavit; quae tamen, ut dictum erat, per duos menses post revocationem tenuerunt; quibus in duobus mensibus vterque se ad bellum instruxit. Sub medium Martium paratus Guido trajecit cum suis copiis in V Valachriam, cuius tum penes eum erat imperium; junctaque sibi progenie ac familia Vulfardi Borsalien sis (de quo supra memini) ad Hollandiam subigendam omnibus se modis accinxit.

In V Valachria, mense Martio, ut primùm exierat induciarum dies, Guido Namurcius omnia parat quae ad obsidendam iterum Zirixeam necessaria esse videbantur. Contra cuius conatus duo conscripti exercitus ab Hollandis. Guido b Episcopus Traiectensis frater Comitis Hannonij alterum, alterum verò ducitabat Gulielmus Hannonij filius. Hi postquam copias conjunxerāt, Zirixeam versus movent, ut cum Flan-



Flandris acie confligant: sed dum Duvelandiam (hoc est terra Columbarum,) præterlegunt, illamque depopulari tentant, a Florentio Borsalio Vulfardi cognato ac Ioanne Rinessio, qui illic cum Flandris ac Borsaliis, (qui Exsules vocabantur Zelandia) præsidio erant, acerrimè sunt excepti, pugnaque navali de nocte obruti, cæsi, ac mirum in modum per tenebras obruti; adeo ut ad tria millia partim occisi, partim submersi tradantur. Ex Hannoniis, Hollandis & Frisiis totus ferè exercitus constabat, sed Frisij reliquis se fortius ac prudentius gerebant. Naves aliæque eorum res reliquæ nostrorum fuere præda. Captus hinc Guido Episcopus, missusque à Florentio Borsalio ad Namurcium, qui mox eum misit ad patrem suum Guidonem agentem apud Vindaliam in Flandria. Erat enim nepos Principis Guidonis ex fratre Ioanne Avennio, vir nimirum (si sacerdotibus bellare liceret) fortis & animosus, Gulielmumque Bertoldum Episcopum prædecessorem suum, Brabantici sanguinis virum nobilem, bello curaverat ante biennium interfici. Fratres illi erant, præter Hannonium, Ioannes Cameracensium ac Bossardus Mediomatricum Episcopi, ac Princeps Moriennæ Florentius. Guido autem noster Princeps ejus patruus. Ceciderunt autem ea pugna viri insignes Gulielmus Hornus Præfectus Domini Traiectensis, Nicolaus Parsinius, Theodericus ab Harlem, Theodericus Zulanus, & Svvederus à Bevervverdo. Et hac quidem victoria tam clara potiti sunt in Duvelandia Borsalij cum Flandris haud ita multis & incolis ejus insulæ

X I I I, Kal. Aprileis, inconsulto & inscio Imperatore suo Namurcio, qui ad Zirixeam adhuc erat occupatus. Hannonius vehementer consternatus ex V Valachria vix salvus evasit, advolavitque in Hannoniam ad patrem tum ægrotantem, cui anxius & querulus fortunas suas exposuit. Namurcius vero his omnibus cognitis rebus ad X I I. Kal. Aprileis, (quod Sabbatū erat Palmarum) Zirixeam cinxit obsidione, quam

*Guido Traiectensis Episcopus captus.*

NOTA.

*An. 1302.*

*An. 1303.*

*Zirixea*

*iterum obsidetur.*



*Vitus Ham-  
steda.*

*An. 1304*

*Pascha 29.*

*Martij.*

*Motus a*

*pud Traie-*

*ctum Hol-*

*landis.*

*a Huius hi-*

*storia com-*

*memorat*

*Lambertus*

*Hortensius,*

*Rerum Fl-*

*traiectina-*

*rū pag. 77.*

*Guido solus*

*ta obsidione*

*Zirixei,*

*transfert*

*bellum in*

*Hollandiā.*

*Et Hollan-*

*diam Bore-*

*alem subi-*

*git.*

*Traiectum*

*deditur.*

*Hollandiā*

*Meridio-*

*nalem in-*

*vadit Bra-*

*bantus.*

*Dordra-*

*ensium*

*virtus.*

quam egregiè munitam fortiter defendebat Vitus Hamsteda filius nothus Comitis Florentij, à suis (vt dixi suprà) occisi. Flandri arcubus, & fundis, modisque aliis tota hebdomade vsque ad Pascha frustra hic laboraverunt.

Quum primum certus nuncius Traiectum allatus est de capto & abducto Episcopo, mox tota civitas in motu erat, vt fieri solet in populo incondito disordique qui caret rectore. Dissidebant adhuc graviter inter se Nobiles de Reipublicæ per Pontificis absentiæ administratione. Gerardus Bruçterus, & Iacobus Lichtenbergius, & Vernerus Elisabethæ claræ feminae filius ab adversa factione interfecti sunt. Frater vero Lichtenberbij Gulielmus Rodenburgius cum filio in vincula coniectus.

Inter hæc Guido Namurcius die Mercurij post diem festum Paschæ videns se irritò labore terere tempus Zirixæ, reliquit obsidium, atque cum toto exercitu Mosam amnem trajecit, omnemque Borealem Hollandiam cum oppidis, municipiis, pagis in suam potestatem redegit, (excepto solo Harlemo, quod facere deditionem constanter renuit,) acceptosque obsides ex Leida, Delphis, locisque aliis Gandavum misit, fideli cum primis Ioannis Rinessij in his opera usus.

Traiecti non pauci erant qui Episcopum Guidonem ode- rant; ea causa erat cur se libentius dederent, Ioannemque Rinessium Praefectum à Namurcio acciperent.

Eodem tempore Meridianam Hollandiam Ioannes Dux Brabantiae invadit, omniumque oppidorum adeptus est deditionem præter Dordracum. Eam civitatem decem dies obsidet, maioremque ejus partem per ignita missilia incendit. Tandem Dordracenses duce Nicolao à Putco, forti ac nobili viro, magnis viribus erumpunt ac retrocedere singulari virtute Brabantos cogunt, totaq. Zuyt-Hollandia expellunt. Nec his contenti, vsque ad Buscum Ducis insectantur, ferro incendiisque omnia deformantes; adeò vt Busco etiam Ducis firmo



firmitate oppido ignem injicerent per inflammatas sagittas. Re-  
 versi dehinc cum divite præda per Fanum Gertrudis, vnde &  
 Brabantos ejecerunt. Posthac Nicolaus ille Puteanus rebus  
 secundis elatus maximos Hollandis suis fecit animos, mo-  
 venſque cum illis Iſelmundā, cum Flandris quoque feliciter  
 dimicavit; qui (ſi verus eſt numerator Ioannes Beka) cecidit  
 hic duo Flamingorum milia; ubi & Namurcium tanto fuiſſe  
 narrat in discrimine, ut vix ſalvus evaderet; qui paulo poſt  
 magna manu proſectus Trajectū, res Fori iudicialis inibi or-  
 dinavit, deditque illis Magiſtratum quem Scultetam nuncu-  
 pant, ut jus diceret civitati. Hic Namurcius ordinatis quæ ad  
 civitatis politiam pertinebant, diligenter quoque egit cum  
 Eccleſia, ut amoto Guidone Epifcopo capto conſtitueretur  
 loco illius Epifcopus a Gulielmus Iuliacus, egregius bella-  
 tor; tales enim Eccleſiis obtrudebantur.

Posthac Virus Hamſteda vir fortiffimus ex Zirizea, quam  
 utabatur Zantfordiam navigat, contrahitque quantas poteſt  
 copias ex Friſiis, tam ſuperioribus quam inferioribus, ex Ke-  
 nemaris, V Väterlandis, b Zutlandiſque, quibus & Harlemi  
 tum acceſſit præſidium. Hoc Virus inſtructus exercitu ob-  
 viam habet Flandrorum numerum non procul Harleſmo  
 (Hygedom loco nomen :) Hic acie decertatum, utrimque  
 quidem fortiffimè, ſed Flandros omnes ad vnum proſtratos  
 & occiſos Hollandi tradunt, collectiſque in vnum mortuo-  
 rum corporibus loco datum nomen in perpetuam memori-  
 am **Manpat**, id eſt, Virorum ſemita aut veſtigium. Dehinc  
 conſurgit apud Dilſos quidam Ockenbergius. Is ex Viti nun-  
 tiata victoria animum ſumens, Flamingos omnes aut cecidit  
 ut oppido fugavit; donec alia rursus pars Flandrorum Dil-  
 ſos invaderet ac teneret; in quos rursus Virus & Ockenber-  
 gius moventes, victores fuere: Via, quæ etiam nunc Flamin-  
 ga vocatur, occiſi ad quingentos, cæteri in ſeſſis oppidi dum  
 ugiunt ſubmerſi, ſarcinis armorum nimis gravati. Ita tan-

a *Prælio*  
*Pubulensi*  
*anno 1304*  
*15, Kal.*  
*Septemb.*  
*consideratus,*  
*filius Gu-*  
*lielmi Ju-*  
*liaci Aquif-*  
*Grani occi-*  
*ſi ex terra*  
*Guidonis*  
*Comitis*  
*Flandriae*  
*& Mathil-*  
*dis Bern-*  
*ensis filia,*  
*puta Ioan-*  
*na.*  
b *Vnde do-*  
*mo pepuli*  
*illi, vix li-*  
*quet. fortè,*  
*Zuyt-*  
*Hollādos*  
*intelligit.*  
c *Corrupte.*  
*reſcribe,*  
*Hillegō,*



*Zirixea  
tertius ob-  
sidio.*

dem Nort-Hollandia per Vitum Hamstedam, perque Pute-  
anum Zuyt-Hollandia omnes Flandri ac Propancij expulsi.  
Namurcius relicto Traiecto Zirixeam redit, ac tertio jam op-  
pidum illud premit obsidione, Ballistis, Apris, Cattis, aliisque  
machinis vehementissimè oppugnans.

*Nicolaus  
Catt.  
Vitus  
Hamsteda  
flagellum  
Flandrorum.  
Sconhovi-  
enses vitam  
a Vito pacti  
se dedunt.*

Apud Sconhoviam, Prefectus Arcis à Flandris constitutus  
Nicolaus Cattus ex Nortbevelandia nunc submersa, Eques  
strenuus, captus à civibus, missusque ad Vitum, qui Flagel-  
lum (vt aiebant) erat Flamingorum. Vitus raptim profectus  
Sconhoviam, obsedit Arcem, adeoque Magenisi (inquit Ioan-  
nes Beka) fatigavit obsessos, vt vitam pacti deditorem face-  
rent. Magenasi, nisi fallor, vocat Ballistas maiores, quibus la-  
pides pondo centum viginti detorquebantur. Vitus, vbi ac-  
ceptos in potestatem obsessos in custodiam condidisset, Ziri-  
xeam est reversus. Guido ad plagam Aquilonarem oppidi  
Magenasi duas, in Meridie vero vnam constituit, quibus non  
absque maximo oppidi detrimento prægrandes jaculabatur  
lapides. At contra oppidani impigrè agentes oppositas ha-  
bebant suas tres Ballistas, grandes ac fortes nimis, quibus e-  
gregiè nostris resistebant, adeo vt eosdem nonnumquam la-  
pides, qui à nostris erant iacti, in auctores remitterent. Post-  
quam autem aliquantisper ea esset cōtinuata vtriusque jacu-  
lario, nostri fossas oppidi straminibus, stipulis, palis, aliaque  
materia repleverunt, vt scalis admotis in muros evaderēt, op-  
pidumque caperent. Quod quidem, quamquam essent ag-  
gressi, perficere tamē non potuerunt. Nam Vitus suos intus,  
Frisios præcipuè, adeo animavit, vt incredibile dictu sit  
quantam præstiterint virtutem. Nihil grave, nihil difficile,  
nihil arduum illis fuit, mulieribus, quæ & fortiter se gerebāt,  
quicquid viris foret vsui ad murum suppeditantibus, ignem-  
que qui a nostris sæpe per missilia tectis injiciebatur tam  
viriliter extinguentibus, vt civitati magna pars fuerint salu-  
tis. Struebant & nostri aliud grande machinamentum quod  
Cattum

*Mulierum  
fortitudo  
Zerixea.*



Cattum appellabant, illudque ab Aquilone rotis suppositis ad murum admoverunt. Erat tam procera altitudinis ut muros superaret, atque ex eo quicquid in oppido ageretur nostri prospicerent; istudque mirum in modum obsessos vrgebat.

Turrim fuisse puto ambulatoriam. Hac ex turri sagittis con-  
tisque & saxis missilibus hostes gravissimè impetebant, ita ut negotium illis pregrande facerent. Nec eo tamen segni-  
ores prælium capebant, sed fundis, jaculis, ballistis, omni-  
que vi armorum ita se defenderunt, ut Flandros tandem à muro turrique illa propellerent, postquam mille circiter & octingentos occidissent; tantaque fortitudine ex oppido eru-  
perunt, ut palos ab hostibus immisos ex fossis suis cum reli-  
qua materia extraherent. Erat quidam faber ferrarius, qui per sagittas quas faceret pollicitus est se Cattum Flandrorum crematurum. Nec fefellit ingenium. Nam paulo post tanto nimbo ardentium sagittarum machina illa offusa est, ut nequaquam ab incendio posset à nostris servari. Romani olim tales turres crudis coriis ac centonibus communiri curabant adversus incendia. Hic autem earum rerum usu puto Flandros caruisse. Tam magno atque horrendo igni hac turris conflagravit, ut usque ad Vlardingam, quæ ad mare est, cerne-  
retur incendium, putareturque esse oppidum captum atque incensum. Significabāt autem hac omnia Zirixeani Guliel-  
mo Comiti, qui fugerat in Hannoniam, auxilium ab eo sup-  
plices petentes. Hac ita gesta sunt sub finem Aprilis.

Sub Kal. Augusti quatuor exercitus stabant parati ad di-  
micationem, duo terra circa Tornacum, & alij duo mari non  
procul Zirixea, quam adhuc premebat obsidione Guido.  
Gulielmus Hollandus, patre Ioanne a grotate, classem quam  
potuit maximam instruxerat milite Gallo, Frisio, Hollando,  
Hannonio. Adfuit<sup>b</sup> Reinerius Grimoaldus (alij Bellora ha-  
bent, hoc est, ab Auria) Genuensis, acerrimus Navarchus,  
cum multarum triremium classe ex Liguria marique Medi-  
terraneo,

a Vide Ste-  
vechium  
ad Vegetij  
de re Mili-  
tari, lib. 4.  
cap. 17.

b Hic, ut  
Beka refert,  
trecentas  
& quin-  
quaginta  
habuit  
naves bellica-  
cas, cum  
quinque  
triemibus,  
quas gale-  
fias vocat.  
Sed is Au-  
tor (ut ple-  
rique alij)



talibus in  
numeris  
sape errat,  
ut mihi  
quidem vi-  
detur.

a Erat is  
Theani  
Comes, fi-  
lius Comi-  
tis Guidonis  
ex priore  
thoro natu-  
r minimus.

terraneo per tantum maris circuitum à Gallo missus. In con-  
sultatione convenit inter nostros duces, ne ullo modo com-  
mitteret Guido, ut praelio navali cum hoste confligeret aper-  
to in mari, se classemque suam circum Zirixeam contineret  
continuans obsidium: quod si vel terra vel mari (quod vix il-  
lis possibile erat) tentarent ipsum hostes invadere ac solvere  
obsidionem, tunc demum esse tempus se defendendi ac di-  
micandi. Eo confirmato consilio Ioannes Namurcius ad  
Philippum accersitur, ubi majori vsui quàm apud Guido-  
nem futurus esse videbatur. Oravit Guidonem crebris literis  
Trajecto missis Ioannes Rinesius, strenuus Eques, ne vn-  
quam in animum induceret rem dubiæ committere aleæ, ac  
cum Navarcho toto orbe nominatissimo de rei summa de-  
cernere: Rem per bono adhuc esse loco, ideo quod si terra  
congregiatur haberemus militem longè validiorem, nume-  
roque maiorem, tantummodo esse per necessarium à mari  
abstinere, donec ab ipso fortè hoste prior impeteretur. Ri-  
nessius enim rerum maritimarum multam habebat peritiā,  
illique major pars civium Traiectensium, quibus odio erat  
Episcopus, libenter parebant.

Interea Ligur ille Reinerius, quasi alter Xantippus condu-  
ctus missusque contra Regulum, Hollandusque cum eo in-  
dies propius accedebant ad nostros, Guidonemque ad praeli-  
um provocabant navale. Initio Guido nihil movebat, quie-  
tum se, ut convenerat in consilio, tenuit, quia in re si perseve-  
rasset, nihil illi hostes potuissent nocere. At morā imprope-  
rante hoste ignaviamque interpretante, incescit grandis cu-  
pido Generosum Iuvenem cum hoste dimicandi. Erat dubio  
procul inanis gloriæ nimis avidus, nimisq. affectabat huma-  
nam laudem, quæ sequutura erat, si tantum virum tam illu-  
strem rei maritimæ Imperatorem vicisset. Die x Augusti  
Divo Laurentio celebri, post habitis tam publicis quàm pri-  
vatis consiliis, fretus fiducia virium, relicto ad obsidionem  
aliquanto



aliquanto peditatu, ipse cum toto exercitu & classe aestu surgente & ad vesperascente die ad hostes cōtendit. Hic praelium <sup>*Prælium navale.*</sup> confertum viribus adeo pertinacibus, ut vix tandem densæ noctis tenebræ pugnantes dirimerent. Hic fragor, clangor, sonitus, strepitus, clamor, fremitusque tantum invaluisse narratur, ut per tria nostratia milia exaudiretur. Multi utrimque ea vespera ceciderunt, multi graviter vulnerati fuere; dubiaque fuit victoria, quamquam videbantur Flandri superiores, quod quaternas maximas naves, quas turritas vocabant, de hostibus cepissent, occisis aut submersis, qui in illis erant, omnibus. Nox itaque pugnam diremit, paulumque temporis quieti ac religandis vulneribus utrinque datum; refluxenteque aestu ambæ classes in cœno hæserunt marino, modico intervallo separatae. Mane illacente die ac rursus stagnante aestu hostium quidem naves simul stabant ferreis invicem connectæ catenis: sed nostræ magnæ naves disiunctæ ac separatae fluitare coeperunt, funibus illis magnis, quibus fuerant colligatae, per hostium dolum de nocte rescissis. quæ res cladem nostris attulit. Creditum id factum occultè à nonnullis Zelandis, qui Guidoni metu magis quàm amore adhærebant; ad quos quidem & voces de nocte auditæ Hollandorum: Redite, Redite Nobiles Zelandi ad verum vestrum Dominum: Cogitate de patria liberanda. Ad cuius rei confirmationem coeperunt Zelandi illi (non Borsaliani) primum omnium facere fugam: quod exemplum sequuti Flandri Zelandique alij magis fidi, quum in maximo discrimine incassum se visuros viderent, receptis quascumque poterant ex majoribus dispersis navibus in Flandriam fugerunt. Guido autem, quamquam à Toparcha Axellano maturo ac prudente viro hortaretur ut fuga salutem quæreretur, obstinatus refractusque adeo fuit, ut inflatus quadam superbia fugere detrectaret: sed mox naves bellatoresque, quamquam à compluribus desertis, quos potuit adunavit, magnoque animo praelium instauravit; do-



*Comes  
Guido a  
suis deser-  
tus, in ho-  
stium redi-  
gitur pote-  
statem.*

*Numerus  
casorum.*

*Ioannis  
Rinssii mi-  
serabilis  
interitus.*

nec paucis cadentibus, sed omnibus ferè per minores naves fugientibus, vivus veniret in Amiralij potestatem vnà cum Domino illo Axellensi: quos Reinerius per Calesiam misit ad Regem; apud quem tantisper captivi fuère, donec pro Episcopo Guidone captivo in Flandria commutarentur. Est in Historicis Hollandicis, initio pugnae quandam miræ magnitudinis navem à Flandris fomento lardi picisq. & sulphuris apparatus, incensam, missamque in hostium classẽ, vt in illam incendium inferret, sed per miraculum in diuersum reflante vento repulsam reversamque in nostrorum classẽ, suisque fabricatoribus magnam intulisse stragem; adeoque illo miraculo hostes fuisse animatos, vt certam sibi victoriam promittentes, viginti quatuor totas horas cum nostris horrendum in modum continuarent prælium, donec evaderent victores. Sed nostri Scriptores de illa navi nihil prorsus meminerunt. Addunt & aliud miraculum, apud Egmondam per totum pugnae tempus visam in aëre crucem purpureo colore: Perijisse decem Flamingorum milia: Captas naves centum supra mille, cum nonaginta papilionibus. Noster Scriptor Minorita, æqualis illius temporis, non nisi mille circiter ex nostris per duos illos dies cecidisse refert: reliquos omnes fugisse, perspecta ducis imprudentia ac pervicacia: Nec hostibus incruentam fuisse victoriam, qui priori die multò plures quàm nostri perdiderint. Ecce quàm diversi abeant Scriptores! Peditatus autem, quem in obsidio relictum memoravimus, fugit ad mare in quendam angulum illius Insulae quæ Scoudia vocatur, dicta tamen a nonnullis Scaldia a Fluvio Scalde, abs quo circumlui solebat. Et quia bona pars Zelandi erant, nactis per amicos navibus, vnà cum Flandris, quotquot portare naves possent, transmiserunt in Flandriam. Reliqui ad tria circiter milia se dediderunt, commutatique sunt pro Hollandis qui in Flandria captivi detinebantur. Ioannes Rinssius vir fortis miserè periit. Fugit Traiecto,



Trajecto, ne veniret in hostium suorum adventantium potestatem; sed Leccam fluvium cum suis per scapham dum transire celeriter contendit, onere multitudinis in profundum navicula deprimitur; extinctusque Rinessius postea gravi cum planctu a suis sepelitur. Ita in bello potissimum regnat fortuna, luditque suum ludum per rerum vicissitudinem. Puto Superis ita visum, ut quemadmodum Galli tota Flandria essent pulsi, ita & Flandri quoque tota Hollandia pellerentur, & qui multos vicerant occiderantque, & ipsi quoque victoriæ quodam torno seu lege talionis vincerentur occiderenturque.

Obiit anno 1304, mense Septembri, Ioannes II. Comes Hannoniæ & Hollandiæ. Obiit & Philippa ejus vxor Aprili proximè insequenti. Quæ Philippa soror erat Isabellæ nostræ Principis. Ambo Valentianis sepulti.

*Ab hoc Comite Johanne Hannonio vulgo excisam volunt Frisiorum, quos Minores indigitant, urbem Veronam.*

*De qua sic Junius noster Bataviæ cap. XVII, quod est de Hollandiæ primariis urbibus, &c.*

**N**ON procul Alemariâ paullum ultra mille passus dissitam fuisse olim Veronam loquuntur cognomines inde campi, urbem opulentam, frequentē, & populosam, vnicum tunc inter Minores Frisios emporium; sed magnarum opum tenue admodum vestigium, urbisque bustum, tumuli vulgo ostenduntur, è ruinis (ut suspicari libet) editiores, qui nominis memoriam in hunc usque diem tuentes, qua plagam Septentrionalem respicit, inter Koedicum & immenso spatio porrectum Langedicum, Veronenfes campi, ut dixi, dicuntur, frumenti feracissimi, quos pagus Pancratio facer attingit. Hanc primariam fuisse Frisiis Minoribus, gentis caput, bellorum facem & furoris administram, credibile est, quod opportunissimus ejus fuerit situs ad invadendā Hollandiam;

*Flandri tota Hollādia pulsi. & Guido per- vicacia & inutilis pu- doris sui pœnas de- dit. Potue- rat enim fugere. quod & Casarem olim Dicta- torē, quum in Britan- nia bellum administra- ret, fecisse legimus, ne in Barba- rorum in- cideret ma- nus.*

*Verona urbs.*

*Veronen- ges.*



ac proinde ob violatam sæpius fidem, rebellionemque toties repetitam, à Ioanne Hannonio Comite excisam funditusque subversam, & inducto aratro reædificari vetitam, memorant Annales. Qui Comes etiam nominis memoriam oblivione sempiterna delere voluisse creditur; tam inexpressibili adversus eam concepto odio, ut etiam Britannorum copias in florentis urbis excidium dicatur excivisse, eamque gentis furori objecisse, postquam proditione Consul Phobi ingressus in eam patuit; cuius monumentum extat hodie turris in arcium, quæ urbi vicinæ fuerunt, ruinis, Phobi nomine famosa; sub quâ proditorem, qui sceleris mercedem ocream pecuniis refertam pactus fuerat, humo obrutum in fossamq. fama quasi per manus tradita refert. Eversæ historiam, quam sacrificus complexus fuit, asservari in Cœnobio Heiloano intelligo. De hac cur Annales tacuerint, unum modo atque alterum verbum facientes, dum velut in trāscurso & obiter eam nominasse satis habent, equidē nescio, nisi fortē ignorantia veri factum id sit, aut hostilis odio urbis, cuius memoriā aboleri voluerint. Excidiij verò ut testem annum adferunt hemistichium notū:

ECCe Cadit Mater Eriolæ:

Ita publicum testimonium loquitur spatium cœmiterij titulo insigne, ubi crux lignea posteris subinde reparata, memoriæ redintegrandæ, tuendæque religioni priscae posita spectatur. Urbis memoriam ultimam tueretur sartani tectam campanula ænea pervetusta in templo pagi, qui *Dalhenege*, cum Falconis oculus, incerta mihi de causa nominatur, quæ Veronæ a fusam se testatur, & altera ejusdem metalli quæ Londinum translata fuit. Indicavit mihi per epistolā inter alia multa Nicolaus Vorstius, vir non postrema eruditionis, Lugdunianæ scholæ moderator, se à gravis auctoritatis viro Iureconsulto Coloniensi accepisse, in historiâ quâ videntur Virginum millium profectio è Britannia insula pertexitur, narrari illas navibus impositas & foeda tempestate jactatas Veronam appulisse;

*2 Ad annū  
1289.*



pulisse; id quod de hac nostrate Verona probabiliter dicitur, quod istud emporium vicinū fuerit alveo fluenti illius, quod Caninefatium terga claudebat è Rheno productum, & præterlabens Crabbedamum in mare decurrebat; ostenditque etiamnum apud Veronenses campos alveus declivior solo, ubi ostium & aditus portūs fuerit è mari appellentibus navibus. Hujusce emporij potentiam & nimias opes ostendunt piscationis jura, illi propria tam in lacubus quàm in amnibus Rheno Mosaque, quæ post excisam urbem in fiscū Principis fuere conversa, vnde in hodiernam vsque lucem Veronæ nomine significatur portorium, quod in memoratis locis pro piscandi jure penditur. Quin & ipsum territorium deletæ urbis peculiarem servat Rationalem, ab antiquo Veronensem appellatum. Urbis sigillum ari Cyprio insculptum, ita ærugine deformatū, ut nulla forma potuerit agnosci, fato quopiam ante hos octo annos senactum fuisse scripsit ad me Vorstius, cujus paullo ante memini, quod vascularij opera & arte defricatū, ac sequaci ceræ impressum hanc cum epigraphæ speciem monstravit: quam renovandę vetustatis gratia appingere hîc libuit, in quo aquila cœlum respectās explicatis alis expressa est, cum gladio potestatis justitięq. symbolo ad dextrā.



K

Iustitiæ





a Bailivus  
Zuyt Hol-  
landia.

b Rex  
Gallia.  
c Hoc enim  
Cognomen-  
tū meruit.

*Iustitiae custos nullo discrimine leges  
Iuraque subjectis omnibus aqua dedi.  
Hoc Batavi<sup>a</sup> Praeses regni me vindice sensit,  
Dum luit creptum morte bonisque bovem.  
Te quoque cum Flandris felicia bella gerentem  
Auxilijs juvi, magne<sup>b</sup> Philippe, meis.  
Nunc cinis: hoc uno felix, quod, ut ante, superstes  
Post mortem, toto sic<sup>c</sup> BONVS orbe ferar.*



## GVLIELMVS III. BONVS,

COMES XXII.

SVrrogatur in patris locum Gulielmus, qui quum esset vir pietate & innocentia insigni, BONI cognomentum meruit. Middelburgi apud Zelandos Collegium Canonorum D. Petri ab eo institutum reperio. Sub hoc tempus duobus maximis malis Hollandia biennium laboravit, fame & pestilentia. hæc latissimè vagata, ingentem hominum vim extinxit; illa tam invaluerat, vt super vetitos cibos inventi sint, qui fame adacti pecudum more nascentia in campis gramina comederint. Anno M CCC XXVIII, a Philippus Gallorum Rex Gulielmi hujus copiis adjutus, Flandrorum exercitum fudit fugavitque. Eodem anno Gulielmus Frisios classe adortus est. In Hannonia Præfectum Suyt-Hollandiæ, qui rustici pinguiorem vaccam pascuis abduxerat, & suam reliquerat, ultimo affecit supplicio. Tantus erat iustitiæ amator. Idem gravi morbo laborans, quum adesse sibi fatale tempus videret, accersitum ad se juvenem filium hortatus est ad cultum veræ pietatis: precatus eundem, vt paci studeret, neque Clerum oneraret exactionibus. Hæc ille pauca locutus, haud multò post animam efflavit. Ante hunc nullus vnquam Comes majus reliquit sui desiderium. Nam qui ob naturæ bonitatem triginta tribus annis, quibus præfuisse dicitur, omnibus carissimus vixerat, non potuit fieri, vt mortuus non desideraretur.

*Institutio  
Collegij Ca-  
nonicorum*

*D. Petri  
Middel-  
burgensis.*

*An. 1311.*

*Fame ac  
pestilentia  
diu vexata  
Hollandia.*

*a Valesio:  
Flandria  
Gallo victa.*

*Animad-  
versio in  
eum qui  
vaccam ab-  
duxerat  
alienam.*

*Ex Meieri Annal. lib. XI.*

Renatum bellum Hollandicum ob fidem de Insulis Zelandicis Roberto Betuniensi Flandriæ Comiti non præstitam, atque ob portiones quasdam hæreditarias in Hollandia & Frisia, quas post mortem Ioannis fratris Florentij Comitis deberi sibi Robertus affirmabat. Eo bello socius Flandris fuit

*An. 1306.*

*Bellum  
Flandricum.*

K 2

Ioannes



*Arbitri  
pacis Hol-  
landie.*

Ioannes Dux Brabantiae. sed priusquam sanguis funderetur, deprecatione quorundam bonorum inducie sunt factae, & arbitris submissa est controversia. Arbitri fuere Ioannes Comes Namurcius, & Guido ejus frater electi per Robertum, altera ex parte Guido Episcopus Traiectensis, & Galterus Castellionicus Portiacensis Comes, idemque Magister Equitum Gallorum. Quid autem isti tandem pronunciaverint, nusquam invenio.

*An. 1307.*

Mense Januario celebratum maximo apparatu matrimonium Eduardi Regis junioris Angliae cum filia Regis Philippi Pulchri Isabella. Eas ad nuptias convenere inter alios Principes Bontoniae (quae nomine dicta est antiquo Gessoriacum, Morinorum navale) V Vilhelmus Comes Hannoniae cum Ioanne fratre.

*An. 1308.  
Epiphania  
Domini.*

Gulielmus & Ioannes Comites Hannoniae interfuere Coronationi Henrici Comitis Luceburgensis, Caesaris hoc nomine Septimi, quae peracta sunt Aquis. Grani ad S. Epiphaniae diem.

*An. 1310.*

Mense Iulio Robertus Princeps tota Flandria Flamigante, id est, Teutonica (nam eam solam possidebat) delectum egit, maximumque & fortissimum collegit exercitum; milite adeo voluntario atque alacri, ut ultro fere nomina darent: movitque contra Gulielmum consanguineum suum Comitem Hannoniae & Hollandiae. Iam enim induciarum tempus finitum erat. Concedit inter Gerardi montem & Hannoniam, versus Lessinam. Hic Nobilium omnium cum multitudine summus erat animorum consensus. Conjuraverunt Robertus fratresque ejus, & Nobiles, conventusque Flandrici omnes, seque diris devotionibus devinxerunt, nunquam se reducturos exercitum, nisi aut finem belli reportaret, aut fortiter pugnantes occumberent. Tenuerunt enim hoc bellum septuaginta amplius per intervalla annos, in morem Hydrae nunc moriens nunc renascens. Patri suo auxiliares venerunt Ludovicus



dovicus Nivernensis & Robertus ejus frater, validū ex Gallia adducentes equitatum. Gulielmus item Nigellanus, nepos Roberti ex sorore, ac Ioannes Fiennensis, qui sororem ejus tenebat matrimonio, adfuerunt cum dilectissimo equitatu ex Atrebatibus præcipuè adducto. Et Robertus præter eos, qui semper voluntarij ac fideles permanserant, ex Flandris grandem quoque circum se habebat Nobilium ac Liliatorum numerum; totusque exercitus ejus ita armatus & instructus erat, ut nihil prorsus deesse illi videretur. Contra hos processit ferè obuius cum pulchro præcipuè equitata Hannonius, sed peditatus ejus propemodum inermis erat, Flandrisque & numero & animis longè impar. Nam Hollandi Zelandique ad delectum, quem habebat, se venturos constanter negabant; satis habere se negotij confirmantes finibus suis terrarumque adversus Flandrorum potentiam tutandis. Nam & classem bene grandem Flandri in litore habebant paratam ad prohibendos Zelandos, invadendosque, si quid vel priores ipsi movissent, vel Hannonius prælio fuisset terrestri inferior. Itaque Hannonius nullo modo committendum sibi ratus, ut cum Flandris acie decertaret, per Ioannem Namurcium ac Gerardum à Zotteghem tentare coepit, si quam viam ad pacificandum cum Roberto posset invenire. Inducto igitur tempore de discordia componenda, Pax tandem convenit his conditionibus: ut Insulas Zelandiæ in fide & clientela Comitum Flandriæ possideret, dummodo tamen Guidoni Flandrensi fratri suo tantum assignaret annui redditus quantum ex Insulæ valerent: ut omni Hannonius renunciaret juri quod in quatuor Officia ac VVasiam se judicabat habere: ut domum reciperet quotquot ex Zelandia per omne tempus belli pulsi essent propter partes Flandricas, illisque aut eorum hæredibus bona omnia fideliter restituenda curaret, quæ vel Fisco essent adjecta, vel aliter ablata. His de rebus Robertus obsides ab illo accepit Namurcium & Zotteghemium.



ghemium cum tribus aliis Nobilibus locupletibus ex Hannonia, pacta conditione, vt si pacem hanc Hannonius non seruasset, bonis omnibus, quæ dicti quinque obsides in Flandria possidebant, extemplò manus injiceret, sibi que in perpetuum retineret; quæ quidem bona & redditus ad viginti quinque millia nummum æstimata sunt. His ita perfectis venit Hannonius inermis ad Robertum in castra nostra cum nobili comitatu, flexoque altero genu fidem ac iuramentum illi præstitit de VValachriis omnibusque Zelandicis Insulis, redditumque est vtrumque domum cum pace & gaudio. Verumtamen neque hæc pax vltra quinquenniū durare potuit.

*An. 1315.  
3. Augusti.*

Absolutis enim apud Remos Ludovici Vtini Galliarum Regis coronamenti sacris, finitisque induciis, bellum statim Flandricum decernitur. Ingens erat hæc fax tempestasque belli. Gulielmus qui Hannoniis, Hollandis, Zelandisque iura dabat, in gratiam Regis, pretioque ab illo conductus, foedus cum Flandris annis abhinc quinque frangit, terraque & mari Flandriam adoritur Hannonio, Gallico, Frisioque & Hollandico instructus milite Rupelmundam, Kieldracum, Brochtam, Zvvindracum, totamque VVasiam, & Scaldis oram populabundus incendit. Iohannes Beka auctor est, Gulielmum Comitem cum omni pene Nobilitate & milite Hollandiæ & Zelandiæ, Frisiæ, & Hannoniæ huc (prope Curtracū castra erant Vtini) Regi venisse suppetias: Curtracum fuisse à Rege obsessum: atque hinc multos ex Gallis, inde multos ex Flandris cecidisse, dum Robertus niteretur liberare obsessos: Gulielmum Comitem ab equo prostratum, occisumque fuisse a Flandris, nisi singulari virtute Iohannis ab Arckel, Philippi ab VVassenare, Theoderici Brederodi fuisset discrimine exemptus. Sed hæc alij, quotquot equidem vidi, non tradunt, putoque ineptis Commentarijs Eckam esse deceptum. Consentiant omnes, grassatum in Oriente à Frisiis Hollandisque: Gallosque ad Lisam prope fluvium penetrasse. Sed de Curtraco



traco obsessio nulla mentio nisi apud solum Bekam. Galli, nulla re gesta, cum detrimento domum se recipiunt. Inter hæc facili negotio Hollandum, qui ad Calam (inquit Beka) initio castra fecit, nostri finibus suis expulerunt: magna enim celeritate, non expectato Flandrico exercitu, omnem Scaldis exurens regionem in Zelandiam reversus est.

*Ex Meieri Annal. lib. XII.*

Statim à morte Comitis Roberti, renata est discordia in *An. 1322.* rudimento regni Lodovici Nivernensis, Flandriæ Comitis, cum Gulielmo, sed composita est per Carolum Regem hunc in modum: Cessit ac reddidit Flander Hollando in perpetuum Insulas omnes Zelandicas cum omni jure quod in illas se habere contenderat: remisit omnem sibi ab illo debitam ea de causa pecuniam. Simul Gulielmus Flandro cessit quicquid juris se habere contendisset in Ditiones Aloftanam, VVassiam, quatuor Officiorum, Gerardi Monts. Adhæc Avennae Cameracensi renunciavit, permisitque ut Ioannes Flandrensis Crevecuria, Allueto cum tota Præfectura agri Cameracensis pro se suisque hæredibus frueretur. Quantum autem ad Flobecam & Lessiniam attinet, convenit ut quæstio decernatur: nec unquam posthac per bellum, sed per sex arbitros controversia ista componatur; in quorum arbitrorum manibus eæ manebunt Ditiones, donec res sit decisa. Quod si qua fortè ultra incidat discordia de Hollandia & Zelandia, arbitri Comitis Flandriæ convenient apud Sæftingiã, Hollandiæ autem arbitri apud Rijnlandiam, non discessuri ex his locis donec res sint compositi. Præterea pactum, ut bona exsulum Hollandiæ & Zelandiæ propter partes Flandriæ detenta & Fisco illata cedant ad emolumentum Comitis Hollandiæ. Quod si qua fieri debeat restitutio, Flander eam fieri curabit per summam triginta millium Librarum, quam

Hollandus.



Hollandus illi persolvet. Insuper ut Valentianenses, qui partes tenebant Flandri, posthac ab illis abstineant. Ut quicumque exsulatum mittatur propter conspirationem in suum Principem, neutro in Principatu sit liber. Hæc Pax confirmata est pro Comite Flandriæ per<sup>a</sup> Triadem Flandriam, hoc est, Gandenses, Brugeses, Hyprenses. Pro Hollando vero per oppida Valentianas, Montem Castrorum, Medbodum, Binchium, Dordracum, Zirizeam, Middelburgum, Dilfos, Leydam & Harlem. Actum Lutetiæ media quadragesima, anno M CCC XXI.

*a De dyte  
Lede van  
Dlaenderen.*

*An. 1326.*

Hoc anno incoepit dissidium inter Eduardum Regem Angliæ & Isabellam Gallicam ejus uxorem, venitque illa ad Carolum Pulchrum Regem Gallia fratrem suum ex Anglia in continentem cum filio suo Eduardo ac Rogerio Mortimerio adultero suo, unde reductore Ioanne fratre Comitum Hannonia, cum parvo comitatu ex Zelandia rursus trajecit in Angliam in fine mensis Septembris, statimque facta conjuratione Nobilitatis: Maritum regem cepit, filiumque Eduardum consilio Mortimerij annum agentem XIV, ab Galtero Cantuariensium Pontifice coronandum curavit 1v. Kal. Febr.

*An. 1327.*

Is erat Eduardus III. Rex Scotia Robertus Eduardo novello Regi Angliæ vix pueritiam egresso bellum indixit, cui arctum cum Hannonio foedus erat, per Philippam Gulielmi Comitum filiam Eduardo Regi in matrimonium pactum. Itaque ex Belgis pulchra admodum manus equitum profecta in Angliam: Caput autem erat Ioannes Hannonia Comitum frater. Scoti ubi se inferiores vident, pacem per matrimonium ordinaverunt. David Roberti Regis filius sororem Eduardi Ioannam duxit uxorem.

Eodem anno Eduardus Rex captivus Eduardi III. pater per Isabellam uxorem & adulterum ejus Rogerium Mortimerium necatus est in carcere à custodibus illi datis.

*An. 1328.*

*4. Kal.  
August.*

Philippus Valesius Rex Gallia movet in Flandros, qui à Nobili.



Nobilitate & Comite suo secesserant, & ad Castetum castrametatur. In ea expeditione octavam aciem duxit V Vilhelmus Comes Hannoniæ cum octodecim signis, cum turma item equitum Ioannis ejus fratris, qui auxilia adduxerat Regis Boemiæ. Ex Hannonij Nobilitate præcipui hi erant: filius ejus V Vilhelmus, Theodericus Brederodius, Ioannes Arkel, Alardus Egmondanus, Philippus V Vassenarius, Ioannes Hamsteda, Arnulphus Cruningius, Ioannes Pallanus, Gulielmus Dufordius cum Hollandis, Frisijs & Hannoniis. x. Kal. Septemb. conjurati ductore Zanneca impetum faciunt in Gallos, & peditatu Flandrorum caeso ad Regis usque tabernaculum pervenere, sed adventu Comitum Hannoniæ Rex periculo eximitur, & conjurati circumclusi caduntur. Zanneca acerrimè pugnans ab Hollandorum & Hannoniorum peditatu (equos enim removerant) oppressus & occisus est: magna dignus laude ob fortitudinem, si justo bello talem præstitisset virtutem. Qui ex fide scribunt pars ad sex, alij ad novem plus minus millia caesos referunt. Gulielmus Comes Hannoniæ equo erat dejectus in terram, sed mox à suis sublatus.

Anno 1333, postquam Comes Flandriæ Ludovicus emisisset Mechliniam, ortum bellum Brabanticum. Emit autem de Adulpho Episcopo Leodiensi & Reginaldo Comite Geldrie qui tum conjunctim id oppidi possidebant. Brabantie Dux Ioannes obstitit, quò minus Mechliniani in verba Ludovici jurarent. Brabanto Ludovicus bellum indixit. V Vilhelmus Hannonius alijque Ludovico auxiliares venerunt. Flandri tandem victi, atque ad centum & quinquaginta (si verus est Scriptor Brabantinus) ducti Bruxellam captivi. Post hæc Philippus Gallorum Rex per tria matrimonia bello terminum imposuit. Filia Brabantii Margareta Ludovico Flandro trium annorum puero, Ioanna V Vilhelmo Hollando, Maria Reginaldo Geldrio promissæ sunt.





Quæ fuerit mea vita, mei quis terminus ævi,  
 Ut taceam, pro me fama loquetur anus.  
 Illic Hesperius mea prælia narret Iberus,  
 Hic victum Turcam, me duce, vidit Eos.  
 Quid Traiectinos pacem veniamque petentes,  
 Quid<sup>a</sup> Normanne tuas commemorem inducias?  
 Omnibus his gestis<sup>b</sup> Staveræ cado: nunc mihi Mavors  
 Restituit vitam, qui dedit antè necem.

a Ioannes  
 Dux Nor-  
 mannia.

b A Frisiis  
 captus.



HISTORIA.  
 GVLIELMVS QVARTVS,  
 COMES XXIII.

83

Gvlielmus accepto à patre Comitatu, statim cum delecta  
 armatorum manu in Hispaniam transgressus, vi Regem  
 assidua cum Turcis Saracenisq. bella gerentem auxilij adju-  
 varet, pugnando objectandoque se periculis in tantâ brevi cla-  
 ritudinē evasit, vt Hispanis acquē ac militi suo gratissimus ef-  
 fect. Postea reversus in Hollandiā, Traiectū oppugnare ador-  
 tus, Nobilium (quos apud se habebat) rogatu, civibus has bre-  
 ves, & dumtaxat paucorum mensium pacis redimendæ con-  
 ditiones dedit: Vt nudatis plantis adaperitisq. capitibus egressi  
 quingenti ad Comitis pedes humiliter prostrati veniā posce-  
 rent, Quod quum ita factum esset, movit inde in Frisias; vbi  
 dum nimia cupiditate propagandi fines imperij incautius di-  
 micat, ad Staveram occiditur.

*Gulielmi in  
 Saracenos  
 expeatio.*

*Reditus  
 Gulielmi in  
 patriam.*

*Traiecti-  
 ses oppu.*

*gnati, qui-  
 bus & ve-*

*nia data*

*supplicibus.*

*Gulielmus*

*in Frisia*

*perijt 26*

*Septemb.*

*1345.*

*An. 1339.*

*Ex Meieri Annal. lib XII.*

Ioannes Hannonius Eduardo III Regi Angliæ, qui Gal-  
 liam sibi deberi aiebat, adversus Gallos militavit anno 1339,  
 & Gnisiā cremavit, quamvis in illa esset filia ejus Ioanna  
 Ludovica nupta Blefensi. Galli terrā Simacensem, quæ Ioan-  
 nis Hannonij erat, diripiunt & incendunt Cameracenses item  
 in Hannoniam cum Gallis incurrentes Asperam & Mona-  
 sterium Divi Vedasti depopulantur & funditus comburunt.  
 His rebus irritatus Hannoniæ Comes Gulielmus, cum Ioan-  
 ne Hannonio & Comite Falcobergensi Aubentum in Teria-  
 scia aggressus est. Adjunxerat ad id bellum Ludovicum Cæsa-  
 rem sibi Eduardus, estque ab illo vicarius Imperij constitutus  
 in Conventu Francofordiæ anno 1338 quo nomine Hol-  
 landiam, Geldriam, Iuliacum, Agrippinam Coloniam, Bra-  
 bantiam, Hannoniamque sibi adjunxit. Sed Philippus Rex

1 2

vafio



vafro vſus conſilio foedus ſocietatemque hanc armorum interturbat.

Erat Cæſari vxor Margareta Gulielmi III. Comitiss Hannoniæ & Hollandiæ filia, ſoror quidem Philippæ Regi-næ Angliæ, quæ jam vidua Comite Gulielmo III velum ſumpſerat religionis, Fontanellæ in Cameraceniſibus.

Per hanc Margaretam Auguſtam, atque Oratores pecuni-amque ad eam miſſam perfecit Gallus, vt amicitiam quam-vis ſimulatam cum Cæſare fabricaret. Tum per totam Gal-liam Ludovicus magno honore Imperator Auguſtus, ſimul Margareta vxor Auguſta appellata. Octoginta milia aureo-rum dederat Anglus Cæſari, duplum daturus ſi contra Gal-lum pugnaturus deſcenderet: ſed illum argenteæ Gallorum haſtæ averterunt, promittente Philippo Rege ſe pacem & concordiam perpetuam conciliaturum inter Pontificem Ma-ximum & Cæſarem; quod quidem non modò non fecit, ve-rum etiam per omnem vitam clam operam dedit, ne vnquã Cæſar quo ictus erat fulmine à Pontifice liberaretur &c.

Gulielmus Comes Hannoniæ, Hollandiæ, & Zelandiæ Traiectum obſedit, ac redegit in poteſtatem. Sed proſectus mox contra Friſios, victus eſt ab illis juxta Staveram & inter-fectus die xxvi Septembris. Quam quidem mortem præ-dictam illi tradunt ab Comite Geldriæ Reginaldo, dum a ſa-cris eum levaret fontibus. Succellit in Principatus ejus Mar-gareta ſoror ejus Auguſta, vxor Ludovici Imperatoris, illiſ-que filium ſuum Gulielmum ſtatim præfecit.





*Successi caeso fratri tunc<sup>a</sup> Caesaris uxor,  
 Sed mox (heu!) tanti conjugis orba thoro.  
 O vicina nimis, nimis aspera fata duorum!  
 O si traxisset me quoque mors comitem!  
 Non ego vidissem<sup>b</sup> natum mihi bella moventem,  
 Infelix hostem quæ genui ipsa mihi.  
 Sceptra tamen tenui: nunc hac requiesco sub vîna.  
 Exemplo spernat foemina regna meo.*

*a Ludovicus  
 Bavariensis  
 natus 1111.  
 Imp. &c.*

*b Gulielmum, cui  
 Furiosi co-  
 gnomen  
 adhuc sit.*

MAR-



ICONES COMITVM ET  
MARGARETA AVGVSTA,  
COMES XXIV.

a Nullam  
enim prole  
Gulielmus  
ex uxore  
sua Ioanna  
susceperat.  
b Eius no-  
minis IV.  
CAN. 1324  
Colonia  
Agrippina  
celebratis  
nuptiis,  
Frisiorum  
bona publi-  
cè vendita.  
Traiecten-  
sibus indu-  
cia data.  
d Hec Mar-  
gareta post  
defuncta  
sepelitur  
Valencenis.

Successit huic soror<sup>a</sup> Margareta, <sup>b</sup> Ludovici Romanorum Imperatoris <sup>c</sup> conjunx; quæ exquisitissimo apparatu in Hollandiam descendens, filio suo Gulielmo hac conditione tradidit eam gubernandam: Ut quotannis ille matri cer- tam pecuniæ quantitatem dependeret. Quæ Frisij per id tem- pus habebant bona in Hollandia, ut fratris Gulielmi cædem vlcisceretur, Margareta publicè vendidit. Traiectensibus ali- quot mensium induciæ datæ. His rebus transactis, rediit in Bavariam Ludovici conjunx. Nec interea Traiectenses quie- verunt, exacto induciarum tempore, præter omnium exspe- ctationē, cum exercitu Hollandiam ingressi. Sed hic tumultus statim compressus. Post hæc reversæ ex Bavaria<sup>d</sup> matri Margaretæ Gulielmus Comitatum restituit. Quam rerum mutationem excepit bellum, quod cum Traiectensibus Hollandi feliciter gessere.

*Ex Meieri Annal. lib. XII.*

An. 1345 XIV. Octobr. Philippa Regina Angliæ cum sorore sua Margareta Augusta per portam Butyricam intravit oppidum Hyprense, introduxitque secum multos exules, perinde ac si Princeps ipsa fuisset Flandrica. Quæ quidem duæ Heroinæ die XVII. Octob. discesserunt, atque altera mare repetiit, altera verò Hannoniam; erant enim germanæ Comitis Hannoniæ in Frisia juxta Staveram desiderati.

*Ex Eiusdem lib. XIII.*

An. 1347. Imperator Ludovicus sentiens se hausisse venenum mor- tiferum, quum vomere nequiret, venationis exercitio fran- gere



gere malum conatur; at tanta vis erat toxici, ut omne remedium superaret. Inter venandum paralyti percussus, cecidit de equo in terram, nec ita multo post expiravit v Idus Octobris, postquam annos imperasset xxxij. Successit Karolus Rex Bohemiae filius Ioannis. Venenum hoc datum illi suspicatur ab Ioanna vidua Ducis Austriae.

Harlem Hollandiae oppidum combustum ferme totum. *An. 1347.*

In Hollandia duae ortae pestiferae factiones *Houc* & *Cabeliau*. *An. 1350.*  
*Houc* hamus est, *Cabeliau* trisyllabon piscem asellum sonat, qui hamo capi solet. Et revera miseri erant aselli, qui tam stultas & insanas excitaverunt factiones. Dissidium grande tunc erat inter Gulielmum Comitem & matrem ejus Margaretam Augustam viduam Imperatoris Ludovici, de possessione Hollandiae. Pars Nobilitatis quae Cabeliauci vocabantur filio, Houci vero matri adhærebant. Factio ea calamitosa imprimis terræ illi erat.

Zelandia Hollandiaque gravibus bellis quatiuntur, & i v, *An. 1358.*  
 Julij pugna navalis in amne Mosa inter matrem & filium, qui Hollandiam Zelandiamque cum Hannonia vel viva matre sibi vendicabat. Hic Costus Renessius, Florentius Hamsteda, multiq. alij Nobiles, & numerosum sine nomine vulgus, Angli nem auxilio missi intereunt. Victa Augusta, in Angliam ad sororem Reginam fugit. Re dehinc utcumque pacificata, Hannoniam sibi Augusta in vita retinet.

Ludovicus Malecanus Comes Flandriae per Gulielmum ab *An. 1358.*  
*Reingersvliet*, magnum praetorem suum Alostensem marmis injecit ditioni Flobecensi, amorisque praefectis Comitibus Hannoniae suos in illorum loco constituit, sibi que eam terram asseruit.

Lessinae pax facta inter Ludovicum & Margaretam Augustam, Comitem tunc Hannoniae, de controversia & discordia Flobecensi & Lessiniensi, hunc in modum: Ut Margareta Flobecam Lessiniamque possideat in fide ac clientela Comitibus *An. 1353.*



mitis Flandria, præstet fidem Hannoniensi, sed vt cognoscat tamen Comes Flandria de causa & offensa Domini de Aubiella. Item vt Comes Flandria præstet fidem Hannoniensi de Blatonio & Tigniaco, & eorū appendicibus. Actum XIII Aprilis, præsentibus Ioanne Episcopo Tornacensi, Domino Pratenfi, Domino Pouckensi, Domino Maldegghemensi, Domino de Reingersvliet, Domino Ludovico vandē V Valle Equite, Domino Malino ab Niepa Cancellario Flandria, Testardo à VVoestina, cum aliis pluribus. Nomine autem Dominae Hannoniensis præsentibus erant Ioannes Hannoniensis, & Domini Balliolanus, Morianus, Haymedius, Bossutus, talesque alij.

An. 1354. Per hæc tempora (vt in Crantzii legimus Saxonia) mercatores Orientales ex Flandria demigraverunt, sed statim tamen reducti fuere. Addam Alberti verba, (non enim alium Auctorem habeo:) Hoc illud est tempus (inquit) quo tristis ubique regnabat Erynnis. Nam & mercatores Orientales Brugis in Flandria residere consueti, propter quasdam tum exortas inter se & oppidanos causas, populariter emigrarunt, in Dordracum Hollandia se conferentes. Sed Flandrenses in urbem Lubecam misere Oratores, & causa ad plenum liquida complanataq; per quosdā in Flandriam remissos de Lubica deque Turriano Prussia vrbe totius nationis Oratores in Flandriam sunt reducti mercatores, Hæc ille.

An. 1355. Obiit Margareta Augusta Comes Hannonia pridie Kal. Octobris, estque Valentianis sepulta.

Natus





*Natus ego Augusto Batavorum sanguine, Princeps  
Post matrem Batavis Hannonisque fui.*

*Omnibus his videor felix potuisse videri,  
Imperi nisi me precipitasset amor.*

*Hinc mihi prima<sup>a</sup> mali labes, hinc cetera nata,  
Quæ taceo facti conscius ipse mei.*

*Tu pia posteritas, quoniam mihi vita negata est,  
Æterna hæc mecum morte sepulta finas.*

m

GV-

a Insaniæ.



*Incurſio  
facta in  
agrum Tra-  
iectenſium.*

*Harlemi  
incendium*

*Gulielmi  
morbus.*

*a In qua  
mortuus eſt  
An. 1379*

Gulielmus, defuncta matre, inivit Hollandiæ administra-  
tionem. Hic Princeps Traiectenſium agros ingreſſus,  
omnia circa urbem hoſtiliter populari adortus eſt. Qua re  
irritatus Antistes, cum ingenti exercitu haud multò poſt in-  
greſſus Hollandiam oppida duo capta incendit. Gulielmi  
huius principatu, bona pars urbis Harlemenſis deſlagravit.  
Sed nec hoc quidem ſaris conſtat, vnde tam ingens ſit ortum  
incendium. Gulielmus exacto in Principatu ſeptennio inci-  
dit in phrenesi; quo morbo implicitus, hominem Nobilem  
etiam cum ſua manu occidiſſet, vinctus in a cuſtodiam datur.  
Commentarij habent, huic viro clariffimis orto natalibus  
nomen fuiſſe Gerardi de V Vateringen.

*Ex Meieri Annal. lib. XI II.*

An. 1358. Menſe Aprili Feriis Divi Georgij Gulielmus Bavarus Co-  
mes Hannoniæ & Hollandiæ phrenesi & amentiam incur-  
rit, ita vt claudi ac ſervari per totam reliquam uitam deberet,  
eoque ſtatu perſeveravit per annos a xxx, ad ultimum vſque  
vita diem. Ultio diuina fuiſſe putatur, propterea quod tam  
aſper, durus ac rebellis fuiſſet matri ſuæ Margaretæ Auguſtæ.  
Magnum exemplū pro reverentia, obſervantiaque parenū.

An. 1366. Renatum bellum, prædeque ac latrocinia cum grandi mer-  
catorum præcipuè diſpendio Flandros inter & Hannonios.  
Caſſam ex eo natam lego, quod Ioannem Angienſem Lu-  
dovici Maleani Flandriæ Comitis cognatum Albertus Bava-  
rus Procurator Hannoniæ capite truncaviſſet apud Quercetum  
Hannoniæ, ultima hebdomade ſejuniorum in coena Domi-  
ni, ob levem (vt referunt) cauſam, poſtquam accepta fide eò  
ad Albertum fuiſſet profectus. Sed hiftoriam huius rei ſatis  
certam



certam non habeo. Caterum pacificatum tandem lego, eademque Angiani ab Alberto maxima pecunia expiatam ac redemptam. Hollandi tradunt Angianum sui vindicem habuisse sex fortissimos fratres.

Hoc anno (inquit Scriptor Hollandiæ) mortua sunt Trajecti undecim millia hominū. Et in Flandria incruduit item pestilentia lues mense imprimis Novembri.

Moritur Philippa Hannonia Regina Angliæ antiquæ pietatis femina magnisque laudibus digna xix Kal. Augusti, pridie Feriarum assumptæ Deiparæ.

Trajecti in Frisia grande incendium, nocte Divi Odulphi, qui postridiè Barnabæ Apostoli suas habet Ferias.

Moritur Gulielmus Comes Hannoniæ, successore fratre ejus Alberto.





*Belgica post mortem fratris moderamina gessi  
 Illorum imperio dignus, ut illa meo.  
 Mox etiam spoliis firmaui & Marte secundo,  
 Depopulatus agros, Gelria victa, tuos.  
 Quid Frisia gentem me ter victore subactam,  
 Auspiciis referam quid data jura meis?  
 Post tot bella necem si quæris, desipis, Hospes.  
 Nam mea me virtus eripuit tumulo.*



## ALBERTVS I. BAVARVS,

COMES XXVI.

**R**efuscitata deinde contentio; his vt phrenetici Comit̃s  
 a vxor, aliis vt Gulielmi ex utroque parente frater Adel-  
 bertus succederet, adnitenibus: vicit, quod rarum est, melior  
 pars maiorem, & missi qui euestigio Adelbertum, qui tunc  
 aberat in Bavaria, adirent: rogarentq. vt quando frater men-  
 tis compos esse desisset, ipse descenderet administraturus  
 Rempublicam. Audita legatione Adelbertus in Hollandiam  
 transgressus, à suis officiosissimè excipitur. Postea Delfen-  
 ses obsedit, injuriam sibi illatam vindicaturus: Nam mu-  
 nimenta & arces aliquot Principis Alberti incenderant, &  
 item in Haga Comit̃s absente Alberto effractis custodiis  
 eduxêre quosdam è suis, qui antea fuerant Alberti jussu  
 in vincula coniecti. Nihil tamen hostile fecit, illis veniam  
 suppliciter petentibus; muri tamen diruti sunt, ne dein-  
 cept vnquam rebellarent. Egressus inde Comes in Geldri-  
 am, prædæ & populationis omnia complevit. Ab ea expedi-  
 tione brevi in Galliam ad Carolum Regem est profectus  
 Auctores, quos sequimur, causam profectionis huius non tra-  
 dunt. Sunt & Frisones ab eo sæpius vexati. Præfuit<sup>b</sup> Hollan-  
 diæ annis sex & quadraginta. Apud Hagam Comit̃s magni-  
 ficè sepultus. Paulò antè obitum huius Principis tanta oborta  
 est in Hollandia ventorum tempestas, vt maxima hominum  
 strage multæ domus corruerint.

a Hac ap-  
 pellata est  
 Mechteldis,  
 quæ idcirco  
 post mortē  
 Gulielmi  
 non est ad-  
 mota gu-  
 bernaculis,  
 quod nullā  
 illi prolem  
 peperisset.  
 Delfenses  
 obsessi.

Delfensium  
 diruti mu-  
 ri.

In Geldriā  
 eductus  
 exercitus.

Quinto Idus Aprilis Ioannes filius Philippi Audacis Du-  
 cis Burgundiæ vxorem ducit Margaretam filiam Alberti Ba-  
 vari Comit̃s Hannoniæ, Hollandiæ & Zelandiæ. Simul Gu-  
 lielmus filius Bavari ducit vxorem Margaretam filiam Phi-  
 lippi Audacis. Hæ nuptiæ apud Cameracum maxima Nobi-  
 litatis frequentia celebrantur. Dotem dedit vterque pater. fi-  
 ni 3. lia suæ



lia suæ centum milia Francorum. Et sponsi honoribus magnis aucti. Ioannes Comes Nivernensis, Gulielmus creatus Comes Ostervandiæ. His nuptiis qui interfuerunt rem vitu-  
raram viderunt duas sponfas Margaretas, duasque earum  
sponsarum matres Margaretas.

Gulielmus Ostervandius novellus Philippi Ducis gener per Hannoniam & Hollandiam militem legit, ut focero & Nobilitati Flandricæ veniat suppetias aduersus Gandenses, cuius præcursor Giselbertus Gruter Traiectensis cum sele-  
ctissima Hollandorum manu ad Hansdicam applicat, ca-  
disque & incendiis quatuor Officia aggreditur; sed ducibus Simone Parisio Præfecto Moeræ ac Richardo Terlinck Præ-  
fecto Perbomensis Gandenses resistunt, pugnaque conferta Gruterum cum filio omnibusq. Hollandis fundunt & occi-  
dunt, ut Brando refert Dunensis.

Gandenses iunctis sibi Anglorum auxiliis Bisfletum mo-  
vent, quod terra marique obsident ac fortiter oppugnant.  
Tenebat hoc oppidum Ludovicus Aza Flandrensis neptus  
Ludovici Maleani, vir bello præstantissimus, cui & auxilio  
venit Ostervandius Audacis gener cum Hollandis. Hi ita op-  
pidum defenderunt, ut Gandensibus nihil spei loci potiundi  
relinquerent.

*An. 1381.* Carolus v. Rex Galliarum in obsidione Dammi Ostervan-  
dium Equestri donat dignitate.

*An. 1390.* Anno 1390 Mense Maio Ioannes Bavarus novellus Epi-  
scopus Tungrorum cum patre Alberto Bavaro ac germano  
suo Gulielmo Comite Ostervandiæ magna ambitione Leo-  
dium ingreditur cum mille equis.

Ostervandius cum Comite Fani-Pauli Valeriano Lutze-  
burgenfi Richardi Regis Angliæ genero in Angliam trans-  
mittit ad Ludos Equestres, ibique ordinem divi Georgij acci-  
pit à Rege. Qua in re parentes suos ac Regem graviter offen-  
dit; sed ignorantiam suam excusavit, paceque per Philipprum  
facta



facta fidem Carolo Regi praestitit nomine Ostervanti.

Apud Cameracum per Comites Fani-Pauli & Ostervandiae Equestres decursiones magna superbia factae. *An. 1391.*

In civitate Traiectensi (Frisiae puto) Iacobus à Iuliaco Franciscanus Pseudo-Episcopus, postquam decem per annos Sacramenta in Episcopatu administrasset, exutus sacerdotio decollatur. *An. 1392.*

Ostervandius Aleydam patris sui concubinam occidendam curavit; unde magna perturbatio exorta: sed duxit uxorem Albertus filiam Ducis Cliviensis, paxque per illam facta est. *An. 1392.*

Albertus Bavarus filium suum Ostervandium ab expeditione soceri in Turcas distinuit, arbitratus non pietate, non amore religionis Gallos moveri, sed humanam vanamque gloriam solum spectare, non dubium esse, quin ob mores ipsorum detestabiles & schisma Ecclesiae omnia illis male essent cessura. Et utinam non nimis vera haec Bavari fuisset censura. Igitur Bavarus cum filio bellum eodem anno potenter movit Frisiis Orientalibus nunquam satis pacatae genti, Hanonios, Hollandos, Zelandos, & Ostervandos armavit. Auxilia magna ex Galliis accepit, quorum erant duces Valerianus Comes Fani pauli, & Carolus Alebritus. Ex Germania item & Anglia multi illi aderant. Naves habuit ea in expeditione penè innumeras. Erat tum apud Frisios Dux longè nobilissimus Ivo nomine, vir bello egregius & prudens consilio, qui in Prussia & Hungaria res magnas contra Turcas gesserat. Hic suavit Frisiis, ut custoditis Arcibus suis, hostes in agros dispergi sinerent, futurum brevi ut absque graui incommodo reverterentur, quod terra aquosa magnisque fossis interscissa tanto exercitui alendo non esset. Sanum quidem consilium, sed à Frisiis tamen repudiatum, qui sumptis crucibus & vexillis templorum suorum ad triginta milia virorum obviam hostibus prodeunt in tres acies distributi. Sub Kal. Septembres commisso praelio Frisij quamvis egregiè pugnantes victi sunt, *An. 1399.*  
multaque



multaque eorum Nobilitas in Hollandiam captiva deportata. Cecidit autem clarissimus Dux Ivo non absque Christiani nominis gravi damno. Gulielmus Cruenbeigius Hollandus cum filiis Ioanne & Henrico maximam hinc virtutem praestitisse traditur. Victores Hannonienses Encusam redeunt. Facti Ludi Equestrium certaminum apud Castrilocum Metropolim Hannoniae.

*An. 1398.* Gulielmus Ostervandius ducit rursus exercitum in Frisios: Staveram oppidum capit, Frisiamque totam imperata facere cogit.

*An. 1399.* Groningam grande oppidum Frisiae Albertus Bavariae Dux, Comes Hollandiae subegit.

*An. 1400.* Victi ab Hollandis & eorum sociis rursus Frisij.

*An. 1400.* Obiit sine liberis Catharina vxor Gulielmi Ducis Geldriae filia Alberti Bavari Comitis Hollandiae, &c.

*An. 1401.* Geldrius obiit sine liberis x i i i i Kal. Martias, tumultus cum Catharina vxore apud Monachusam. Successit illi in Iuliacum, Geldriam, & Zutphaniam Reinoldus Quartus frater eius.

*An. 1403.* In mari Hollandico tum admodum procelloso & alto capta mulier marina nuda & muta portata in oppidum Edam, & inde Harlem; vestita est, didicitque edere panem & lactaria, & vixit annis multis semper muta; didicit item nere, & honorem exhibuit S. Cruci quamvis muta.

*An. 1404.* Comes Hollandiae per hebdomadas duodecim oppidum Goricum obsidet.

*An. 1404.* Mense Iunio Hollandiae & Zelandiae naves conductae ab Anglis classi Anglicanae magnae ac forti conjunctae sunt, & Cassantum Insulam Flandriae praedae cupidine invadunt, partemque illius incendunt ac diripiunt. Ea propter omnia bona Hollandorum & Zelandorum Margareta in Flandris distinuit, sed pax brevi intervenit.

*An. 1404.* Mense Decembri moritur Albertus Bavarus filius Ludovici



vici Imperatoris, sepultus apud Hagam Hollandiæ, relictis  
liberis Gulielmo Ostervandio omnium opum hærede, Ioan-  
ne sine pietate Episcopo Tungrorum, & Margareta conjuge  
Ducis Burgundiæ.

*De monstro marino, cujus Meierus meminit, ita Junius  
Bataviæ cap. XVII. pag. 304. & sequentibus.*

In Annalium nostrorum monumentis proditam inve- A. 1403.  
nio rem, quæ mihi difficilis ad fidem visa est, circiter annum  
à natali ortu Christi tertium supra millesimum quadringen-  
tesimum, monstrum quoddam marinum, mulieris specie,  
viridi musco turpe, & vndique squalens, atrocissimæ tempe-  
statis vi è mari Oceano in sinum Batavicum, qui Australis  
maris agnomine notior est, compulsum, & in Lacum Purme-  
rum (quem perrupti aggeres cum prædicto sinu confuderant)  
ejectum fuisse; in quo dum variis erroribus agitur, post repa-  
ratos statim à tempestate aggeres, ut solent, priusquam pro-  
funda voragine ima aggerum fundamenta exedantur, virgi-  
nes quæ bis quotidie cum mulcralibus vltro citroq. in prata  
commear, ut vaccarum vbera mulgendo siccent, monstrum  
istud conspicatæ fuerunt. Neque parum attonitæ principio  
ob novam & inusitatam speciem, in spectri modum, mox  
confirmatis animis erectiores, ac mutuas conjunctasque in-  
ter se operas pactæ, circumseptum lenunculis & scaphis suis,  
ne qua effugium pateret, oppresserunt; captumque Edamum,  
quod oppidum Lacui quoque adjacet, pertraxerunt: ubi cibis  
hominum more assuefactum vesci cœpit, sono peregrino ac  
suspicioso potius, quàm vlllo articulati sermonis commercio  
& usu, qui piscium toti generi negatus est, manifestum. Cu-  
jus miraculi fama quum multos mortales visendi gratia ex-  
civisset, quæ longè lateque emanarat, Senatus Harlemensis  
missâ eò legatione monstrum sibi permiui flagitavit, ut lo-  
n quuntur



quuntur Annales, neque repulsam tulit. Quod plures annos, postquam eò adductum fuerat, vitam exegisse illic, atque inter foemineos coetus pensa etiam traxisse, & coemiterij honorem, postquam vitam exuerat, assecutum ob exhibitam Crucis imagini reverentiam, memoratur. Quæ omnia ut neque firmiter asseverare, ita neque refellere omninò est animus, tum ob eam quæ debetur publicis Annalibus fidem, tum quòd recentior esse videatur, quam cui me opponam, memoria, à mulierculis de manu, quòd dicitur, in manum tradita. Dicam tamen illud fabulæ vicinius non probari mihi, quòd fila deduxerit, quasi manus in articulos humano more distinctas discretasque habuerit: sed fidei periculum auctori relinquo. Equidem religione quadam deterreor, ne à vetustatis exemplis discedam, quæ sancta illa testimoniorum fide non carent, inter quæ constat non omninò fictum & commentitium esse, aut in poëtica corte natum sermonem de Nereidibus (quarum è genere fuisse illam, de qua modò sum còmentus, nihil ambigo:) quarum non exiguum numerum apparuisse olim in Gallico littore, D. Augusto legatus illius perscripserat. Eam certè de Nereidibus opinionem haud falsam fuisse testatur Plinius, corpus vniversum squamis hispidum, etiam qua humanam speciem referunt, illis tribuens; quarum in morte tristem <sup>a</sup> gannitum, sive (ut manuscriptus codex habet) cantum, ab accolis longè auditum commemorat. Taceo quæ de Tritone concham inflante, deque homine marino ex legatorum (quos ob id solùm Olyssipponenses ad Tiberium Principem miserant) & ex equestri ordinis virorum illustri fide idem scriptor refert. Quid, quòd apud pagum, cui ab aquæ fuscèdine Svartevvale nomen est, ab oppido nobili Briela tribus fèrmè passuum millibus distantem, visatur huiusmodi æquorei monstri sceletos in Æde media suspensa? Venio ad recentiora & quæ ætati nostra potuerunt esse cognita documenta, in quibus lego in extrema Scandinauia,

<sup>a</sup> Forse  
gemitum  
in Plinio  
legendum.



navia, qua Codanus sinus finitur, apud Ellebogium oppidum Hafniæ Regni Danici metropoli è regione oppositum, monstrum æquoreum monachi formam exprimens ad vnguem, glabro capite, rusticana facie, involucro humerario cuculli speciem adumbrante, in litus illud immanis procellæ vi expulsum fuisse, mutum, sermonis usu defectum, ut cætera marina omnia, lamentis tantum ac suspiriis altioribus perstrepuisse, nec ultra triduum vitam extraxisse, cujus simulachrum expressum ad Carolum V. Imp. tunc in Hispaniis agentem, à Rege Danico missum, manuque viri nobilis exhibitum constat. Alterum in ea Sarmatiæ parte, quam Poloniam vocamus, ad annum à parta humano generi salute millesimum quingentesimum tricesimum primum extitisse comperio, monstrum itidem marinum, quod Episcopi habitum infula mitraque egregiè mentiebatur, ad Regem Augustum deportatum. Hæc libuit prolixius commemorare, quod ista de Nereidibus (quas Mereminnas dicimus, ceu maris delicias nymphasque) opinio haud nupera sit, sed sæculis omnibus in hominum mentibus impressa fecerit.





*Si quis ades longis Hospes peregrinus ab oris,  
 Ni grave sit, paucis te volo, siste gradum.  
 Hic iacet (heu!) Bavara Gulielmus gloria gentis,  
 Nec bello proavis, nec pietate minor.  
 Geldria quem timuit, Leodinaque moenia bello  
 Aspera, dum pulso praelia<sup>a</sup> fratre movent.  
 His gestis moritur: nunc hac jacet<sup>b</sup> Æde sepultus.  
 At tu facta memor respice non tumultum.*

*a Ioanne  
 Bavaro  
 Leodiensi  
 Electro, &c.  
 b Fratrum  
 Franciscanorum,  
 Valentianorum*



## GVLIELMVS VI. BAVARVS,

COMES XXVI.

Patri Adelberto Gulielmus filius substituitur; qui Geldri- *Gulielmus*  
 am semel & iterum tumultuosè ingressus, foedè eam po- *bis eduxit*  
 pulatus est. sed mutatis rebus tantus hic fuit postea Reinaldi *in Geldros.*  
 Geldriae Ducis amicus, quantus antea fuerat hostis. Biennio  
 post Frisones Hollandia agrum, vt saepe alias, hostiliter inva-  
 serunt: cuius ultionem injuriæ Gulielmus majoribus curis  
 tunc occupatus in aliud tempus distulit. Hicidem Conventu *Conventus*  
 indicto, ad quem multi Hollandia Principes sunt profecti, *indictus fuit*  
 egit in eo de surroganda sibi post mortem vnica filia; quod *per institu-*  
 quum omnibus placuisset, statim confecti sunt super ea re *enda hæc*  
 publicæ literæ. Eodem anno Comes in morbum incidit, quo *de filia*  
 indies magis invalescente accersi jubet sacerdotem, cui de *unica.*  
 contractis tota vita noxiis Christiano ritu confiteretur. Post  
 hæc ille, quum paucillum temporis supervixisset, a fato est *a Pridis*  
 functus anno suæ gubernationis tertio decimo. *Kal. Iun.*  
*an. 1417.*

*Ex Meieri Annal. lib. xv.*

Leodienses Ioannem Bavarum Gulielmi Comitis Han- *An. 1406.*  
 nonia fratrem, qui tum nomen titulumque tenebat apud il-  
 los Episcopi, finibus suis hostiliter eiecerunt, propterea quod  
 sacerdos fieri recusaret, quamquam se fore sacerdotē sapius  
 illis promiserat. Ingens hæc discordia erat, ac bellum cruen-  
 tum inde secutum, magnaue gentis calamitas: quam hor-  
 rendæ prodigia, cometes, motus telluris, & insueta Mosæ flu-  
 minis inundatio præmonstrasse traduntur. Nisi præcedant  
 delicta, non sequuntur flagella. Post expulsam Ioannem, no-  
 vum sibi statuerat Episcopum Theodericum a Parvvis, &c.

Pulsus Episcopus ille Leodio Traiectum Mosæ fugit ami- *An. 1408.*  
 cum sibi oppidum. Hic obsident & arctè circumcludunt eum



a Per totos  
quatuor  
menses.

Leodienses a longo tempore, ducem habentes Henricū Parvissum virum nobilem, novelli Episcopi Theoderici patrē.

Gulielmus Comes Hannoniæ germanus Episcopi omnē suam cognationem ad hoc bellum sollicitat. Ioannes Dux Burgundiæ opem illi promittit, pacta conditione, ut si fortē capi ipsum cōtingat, ab Hannonio liberetur, eamque ob rem Hannoniam Gulielmus illi oppignerat. Omnes populos suos Burgundio armat.

Tornaci Dux cum omni nobilitate ac ducibus consilium communicat. Angiam inde petit, & ripam fluminis Sabis, ubi Florinas, Fossas, omniaque oppida & castella ad fluvium illū prostermit & incendit, nemini parcat.

Et jam Burgundio cum copiis suis omnibus per Saxeam eam, quam Brunichildis vocāt, pervenit, usque ad fines Tungrorum. Leodienses certiores facti de hostium suorum adventu, obsidionem Traiectensem relinquunt, ac mox cum quinquaginta millibus pugnatorum movent contra inimicos, & XXI. Septemb. frustra dehortante Parvissio, congressi infelicitē. Occisorum fuisse viginti octo millia tradit Monstreletus, quidam autem plus, alij minus. Cæsi inter alios Parvissius cum Episcopo Theoderico, & filius Comitis Salinensis in Arduenna.

Postridie venit Traiecto Ioannes Episcopus in castra, germano sororioque ducibus multiplices actum gratias, caputque Parvissij hastæ præfixum, & toti exercitui ostensum mittit Traiectum, perinde ac pro Trophæo statuere vellet suæ victoriæ.

Hic Parvissius Ioannem Horionem & filium ejus Gulielmum & claros aliquot alios viros injustē decollarat: Sarcinium, id est, Fanum Trudonis super rivum Cifindriam Episcopo fidele vi ceperat; auctor præcipuus totius motus Leodij.

Eburones graviter multati, datis obsidibus pacem inveniunt: Ioannem suum sine pietate recipiunt, pacemque & qui



quietem servare compelluntur, &c.

Controversiam Burgundio componit inter Brabantum *An. 1409.*  
& Hannonium; qui Brabanto, arbitrio Burgundionis, solvit  
septuaginta milia Scutorum veterum, debita Ioannæ Bra-  
bantinæ vxori quondam Gulielmi Comitis Hollandiæ, ra-  
tione dotis profectitiæ.

Hollandus & ejus frater Episcopus Burgundionem secuti *An. 1411.*  
in Armeniacos.

Rex ad Terrascliam & Augustam venit Veromanduorum: *An. 1414.*  
Eo concedit Princeps Hannoniæ Margareta cum ducentis e-  
quis, vt oret pro pace. Erat enim soror Burgundionis. Sed cō-  
jurati pacem impediunt. Pridie Kal. Iunias Peronā ad Regem  
Burgundio mittit rursus pro pace sororem suam Margaretam  
& Antonium germanum suum Brabantia Ducem vnā cum  
Legatis trium membrorum Flandriæ. At conjurati Regem  
habentes in potestate, illiusque abutentes nomine & aucto-  
ritate, perturbant omnia, concordiam rejiciunt; pœnas de  
Burgundione sumere dignas statuunt. Conventus rursus de  
pace apud Cameracum, vbi ex nostris & multi quidem alij,  
sed primarij Antonius Dux Brabantia & Margareta Hanno-  
niensis. Nulla pax convenire potuit, propterea quod conju-  
rati jam potentia superiores nimis multa peterent.

Tertio Kal. Septemb. accedunt Dux Brabantia & soror  
eius Margareta, Legatique civitatum Flandriæ jam quarto ad  
Regem, qui Atrebatum jam septem circiter hebdomadas ob-  
sidebat, pro pace, & pridie Nonas Septemb. concordia inven-  
ta est. Nam orta inter obsidentes dysenteria, quam homines  
non potuerunt, morbus pacem attulit. Confirmata fuit ea  
postmodū Lutetia Brabanto & Margareta, &c. presentibus.

Ludovicus Delphinus, Dux idem Aquitania, xv. Kal. Ia-  
nuarias gener Burgundionis suspecta morte moritur. Nam  
toxicum illi datum est fraude ac perfidia conjuratorum, debi-  
litandæ Burgundionis factioni cui; quum illius esset gener,  
semper



semper favebat: nec per omnia consiliis conjuratorum parebat. Eam ob mortem multos incessit luctus. Sepelitur Lutetia in principe Aede, hoc est, in Basilica Virginis matris. Iam Ioannes 111. Caroli v 1 Regis filius, qui in Hannonia apud socerum educabatur, novus Delphinus esse debuit, & missa Legatione ad Hannoniam evocatur; sed dubitabat formidabatque Hannonius deducere illum in Galliam. Idem enim imminere metuebat suo genero, quod jam acciderat genero Burgundionis. Nempe ut & hunc perfidia conjuratorum veneno necaret propter affinitatem Burgundionis, quum vxor huius Delphinus Iacoba ex sorore Burgundionis esset nata. Burgundio ad Hannoniam concedit, adsumpto secum defuncti fratris Antonij filio Philippo natu minore Fani Pauli & Ligniacci Comite. Multa ibi & varia consultatio super Ioanne Turonensi jam novo Delphino in Galliam deducendo. Tandem apud Birosfluctum finito colloquio, Hannonius secum generum suum in Hollandiam agro ac fugienti similis ducit.

An. 1416. Principio huius anni de pace Regum grande colloquium fit in Anglia apud Londonium, vbi tum erat Sigismundus Imperator. Eo cum magno comitatu proficiscitur Gulielmus Comes Hannonia pacis valde cupidus, & de Ioanne Delphino genero suo imprimis sollicitus. Eo quoque Burgundio missi Legatos centum. Sed omnia frustra,

Ioannes Delphinus (icto cum Burgundione Valentianis foedere) cum vxore per Augustam Veromanduorum, (dehortante licet Burgundione,) Compendium a socero deducitur. Socer autem Lutetiam Parisiorum profectus nihil praetermittit, quod ad extinguenda civilem toto Regno discordiam pertinere videretur. Quod si nulla ratione pax integra coire posset, testatur in frequenti Procerum coetu Delphinum in Hannoniam reducturum.

An. 1417. Inter continuas seditiones initium huius anni morte Delphini



phini foedatum est. Socer ejus Hannoniae Comes diu domi-  
penes se illum educarat, metuens semper periculū ab Aure-  
lianensium maleficiis. Nam quod prater unicam illam filiam  
liberos alios non haberet, in primisque cuperet sobolem ex  
ea nasci, procul ab omni tumultu & Gallica seditione domi-  
illum suū continuit. Nunc autem sublatis per scelus ambo-  
bus ejus fratribus Carolo & Ludovico, postquam jus solij illi  
obvenerat, diutius distinere non potuit; in mediam Galliam  
deducendus erat, tradendusque agnus in medium luporum.  
Burgundio non nisi cum exercitu justisque viribus ducendū  
censebat; Hannonius verò mitiore vir ingenio pacem ac con-  
cordiam Regni se compositurum sperabat. Eam in rem dum  
totus Lutetiae incumbit, commeabat vltro citroque junior  
Nobilitas Compendium ad Ioannem novum Delphinū,  
quo socer eum perduxerat, effeceruntque ut ipse cum suis æ-  
qualibus lusibus variis exerceretur. Interea socer ejus, dum  
pacis negotium agrè admodum procedit, protestatus est iam  
clam in frequenti consilio & cœtu Procœrum se Delphinum  
secum domum redacturum, nisi pax inter conjuratos & Bur-  
gundionem firma & rata coisset. Offensi libertate loquen-  
is conjurati, de distinendo & capiendo illo consilia agunt.  
Qua de re Hannonius factus certior, clam cum duobus tantū  
famulis ex urbe se proripit celeriter Compendium, mox re-  
curtus cum Delphino in Hannoniam: sed reperit illum  
lecto decumbentem ac graviter ægotantē, toto inflato cor-  
pore, oculis veluti sedibus suis emergentibus, atque ita toxico  
infectum refertumque ut occiduum dumtaxat superviveret.  
Mortuus est xiiii Kal. Maij, die Mercurij. Siquidem dum  
fortè cum Nobilibus æqualibus ludit pilam, quidam suber-  
natus ambabus manibus venenatis per collum ipsum ample-  
xus est, & mox ægotare infirmarique toto corpore cœpit.  
Quidam tamen torquem aureum inter ludendum tradunt  
illum induisse, quem torquem qui attulit dicebat missum  
muneri

An. 1417.



muni à matre ejus, in illoque fuisse venenum, quo mox correptus intra octiduum aut paullo amplius perierit. Quod constat, odio & perfidia conjuratorum necatus est, ideo quod foedus icerat cum Burgundione. Malebant enim omnem Regiam stirpem maleficiis extinguere, quam Burgundioni per foedus aliquod videre conjunctam. Ideoque spem suam ponentes in Carolo minimo natu Caroli VII filio, Praefectum jam Parisiorum crearent, atque in spem Regiae successionis servabant. Erat is ab omni affinitate Burgundionis alienus. Agebat Delphinus, dum moreretur, annum ætatis plus minus vigesimum. Sepultus est Compendij in Dominico Divi Cornelij Martyris, plorantibus inprimis Iacoba ejus vxore, ac parentibus illius Gulielmo & Margareta Comitibus Hannoniae. Apostema (inquit quidam) natum est illi ex toxico ad alteram aurem, quod intra corpus crepuit. Hoc ex casu tantum moeroris concepit Hannonius, ut & ipse statim moreretur. Obiit autem pridie Kal. Iunias, die Lunæ. Conditus Valentianis in Ædícula Fratrum Franciscanorum.

*20. 1417.*

*Praesul*





*Praesul Eburonum, Boiorum sanguine cretus,*

*a Fratris ab excessu totus in arma feror.*

*Non tanti Leodina mihi sacra mitra fuisset,*

*Sed fuerant tanti sceptrata Batava mihi.*

*Dordrechtum haud veritus, pulchrasque invadere Lei-*

*Et neptem regnis exspoliare suis. ( das,*

*Jamque exuta bonis petulans Jacoba fuisset,*

*Exutus vita ni prius ipse forem.*

*a Gulielmo  
Quarti.*

o 2

*Viderat*





a Philippus  
Burgundicus.

b Albertus  
Bavarius.

Viderat eximiam Mavors regnare Jacobam,  
 Quum secum, Hæccine, ait, scemina sceptrageret?  
 Haud ita: mox a patrum furibunda capeffere tela  
 Iussit, et hostili regna parare manu.  
 Postquam reddita pax, nova concitat arma Philippus,  
 Belli auctor factus, qui modò pacis erat.  
 Sic moritur: felix, si natus filius esset.  
 Crede mihi, hæc poterat gignere mater b avum.

IACOBUS



HISTORIA.  
IACOB A,  
COMES XXIX.

109

Iacoba post obitum patris gubernationi admota, quum au-  
divisset Ghoricum oppidum Hollandiæ à Gulielmo Arke-  
lenſi occupatum eſſe, juſſit conſeſtim eò cum expedita arma-  
torum manu occurrere VValravium Brèderodiorum Prin-  
cipem, vt repentino ſuorum adventu comprimeretur ille tu-  
multus; eſtque paulo poſt intra muros atrociter dimicatum,  
caſis vtrimque ducibus. Oppido ſic recepto, venit Hagam-  
Comitis Iacoba, nupſitque Ioanni Brabantia Duci. Interea  
Ioannes Bavaria Dux, Iacobæ patruus, impetrato ab Impera-  
tore Comitatu, quem iure ſibi deberi credebat quod Guliel-  
mus frater nullam virilis ſtirpis prolem reliquerat, magnos  
tota Hollandia motus excitavit. Hinc bellum inter eum &  
neptem orta. Plures etiam vrbes hoc metu à Iacoba defece-  
runt; quæ compoſita poſtea pace Ioanni ſunt relictae. inter  
quas fuit & Dordracum, vrbs hodie multum celebris. Manſit  
idem Ioannes per triennium Hollandicarum rerum Tutor.  
Quo temporis ſpatio plurima domi foriſque geſta, quæ Ca-  
talogum tantum non perpetuam Hiſtoriam ſcribenti mihi  
ſunt prætereunda. Inter Ioannem Ducem Brabantia & Iaco-  
bam eius conjugem orta poſtea iræ ita magna, vt brevi ſit in-  
de divortium ſubſequutum. Variis interea motibus agitari  
Hollandia; quæ, poſt defunctum Bavaria Principem & ſuum  
Tutorem, ſpreta Iacoba, Ioannem eius maritum Comitem aſ-  
ſumpſit. Hic brevi poſt, quum & Brabantia Dux eſſet, credo  
delectatus Lovanij Brabantia vrbs amœnitate, condidit in-  
ibi Gymnaſium, in quo liberales Artes publicè docerentur.  
Cæterum hæc Schola ſucceſſu temporis multum crevit, præ-  
cipuè acceſſione Collegij, in quo publicè tres linguæ doce-  
rentur Hebraica, Græca, Latina. Magnis impenſis inſtituit

*VValravii-  
us Brède-  
rodus.*

*Ghorici  
pugnatum  
intra mu-  
ros.*

*Iacobæ cum  
Ioanne  
Brabantia  
Duce nup-  
tia in Haga  
Comitis.*

*Divortium  
inter Iaco-  
bam & Io-  
annem Du-  
cem Bra-  
bantia.*

*Lovanienſe  
Gymnaſii  
conditum.  
Collegium  
trium lin-  
guarum  
Lovanij.*



hoc Collegium vir clarissimus Hieronymus Buflidius, Præpositus Arienſis, anno Salutis humanæ 1517. Iacobæ extremo vitæ tempore, quum poſt tot indecora connubia (nupſit enim Ioanne adhuc in humanis agente pluribus maritis) nullam haberet prolem, Philippo Burgundiæ Duci, materteræ ſuæ filio, Comitatum Hollandiæ per manus tradidit.

*Ex Meieri Annal. lib. xv.*

*An. 1517.* Defuncto Gulielmo Hannoniæ Hollandiæque Comite, frater ejus Ioannes Bavarus vigefimum octavum jam annū titulum gerens Episcopatus Tungrenſis, poſt tot maſtatas perditasque Chriſtianæ gregis oves, in Concilio Conſtantiensi Episcopatum & Diaconatum deponit, ducitque vxorem Eliſabetham Antonij Brabantini viduam Lutzenburgenſi Ducatu dotatam. Iacobam vero viduam Ioannis Delphini ſuam ex germano defuncto neptem ſpoliare Hollandia Zelandiaque nititur. Dordracum favore civium occupat, auxilioque Geldrorum, Egmondanorum, & Herculanorum oppidum Hollandiæ Gorichum nomine præcipua opera Gulielmi Herculani capit. Iacobæ autem ſtrenua mulier haud ſegniter agit, ſed Gorichum ſtatim obſidet. pugnatum eſt Kal. Decemb. Iacobæ egregiè vicit, mille circiter ex adverſariis interfecit, actotidem cepit. Interfecti Gulielmus Herculanus, Otho Burenſis, & Peterſomius. Capti Nobiles Comes Verrenburgenſis, Comes Vburgenſis, Alardus Burenſis, Arnoldus Egmondanus, Ioannes Heterius, Henricus Homotius, Theodericus Lindenſis, Gulielmus Ifendornius, Gulielmus Ordingius cum fratre Raſone, Theodericus ab Hemmen cum Domino Egmondano. Sed Valeravium Brederoodium magno ſuo damno deſideravit, oppido tamen potita eſt. Sed Bavarus, quamvis victus, Dordracum retinuit. Ioannes Burgundio nepti ſuæ Iacobæ ſuccurrit. Coit ultima Iulij.



Iulij Conventus apud Eirofluctum. Ibi soluto per novum *An. 1417.*  
 Papam Martinum v, xx Novemb. cognationis vinculo Iacoba Ioanni Duci Brabantiae Antonij defuncti filio dispon-  
 tata est, agenti sextum decimum non plus ætatis annum. Fre-  
 mere & irasci Bavarus, conarique Sigismundi Caesaris favore  
 nepti Hollandiam Hannoniamque detrahere. sed Iacobæ  
 causa opesque & vires prævaluerunt.

In Hollandia Ioannes Bavarus Iacobam neptem ex fratre *An. 1418.*  
 suo gravibus affecit damnis, eamque Hollandia, Zelandia, &  
 Hannonia extrudere nifus est: Dordracum & Roterodamum  
 Brilamque occupavit: Hadrianum Nothum Hannoniæ vi-  
 rum fortem bello interfecit.

*Ex Eiusdem Annal. lib. xvi.*

Philippus Burgundio profectus in Hollandiam sub initi- *An. 1419.*  
 um Iejuniorum omnem componit controversiam inter Io-  
 annem Ducem Brabantiae & Ioannem Bavarum Ducem  
 Lucenburgicum, creaturque idem Bavarus Procurator vnâ  
 cum Duce Brabanto Hannoniæ, Hollandiæ, Zelandiæ, & Fri-  
 siæ, per quinque annorum spatium.

Orta grandis discordia inter Brabantiae Ducem Ioannem *An. 1420.*  
 & uxorem eius Iacobam Bavaram, adeo vt divortium cum  
 illo facere prorsus vellet, dictitans nunquam sibi cordi fuisse  
 eas nuptias, sed coactam à matre Brabanto esse nuptam. Erat  
 impar societas. Tenera admodum Brabantus fuit habitudine  
 corporis, viribus non fortibus, hebetique & tardo ingenio:  
 At Iacoba foemina præstanti animo, ingenio acri, florentissi-  
 ma ætate, forma egregia, succi plena, dotibusque tum animi,  
 tum corporis felix. Sæpe ejus mater Margareta, sæpe Philippus  
 Dux frustra conati gratiam inter illos sarcire. Tantum enim  
 abfuit, vt placaretur Iacoba, vt ex Calesia transmitteret clam  
 in Angliam oratum Henricum v Regem auxilium divortio  
 cum



*¶ Nupsit  
huic anno  
1422.*

cum viro faciundo, cui contrà suam (vt dicebat) voluntatem erat nupta : eoque res processit, vt <sup>a</sup> Hunfrido Duci Glocestriae Regis Anglię fratri desponderetur.

Bavarus Leidam Hollandiæ per totas novem hebdomadas obsidet, cogitque ad deditiōem.

*An. 1421.*

Mense Novembri, nocte Divę Elisabethę, quę xiii Kal. Decembris illuxit, in Hollandia, Zelandia, & Flandria per maris tempestatem horrenda facta inundationes: inter Gertrudi-montem & Dordracum tota illa fertilissima & ditissima regio submersa est: quo damno complures viri nobiles, viri locupletes ad inopiam & miseriam sunt redacti : manetque adhuc hodie regio illa cum suis septuaginta duobus pagis absorpta in mari.

*An. 1421.*

Quum Iacoba Ioanni Duci Brabantia marito suo sub vmbra cognationis nuncium remisisset, nupsissetque Hunfrido Glocestriae Duci in Anglia, graviter offensi Brabantus, Burgundio, & Betfordius frater Glocestrij Lutetia coacto Concilio, vetant Glocestrio, ne aspiret ad possessionem ditiorum Iacobæ, donec per Martinum Pontificem Romanum dijudicaretur vtrum ejus cum Iacoba verum sit conjugium, nec ne. Sed ad hanc conditionem adduci Glocestrius & Iacoba non potuerunt, menseque Octobri cum quinque armorum milibus ex Anglia applicant Calesiam, profecturi in Hannoniam. Burgundio graviter permotus aperte declarat Betfordio Gallia Procuratori se auxilium laturum cognato suo Duci Brabantie. Succenset graviter fratri Betfordius, veritus ne ob eam discordiam foedus cum Burgundis ictum infirmetur rumpaturque.

*An. 1421.*

Nonis Januarij, hoc est, pridia Epiphanię Dominicæ de nocte obiit morte repentina Ioannes Bavarus apud Hagam Hollandia, & ibidē tumulatus apud Fratres Dominicanos. Scripsit autem Philippum Burgundionem heredem filium sororis Margarete, præterita Iacoba filia fratris V Vilhelmi,  
Sunt



Sunt qui toxicum bibisse putent, datum per Margaretam Iacobę matrem.

In fine Novembris Glocestrius & Iacoba ex Calesia per fines Atrebatum cum suo exercitu absque villo maleficio in Hannoniam transeunt, admissique sunt absque villo obstaculo in omnibus oppidis Hannoniæ præterquam Hallis, quod à Brabanto stetit, quemadmodum plerique Nobiles, ut Conversanus, Angiensis, Ioannes Iumontius, Engelbertus Angianus, cum suis omnibus Toparchiis, clientelis, & castellis. Iacoba, ut vires suas augeat, omnes exules Hollandiæ Hannoniæque ad se accersit. Cognito Philippus Glocestrij adventu in Hannoniam, Flandris, Atrebatibusque, & Brabantis grandes imperat copias. Magna Angli damna circumcirca intulerunt. Idem vicissim fecere nostri. Inter hæc descendit Dux ex Burgundia in Flandriam, & Brabanto se adjungit: crescitque eorum exercitus ultra triginta pugnatorum millia. Obsessa Brenia Hannoniæ, quæ ab ardente milite cupiditate prædæ principio Martij contra Ducum voluntatem capta, direptaque & incensa est: Angli, civesque multi interfecti. Famam Glocestrius spargit Philippum suam fidem fregisse, qua se obstrinxerat Lutetiæ in fœdere Anglico sanciendo. Respondet Dux, illum mentiri, provocatque ad singulare certamen. Accipit conditionem Glocestrius, locumque statuit apud Fanum Audomari, reversusque Calesiam transmittit in Angliam: nec ad diem revenit duelli.

Post discessum Glocestrij, Brabanti auxilio Ducis Philippi bellum acre faciunt oppidis Hannoniæ, quæcunque partes sequerentur Iacobæ. Multa loca direpta, vastati agri, caesi aut capti incolæ. Mons castrorū, Regia Hannonia obsessa. Cum matre Iacobę & Legatis Ducis Brabanti colloquia varia habita, plures Conventus acti, ut Insulis, Duaci, Aldenarda. Convenit tandem, ut tota Hannonia redeat in potestatem Ducis Brabantiae, condonatis omnibus offensis. Iacoba autem in

p

Philippi



Philippi Ducis manu sit, donec per Pontificem Martinum controversia de matrimonio Glocestrij sit decisa. Montēses, postquam comitatus inopia laborare cœpissent, minantur se Iacobam Duci Ioanni tradituros, nisi pacem hanc probet; capiunt ejus ministros & familiares Bardulphum à Porta, & Colardum ejus fratrem, Ægidium à Porta, Ioannem à Bosco, & alios plurimos. Idibus Iuniis ex Monte Castrorum Iacoba Gandavum a Principe Arausiensi deducta, ut honesto cultu in Aula Ducis eo loci se contineat adusque sententiā Martini Pontificis: Hannoniæ administratio Brabanto reddita, dimissis praesidiis & exercitu, veniaque data rebellionis.

*An. 1425.* Ad Kal. Septembris Iacoba animosa virilisque animi foemina auxilio Theodorici Mervvedij sumpto virili habitu de noctu cum paucis Gandavo fugit, nec cursum intermittit, donec Antverpiam, indeque perveniat in Hollandiam. Philippus graviter permotus à Brabanto accipit procurationem Hannoniæ, Hollandiæ, & Zelandiæ, atque evestigio Iacobam sequitur. Dordraci, Roterodami, Leydæ, Delfis, Amsterdami, Hagæ, Harlemi, locisque nonnullis aliis liberaliter excipitur.

*An. 1423.* Lutetię Concilio Bedfordius convocato irritum curat judicari duellum inter Philippum & Glocestrium conditum. Talem causam duello nihil egere, transmittensque in Angliam fratrem graviter increpat de duello inimicitisque cum Burgundione susceptis, totumque negotium illius certaminis impedit. Philippus ducenta millia nummum petit à Flandris pro sumptibus bellicis: centum illi millia tradita, ea lege ut pacem & mercaturam Anglicam Flandri sibi retineant, quod missis in Angliam Legatis curatum est.

Bellum cœptum inter Philippum & Iacobam, in quo Cabeliauci altera Hollandorum factio Philippo, Houci verò Iacobę potenter adfuerunt. Schonhovia, Gouda, Oudevvater, Viana, Montfordia, Kermerladi, Alcmarij cum ditione Ecclesię Trajectensis à Iacobæ quoque partibus steterunt, à quibus nec alienus



nuserat Rodolphus Diephold Traiectensium Episcopus. Mittit præterea Glocestrius tria circiter milia Anglorum Iacobæ suppetias. Horum Dux erat Dominus à Filvatre Appellunt in Scaldiam, seu Scaudiam (vulgò *Schauwen*) Zelandiæ insulam. Burgundio Procurator Hollandiæ & Zelandiæ haud segniter suas adunat copias, illisque occurrit inter Quamaïam & portum vulgo dictum *Brauwershaven*, juxta Zirixæam. pugnatum haud procul ab illo portu, & Burgundio victoria potitur. Ceciderunt ex Nobilibus Equitibus Hollandiæ & Zelandiæ, qui pro Iacobæ venerant, Costus Hamsteda, Ioannes Renessius, Ioannes Hoenpijl, Andreas van V Valims, Nicolaus Soen, Florentius Hamsteda, Raso Hamsteda, Raso Cruningus, Ioannes Sapinus, Cosmus Hernessius. Alij permulti Houci & Zelandi Iacobæ militantes interfecti. Ex Zelandis philippo ante alios fortiter adfuerunt Zirixæi & Verienses & Borsalienses, qui Hamstedam ac Dominum quoque van Catto interfecerunt. Multi à philippo Baltheo Equestri donati ob insignem hîc navatam operam; ex quibus invenio Franconem Borsalum, eundem Dominum Aggeris Sancti Martini, Henricum Veriensem Toparcham, Ioannē à Flandria Dominum de præet & V Vceftina, Ioannem Egmondanum, Ioannem Halovvinum, Ioannem V Vittonem Oorfcampi & Heylæ Dominum. His ita gestis, philippus dispositis per Hollandiam præsidiis in Flandriam revertit, novum delectum habet, augetque exercitum reversurus adulto Vere in Hollandiam.

Quarto die Aprilis Iacobæ Bavara fortis & animosa mulier, auxiliantibus Schonhoviis, Goudanis, Oudevatriis, Kermerlandis & clientibus Ecclesiæ Traiectensis obsidet per spatium quatuor hebdomadarum oppidum Harlem, nihilque tutum, nihilque inconcussum in circuitu relinquit, pagos multos incēdit, multos item circa Delfos corruptis maris aggeribus & septis demergit. præfectus præsidij apud Harlem



erat Rolandus VVtckerkanus fortis Eques cum filio Domini  
 Iſanbergensis & aliquanto numero militum. Ioannes autem  
 VVtckerkanus cum Flandris, Hollandis, Zelandisque circiter  
 octingentis Rolando patri opem laturus, priusquā Dux esset  
 paratus, in Hollandiam præcedit, atque Leydam vsque perve-  
 nit: sed quum inde Harlem petit, Iacoba omiſſa obſidione oc-  
 currit illi ad Alphen vicum super Rhenum, vbi circumven-  
 tus hostium infidiis, loco iniquo pugnare cogitur, amiſſisque  
 ex ſuis circiter quingentis ipſe ægrè cum paucis evadit. Crea-  
 ti Equites à Iacoba, quæ pugnae intererat, Ioannes à VVaſſe-  
 naer, Ioannes à Longoraco, Henricus Cranenburgēſis, Eve-  
<sup>a De eodem</sup> rardus nothus Hollandiæ, <sup>est ſupra,</sup> a Theodoricus à Mervveda, Gerar-  
 dus Poelgeest, & Arnoldus Gandenſis. Hæc pridie Kalendas  
 Maias mane prima luce. Iacoba victrix Goudam ſe recepit, &  
 ſuos mittit ad Hornas in finibus Friſiorum, vt id oppidi capi-  
 ant, vbi præſidio erant Ioannes Villarius & Ioannes no-  
 thus Fani Pauli cum quingentis ſelectis pugnatoribus; qui  
 ſumma virtute erumpentes, cum hoſtibus feliciter dimicant,  
 & quadringentos circiter interficiunt, vulneratis graviter per-  
 multis. Multa alia facta parva prælia, quæ longum ſit narrare,  
 ſed vincentibus ferè Burgundis exercitatiſſimis ad arma, ha-  
 bentibusque ſatis bellicorum tormentorum, quibus carebāt  
 Hollandi. Tum quoque plura loca Friſiæ & Hollandiæ vltro  
 in Philippi venēre poteſtatem.

<sup>An. 1426.</sup> Movet Philippus in Hollandiam, oppidumq. Zevenbergā  
 nomine terra mariq. potenter obſidet. Loci Dominus (nomē  
 non lego) fortiſſimo præfuit præſidio, ac partes Iacobe æcerri-  
 mē defendit contra vicina oppida quæ Burgundioni ſe ſubdi-  
 derāt. Productum obſidium in treſ totos meſes & amplius.  
 Tandem coacti inopia cives ſeceſſionem à Præfecto ſuo fa-  
 ciunt, & cum Philippo paciſcuntur principio Aprilis, de-  
 duntque illi oppidum, vita fortunisque ſalvis. Naves omnes  
 armaque Duci tradita, captivi ex Burgundis Moyencurius,  
 Her-



Herclius, & quidam alij reddit. Sevenbergensis captivus missus in Flandriam, & Insulæ servatus. Exercitum Philippi pestilentia tentare coepit, Nobiles viros Hymbercurium & Mauricium à Fano Leodegarij cum nonnullis aliis absumpsit. Hæc in hyeme gesta referunt Annales Hollandiæ annum exordientes a Kal. Januariis. Zevenbergius questus graviter de conditionibus nonnullis sibi malè servatis patria extorris ad inopiam devenit, in qua vitā finivit. Berfordius inter Glocestrium & Burgundionem inducias componit, sperans se pacem brevi facturum. Martinus Episcopus vrbs Romæ, quem Papam vocamus, iudicat matrimonium Glocestrij cum Iacobâ Bavara contractum nullius esse momenti, sed adulterium esse, ita ut si mors fortè Brabanti intercedat, haud tamen licere Glocestrio Iacobam habere vxorem. Eo Glocestrius audito nuncio, Leonoram quandam Gobatriam Anglam matrimonio sibi jungit, quamvis natalibus longè sibi imparem, quæ ejus fuerat amica, de qua & fama erat à pluribus viris fuisse cognitam, & quæ Iacobam comitata fuerat ex Anglia sua in Belgicam.

xv Kal. Maias moritur Bruxellæ Ioannes Dux Brabantiae, piè quidem ac modis omnibus Christianè. Sepulturae datus est apud Fuernam in Æde Ioanni Euangelistæ sacra, juxta patris Antonij tumulum annum agens ætatis vigesimum quartum. Ita, altero abjudicato, altero defuncto, ambos amittit Bavara maritos. An. 1426.

Scandoverium in Cameracensibus, quod erat Ludovici fratris nothi Iacobæ, datū Ioanni Lucēburgensi. Erat nothus ille Philippo invisus propter partes quas tuebatur Iacobæ.

Eodem anno Kermerij & alij quidam magna coacta manu munitiones multas prosternunt, ut Hemskerck, Bredetodum, Assendelft, Heilegerbergam, Cralingam, Spangam. Simul ijdem Kermerij in V Väterlandia Monachodam, Edam, Purmerendā, Medenblick, & Enchuyfām oppidula capiunt:



Hornas obsident, sed capere non valent, suumque Tribunum Gulielmum Naghel ibi amittunt, interfectum ab erumpentibus oppidanis.

*An. 1427.*

Post decessum Ducis Brabantiae procuracionem Hannoniae accipit Dux Philippus; ducit dehinc ex portu Slusa exercitum in Hollandiam, ut rebellionem defectionemque quorundam compescat, qui in ejus prius juraverant verba. Obsidet oppidum Amerfordiam, tum situ, tum defensoribus munitissimum. Cinctum erat dumis densissimis fossisque perenni aqua stagnantibus. Hac oppugatio diu tenuit, aspera & terribilis, Hic se philippus magno exposuit periculo: transiit aquam & fossas, pugnavitque sua manu in propugnatores, qui magno erant numero, & viri robustissimi, pro patria, aris, focisque decertantes. Amisit hic philippus Ioannem à Bosco telo balistario interfectum, cum aliis quibusdam Nobilibus impigrè dimicantibus. Coactus est tandem canere receptui, seque propter ingens periculum ab oppido retrahere. Adificavit Amsterdami grandem navem, quæ instar valli esse videbatur, quam Cattrum dixere. Eam in Emma fluvio locat contra Trajectenses Iacobæ foederatos. Delfis & Roterodami, quod & ipsi lubrica agerent fide, ac Iacobæ se reddere tentarent, securi multos percussit. Kermerlandos, V Vesturos, Tesslandos seu Texandros subjugat. In Dordracenses quoque nonnullos capitali supplicio animadvertit. Delfis quidam Mosellani Ioannem Egmondanum Scultetam cum civibus quinque interfecerunt; quæ eadem viri ex illis duodecim capite lucrunt. Commissa & apud V Vieringam pugna navalis inter Gulielmum Brederodium Iacobæ Ducem & Harlemenses, Hornenses, Amsterdamos, aliosque Burgundioni foederatos. Hoc praelio victus & captus est Brederodius cum multis suæ factionis: ex quibus octoginta decollati, sed Brederodius gratiam obtinuit.

In Hollandia omnia philippi erant præter Sconhoviã, Oudevvatriam,



Levvatriam, & Goudam; ubi se Iacoba consobrina ejus continebat. Contra ea oppida Philippus Ioannem Villarium, Alamaum, & Leonellum Bornovillam cum praesidiis satis magnis relinquit, seque in Flandriam recipit.

Ex portu Slusensi magnis Philippus copiis petit Hollandiam, statimque Goudam & in illa Iacobam obsidet. Goudani timore perterriti consiliū dant Iacobae ut cum Philippo pacem ac solidam faciat pacē. Igitur Iacoba Philippum verum agnoscit suum heredem, ut à morte ejus in Hannoniam, Hollandiam, Zelandiam, & Frisiam succedat, ipsumque horum principatum praesidem ac procuratorem creat. Promittit in-

An. 1428.

super se nulli nupturam, nisi de consensu Philippi & civitatum suorum principatum. Sibi pro victu ac dignitate sua recreditus & vectigalia ampla retinet, possidendaque accipit in vita Comitatum Oostervandiae, Zuytbevelandiam, Terram Brilensem, Vorensem, & quaedam alia. Compositis item rebus cum Episcopo Trajectensi, Franconem Borsaliensem Philippus pro se constituit praesidem Hollandiae, Zelandiae, & Frisiae, & in Flandriam exercitum reduxit. Philippus Houcos & Cabeliaucos pessimas factiones Hollandiae compescuit.

a 8. Julij,  
aut secundum alios  
4 Maij.

Mense Julio Iacoba Bavara clam nubit Franconi Borsaliensi ex Nobilitate Zeladica pactū erat ne inconsulto Philippo nuberet. Hinc offensus Philippus Franconē capit, ac Ruppelmondæ custodit. Rumor erat decollatum iri. Iacoba valde sollicita, intercedentibus amicis, virum liberat: sed Philippo Hannoniam, Hollandiam, Zelandiam, & Frisiam transcribit. Oostervandiam cum aliis supra memoratis Borsaliensi Philippus assignat, qui Iacobam sibi retinet uxorem cum omnibus vectigalibus Hollandiae & Zelandiae.

An. 1433.

VIII Idus Octobr. finem vivendi fecit illustris foemina Iacoba Bavara absque ullis liberis, adiitque Philippus proximus ejus hæres omnes ipsius ditiones. Sepulta est apud Hagam-Comitis in Hollandia.

An. 1436.

*Quisquis*





a David  
Burgun-  
dius.  
b Ludovi-  
cum Del-  
phinum.

*Quisquis ades, magni tumulum reverere Philippi,  
Aurato insignem vellere nonne vides?  
Cui Traiectinam, quem rexit a Filius, urbem:  
Cui b Regem debet Gallia tota suum.  
Quid referam eximios pulchræ virtutis honores,  
Qui merui vivus nomen habere BONI?  
I nunc, perge memor tam rari Principis Hospes,  
Felicemque urnam hanc crede tuosque oculos.*

PHI-



PHILIPPVS BONVS,  
COMES XXIX.

Philippus accepto à nepte Comitatu Hollandiæ, quum esset ob quasdam res infenso in Regem Anglorum animo, Calisiam in Flandrorum finibus sitam urbem tanta armatorum manu obsedisse dicitur, ut soli aurigæ, qui bellica instrumenta aliaque ad militiam necessaria eò advexerant, sufficere potuerint ad urbem expugnandam. Cæterum antequam Calisia tentari cœpta, obsidio soluta est discessu Gandavorum & Brugen sium, pro quorum ardore iraque nimis pigre Philippus omnia faciebat. Idem Princeps non multo post in Haga Comitatus primus Aurei Velleris habuit Comititia. Filium suum, cui a Davidi nomen, gementibus atque invitis Trajectensibus, Antistitem urbis fecit. Hoc etiam adnitere Ludovicus Delphinus Gallia Principatum est adeptus. Et Philippus quum per hæc aliaque virtutis opera quatuor & triginta annis Comes Hollandiæ fuisset, Brugis morbo gravi affectus, vita decessit.

*Prima Comititia Velleris Aurei Haga. David Episcopus Traiectensium. a Et at nio Davia notus Philippi.*

*Ex Meieri Annal. lib. XV I.*

Hollandi duce Henrico Domino Veriensi, junctis sibi ex libris, latronibus, & homicidis grandi numero piraticam exercent. Mercatores Hispanos maximeque Orientales Flanriam petentes deprædantur, eorumque naves apud Slusam, Ileys, Blanckenbergam, & Ostendam invadunt. In Feriis vero Divi Matthæ Apostoli Cadfant insulam aggressi, omnis us penè bonis incolas spoliaverunt. Habebant tum Hollandi bellum cum Orientalibus, hoc est, civitatibus Hamburgo, Luneburgo, VVismar, & Rostic, quod totum tenuit triennium, vincentibus sæpe Hollandis.

*An. 1439.*

q

In



An. 1440. In Feriis Divi Bartholomæi Apostoli arsit Gouda Hollandiæ penè tota.

An. 1441. Concordia quædam inira apud Coppenhaven inter Hollandos & Orientales, qui sunt Lubecenses, Hamburgenses, Luneburgensesque cum aliis civitatibus, pactæque induciæ in annos duodecim. Ceperant Hollandi hoc bello totam classem Orientalium sale onustam redeuntemque ex Baia, teste Alberto Crantzio. Nam Prussij (inquit) desertis locis cum viginti tribus navibus fugere conati, primùm in Hollandorum venire potestatem: dehinc & reliqua classis tota. Erant enim cum Prussiis Livonij, & Vandali cum Lubecensibus (puto) & Hamburgensibus. Lege Crantzium lib. x. Cap. xxix. Navibus rebulque omnibus contenti Hollandi neminem captivum tenuerunt, nec victum interfecerunt, sed omnes in littora abicerunt.

Captum à Philippo oppidum VVoerden cum castello: obsessa Amerfordia, adeoq. graviter defensa, vi amisso quodam Nobili viro Dux coactus sit obsidionem relinquere.

An. 1445. Ad Ferias Divi Andreae Apostoli habita Comitia summi Ordinis Aurei Velleris Gandavi. Translata ibi Comitia posthac habenda semper vi Nonas Maij, idque semel de mtaxat in triennio, aut eo tardius propter certas causas. Defuncti tunc fuere Proceres Ordinis, Antonius Veigiacus Dominus Champlita, Ioannes Luceburgensis Comes Ligniacus, &c. In horum substituti loca, Alfonso Rex Aragoniæ, Siciliæ, & Neapoli; Franco Borsaliensis, Comes Osterbantij; Reginaldus Dominus Brederodius & Vianæ; Henricus Borsaliensis, Dominus Veriensis, &c.

An. 1445. Apud Leydam Hollandiæ magna seditio Houcorum & Cabbeliaucorum. Victi Houci, in cœmiterium profugiunt Divi Pancratij Martyris, & multi vulnerantur. Philippus eo profectus, animadvertit in quosdam capitis supplicio, alijs se multo ære redimentibus: ordinatisque Hollandiæ rebus, re-

verrig



vertit in Erabantiam. Goeſſvinus Hollandiæ præſes, & Philippus Baenyaert Præſectus Caſtelli Medenblic, ob quædam quæ ſibi mutuo obijciebant crimina ambo capii ſunt. Poſt menſes autem duodeviginti Præſes apud Loeveſſeyn decolatur, Baenyardus præſtina dignitati reſtituitur.

Quarto Idus Aprilis, Dominica palmarum, tempeſtas ingens ventorum, grandinis, nivis & imbrum, per Hollandiam, Zelandiam, Friſiam Brabantiam & Flandiam plurimum dedit damni. Addunt quidam maris ſtagnationem.

Philippus propter amiſſum præſtantiffimum filium gravi *An. 1456.* dolore affectus, ut illum vlciferetur xii Kal. Julij VVaſiam ingreditur. Cum eo Verienſis & A'netanus Procurator Hollandiæ cum tribus milibus Hollandorum, quorum maxima pars baliftarij. Pagos & munitiones fere omnes Philippus abſque vlla miſericordia incendit, omneſque tandem ad unum deleviſſet, niſi magno accuriſſent numero agricolæ nermes, ſupplices, nudis calcibus, veniam & miſericordiam magnis vocibus flagitantes; quorum Dux motus precibus, incendia juſſit ſiſti, &c.

Philippus in Hollandia ſecum habens quatuordecim mil *An. 1456.* ia pugnatorum, apud Hagam Comitum vi Nonas Maias Comitia habuit ſummi Ordinis Aurei Velleris. Vocabant hæc Comitia Capitulum Ordinis decimum ſeptimum. Hiſ apud Hagam peractis, Philippus Leydam, ac inde Iſelſtainum ducit, ut filium Trajecti ſtatuat Episcopum, &c.

Engerrannus refert ſub exitum menſis Julij Dordracum *An. 1457.* Hollandiæ incendio fortuito deſlagraſſe, duoque millia domorum, & multos mortales periſſe.

Quum apud Harlem Hollandiæ hoc aut ſuperiore anno *An. 1458.* miniſtri Eccleſiæ gravarentur onere vectigalium, quos vocant aſiſias, Nicolaus van Yperen Conſul oppidi, & Gerardus Norvicenſis Senator cum Scriba Gulielmo Paed, ab VValravio Notho Domini Bredenrodij interficiuntur, in-



scio patre Bredenrodio. Hunc motum Antonius Nothus Burgundiæ, eò profectus, cum exercitu compescuit.

*An. 1467.*

Pridie Idus Iulias ad vesperam occœpit Philippus Brugis in Regia graviter agrotare. Decimo autem septimo Kalendas Augusti vox vsusque loquendi illum destituit. Finem autem vivendi fecit eodem die ad vesperam inter horam nonā & decimam, Regni sui anno XLVIII, ætatis LXXI. Dominico die insequenti sepultus ad Donationi, donec transferretur Divionem Burgundiæ.

*Hannibal*





Hannibal in castris, Romanus in agmine Caesar,  
 In pugnis Macedo, Carolus unus erat.  
 Sic triplici gestans invictum pectore pectus,  
 Vertit Eburonum moenia capta solo.  
 Mox quoque Menapios, Leucorumque aspera colla  
 Invicto victor subdidit imperio.  
 Occubuit tandem NancI: nunc, ut prius armis,  
 Nomine sic Martis vivit, Olympe cares.



ICONES COMITVM ET  
CAROLVS BELLICOSVS,  
COMES XXXI.

*Leodium  
expugnatum  
& eversum*

*Laus Ci-  
roli.*

*Carolus  
apud Nantium  
confoditur.*

**H**ic successit filius Carolus, rerum gestarum magnitudi-  
ne patre superior, & ut ille consilio prudentior, ita hic  
animo magnificentior; qui quum esset Hollandiæ Comita-  
tui inauguratus, non magno post tempore ingenti conflato  
exercitu in Leodinorum agrum profectus, ob conjectum in  
vincula Ludovicum Borbonium ipsorum Antistitem per-  
necessarium suum, eorum urbem acri bello expugnavit, ex-  
pugnatam diripuit, direptamque evertit. Post Leodij excidi-  
um hic Princeps militari virtute nullo superiorum Comi-  
tum inferior alia multa bellageffit, mira celeritate semper  
atque ardore; quo apud posteros est consequutus, ut Caro-  
lus jam non hominis, sed bellicæ fortitudinis nomen habe-  
tur. Apud Nantium, quod extremo tempore obsidione cin-  
xerat, tribus perfoßus vulneribus periit pridie Epiphaniæ.  
Quo Duce extincto in ipso ætatis & rerum prosperè gesta-  
rum flore, diuturnus apud omnes totamque Hollandiam lu-  
ctus fuit. Sed nec Principis sui amantißima gentes, ca dis-  
nancio fidem primùm habuere, quod ut fortissimum Ducẽ,  
sic invictum crediderant. Annus ille, quo Dux tam nobilis  
ante Nantium casus est, fuit humanæ Salutis M. cccc.  
Lxxvi. Ita colligit Sabellicus. Alij duos adjiciunt: Rursus  
alij quinque subtrahunt annos Varietatem hanc demiror in  
re adhuc recenti. Cum Sabellico vulgus consentit, consenti-  
unt natu grandes, quorum memoria res accidit.

*Ex Meieri Annal. lib. xvii.*

*An. 1467.*

Carolus paterni imperij ex asse hæres iv Kal. Iulias, qui  
dies erat Dominicus, Gandavi solenniter inauguratur.

Carolus re feliciter gesta apud Leodium creavit Equites  
(teste



(teste Brabantino) trecentos; quorum erant ex numero Ioannes Cruningus, Zvvederus a Montfordio, Albertus van Scaghen, &c.

Ad xii Novemb multa loca maritima in gravi fuere discrimine propter altitudinem a flus marini, damni que multum acceptum, praesertim in septis & aggeribus maris aut ruptis aut luxatis per Hollandiam, Zelandiam, & Flandriam. An. 1468.

Carolus mense Iulio cum Margareta uxore venit Brugas. An. 1469.  
Inde concessit in Hollandiam, ubi causis cognoscendis libellisque supplicibus recipiendis ternis in hebdomada vacavit diebus.

Apud Hagam Hollandiae Feriis Apostolorum Simonis & Iudae orta rixa & pugna inter caculas Principis, adeo effrenis ut unus ex illis natione Furgundus interficeretur. Erant ferme omnes Nobilium liberi. Carolus ad viginti sex in clausam coactos aream jubet sese mutuo virgis cadere quoad satisfecisse videretur. Inde concione ad illos habita vetat sub poena patibuli ne in posterum inter se tales rixas pugnasque concitent. *Carolus in cacula suos animadvertit.*

Principio Martij Richardus de Nova Villa Comes Varvicensis, ingenio vir vario & doloso, sed maxima pollens auctoritate in Anglia, petente Rege Gallo piratam agit in nostro mari, multasque naves mercatorum Flandriae, Hollandiae & Zelandiae, revertentes ab Rupella capit. Carolus Princeps certos homines res repetitum mittit: recusat pirata reddere, sed postea tamen victus in mari a Domino Scalensi Anglo, partem illarum restituere cogitur.

Vir erat Varvicus ingenio pessimo, pacis hostis, osor quietis, proditor perfidissimus a scriptoribus nominatus. Antea An. 1470.  
Henricum vi Regno privarat: ejus necessarios per scelus interfecerat: Edouardum Eboracensem in solium locarat: Nunc viceversa in gratiam Galli Edouardum pellit, & Henricum ad diadema revocat, seque Regni Procuratorem facit.

Pirati-



Piraticam (vt diximus) exercet, capitque nostros mercatores. Contra hunc piratam Carolus classem celeriter instruere cogitur viginti quatuor magnarum navium præter multa navigia minora. Huic Henricum Borsalium Veræ Regulum præficit, vt piratis obstitat. Sub Kal. Iunias Varvicius & Clarentius, quamvis bellum non esset, ex Honfluctu, Harfluctu, Diepa, Casaroburgo, totoque illo littore prædas agunt ex mari, Flandricas, Hollandicas, Zelandicasque naves capiunt: captos mercatores, pauperesque piscatores mari submergunt. Toto mense Iunio apud Hondefluctum Varvicius se continet, totumque mare fœdus pirata nostris reddit infestum. Sextodecimo Kal. Iulias promisso Carolo à suis provinciis excepta Burgundia singulis annis pro ære militari centū viginti milia coronatorum per triennium. Et tandem xviii Kal. Iulias duce Henrico Veriensi solvit nostra classis, ex Flandria, Hollandia, & Zelandia adunata, petitque Normandiæ littora, & hostium latrocinia coercet. Sed Varvicius naves suas (inquit Luxovius) constituit ubique in portibus & locis tutis, nec ad manus ausus est venire aut prodire in apertum mare. Egit tunc Varvicius Rotomagi, ubi primum pettum à Rege Franciæ ne Anglis liceret prædas suas vendere: quæ res lachrymas Varuico excussisse traditur. Dehinc tamen omnia quæ erant furati vendiderunt avaris Gallorum mercatoribus.

Decimo Kal. Iulias redit Dux ex Zelandia Brugas.

*Adol. Geldrius impietas erga patrem.*

*Carolus arbiter inter patrem & filium.*

Adolphus Geldrius ingratus & rebellis filius parentem suum Arnoldum Ducem Geldriæ captum tenebat in arce Burenfi, Ducatumque Geldriæ & Comitatum Zutphaniæ per tyrannidem invaserat. Hortantur autem Carolum Principem Paulus Pontifex Romanus & Fridericus Imperator vt pacem inter patrem filiumque componat. Eo in negotio ita agit Carolus vt cum patre Adolphus cum fide publica ad se concedat Hisdinum: sed Adolphus, quum minus solito sibi videt haberi honoris, suspicatus nescio quid mali, non fides Carolo



Carolo clam Hisdino aufugit cum duobus tantummodo equis, qui tamen ubi Namurcū pervenisset ex itinere retrahitur, & Vilfordiæ primū, inde Curtraci adusq. Caroli obitum custoditur. Habebat Adolphus in matrimonio Catharinam sororem Isabellæ Borboniæ defunctæ vxoris Caroli Ducis, undeque liberos Carolum & Catharinā. Erat & Eques Aurei Velleris Carolo admodum charus. Itaque Carolus mandato sum Papæ tum Imperatoris arbiter & disceptator constitutus iudicat filio possessionem Geldriæ, præter solam Graviām Mosæ oppidū, quod patri assignat Arnolfo in vita cum senis florenorū milibus annuis. Defert insuper Adolpho Procuracionem Burgundiæ: sed socors & contumax filius respondit inquit Cominius, qui interfuit) se malle precipitem dare parentem in puteum, & seipsum deinde eodem conijcere potius, quam ejusmodi conditiones accipere. Iuste ergo in custodiam rejectus est, ad miseramque postea mortem iuste pervenit. Est qui refert ostēdas Hisdini à Carolo literas Adolphi manu ad quosdam scriptas de conjuratione contra Carolum faciendā, putabaturque facturatum fuisse per Regem Gallum, qui quoscunque potuit Caroli familiares & amicos magnis corrupti donis, deditque sedulo operam ut Carolo ubique terrarum faceret inimicos.

Sub Ferias Divi Laurentij Martyris filius sororis Pauli Papæ Romani, Sigismundus Dux Austriæ, Legati item Venerorum & plurium gentium, venerunt ad Carolum agentem tunc apud Hagam Hollandiæ.

In Hollandia capti hoc anno ab Episcopo Traiectensi Davide Reynoldus Brederodius Eques summi Ordinis cum Valravio filio notho, cum fratre Gisberto Proposito Dominici Traiectensis, & Ioanne Amerongio Scutera Traiectensi; qui omnes servati sunt apud Doreladium duos per annos in custodia, donec per sententiam Ordinis Aurei Velleris restituti sunt libertati.

Eduardus



Eduardus Rex valde turbatus & pavidus, hostibus resistere conatur, sed statim ab iis quibus maxime fidebat deseritur, fugamque facere cogitur. Capto consilio ex re præsenti cum Richardo fratre aliisque paucis ad oppidum Lynum mari se credit, atque cum mercatoribus Hollandiæ dura navigatione tandem in oram Frisiæ ad Tesselam appellit sub VII Idus Octobris, quando sunt Feriæ Divi Dionysij Martyris. Acceptus autem perhumaniter ab Ludovico Gruthusio Præsecto Hollandiæ, hæsit ad Hagani Hollandicam adusque Natalem fere Dominicum priusquam veniret in Flandriam.

Pars comitum Eduardi Regis (erant ad cccc) eo deserto fugiunt ex Hollandia Calesiam, veniam orant ac transeunt mare ad parteis Regis Henrici.

Ad sextum Idus Martias Eduardus Rex comparata bona classe & exercitu solvit magno animo ex Zelandia, appulitque multo labore in portum qui Ravenis dicitur, agri Eboracensis, ibique descensum fecit.

1472.

Sub Férias Divi Bartholomæi Apostoli apud Zirixæam in Scaldia magnus coortus motus multitudinis adversus suos rectores; in quo interfecti Iacobus Iansonius Presbyter Provisor terræ VValachriæ, & Michael ab Cattendico Prætor oppidi Zirixæani, ideo quod novum quoddam vectigal imponerent communitati. Missi cum magnis cohortibus Zirixæam Adolphus Ravestanus & Antonius Burgundio Caroli frater. Authores motus, qui multi erant, capite luunt, fugiuntque plus minus ducenti metuentes ne accusarentur, & grandi ære oppidum multatur.

In mari capti piscatores nostri à Gallis captionem haringarum seu halecum impredientibus. Erat quædam navis Gallica ingenti magnitudine, (Columnam appellabant) ea plurimum intulit damni. Capte vno quodā die octodecim piscatoriæ naves Hollandicæ, quanquā Paulus filius nothus Henrici Verensis Præfectus maris nostros quantum posset defenderet.



eretur. Centū coronatos à singulis captis gubernatoribus ex-  
orserunt, vsq. Nortvvijs & Catvvijs saepe Hollandos secuti.

Ludovico Gruthusio principi Steenhufij Eduardus Rex  
Anglię dedit Comitatum VVincestrię in Anglia, vt memor  
beneficiorum ab eo acceptorum, cum in Hollandia & Flan-  
dria exularet, gratiam illi reponeret.

VII Idus Septembris pridie Natalis Virginis Deiparę emit  
Carolus de Arnoldo duce Gelrię jus Ducatus Geldrię & Co-  
mitatus Zutphanię xci milibus aureorum Rhenensium, &  
certis annuis redditibus decem annorum, pręsentibus Ioanne  
Duce Cliviensi, Gulielmo Egmondano fratre ejus, cum aliis  
Nobilibus. Ius item in Geldriā & Zutphaniam Gerardi Ducis  
uliacensis emit postea Carolus lxxx milibus nummūm.  
Arnoldus nempe Dux Geldrię filium suum Adolphū contu-  
nacē atque rebellem jure optimo exheredavit, suaq. omnia  
Carolo cum venditione, tum jure testamenti assignavit.

Septimo Kal. Martias pridie Feriarum Divi Matthię A-  
postoli Gravię oppido Geldrię obiit Arnoldus Dux Geldrię An. 1478.  
condito prius testamento, in quo pręterito Adolpho contu-  
naci filio Carolum Principem scripsit ex asse heredem. Hoc  
exemplum si patres satis multi sequerētur, multo magis mo-  
rigeros haberent filios. Antiqui olim Romani, donec erant  
iusti tenaces, liberos suos improbos & rebelles omnibus te-  
stamenti solebant excludere.

Sexto Nonas Maij Conventus Aurei Velleris Valentia-  
nis in Æde Divi Pauli Apostoli. Defuncti fuerant Petrus Bel-  
romontius Dominus Charniacus, Antonius Croyacus, Io-  
hannes à Creciaco Dominus Canaplę, Franco Borsaliensis,  
Comes Ostrovandię, Theobaldus à Novo Castello Mare-  
chalculus Burgundię, Claudius à Monteacuto Dominus Con-  
charū, Iacobus Borbonius frater Ducis Borbonij. Horū sur-  
rogati in loca Fernandus Rex Neapolitanus & Sicilia, Ioan-  
nes ab Rubiprato Dominus Bevernensis, Philippus Croyacus



Comes Chimacensis, Ioannes Luceburgensis Comes Mar-  
 lensis, Guido Brimæus Comes in Mengem, Dominus idem  
 in Humbercuria, Engelbertus Comes Nassoviensis, Domi-  
 nus idem Bredanus, Philippus Sabaudus. In his Comitibus A-  
 dolpho Geldrensi fratri Ordinis perpetuus decretus carcer,  
 quod patrem suum annos sex tenuisset captivum, illumque  
 spoliasset Principatu. Soluta Conventu Valentianensi, qui  
 erat ab instituto Ordine vigesimus Carolus profectus Traje-  
 ctum Mosæ maximum cogit exercitum Gelriæ domandæ:  
 quæ contempta & rejecta ejus emptione admittere eum pro  
 Duce recusavit. Primum omnium Ruremunda, Cuyck, &  
 Kessela ejus se potestati permiserunt. Inde die Mercurij Feriis  
 Pentecostes Lorna, Sitters, Zusteræ, Echta, Bruconium vali-  
 dum castellum multis tormentis concussum (quæ oppida Vin-  
 centius Comes Moriarum pignori acceperat ab Reginaldo  
 Comite Gelriæ) in deditionem venerunt fugiente Moræo  
 cui tamen Vincentio postea Carolus hæc omnia in fide &  
 clientela tenere permisit. Sub Ferias corporis Christi Venlo  
 potens oppidum plurimis tormentorum ictibus vrgeri cœ-  
 ptum; quod oppidum quamvis se strenuè defenderet, longè  
 tamen impar Ducis viribus ad xiv Kal. Iulias venit in dedi-  
 tionem. Eodem die Gerardus Dux Iuliacensis & filij ejus  
 Gulielmus & Adolphus quod intelligerent brevi totam sub  
 actum iri Geldriam ad Carolum concedunt, illique omne  
 jus suum quod habebant in Geldriam & Zutphaniam, pro-  
 bante & confirmante Frederico Imperatore, Lxxx milibus  
 florenorum Rhenensium vendunt. Fama quippe erat opti-  
 mo Iuliacensem jure Geldriæ Ducatum petere: eratque ab  
 Imperatore admissus & investitus: quamvis obstantibus Gel-  
 riis possessionem nunquam potuit obtinere. Hac acta inter  
 ineffabiles solis ardores, similem enim astatem magnitudine  
 caloris nemo meminerat.

Inter hæc omnia feliciter cesserunt in Geldria, vbi hæc op-  
 pida



pidam Gochtum, Strala, Ghelra, Gravia, VVachtendonca, Tiel, Bommla, Erclens, Bueren & Lerdam abique obstaculo se dediderunt. Quinto Nonas Iulias obsessum Noviomagium caput gentis, & vetus oppidum bene munitum. Hi statim omni imbelli multitudini, ut matronis, virginibus, nonnis, senibus & pueris, agris, infirmis, & debilibus, oppido egrediendi discedendique potestatem fecerunt: Ex quibus complures abiverunt. Hi semper contumaces & rebelles fuerant Arnoldo Duci seni, filioque Adolpho auctores patris in arctissima tenendi custodia: ob quam injuriam tandem Dux Principatum suum divendidit. Praefectus illis erat Reynerus Bruchusius Ordinis Equestris, filius sororis Reginaldi Brederodij. Carolum Ducem suum puerum octennem parvo impositum equo, cum parvo arcu in manu, circumducunt per moenia, ut propinquatoribus animum addunt. Hinc postquam nostri castra posuerant, ingentem tormentorum vim nec portae nec muri ferre valuerunt. Ante finem mensis turres, portae, muri, propugnacula concussa, confracta, ac solo prope jacebant prostrata. Habebat Carolus sexcentos electissimos sagittarios Anglos, qui quadam oppugnatione vi oppidum cepissent, si Burgundiones, ut promiserant, fuissent secuti: sed pars bona super muros interfecti sunt: quorum capta vexilla oppidani super muros & portas statuerunt. Postquam hebdomadas circiter treis se defendissent, deprecatore usi Ioanne Duce Cliviorum, vitam à Carolo pacti, imperata se facturos promiserunt. Procubuerunt ad pedes ejus veniam petentes solventesque LXXX milia florenorum. Carolus oppidum pridie Feriatum Divorum Iacobi & Christophori ingreditur Duxque publicè inauguratur terrae Geldricae. Traditi ei parvi liberi Adolphi captivi Carolus & Philippa, quos osculatus statim misit Gandavum ad Margaritam uxorem in aula educandos. Horum puerorum mater soror erat Isabellae Porboniae uxoris Caroli defunctae. Recepti sunt pueri honorificè

2 3

Gandavi



Gandavi x Kal. Septembris pridie Bartholomæi Apostoli. Inde reliqua loca, vt Lobeca ad divortium Rheni & VValis, Zutphania, & quæ trans Isalam fluvium sunt, Daventria, Zvvolli, Campi, Arnhem, hoc est, domus aquilæ, Hardervicus, Grolla, Duetechem, Hatten, Elburgus, Dosburgus, Oldenburgus cum Osvaldo suo Regulo in deditionem venerunt: instituitque Dux Curiam genti & Conventum juridicum apud domum aquilæ, Præsede Gulielmo Egmondano Iseltanorum Regulo cum Adolpho à Marchia Iureconsulto Ordinis Equestris nepote Ducis Clivij.

Dispositis in Geldria rebus, Carolus Trajectum Mosæ revertitur, indeque Aquas-Grani petit supplicaturus ibi ad memoriam Deiparæ Virginis. Susceptus est valde honorificè & comiter ab Aquensibus, offerentibus illi oppidi sui claves, quæ res multò illi erat gratissima. Hæsit ibi aliquamdiu cum toto sacello suo, hoc est, musicorum choro: qui quotidie & sacra faciebant, & laudes hymnosque varios Deo Virginique canebant, celebri ac iacunda admodum ceremonia.

*Carolus  
Rex Burgundia  
creari petit.*

*Maria Caroli  
filia  
Maximiliano  
desponsatur.*

Congressu ad Treviros petiit Carolus ab Frederico Augusto Rex creari juxta dignitatem majorum suorum, qui Reges fuere Burgundionum. Legatus item fieri cupivit Augusti & Procurator ac Vicarius Imperij. Erat ambiciosus mirandum in modum. Augustus filiam ejus petiit filio suo Maximiliano pulcherrimo & augustissimo adolescenti uxorem. Ea res ita processit vt Maria augustali juveni à patre desponderetur, contendente Augusto vt statim nuptiæ celebrarentur, Duce autem vt ante illas Vicarius Imperij designaretur & Rex salutaretur Burgundiæ.

Præstita Imperatori à Duce fides de Ducatu Geldriæ, quod facere longo tempore Duces Geldriæ recusarant. Juravit item Dux in verba Imperatoris de omnibus aliis Principatibus quos intra fines possidebat Imperij, ingenti ceremonia & pompa.



De Carolo autem creando Rege Thomas noster hunc ferme in modum: Vt antiquum Burgundiæ Regnum per multas Principū successiones oppressum & pene extinctum & oblitteratum denuo instauraret, & non Dux amplius, sed Rex Burgundiæ appellaretur, magna prosecutionis instantia apud Imperatorem & ejus Nobiles institit. Corona, sceptrū, vexilla vestesque ad Regium ornatum Treviris jussu fieri: & jam throni in templo majori facti & sedilia, omniaque parata quæ ad creationem Regis essent necessaria. Datum negotium Georgio Episcopo Metensi vt sacrum faceret, vinctio- nisque officium compleret. Imperator promiserat Regem se creaturum: sed nolite confidere in Principibus: Repente mutatus Imperator postero die ne Carolo quidem valere jussu discessit, nec promissis stetit, maleq. facto foedere abiit, & petiit Coloniam sedandæ discordiæ inter Archiepiscopum & civitatem: vnde non mediocriter Carolus turbatus. Hactenus Thomas Episcopus, qui tunc Treviris erat, omniaque vidit. Puto autem repentinæ mutationi illi elaborasse Gal- lum: quippe multa Scriptores fugiunt, multaque data opera reticent.

In Novesium obsidione ad portam Ham tetendit Balduinus *An. 1474* Alnetanus Præfectus Zutphanie cum DCCC equitibus & DCCC peditibus, omnibus ferè Leodiensibus. Ad portam Tollam Reynoldus Bruchusius cum equitibus DCC & CCC peditibus.

Quarto Idus Septembris die Sabbathi Novesium nostri magna vi oppugnant, sed nihil proficiunt, fortissimè defen- dentibus se obsessis, occiso ex nostris Ioanne Bruchusio Rey- noldi Bruchusij nepote, cum aliis nonnullis Nobilibus stre- nuis viris. Colonienses ad quartum vsque suæ civitatis lapi- dem omnia in circuitu Monasteria, castella, pagos, villas, & ædificia igni cremaverunt metu obsidionis. Sub Kal. No- vembris certior fit Carolus de ingenti apparatu & certo ad-  
yentu



ventu Imperatoris & Principum Germaniæ : ideoque in omnem mittit partem suarum diuionum ac maiores imperat copias. Accedunt statim Vulfardus Comes Magni Campi, idem Regulus Verensis, cum omni Nobilitate & clientelis Zelandiæ. Ex Hollandia Ioannes V Vassenarius & Henricus Naeldovicensis Mareſchalcus Hollandiæ cum comitatibus omnium oppidorum illius regionis.

Ecclesiastici coguntur Carolo pendere omnes fructus & proventus trium annorum de bonis suis omnibus quæ intra sexaginta acquisierant annos. At Hollandi tam novam & inauditam exactionem diu conferre recusant. Sed parum proficiunt. Tandem per Antonium Haneronem Præpositum S. Donatiani Brugensis & per Curiam Mechliniensem pars illorum longè maxima persolvere compelluntur.

An. 1473.

Quarto Kal. Maij Conventus Gandavi Regni Belgici, Conveniēre Legati trium ordinū Flandriæ, Brabantia, Hollandiæ, Zelandiæ, Hannoniæ, Geldriæ, Zutphania, Transmosanorum, Atrebatensij, Bononiæ & Picardiæ. Petita nomine Ducis, præter alia, sexta omnium bonorum ab omnibus ejus gentibus. Accepta dies consultandi adusque septimum Kal. Iunias, quo die ab omnibus constanter negata est illi sua petitio.

Piratae Gallorum mari nostro latrocinia exercentes, pisces graviter infestabant: Ghoera Zelandiæ, Sceveninga & Cadvicus Hollandiæ, Texel item Insula damna præcipua sunt passa. Ceperunt tamen ex navibus Gallicis aliquot, & piratas ad quinquaginta, suosque liberaverunt pisces. Hollandi autem, maximè Amstelredami, classē magna mercatoria minus cautè ex Aquitania revertentes, naves ad quinquaginta & amplius sale onustas amiserunt.

An. 1476.

Pugnavit tamē ipse imperterritus, Imperatorem militemque agens fortissimum: sed postquam omnia vidit dissipata, in conferto confossus fuisse dicitur peditatu, vt homo ignotus qui



qui die tandem tertio inventus est nudus inter mortuos facie ad glaciem cujusdam torrentis ac paludis congelata. Maluit (ut creditum est) mori ingens animus quam in Regis venire ludibrium. Cognitus primum est ab quodam ministro seu cacula suo Baptista ab Columna & ab Matthæo Medico suo Lusitano genere. Cognitus per ungues manuum, quos longiores omnibus aliis gessit: per vulnus pugna Herricia in collo acceptum: per dentes inferiores amissos, certasque alias corporis notas. Vulnus præter alia habebat lethale in temporibus capitis. Sic humiliata Dei voluntate tanti Principis superbia & immodicus fastus, libidoque regnandi insatiabilis. Per longum tempus interfectum esse vulgus hominum negabat, sed vivere adhuc illum pertinaciter prædicabat, credique voluit.

Fuit Carolus (inquit Basinus ejus æqualis) statura vir mediocri, satis valido ac vegeto corpore, laboris & inediae patientissimus. quemadmodum sæpe in suis expeditionibus & ob-  
Caroli staturæ & mores.  
 sidionibus ostendit, in quibus etiam hybernis mensibus atque extremis frigoribus potuit perdurare. Color capillorum niger & facie satis proportionata capillis, trahens ad communem colorem, ex quibus materno genere traxit originem. Fuit magni & alti animi, si illam animi magnitudinem moderato ac prudenti usus consilio temperare potuisset. Verum ipse (ut sæpe mos solet esse Principibus) suo fidens sensui & consilio, & contra sapientis præceptum suæ nimis innitens prudentiæ, plerumque rejectis consiliis sanis, vel parum perpensis, ex sententia sua quidnam fieri veller decernebat. Quæ res profectò ultimum illi intulit exitium. Nam si sanis acquievisset consiliis, pacis fœdera cum Francorum Rege toto quæsiuisset nisu: ad quæ si potuisset pervenire, (ut putabant factu facile sapientes) non necesse habuisset tot se involvere perplexitatibus tum contra vicinos tum contra subditos suos, qui ab ipso ea occasione gravissimis vectigalibus & collatio-  
f
nibus



nibus premebantur. Et licet bis vel ter pacis initæ foederæ maximis roborata sacramentis Rex satis nequiter abruptisset & violasset, maximè propter oppida Somonæ quæ Regij fuere juris ab antiquo: præstiterat tamen longè ea oppida contemnere ac Regi cedere, quàm in perpetuum cum tam potente Principe bellum gerere, tantis impensis & periculis. Potuisset quietus domi vivere ac terras suas locupletissimas reddere, tutumq. ac securum à Regis perfidia se servare, si cum illo pacem habuisset: teste enim Cicerone, Omnis pacis conditio quanvis iniqua civili bello anteponenda est. Erat & longè dispar atque dis milis causa ipsius & hostis sui Regis Francorum. Nam ipse Rex tam latos & spatiosos Imperij fines retinet, & longam & inveteratam jam possessionem nactus est, ut quolibet & quantumlibet gravia collationum & vectigalium onera & tributa subditis imponere possit pro solo nutu & voluntate sua: ita ut nemo in regno, nec provincia quidē vna, sed nec plures simul, aut etiam omnes contra minimum suorum Quæstorum vlllo pacto auderet mutire. In tantam enim servitutem sua inertia & muta patientia tyrannorumque immanitate sunt redacti. Longè autem adhuc aberat, ut tanta licentia in terris suis Duci Burgundionum foret permessa. Initio autem cum imperare coepit patre defuncto modestum se satis & Principatu dignum ostendit. Prius enim quàm rupto foedere Rex illi Ambianos & S. Quintinum Veromandiae abstulisset cultui justitiæ satis dedignus erat. unde de terris illis Picardiae & Flandriae pessimam illarum consuetudinem civilium inter duas pluresve familias pugnarum cohibuit & restrinxit: nec quenquam Nobilium in alium aut inferioris etiam status quemcunque hominem (quod passim antea cæcis temporibus diu assuetum fuerat) via facti quicquam presumere seu attentare impune permisit. Tenebat tunc Curiam publicam bis aut ter singulis hebdomadis in Palatio suo, in qua omnes Proceres ac Nobiles do-

mus

*Caroli laus  
ab amore  
laesit.*



us suæ assidere oportebat: vbi omnibus quicunque vel vn-  
 eunque essent, facultas dabatur accedendi ad Principem &  
 bellos suos supplices offerendi: ad quem per Cancellarium  
 vel aliquem de consilio suo prope assistente ilico re-  
 sponsum conscribi faciebat. Moribus etiam probis & ho-  
 nestis tunc erat. Ferebatur enim tam esse castus vt nullam fœ- *Caroli pater*  
 minam præter conjugem propriam cognoscere vel ei adhin- *dicat.*  
 ere veller. quod nonnulli variis & differentibus viis in vitiū  
 retorquebant, livore aut odio vel levitate potius quam veri-  
 tatis amore. Habebat nempe circa se plures quibus vel ipsius  
 continentia, vel quæ de eo communis a stimatio habebatur,  
 arum placerent, eò quod se libentius voluptatum ministros  
 que turpitudinum illi exhibuissent, quæstum variaque lu-  
 ra talibus ex ministeriis venantes, vt apud complures Prin-  
 ces & tyrannos videre est, & fieri solet. Religioni erat satis  
 editus, diligens excellentes cantores, quemadmodum pater  
 us fecerat: vnde semper honestam & magnificam tenuit  
 apellam, & cum suis cantoribus cantu delectatus etiam pri-  
 vatim aliquando cantavit. Vini & cibi sobrius & temperans  
 vit. Ita profectò vt si quemadmodum initio cœpit perseve-  
 rare potuisset, singularis inter egregios Principes unus fuisset  
 non injuria computandus. Atqui Nescia mens hominis ( vt  
 Plauto inquit) fati sortisque futura, Nec servare modum rebus  
 oblata secundis, in tantam evasit elationem, vt neminem cu-  
 rare vel aestimare aut vereri videretur. Vnde quasi parum sibi  
 foret, si solum Francorum Regem inimicum acerrimum ha-  
 beret, omnem Germaniam & Principes ejusdem, atque bel-  
 lendi peritissimos Suentium populos, paulò ante sibi ami-  
 cos & benevolos, hostes sibi infestissimos (invitos quodam-  
 modo ac recusantes, si licuisset) fieri impulit ac coëgit. Hac  
 Thomas Basinus. Regnavit autem Carolus annos 19, men-  
 ses 1 & dies 22. Vixit annos XLIII, mensem vnum  
 & dies 25.





*Dum jacet & fama Mavors spoliatus & armis,  
Idalia jussu belli Cupido movet.*

*Hujus consilio a Caesar, b Gallusque Mariam  
Uxorem nato querit uterque suo.*

*Patria stat iudex: hac victor iudice Caesar,  
Fungit eam thalamo, Maxmiliane, tuo.*

*Felices ambo, nisi, quæ disrumpere Gallus  
Fœdera non poterat, morte soluta forent.*

a Fredericus  
Imperator.  
b Ludovicus  
Gallorum  
Rex.



## MARIA CAROLI FILIA,

COMES XXXII.

Mariam Caroli (de quo modò locuti sumus) filiam unicam, forma excellenti virginē, quum nobilissimi Principes Fridericus Imperator & Ludovicus Gallorum Rex certim, hic Carolo, illo Maximiliano filio uxorem peterent, convocati sunt Lovanium Patriæ Primores, qui auditis quæ postulabantur, censuerunt ex patris Caroli voluntate Maximiliano Friderici Imperatoris filio Mariam dandam in matrimonium. Quod adeò iniquo animo tulisse Gallus dicitur, *Gallus Maria bellum* statim omnibus quibus præerat Maria bellum indixit. *indixit.* Per id tempus Atrebatū hostiliter adortus est, admissusque in *Atrebatum* urbem, cæsis primoribus, diripuit primū bona civium, inde sine discrimine etiam iussit occidi omnes qui Mariæ verent: vastavit inde quicquid agri oppido conjacet. Inannoniis Avennas vi captas incendit, missis Parisiis iis qui *Avenne* ducibus incolæ restiterant. Ij postea non nisi ingenti pecunia sese redemerunt. Eodem tempore, quum Gallus & *capta & incensa.* mæpremeret, ab Hollandis Amstelredamorum ductu prosperè agnatum est, capta navi à Genevensibus, cujus magnitudinem nostri homines admirabantur.

S 3

*Austriacæ*





at Tum enim  
non dum  
aras Caesar.

*Austriacæ gentis soboles patre Casare<sup>2</sup> natus  
Invicta gessi Belgica sceptrâ manu.  
Te quoque sanguineos enses Ludovice minantem  
Conjugio docui sanctius esse nihil.  
Hæc feci Princeps : quæ Caesar deinde peregi,  
Indicium populi vox lachrymaque dabunt.  
Sunt hæc signa meæ mortis, sed sunt quoque vitæ:  
Felix, qui sola morte suis gravis est.*

MAXIMI.



## MAXIMILIANVS AVSTRIVS,

COMES XXXIII.

**M**aximilianus Caroli Ducis filia in matrimonium Gandavi recepta factus Hollandiæ Comes, ditionis suæ Principes omnes literis ac nunciis hortatus est, ut ad bellum Gallo, qui usque in eam diem Mariæ provincias magnis cladibus affecerat, inferendum arma secum induerent. Ad quam expeditionē quum non pauci Nobiles viri opinione celerius advenissent, in <sup>a</sup> Morinorum agrum egressus cum Gallis acie confligit. Fuit ea pugna Gallorum Ducibus infelix, bona militum parte cæsa. Movit inde Maximilianus in Tornacenses, quos tam arcta cinxit obsidione, ut statim petentes pacem sese dediderint. recepti hac conditione, ut si unquam aliās Flandris rebellassent, publicarentur eorum redditus omnes, quos quotannis ex Flandrico agro recipiebant. Anno proximo in Hollandiam reversus Maximilianus, constituit Vicecomitem alium ejus provinciae, quum ipse rebus magis arduis implicitus adesse non posset. Hac tum ab eo adhuc Comitē gesta. Quæ postea gesserit Imperator, adeo multa sunt & varia, ut separatim volumen requirant. Illud solum adjiciam, hujus morte Principis nihil accidere potuisse luctuosius rebus humanis, & utinam sine sanguine huic successorem inveniat orbis. Decessit autem hic Princeps longè optimus ac liberalissimus anno Virginei partus M. D. XIX. mense Januario.

*Gallus bello  
petitus.*

*a Morinum  
urbs Gallie  
Belgica ad-  
iacens Ocea-  
no contra  
Angliam,  
nostra me-  
moriam ca-  
pta atque  
diruta ab  
Anglis.*

*Maximili-  
ani victoria  
Tornacenses  
obfessi.*

*Vicecomes  
Hollandiae  
relictus à  
Maximi-  
liano.*

*O fluxum*





O fluxum decus imperij! Vix Belgica nactus  
 Sceptra, (heu) crudeli morte Philippus obit.  
 Nec licuit crescentem animo proferre vigorem,  
 Æmulaque (heu) patri facta patrare suo.  
 Belgica, tu tanto suspires orba parente,  
 Et dic: Heu, magnis mors inimica viris.  
 Nam si aut hic senior, aut serior illa fuisset,  
 Dixisses: Iacet hic, qui patre maior erat.



PHILIPPVS II. AVSTRIVS,  
COMES XXXIII.

Philippus per ætatem administrationi maturus, vtrò cedente Maximiliano patre, gubernacula Hollandiæ suscepit. Nostra memoria hic Princeps cum magno peditum globo ingressus Geldriam, vt eam terram olim à maioribus subactam repeteret, omnia terrore complevit: pleraque oppida percussa metu ad primum statim potentissimi Ducis adventum sese dedidêre. In his principiis videbatur brevi Geldriam universam domiturus, nisi repente mutatis (vt fieri solet) rebus in Hispaniam profectus fuisset, vt Castellano Regno inauguraretur. Fuit ea Philippo maximè pacata magnificaque profectio, vt altera illa nobis planè non tristis solùm, verùm etiam luctuosa. Nam tunc in Hispaniis decessit adhuc juvenis, & amplissimis imperiis destinatus.

*Ex Jacobi Marchanti Flandria.*

Philippus Brugæ natus, proavique materni nomē adeptus ad Donatiani. Adolescentiæ curatores habuit tam prudentes, vt poenitenda non suaderent; tam sanctos, vt populi Principisque salutem suis commodis anteponerent; tam graves, vt adulari nollent; Principem denique cunctis acceptum redderent. Comitatus Flandriæ anno M CCCC XCIII, in Octobri, Gandavi inauguratus fuit per procuratores, præter morem. Ejus tamen solemnitatem & inveteratum jus natiæ consuetudinem ipsemet post triennium Gandavi implevit. Tanta formæ dignitas in Philippo fuit, vt transeuntes maximo applausu per Galliam in Hispaniam pulchritudinem Celticæ matronæ puellæque obstupescerent, & omnia bona omnes dicerent. Cui venustati dotes ingenij clementia co-

t

mitasque

a De hac triumphali in Hispaniâ profectio, deque felici huius Principis in patriam reditu, exstat Panegyricus Gratiani latorius Desiderij Erasmus Roterodami: quo viro neq facundior, neque doctior Orbis habet, siue quis Theologia mysteria, siue polioris diuinationis laudat, obiectaque virtutis imagine cohortatur ad honesta.



mitasque æquabantur. Vxorem Lieræ Brabantia prius duxit Ioannam secundo loco genitam ex Isabellæ Castellæ, hoc est, totius vltioris præter Portugalliam Hispania, & Fernando citerioris sive Terraconensis aliarumque ditionum Regibus præstantissimis. At quum Ioannes Hispania princeps, cui soror ejus nupserat, illiusque germana, major natu, Emanueli Portugalia Regi juncta, absque prole decessissent, post mortem socrus Hispania vltioris hæreditatem per vxorem acquisiuit, ad annum M C C C C C V, post factas sumptuosissime socrui Bruxellæ exequias, conduceatore palatino statim in ipso conventu temploque præconio exclamante: VIVAT PHILIPPVS ET IOANNA REGES CASTELLÆ, LEGIONIS, GRANATÆ: ipsique Philippo enses Regum porrigente, titulis & insignibus philippi amplificatis. Socero vt regnorum dotalium regia administratione decederet, quam ex mascula Regum Castellæ stirpe, vnde prodiit, vxorisque testamento vendicabat, placato transactione. qua soceri vitæ concessit suprema D. Iacobi, Calatravæ, Alcantaræ magistraria, semissemque ex Indiis redituū, annuaque ex Castellanis viginti quinque milia ducatorum: quum omnes fere Hispani proceres philippum assidue evocassent, ad eumque appellentem, velut ad orientem Solem, accurrissent. Ast ille paucos post menses, quum esset firmissimo corpore, summaque felicitate & exspectatione, lusuque pilæ à prandio excafactus, frigidam avide bibisset, febris septem dierum calidissima, quam Medici causonem vocant, Burgis vrbe Castellæ veteris primaria anno M C C C C C V I, mense Septembri, e vivis migravit: Ad Miraflores Carthusios, ibi propinquos, sepultus in sumptuoso Regis Ioannis ex alabastrite monumento: corde Brugam in conditorium maternum transmissio: patre & vxore superstitis, atque socero: qui ad Hispania moderationem revocatus, modestè rediit, eamque totam; excepta Portugallia (nam Regnum Granatæ



Granatæ anno M CCCC XCI, & Navarræ M CCCCC XIIII  
armis acquisierat, Castellæque Regno in perpetuum con-  
iunxerat) belli gloria auctam, Carolo nepoti tutam conserva-  
vit: atque mortuus, vna cum Sicilia, Neapolis, Sardinia, Ba-  
learium, Indiarumque Occidentalium inventarum Regnis  
reliquit possidendam, ac administrandam. Fuit Philippus  
Leonoræ, Caroli, Isabellæ, Ferdinandi, Mariæ, & Catharinæ  
posthumæ ordine pater. Fatum ejus portendit ardens come-  
tes circiter idus Septembris in Septentrionem prope Plau-  
trum, tetra luridaque specie, cauda splendida densaque (vnde  
avonis cauda vocabatur) in Corum porrecta: de quo vulgi  
opinio est, tanquam mutationem Regis portendat. Conjunx-  
it utem illius, cujus prudentiam melancholia in morte viri in-  
tempeſtiva patefacta imminutam, modestia & in patrem re-  
verentia longe superavit, anno ætatis septuagesimo, caliba-  
us quadagesimo nono, in Hispania Tordeſillis ad annum  
M CCCCC LV cum morte vitam commutavit.





*Certabant nuper Pietas & bellipotens Mars  
 De vita & factis, Carole Quinte, tuis.  
 Laude hic te dignum referabat, at illa negabat,  
 Hic captae Romæ, sed memor illa crucis.  
 Tandem multa minans, quid verbis obstrepis? inquit  
 Quum Pietas, iudex Iustitia, inquit, erit.  
 Tunc litem Dea Iusta secans, verum, inquit, vtrumq. est  
 Nunc ite, at quàm vos prælia dira manent!*



*Ad illustrissimum Carolum V. Romanorum &  
Hispaniarum Regem, Philippi filium,  
HADRIANVS BARLANDVS.*

PERduximus, iuvante Deo, Catalogum Hollandiæ Principum ad Celsitudinem tuam, Illustrissime Carole, de qua jam pridem tui cives nihil expectant mediocre. Omnibus certissima spes, te aliquando magnum illum Philippum pietate, Carolum (qui ob rerum gestarum magnitudinem Bel-lator à quibusdam dictus, & quem tu nomine refers) bellica virtute, avum Maximilianum clementia, Philippum patrem comitate facilitateque superaturum. In hanc autem amplissimā spem tui amantissimos, tuisque obsequiis impensissimè deditos cives adduxit cū naturæ tuę bonitas, tum exacta sub incorruptissimis magistris pueritia tua. ex qua jam egressus majorum tuorum indolem apertè repræsentas. Bis igitur beatus futurus, quisquis erit ille, qui te senem, quem ego nunc juvenem alloquor, à rebus gestis laudabit, efferet à pietate in Divos; moderatione in summa fortunæ indulgentia; modestia in tanto rerum omnium successu; comitate in tanto florantissimo Regni fastigio; denique à sapientia, per quam Principes imperant & discernunt Iustitiam.

*Philippus  
senior Pius.  
Carolus  
Bellicosus.  
Maximili-  
nus cle-  
mens.  
Philippus  
Iunior co-  
mis & sa-  
cili.*

*Virtutes  
Principis  
Pietas, Mo-  
deratio,  
Modestia,  
Comitas,  
Sapientia.*

*Ex Jacobi Marchanti Flandria.*

Carolus anno M ccccc bissextili Februarij die Lunę Matthiæ sacro Gandavum in lucem protulit. Pueritiam Caroli, nam sexennis patrem amisit, & adolescentiam ad probitatis normam direxerunt Margarita amita, Archiepiscopus Vesontinus ex progenie Vergya, Gulielmus Croyus Archotæ Cievraque Regulus, & Hadrianus Florentius Ultrajectinus, Theologiæ Lovanij Doctor, Academiaque Cancel-  
larius,



larius, qui postea ad Papatum, sub nomine Hadriani VI, sola virtute doctrinaque Romæ cognitus, pervenit. Et in tantam gloriam Carolum extulerūt, non Ludovici XI Galliarum Regis ab Historia Cominæ æmulatio, ut Bodinus asserit, quo Regē illum probissimi Cæsaris comparatione incrustet, illustretque; sed cum inculcata educatione conjuncta exempla avi, tam paterni, quam materni, qui ceteros in Europa ejus sæculi Reges virtute, auctoritate, atque laude antecesserunt. Hunc Belgica anno MDXV Principatui inauguravit. Hispania altero post anno, Germania anno MDXIX. Regē atque Cæsarem agnoverunt: quamvis Hispaniæ regnis non fuit inauguratus ante annum MDXVIII, quod credibili splendore factum fuit Validoleti in templo paulino: ubi Ferdinandus frater, suis manibus in manus Gulielmi Croyij Cievrij rite complicatis, fidelitatem hominij juratus, ad latus Regis in solio sedentis, & hoc jubentis, nudato vertice stetit, procerumque Hispaniæ se homagio devincientium juramenta Regis vice recepit. Convenerat autem anno MDIX inter utrumque ejus avum Maximilianum atque Ferdinandum, ut Carolus, matre vivente, donec ipse vigesimum quintum ætatis annum attingeret, Regia appellatione abstineret, ac administratione: & hanc Ferdinando avo materno interea concederet, masculam prolem ex secundis nuptiis non suscipienti, & quotannis ex Hispania quadringentas auri libras conferenti. Sed Ferdinandi mors, mentisque in matre impotentia, Regnum Hispaniarum ipsi acceleravit. Anno MDXX, mense Octobri, Aquis-Grani in Cæsarem inauguratus est. Turnacum ejusque arcem atque agrum anno MDXXI Gallis eripuit, sibi que subdidit. Christiernum II Daniæ Regem, sororis virum, tribus Regnis per subditos vicinosque exutum cum vxore liberisque recepit anno MDXXII, ejusque restitutionem non vehementer, liberos valde juvit, aluit, nupiumque dedit. Fratribus Equitibusque S. Iohannis Hierosolymitani



folymitani Xenodochij Rhodo anno M D XXIII per Turcos ejectis donavit Melitem insulam, juratis eo nomine clientelæ fidelitatem. Capto ad Papiam anno M D XXV Francisco I Galliarum Rege, Flandriam Artesiamque omni supremo Franciæ imperio & qualicunque obsequio emancipavit: cunctaque Andegavensium in Neapolim & Aurelianensium in Mediolanum Genuamque jura, à Francis abdicata, in se transtulit. Roma ab ejus exercitu anno M D XXVII, sexto Maij die, ad suburbium, quàm mons, quàmque S. Spiritus templum, superata fuit, atque spoliata. Ultrajectina & Trans-Isc-lana ditio Henrici Bavari Palatini Episcopi, Ordinumque regionis cessione, à Clemente VII Papa, Imperioque approbata anno M D XXVII, in illum transijt: quum duodecim ante annos Frisia accessisset à Georgio Saxoniarum Duce, centum florenorum milibus transigente: cujus patri Alberto, Belgij Præfecto, in compensationem pecuniæ mutuae, operæque strenuæ & sumptuosæ, per Caroli patrem concessa fuerat. Anno M D XXX à Clemente VII Pontifice in Imperatorem Augustum die natalis Bononiæ consecratus est. Soleymannum Turcum potentissimum toti Germaniæ inhiantem anno M D XXXII domum fugavit. Regnâ Cuscana, Mexicana, Peruana, in Indiis Occidentalibus, auspiciis avi ejus Ferdinandi per Christophorum Columbum Americumque Vesputium Italos primum compertis, opera Cortesij & Pizarri Hispanorum Christo sibi subjugavit. Urbem amplissimam in Africa, quam Polybius Tunes vocat, quindecimque passuum milibus distare scribit à Carthagine, atque annexum illi regnum latissimum, Hairadino Enobarbo anno M D XXXV eripuit, ac Muleio Hazanio legitimo Regi restituit, levissimo, binorum puta falconum, totidemque pernicum equorum, tributo imposito; & arce Goleta retenta, firmataque præsidio Christiano. Quo tempore, Francisco Sforcia II à vita sine liberis decedente, Mediolani principatum



tum jure Cæsarum prærogativo, tam suo, quàm Friderici III proavi acquisivit. Vnde illum plus emolumentorum quotannis hausisse, quam Regem Franciscum I sub idem tempus ex Gallia; & ex Belgio plus annuorum fructuum percepisse, quam Regem Henricum VIII, eadem tempestate ex Anglia, Bodinus polyhistor in suis de Republica libris cõmentatus est. Magno eximiæ fiduciæ integritatisque argumento, anno M D XXXVIII ad aquas mortuas, quas fossas Marianas dicunt fuisse, & altero post anno peragratis Galliis se permisit hospitio fideiq. Regis Francisci, nemini Regum tunc cedentis sinceritate, ac honorificentia hospitalitatis. Geldriam cum Zutphania, per Carolum proavum coemptam, possessamque; sed ereptam à Carolo Egmondano ad annum M D XLII recuperavit, abtraxitque Gulielmo Cliviæ Duci, novo possessori: quum ante annum ad Argieram Africæ, non victoriæ, ob incredibiles aëris marisque tempestates, sed rarissimæ constantiæ laudem promeruisset. Ioannem Fridericum Saxonie Ducem Electorē, & Philippum Hessiæ Landgravium, illum forti ad Albim prælio, hunc transactione controversa, nominisque sui metu, neque non maximam Germaniæ disiunctę partem anno M D XLVII arbitrio suo custodięque facilius subdidit, quàm retinuit: Cameraco, vetusta Imperij vrbe, paucos ante annos contra Gallos asserto, arce imposita, veluti freno atque vadimonio. Eodem hoc anno M D XLVII illi Paulus III Pontifex ex Familia Farnesiana Romanus agnomentum Maximi, Cardinalium Senatusconsulto, attribuit. Mediomatricum Metini, à Gallis interceptam, anno M D LII frustra obsedit, propter hyemis rigide nivoseque asperitatem, & præsidij nobilissimi pertinaciam. Teruanam Morinorum, antiquam nobilemque urbem, Gallis fidam, perpetuamque Flandriæ Occidux noxam, anno M D LIII oppugnatione cepit, funditusque delevit, cum Hesiino, novumque Hesiini oppidum struxit



fluxit loco aptiori. Belgij Proceribus, Vibiumque Legatis  
præsentibus, ditionum administrationi Gandavi renuncia-  
vit, filij præsentis & succedentis viriuti confusus, ad annum  
M D LVI, mense Augusto: tum rerum humanarum regnandiq.  
radio, & cælestium desiderio: tum asthmatis angustis debili-  
tatus. Ex Zelandiæ Rameka, anno M D LVI, Septembri mense  
solvit, & cum Leonora Mariaque sororibus viduis ad Laredum  
Hispaniæ portum applicuit: insignem illi ultimamque transve-  
stionis operam feliciter navante classis præfecto, Equite Flan-  
dro, V Vackenij comarcho. Inde ad Hieronymianum Sodaliti-  
um D. Iusti, septem à Placentia miliaribus diocæsis Toletanæ,  
locum perpetuo vere salutiferum, lectica vectus est; ibique cum  
duodecim tantummodo intra domesticos parietes familiari-  
bus (in quibus Malinaus Brugenſis historicus erat) sanctè vi-  
sit, injungens ut solummodo Carolus appellaretur. Illic Ro-  
manum Imperium sponte abdicavit, brevi que mortalitatem  
implevit ad annum M D LVIII, XI Kal. Octob. ætatis an-  
no quinquagesimo octavo, mense V, die xxv. 1, Principa-  
tus paterni LII: regionum maternorum XLIII. S. Imperij  
L. Sepultus est Escuriali: ubi filius Philippus sumptuosissi-  
mum templum, ædesque, cœnobio Laurentiano, institutum  
Hieronymiani, ædificavit. Ex Isabella Emanuelis Portugal-  
liæ Regis filia, quæ anno M D XXXIX mense Maio Toleti  
cessit, reliquit Philippum virilis stirpis unicum, successo-  
rem, Mariam & Ioannam: Illam Maximiliano II Cæsa-  
re: hanc Ioanni Portugalliæ Principi conjugatas. Nothos ha-  
uit non ignotos, Ioannem, nobilissimo ad Naupactum con-  
tra Turcos prælio celebrem: atque Margaritam, Alexandro  
Medices Florentinæ ditionis, dein Octavio Farnesio, Parmæ  
Placentiæque Ducibus, nuptum à patre elocatam.





*Multa Triumphator magnus mihi regna paravit,  
 Multaque vindictus regna parata meis.  
 Quid tamen hæc profunt in me mea Belgica sevit,  
 Præcipua Hollando bella movente mihi.  
 Libera gens, nullos umquam admissura Monarchas,  
 Hispano refugit subdere colla iugo.  
 Displicet exemplum: sed tu provinci laudas,  
 Et gaudes cineres tam procul esse meos.*



HISTORIA.  
PHILIPPVS III,  
COMES XXXVI.

155

Philippus, Belgii Principum primus, in Hispania, Valle O-  
litana, vrbe Vaccaorum, anno M D XXV, mense  
Maio, in lucem prodit: quo tempore patri Roma subjugabatur: non leui ejus amplitudinis augurio, qua illum dilata-  
ri ceteri Reges obstupescunt, terrarum Turcicę potentię di-  
mensionem decies antecedentem; si Ioannis Podini Galli  
polyhistoris de Republica commentariis adstipulemur, atque  
hinc in Europa octodecim regnorum, olim distinctorum, &  
tot Ducatum, Comitatum, aliarumque ingentium ditio-  
num accumularam possessionem: illinc Indiarum, Novique  
Orbis Monarchiam perpendamus. Mariam patris consobri-  
nam, Anglię Reginam, per Lamorallum Egmondanũ Ga-  
verę Principem, procuratorem suum, antea sibi desponsam,  
anno M D LIII, Vintoniæ in uxorem accepit: Regno  
Neapolis, & Ducatu Mediolanensi, propter nuptias a patre  
donatus. Anni M D LVIII insignes contra Gallos pugnas  
victoriasque ad Quintinopolim ac Grevelingam, illustriori  
ad annum M D LIX, mense Aprili, pace exornavit: qua sibi  
ingens nomen amplificavit, & Emanuele Philibertum, Sa-  
vandia Pedemontioque ad annum M D XXXV cum patre  
relictum, avitis ditionibus restituit, magna in amicitia con-  
stantiæ, & in potentia efficaciæ commendatione. Pręclarissi-  
mæ oleæ annexit lauream immortalem, tum Augusto Mu-  
searum templo Duaci dedicato: tum sacrosanctis Bibliis, Græ-  
cæ, Hebraicæ, Chaldaicæ, triplicique Latina lingua correctissi-  
mis ornatissimisque, ex Academia Complutensi orbi uni-  
verso communicatis. Ex Flandria, ceteroque Belgio pace tu-  
is, ac opulentia copiosis, sub finem anni M D LIX in Hispa-  
niam enavigavit. Post cujus discessum, quam non tantum in



Flandria, sed in toto Belgio miserè & infelicitè, peccatis nostris apud Deum ita promerentibus, omnia successerint, notissimum est: nostrique non est propositi, nec presentis instituti de iis agere. Obijt autem Philippus Rex potentissimus in Escuriaco S. Laurentij cœnobio, quod est Sodalium Hieronymianorum, xiiii Septembris die, anno M D xxviii, ætatis anno septuagesimo primo.

HOL



HOLLANDIAE ZE-  
LANDIAE QVE  
HISTORIA.

Ex Meiero & Barlando aliisque,  
fuis locis addenda.

*Ex Annal. lib. II.*

**B**Alduinus (Barbatus, five Pulchro-Barbus) Comes Flan- An. 1097.  
driæ, omnibus in rebus Cæsariæ obsequiosus Majestati,  
quosdam in Lotharingia minus dicto audientes brevi facere  
coëgit imperata, tantamque ab Henrico (II ejus nominis)  
inivit gratiam, ut & VValachrias cum aliis Zelandiæ Insulis  
dono ab eo accipere mereretur. Quæ quidem res origo fuit  
longissimæ inter Flandros ac Hollandos discordiæ, ac belli:  
quod quadringentos per intervalla tenuit annos, contenden-  
tibus usque Hollandis Zelandiam jure optimo esse suam, Do-  
natione quadam jam inde ab Ludovico Cæsare Ludovici Pij  
filio profecta.

*Ex Annal. lib. III.*

Theodericus Comes Hollandiæ conjuratione Agrippi- An. 1048.  
nensium ac Leodiensium Dordraci occiditur, Idibus Maij.

Balduinus (Pius) Flandriæ Comes, vna cum duobus filiis An. 1053.  
Balduino ac Roberto, juncto sibi Duce Godefrido acerrime  
adversus Cæsarem (Henricum) administrat bellum. Lorha-  
ringiam longe incurSAT. Ipse Tutlinium, Balduinus filius  
Hoyum incendit. Zelandiæ autem Insulas ab Cæsarianis atque  
Hollandis occupatas recuperat.



*An. 1057.* In Synodo Agrippinensi Victor Pontifex Romanus & Henricus Francorum Rex pacis authores fuisse dicuntur, quæ Balduino Principi Godefridoque Ardvennensi à Cafare Henrico data est. Ea pace terram omnē inter flumina Scaldem & Tenerā, Quinque Insulas Zelandicas, Castrum Gandense cum Quatuor Officiis Balduinus retinuit.

*An. 1061.* Florentius Comes Hollandiæ ab Brabantinis bello occiditur, x i i i i Kalendas Iulias, funeratus in Monasterio Egmondano.

*An. 1063.* Aldenardæ indictus à Balduino Pio Optimatum Conventus. Confectum ibi matrimonium inter Robertum Pij filium natu minorē ac Gertrudem viduam Florentij Comitis Hollandiæ. Institutus Robertus Procurator Hollandiæ, ac Tutor liberorum Florentij, ex voluntate Legatorum Hollandiæ. Assignatæ Roberto pro sua hæreditaria portione, Quinque Insulæ Zeladiciæ, V Valachria, Scaldia, Zuyrbevera, Nortbevera, Borselia: Comitatus adhuc Alostanus, cum terra Quatuor Officiorum, ac grandi pecuniæ summa. Adactus à patre jurejurando, ut his contentus numquā fratri Balduino foret injurius. Erat enim Robertus vir animo audaci ac præferoci, imperij cupidus, armisque adeo deditus, ut non nisi bello videretur natus. Contra Balduinus placido & mansueto ingenio, pacis studiosissimus, Religioni rebusque Divinis intentū semper habebat animum. Profectus igitur Robertus continuo in Hollandiam, cum Gertrude celebravit nuptias: statimque Frisijs indicto bello, partem aliquantam ejus regionis subegit, inde nomen sibi Frisio peperit.

*An. 1070.* Defuncto Balduino Monte Comite, Robertus (Frisius) ejus frater tutelam nepotis sui Arnulphi poscebat juxta formulā fraterni testamenti Aldenardæ facti. Hac illi annitente Richilde Arnulphi matre denegata, declaravit se inimicum domus Flandricæ. Richildis feroci ingenio mulier, quidquid illius esset in Flandris, ut Comitatum Alostanum, Quatuor Officia, Insu-



Insulasque Zelandicas invasit, atque in fiscum redegit. Interea Robertus cum Frisiis bellum gessit. Citeriores Frisios simul Kamerlandos & Alkemarchos domuit. Privignos suos Theodericum, Florentium, Bertam strenuè defendit.

Gothofredus Lotharingę Dux cognomento Gibberosus, *An. 1078.* auxilio Gulielmi Traiectensis Episcopi, invasit Hollandiam. Restitit Robertus quantum maximè potuit. Occurrit hostibus cum exercitu ad castellum nomine Leydam. Sed pugna ibi commissă, deteriore fuit fortuna, victusque & fugatus cum vxore & liberis profugit Gandavum. Quò ad eum raptim omnis convenit Nobilitas Flandriae Teutonicę, durum Richildis imperium, avaritiam, superbiamque muliebrem exorta. Nam præter alia nova vectigalia quaternos tota Flandria denarios à singulis exegit lectis. Domini Malgiacensis in primis, ut ferunt, vsa consilio. Scinditur Flandria in partes duas, Germanicam & Gallicam, &c. Victor Frisius Richildem cum filio Balduino fugat in Hannoniā. Cecidit inter alios Comes ipse Arnulphus, qui delatus ad Fanum Audomari sepelitur in Æde D. Bertini, annos natus circiter xvi. Reliqui inter Casletum & Fanum Audomari, ut quisque ceciderat, sepulti. Quidam sunt authores ad viginti duo occubuisse hominum milia, &c. Hac victoria potitus est Frisius mense Februario, die D. Petri Cathedra festo, anno M LXXI, seu, ut Sigebertus more Romano supputat, M LXXII.

Igitur Robertus cognominē Frisius, ope Flandrorū Teutonicorum fuis fugatisque nepotibus ac Philippo Francorum Rege, Flandriam per vim obtinuit, &c.

Occisus Godefridus Comes Lovaniensis Antverpię ab *An. 1078.* perversoribus ab Roberto Frisio submissis.

Pace quadem facta cum Balduino Montensi, Robertus *An. 1085.* Comes filium sibi cognominē in partem regni cooptatum Comitem appellat, mandataque illi administratione Flandrica, magno comitatu proficiscitur in Syriam, in visumque Hieroso-



Hierosolymis magna religione sacris locis, ad montē etiam Sinam pergīt visum D. Catharinę sepulchrum. Ferunt quum templum Hierosolymis intrare vellet, miraculo ingressū prohibitum, donec confessus peccata sua promitteret se rediturum Flandriam Balduino Montensi, ac tunc inter supplicandum miranda illi visa ob oculos versata.

An. 1091.

Robertus Comes ex Syria reversus.

An. 1093.

Quarto Idus Octobris Robertus Comes in vivis esse desit. Quidam in VVinedale, quam Arcem exstruxisse dicitur: ceterum Bertiniani eum obiisse tradunt Casleti, cita morte, & absque sacro viatico. Situs est Casleti in Æde Perri in crypta.

*Ex Jacobi Marchanti Flandria.*

a De quo  
Suetonius,  
& Dion.  
Nicenus.  
b De hoc  
Hæroe &  
altero quo-  
dam Achille  
consulenda  
Iunij Basi-  
lia, pag.  
227.

Legatis Roberti ad Henricum IIII Cæsarem missis, ut de Alostana ceterisque terris Imperio fide annexis juramentum Roberti nomine darent, ejusque amicitiam impetrarēt, quiddam accidit memoratu non indignum, quod Balduinus Tornaci primarius, & Legatorum precipuus, semper asseverabat attonitus, ut Annales attestantur, (alioqui fabulosum & incredibile ignorantibus simile quid a Druso Germanico Augusti in exercitu Legato, patrumque memoria b Joanni V Vassenaro, nobili fortique in Hollandia copiarum Duci, non procul hisce regionibus obvenisse.) Fertur illis Frisij Legatis Colonia Agrippinæ, ubi Cæsar erat, appropinquantibus obviam venisse mulier specie gravi, reverenda, atque humana amplior: quę percunctata vnde venirent, quò procederēt, quum responsi dubios & cunctabundos animadvertit: Scio, inquit, vos esse ad Henricum Cæsarem missos à Roberto Frisio, qui nepotum alteri vitam, alteri hæreditatem Flandriæ eripuit. Impetrabitis Cæsaris benevolentiam, & Robertus Flandriam obtinebit ipse cum filio & nepote: sed in hoc posteritas



tas ejus virilis exstinguetur, propter illam, qua afflixit fratris filios, iniquitatem.

*Ex Meieri Annal. lib. II II.*

Repetebat Henricus Cæsar Alostanos, Quatuor Officia, *An. 1096.*  
Arcem Gandensem, & Insulas Zelandicas. Robertus Flan-  
driæ Comes firmo præsidio oppida castellaque sua hosti fi-  
nitima emunit, illumque aliquantisper à Flandris arcet: qua  
mora injecta, cecidit ejus militi animus, sensimq. dilabentes  
ab eo Germani, alij a Bononiensem, pars Imperatores alios  
in Orientem sunt secuti. Ita Henricus à suis destitutus ac pro-  
pe in ordinem redactus, cogitur incepto desistere.

*a Godefrido  
puta,  
Eustachij  
Comitis Bo-  
nonia*

*filiū, primum Hierosolymorum Regem, qui obiit anno 1100 XV Kal. Augusti.*

Henricus Cæsar, Conventu Ratisponæ habito, amplas ex *An. 1108.*  
Norici præcipue copias adduxit in Lotharingiā seu Braban-  
tiam, ut Flandros adoriretur. Ipse Alostenses & Quatuor Offi-  
cia; Hollandi, foedere cum eo icto, Zelandicas Insulas; Mon-  
tenses verò, hoc est, Hannonienses non solum Duacum, sed  
totam à Roberto repetebant Flandriam. Quibus omnibus si  
parendum fuisset, vitam Robertus privatam vivere debuif-  
set. Sed longe secus ac rebantur res cessit. Robertus Orientis  
domitor, nihil Cæsarianas timebat minas. Et Flandri tali Du-  
ce invincibiles prorsus videbantur. Henricus nulla re memo-  
rabiligesta retro abiit inglorius, paceque ad Natalem Domi-  
nicum Magunciaci facta. Duacum Augusti etiam permissu  
Flander retinuit.

Obit, sepeliturque Furnis Gertrudis, Balduini (Securis) *An. 1113.*  
avia, Furnensis Vice Comes, (Roberti Frisij vidua.)

Albaldus Abbas seu Præpositus Formiselenensis, postquam *An. 1123.*  
per annos duos laudabiliter præfuiisset, bona multa præcipue  
in Testreep Cœnobio acquisivisset, factus est Abbas apud  
V Valrighem, hoc est, Middelburgi in V Valachria; qui pri-  
mum Regulares fuere, sed non multo post facti sunt Premon-

x

straten-



stratenses. Porro Testreep locus juxta Ostendam mari submersus est, inundatione maris. Quæ fuit ( vt puto ) anno MCCCXXXIIII, in feriis Divi Clementis, mense Noyembri.

*Ex Annal. lib. v.*

*An. 1134.* Mare ruptis aggeribus Flandriam inundavit.

*An. 1135.* Oceanus iterum se effudit in continentem, bonamque Flandriæ, Hollandiæ ac Frisiæ partem subito submersit, magna tum hominum tum pecudum multitudine exstincta.

*An. 1158.* Agente in Syria Theoderico Alsatio Flandriæ Comite, cum Hollandis Flandrorum per id tempus ob Insulas Zelandicas hostibus renata discordia; cujus quidem fuisse causam referunt, quod Florentius Hollandici Comititis Theoderici filius vectigal seu portorium quoddam ad locum cui nomen *Beerf-Ort* ab Friderico ( I ejus nominis ) Cæsare accepisset in modum beneficii, ejusque rei prætextu magnopere Flandricos vexaret mercatores, longè solito majora extorquens ab illis vectigalia. Philippus Comes, florentissima tum ætate, acrique ac plane militari vir animo, iis rebus irritatus, bellum terra marique Hollandis faciendum existimavit; eodemque simul tempore & classem validè instructam contra Florentium in mare misit, & Vvasiam possessam tum ab Hollandis terrestribus invasit copiis; pulsoque <sup>a</sup>Theoderico Bevernensi, ac combusta Beverna castello, cum præda ac maximo captivorum numero domum rediit.

*a Theodericus Bevernensis, qui & Dux mudanus,*

*prædicans se heredem Theoderici Alostani filij Iuvvani, partem Comitatus Alostenfis ab Baldvino Hannonio, Flandri Comite, anno 1193 repetebat. Vide Annales Meieri. Apud quem, & inter Cruce signatos & Sacro bello accinctos numeratur anno 1203. & alibi non semel laudatur.*

*An. 1165.* Philippus Comes cum Matthæo fratre & Godefrido Co-

*a Auctariæ Aquitanum ad Sigebergi* mite Lovaniensi instructa multarum navium classe, movet in <sup>a</sup>Florentium Comitem Hollandiæ, qui per id tempus terra marique Flandris incommodabat. Cessit hæc expeditio Flandris



Flandris perquam prosperè. Enimvero Florentius, qui tam sibi vim militum piratarumq̃ conflaverat, ut totius maris imperium obtinere videretur, circumventus undique à nostris, desperata spe resistendi, sine ullo prope certamine se suosque Philippo Comiti dedit, adductusque Brugis, atque in cœnobium D. Donatiani diligenti cura servatus. De piratis nonnullis sumptum supplicium.

*ram tamen luisse videbor, si eius verba adscripsero:* Anno 1165 Philippus Comes Flandriæ, et Matheus frater ejus Comes Boroniæ, et Godefridus Dux Lovaniensis, cum septem fere milibus navium, expeditionem movent adversus Theodericum Comitem Hollandiæ, quem in deditionem venientem cum suis Comes Flandriæ diutius tenuit in captivitate. *Hic Theodericum ejicias licebit, & Florentium reponas.*

Florentius Comes Hollandiæ, quem Brugis captivum asservari ostendimus, custodia est dimissus, paxque inter eum & Flandrum his legibus composita: Ut obsides quos Flander habebat de Insulis inter Scaldem & Edinzeam remaneant Brugis, quamdiu Flander voluerit: Ut nullum duellum usquam fiat propter dictas Insulas, præterquam in oppido Bruggensi: Ut omnes proventus & emolumenta ac bona quæque fisco adjecta in iisdem Insulis Comites inter se dividant: Ut exules & homicidæ Hollandiæ in Flandriam non habeant refugium: Ut neuter Comitum in prædictis Insulis villas exstruat munitiones: Si Comes Hollandiæ contraeat huic paci, quidquid in Flandriæ clientela terrarum possidet committere, donec injuriam ac damna resarciat: Item si quis mercator Flander in Hollandia spoliatur, oppidum aut ager in quo spoliatus fuerit damnum præstabit arbitrio sex virorum: Ut mercatores Flandri tota Hollandia ab vectigalibus sint immunes: Si quid sub umbra vectigalis aut tributum illis ablatum fuerit, Comes Hollandiæ reddere teneatur: Ut mercator Flander transiens per Hollandiam de omnibus quæ ab eo exiguntur debitis solo juramento se poterit purgare, ne remoretur ejus iter: Si ultra juramentum mercator impediatur teneaturve, Comes Hollandiæ damna ejus & impensas luat. Actum Bruggis

*Gemblacæ.  
sis Chroni-  
con, nuper  
ab Auberto  
Mirao pu-  
blicatum,  
non recte  
Theode-  
ricum  
nominat.*

*Non ope-*

*An, 1267.*

*a Heiden-  
see.*



gis in Præpositura S. Donatiani, feria tertia post Reminiscere, anno M C LXVII. Ita enim tempus annotatur in Tabulis.

Verum haud ita multo post, quia Florentius hanc pacem non servavit, abstulit illi Philippus omnia quæ habuit in dictis Insulis. Abstulit præterea illi terram VVasiam, quam tenuerant Comites Hollandi in fide ac clientela Comitum Flandriæ. Hæc omnia sui fecit juris, ac Flandrico adjecit imperio.

*Ex Annal. lib. VI.*

An. 1180.

*a Ita ad  
annum vs  
que 1331  
dictam, idē  
Meierus  
annotavit,  
quo Lam-  
mins-vliet  
nomen a-  
misit, ac Slusa dici cœpit. Vide eius Annales ad annum 1331, non præterito anno 1316.*

Aggeres hoc anno factos lego ab Hollandis, earum rerum longè peritissimis, ab Dammis ad Slusam vsque a Lamminis-vliet tunc dictam, atque extrusum mare quod eum tunc tractum inundaverat. Hollandi fossores, (sicut referunt Dammenses) qui aggere facto & mari extruso Dammum condiderunt, Diedolphi cognomen acceperunt. Diedolphi enim sonat id quod, qui foderunt; vt Marcus die dolf, id est, qui fodit. Diedolforum cognomen longo perseveravit tempore.

*Ex Annal. lib. VII.*

An. 1191.

*b Eius no-  
minis 1 V  
Hannonia  
Principe,  
qui uxoris  
Margaretæ  
Alsatiensis  
nomine Co-  
mes Flādræ  
salutatus  
an. 1191,*

Dum hæc Gandavi aguntur, Theodericus Comes Hollandiæ Comesque Lovaniensium Henricus sagaci perpendentes animo quantum jam virium Flandris decessisset, de suo quoque agendo negotio callidum iniêre consilium. Magnis uterque Henricum Cæsarem sollicitavit fatigavitq. precibus. Hic, vt Alostanos Imperij clientes Lotharingiæ contributos obtineret. Ille, vt ab fide Flandris Comitibus debita solveretur, possideretque maris Insulas in fide ac clientela duntaxat Imperij. At Cæsar nullam b Balduino facere voluit injuriam, nihil illis concessit.

Balduinus Hannonius Flandriæ Comes, qui suo nomine in verba Cæsaris juraret, Balduinum filium in Vangiones misit.



misit. Ipse domi ab Comite Hollando iuramentum accepit Flandris Principibus præstari solitum.

Balduinus Comes ad Cæsarem in Germaniam profectus, *An. 1192.* fidem illi de Alostanis, VVasia, Quatuor Officiis, Terra iuxta Scaldem, VValachria, Zuutbevera, Nortbevera, Borsalia, ac reliquis Zelandiæ Insulis præstitit.

In Expeditione Asiatica præter Fridericum Augustum ac *An. 1193.* Philippum Comitē Flandriæ desiderati sunt Fredericus Suevorum Dux Frederici Cæsaris filius, Robertus Comes Nassovius, Fredericus Hufa cum Comite Turingiæ, Florentius Comes Hollandiæ, &c.

Hollandiæ Comes Theodericus Florentij filius Flandri. *An. 1195.* cos mercatores graviter molestore cœpit ad Portum Gerardi (Gheers-Øliet vulgo dicunt.) Impetraverat enim ab Henrico Cæsare, ut quicumque mercator illac transiret, vigesimam omnium rerum suarum persolveret pro vectigali. Hujus quidem sub prætextu vectigalis magnam vim auri ab negotiatoribus extorsit, adeoque acerbè exegit præcipuè à Flandris, ut duplum sæpe solvere cogerentur. Unde rixa multa ac grandis discordia Flandros inter & Hollandos orta, quæ non nisi bello postea finita est.

Theoderico Comite Hollandiæ Dordraci a miserabiliter *An. 1203.* trucidato, Gulielmus ejus frater invasit Principatum, extru- *a Errat,* sa Ada Theoderici filia Ludovico nupta Lossensium Comi- *obiit enim* ti. Coëgit Lossensis quantas potuit copias, Ducemque Lem- *sua morte,* burgensem una cum Episcopis Leodiensi & Trajectensi sibi *non inimi-* adjunxit: Flandrorum item comparavit auxilia, remisso illis *ca manu* vectigali illo apud Gheers-Øliet, cujus supra fecimus mentio- *interfectus,* nem. Balduinus Princeps, tamen si parandæ in Syriam expedi- *Castigan-* tioni esset intentus, Lossensi tamen profectus est auxilio. In *aus etiam* terram Scaldanam, dictam gentilitè *Mirans in* Bresterfelt, & Scauvvi- *Chronico.* am copias duxerunt, ut Zirixeam oppidulum obsiderent. Verum agentibus quibusdam pacificatoribus res compositæ sunt



sunt per sequestros. Cessit Lossensis Gulielmo Hollandiam, acceptis ab illo decem milibus marcharum argenti.

*Ex Annal. lib. VIII.*

*An. 1213.*

*α Ioannis  
Anglia Re-  
gis frater,  
Comes Sa-  
lberie.*

Ferdinandus Sanchij Portugalliæ Regis filius, Ioannæ Constantinopolitanæ Flandriæ Comitissæ maritus, Reginaldusque Bononiensis & α Gulielmus Saleberius Anglus bello petiti à Philippo Rege Galliarum, ne classem partamque prædam amitterent, subito in VValachriam Zelandiæ Insulam refugerunt.

Cognito Regis discessu Ferdinandus, comitante eum Gulielmo Comite Hollandiæ, qui extrusa fratris filia Principatum in ea gente invaserat, cum Hollandorum Frisiorumque aliquanta manu Brugas redijt, &c.

Post Ferdinandus duxit exercitum in Brabantiam, ut de Henrico Comite Lovaniensi & Lotharingiæ Duce peteret ultionem, qui ubique adversum se Philippo Regi suppetias tulerat. Hunc confugere in oppidum Bruxellam compulit, ipsumque eodem in oppido circumclusit, non modò Saleberio, Bononiensique, sed Comite etiam Hollandiæ Gulielmo hanc inexpeditionem sequente. Quorum fretus auxiliis, eo necessitatis Lovaniensem adexit, ut relictis Philippi Regis partibus novum secum foedus societatemque armorum jungere illum compelleret: datis in ejus rei fidem obsidibus duobus ejus filiis Henrico & Godefrido; qui mox Gandavum ducti sunt, adservandi in Arce.

*Auctarium Aquicinctinum ad Sigeberti Chronicon:*

Anno 1213 grande bellum fuit inter Philippum Regem Francorum & suos ex vna parte, & Fernandum Flandrensem & Othonem Imperatorē Alemanniæ ex alia, ad pontem Bovinarum: sed Franci victoriam habuerunt. Quâ visâ, Otho cum



am quibusdam de suis recessit: Fernandus autem & Reinaldus Comes Boloniæ qui cum eo erat, & VVilhelmus Comes Hollandiæ capti fuerunt in ipso prælio. Sed postmodum Fernandus per illustrem uxorem suam Ioannam Comitissam Flandriæ à captione Regis Francorum pretio non modico est redemptus. Comes vero Boloniæ in quodam castro, sito in Sequana, quod dicitur Goulet, exspiravit.

*Prælium Bovinense hoc recitat Meierus anno 1214. ad VII Kal. Augusti. Qui multos viros Principes captos recenset, inter eos tamen Comitem nostrum Gulielmum non nominat.*

*Ex Meieri Annal. lib. VIII.*

An. 1216.

Ludovicus Philippi Regis filius magno cum exercitu in Angliam navigavit, eò inter domesticam Anglorum discordiam vocatus, ac Rex salutatus, &c. Ad hanc expeditionem Gulielmus Comes Hollandiæ Ludovico triginta sex Equestris Ordinis viros adduxit auxiliares. At destitutus Anglorum favore Ludovicus, necesse habuit ad patrem reverti.

An. 1218.

Fridericus Cæsar manus iniecit Alostanis, VVassæ, Quatuor Officiis, & Insulis Zelandicis, eò quòd Ioanna Comes non venisset iuratum in ejus verba. Excusavit Ioanna viri (Ferdinandi) captivitatem, per quam non licuisset sibi id satis mature facere: eamque excusationem interventu quorundam pacificatorum Augustus tandem accepit.

An. 1221.

Henricus filius Frederici Cæsaris Dominatum Flandriæ, hoc est, Alostanos, ab Friderico propter non satis in tempore præstitam fidem in fiscum coactum, Ioannæ Principi restituit. Obiit Gulielmus Comes Hollandiæ.

An. 1222.

*Ex Barlandi libro Historiarum.*

Mense Ianuario insigniter inundatus est ager Hollandiæ, cum foeda domorum & animalium strage. Eodem anno mare Frisiam, Hollandiam, Zelandiam, & Flandriam partem prodigiote

An. 1228.



digiose inundavit. Ab hoc diluvio in Zelandia sola fuit immunis V Valachria, cum pago qui vulgo dicitur *Wolferstdijck*.

*Ex Meieri Annal. lib. XII.*

*An. 1334.*

Sanxit Ludovicus Nivernensis Flandriæ Comes, ut mercatoribus Frisiis liceret adducere in Flandriam equos suos & boves, eosque ut vellent vendere, excepto quod Comiti liceret ex illis eligere quidquid illi opus esset pretio rationabili.

Eodem anno in ferijs Divi Clementis, mense Novembri, ventus, fulgur ac tonitrua facta sunt, quantum post hominum memoriam nemo vidit vel audivit, qua celi intemperie mare trans omnes se aggeres eiecit, ruptisque omnibus obstaculis multos pagos cum hominibus simul & pecuariis in Flandria, Zelandia, Hollandia, & Frisia miserando spectaculo absorpsit.

*Ex Barlandi libro Historiarum.*

*An. 1377.*

Sub festum Dionysij mare prodigioso actu Borsaliã totam, quæ apud Zelandos Suutbevelandia pars est, inundavit. Borsalię adjacēt pagi tres, Bacendorpia, Farlandia, & Antiqua terra, quos tum solos diluvialis eruptio illa in accessos reliquit.

*An. 1421.*

Nocte quæ præcessit festum Elisabeth vi tempestatis & aquarū violentia ruptis aggeribus in Hollandia pagi septuaginta periēre. Sunt & in Frisia & Zelandia everse domus ac villæ. Perit ingens quoque mortalium numerus. Frustra alij loca editiora camporum, alij turres ac tecta petebant. Spumeus amnis exiens oppositas evicit gurgite moles, fertur in arva furens cumulo, camposque per omnes cum stabulis armenta trahit.

*An. 1421.*

Ortum est dissidium inter Ioannem ejus nominis I v Brabantie Ducem & Jacobam à Bavaria Hollandiæ Principem hujus uxorem. Quod postea bellum ingens, & multa sanguinis effusio sequuta est. Hic Ioannes Antonij (qui an  
no



ANNO M CCCC XV ad Blangium non longè à Morino periit) filius annos duntaxat natus tredecim, Brabantia Principatum adiit. Annum agens sextumdecimum, uxorem accepit Iacobam filiam Ducis Gulielmi à Beyeris, Comitum Hannonia & Hollandia. Fuit aliquamdiu inter eos mutuus amor. Evenit postea discessio; cuius invenio causam fuisse, quòd Proceres, qui marito adhuc juveni præerant, suo arbitrio mutata omnis regiminis forma & submotis quibus ab incunte ætate mulier assueverat pedissequis, alias illi & ignotas dederint. Quod quàm iniquo tulerit animo, satis inde colligi potest, quòd sub id tempus in Angliam trajiciens, illic vivo adhuc AN. 1422. Ioanne Duci cuidam Gloucestrio nupsit, fratri ejus qui tum in Insula ea regnabat. Tot inde sunt orta dissidia, tot sequuta certamina, varioque eventu depugnata.

Dux Gloucestrius contracto in Anglia exercitu Caletum AN. 1422. pervenit cum Iacoba. Inde ad occupandam uxoris nomine Hannoniam proficiscitur. Et multa jam loca sibi subjecerat, quum Ioannes Dux Brabantia veritus ne simili casu Hollandiam quoque & Zelandiam amitteret, vndique amicorum Principum fide implorata, præfecit gubernandæ Brabantia fratrem suum Philippum, in rebus gerendis solertem & laboribus infatigabilem virum. Ipse inde profectus, ab Hollandia, Frisia, & Zelandia populis ita excipitur, ut tam prompta humanitas & benevolentia singularis efficere potuerint, ut animo æquiore toleraret mala omnia quibus vno tempore circumvallabatur. Gloucestrius, ubi audisset in Brabantia fidem cessisse Hollandia ac Frisia civitates, ilicò emisit armatam manum; quæ in Brabanticum agrum tumultuosè effusa, in miseros agricolas, nullum ferè crudelitatis genus non exercuit. Violata templa, per omnem texum evagata cedes, ad stuprum raptæ virgines. Facti his de rebus certiores qui primaria potestate in Brabantia gubernabant Ducis permisso, Nivellas cum instructo ad hostium motus inhibendos ex-



exercitu miserunt Principē VVesemalium & Ioannem Glimes cognomento, qui strenuè defensis finibus, interim sapius levia quædam prælia cum hoste commiserunt.

*a Braine le  
Conte.*

Firmaverat Gloucestrius militari præsidio a Braniam Comitum (ita enim vulgò nominant id oppidulum) unde miles subinde excurrrens, Brabanticum agrum ferro flammaque foedabat. Itaque die quodā VVesemalius & aliquot alij cum suis copiis ad Braniæ muros accessere. Quod videntes Angli, qui locum præsidio obtinebant, plenis repentè portis effunduntur, vix tentato prælio: simulat fugam Brabantus, donec longius ab oppido extractam videt Anglorum aciem, hic circumacto celeriter agmine in hostem revertitur, fuitque id prælium multò prioribus atrocius. Multi quidem Angli cæsi sunt, multi graviter vulnerati, multi etiam capti. Ceteri in urbem trepidi sese recipiunt.

Non multis inde diebus interjectis, tota Brabantia in Anglos arma induit. Ab Traiectensibus ad Mosam, à Philippo Burgundionum Principe, qui nepos erat Ducis Ioannis, ab Tornacensibus auxiliares copiae adfuerunt. Exercitu lustrato, recensæ traduntur, præter Burgundi & Tornacensium appendices, millia hominum sexaginta. Cum his viribus Ducis frater Philippus, rei bellicæ vir scientissimus, Braniam circumscdit, quum omnia prius circa urbem populatione & ignibus afflixisset. Iam complusculos dies obsidio tenuerat, quum propius accedens oppugnare oppidum est adortus, etsi opere ac natura egregiè munitum, strenuè autem se defendentibus Anglis, plurimi è nostris muro dejecti periêre. Noctis interven-tus prælium diremit. Postridiè ab his qui intus erant pax frustra tentata est, recurrere ad arma cupientibus Brabantis. Et jam atrocior fuisset hostem adorta oppugnatio, nisi ultro positæ armis se dedisset. Ita redactum in suam potestatem oppidum Philippus incendio absumpsit. Ex Braniensibus, qui fuerant defectionis ad Gloucestrium auctores, alios



alios laqueo necavit, alios gladio subiecit.

Deletæ atque everſæ Braniæ fama, perculſe Hannonienſium vrbes aliquot, ſtatim mutatis animis, Glouceſtrium eicere. Quo factò in gratiam ſunt à Brabanto recepti. Poſt tam latam victoriã egreditur cum ſuis Philippus ad reliqua Hannoniæ oppida recuperanda. Sed maximo nivium caſu, & continenti pluvia repulſus, in itinere ſubſtitit. A Glouceſtrio venit enim Legatus, nuncians mox adfuturum illum, ut cum Philippi copiis dimicaret: verùm expectatus quadriduum totum, non venit. Haud multò poſt, abeuntem Brabantum inſequuta eſt alia manus Anglorum, ut ſic improviſum opprimeret. Non eſt tamen hoc loco dimicatum, fugientibus Anglis, quum primùm vidiffent hoſtem egregie ad pugnam inſtructum.

Anno Dominicæ Nativitatis M CCCC XXV, Ioannes *An. 1425.* Brabantia Dux obſedit Bergas in Hannonia, ubi tunc temporis Iacoba cum ſuis manebat. Adhuc tenente obſidione Philippus Burgundiæ Princeps venit Duacum; ubi colloquutus cum Ioanne Principe, conſilium dedit, ut auctor & cauſa belli totius Iacoba in Burgundiam aveheretur, donec Romani Pontificis decreto ad maritum ſuum ipſa redire cogeretur. Senſit agi inter Principes mulier de ſe traducenda. Veniens igitur in exercitū Ducis, Engelbertum Naſſavium lacrymantibus oculis rogat, ut is apud Ioannē Principem efficiat, ut ſibi in oppido aliquo, aut arce Brabantia liceat manere. Quod non impetravit, deſecta Gandavum. Valenſenas Dux ingreſſus, magno civium favore & officiorū frequentia accipitur. Miſit poſtea Bergas Hannoniæ duos è Proceribus, qui ſuo nomine & ejus vrbis acciperent principatum.

Eodem anno menſe Iulio, allatum eſt Glouceſtrio ad *An. 1425.* reparandam bellum, promiſſa ab Anglis octies centum millia aureorum, ad hæc viginti millia armatorum pedum. Promiſſiſſe ferèbatur & Scotus auxiliares copias. Itaque rebus



aliis omiſſis Dux Brabantus Hannoniæ vrbes & arces validis firmat præſidiis, ſimul ad cognatum ſuum Burgundiæ Principem literas dedit; quibus ille certior factus Glouceſtrium Ducem totis viribus bellum renovare, Ioanni reſcripſit adfuturum ſe cum exercitu, ſi quid Anglus hoſtile fuiſſet motus. Ioannes quum ſe videret non ſufficere tot gubernandis Provinciis, Burgundum Hannoniæ præfecit & Zelandiæ. Per idem tempus Iacoba clanculū ſe Gandavo ſubduxit in Hollandiam; vbi quum facilē ejus terræ Nobiles viros aliquot & nonnulla etiam oppida ad ſui obſequiū retraxiſſet, intellecta re Glouceſtrius, miſit ex Anglia claſſem in Hollandiam (ductu Principis cujuſdam Filvvererij, qua claſſe defenderet ſe & ſuos Iacoba. Non multò interjecto tempore Iacoba Herlemū obſidente, quum Dux Burgundiæ Philippus, quem Ioannes Hollandiæ præfecerat, audiſſet in Zelandiam applicuiſſe naues Anglorum ad Inſulam expugnandam, noctes dieſque itinere continuato accurrit eum manu validiſſima. Hic totis viribus vterque Dux in aciem deſcendit. Fuit ab initio anceps certamen, ad poſtremum Burgundus egregiē vicit, caſis tribus Anglorum millibus, ex omni ætatis flore ſelectis. Commiſſum eſt prælium hoc memorabile in agro pagi percelebris qui noſtrate lingua dicitur *Wouwerſhaven*, ad annum

Ap. 1423. Salutis M CCCC XXV, in feſto Pontiani, meſe anni primo. Paucis poſt diebus Romę declaratum à Cardinalibus, Iacobā ſine juſta cauſa feciſſe cum Ioanne divorcium. Quo accepto nuncio Glouceſtrius, aliam duxit vxorē. Iacobam tamē Ioannes non recepit, poſteaquam ſupremi Ordinis Proceribus viſum eſt publicam quietem cōducere, vt illa ad certum tempus ſervaretur apud Sabaudia Ducem cognatum ſuum.

Vno extincto incendio plerumque naſcitur alterum. Manebat Schoonhovia oppido Hollandiæ Iacoba, quum & ſolertia quadā pertractis ad ſe Goudanis civibus armato milite non parum affligeret ejus terræ civitates, quæ adverſæ partis erant.



erant. Iacobæ se adjunxerat princeps Sevenberganus, & ipse terra marique Hollando infestus. Quo audito, Burgundus reduxit ea in loca exercitum, ac Sevenberganos arctissimè obsedit, pecuniæ interim haud parvam summam promittens Sevenbergæ principi si bello absteret. Quod ubi constanter negaret se facturum, & jam propius urbem consideret cum copiis Burgundus, tandem se dedidère Sevenbergani. Princeps, quo invito hac facta erat deditio, fugatus est.

Ioannes Brabantiae Dux ejus nominis *IV* Bruxellæ mortem obiit, ante diem resurgenti Domino festum, ætatis anno vigesimo quarto. Conditorium ejus visitur Vuere ante aram maximam in Æde Ioanni Evangelistæ sacra. Fuit hic Dux in rebus adversis omnino forti & infracto animo, justus atque æqui tenax. Nemo Religionis studiosior, nemo Dei amantior, nemo affabilior, nemo clementior. Adeo munificus in pauperes, ut ij vno ore omnes Ioannem pauperum patrem appellaverint. Idem Lovanii Gymnasium viris undique doctissimis accersitis instituit, anno *M CCCC XXV*. Professio inchoata est Kalendis Septembribus, aut, ut quidam volunt, pridie Natalis Deiparæ, anno incarnationis Dominicæ *M CCCC XXVI*. Iacoba, defuncto Ioanne marito suo, constituit Hannoniæ Hollandiæ, Zelandiæ, & Frisiæ primum Gubernatorem Philippum Burgundiæ Ducem, cognatum suum; qui tum aliis rebus implicitus, quum fidei suæ conditis populis adesse non posset, Franciscum quemdam Equitem Auratum Borsaliæ Dominum his præfecit.

Iacoba magnis & amplis à Francisco Borsaliæ Domino acceptis muneribus, & pecunia dono data in summa inopia rerum, quem amicum senserat in rebus adversis, eum postea maritum clam accepit. Quare audita, comprehendit Borsalum jussit Philippus & custodiri in arce Rupelmundana apud Flandros ad Scaldim sita. Multis cum lachrymis sequuta Ducem Iacoba virum suum repetit. Negatum aliquamdiu

An. 1426.

a Imò An.

spicalis

dies fuit se-

cunda mē-

sis Octobris,

ut constat

ex publico

edicto ipsius

Ducis. De

quo Lipsii

consule.

Lovaniij

lib. 3. cap. 2

An. 1433.



PHILIP-  
PVS BVR  
GVNDVS

pertinaciter, iis tandem legibus reddidit Philippus, ut sibi cognato Iacoba cederet Hannoniæ, Hollandiæ, & Zelandiæ Comitatus cum Frisiæ principatu. Pro quibus acciperet ipsa cum viro suo Comitatum vulgo dictum Oostervant, oppidum Brilense, Insulam Zuutbevelandiæ, & quædam alia.

*An. 1436.* Pridie Dionysij excessit è vivis Iacoba, quam dixi, quum in malis plurimis & animi doloribus Hannoniæ atque Hollandiæ præfuisset annos XIX. Sepulta est apud Hagam Comitatus juxta monumentum Ducis Alberti, avi sui.

*An. 1444.* Orta est in Hollandiæ Comitatu perniciosissima illa dissensio, quæ populum in duas factiones diviserat. Alteri ab hamo, alteri à pisce asello nomen inditum erat. Civitati cum civitate non conveniebat: Frater fratri minabatur exitium: Filius patrem suis manibus extinctum cupiebat. Vtrinque cades, vtrinque innumera sunt edita latrocinia. Sæviit multos annos tota Hollandia hoc malum longe teterrimum, ac nescio an etiamnum reliquiæ supersint hujus pestis.

*An. 1552.* Hoc fere tempore Philippus Dux Burgundiæ, nescio quo  
*An. 1433.* prætextu, ingentem ab Hollandis pecuniam exegit. Quæ primùm negata à VVaterlandis (sunt ij populi Hollandiæ) magnos iterum tumultus excitavit. Respondentibus enim VVaterlandis non ita florere sua oppidula, ut ceterarum Hollandiæ urbium munificentia respondere possent, ilicò missi sunt à Principe Legati, qui vel invitos ac renitentes eos ad id pecuniæ persolvendum traherent. Quumque nec eo modo quidquam profecissent, jussu Principis eò immis- si armati opulentissimos quosque abduxerunt Hagam Comitatus. Qua violentia tantum pecuniæ extortum est, ut præter eam quæ exigentium & recipientium sitim exple- re potuit, multum etiam superfuerit ad luxum & delicias aulicorum. Et utinam à superiorum Principum Consilia- riis



is omnino pestilens inductum exemplum hodie non tanto studio imitarentur omnes!

Obiit Brugis Philippus Dux Burgundię, ætatis anno <sup>An. 1467.</sup> septuagesimo tertio, Regni xxxvii, Nativitatis Dominicę MCCCCLXVII, ad xvii Kal. Iulij. Corpus ejus, quum aliquamdiu insepultum mansisset in Æde Donatiani ad aram maximam, inde tandem avectum in Burgundiam, Divione in Carthusiensium Monasterio sepelitur. Fuit hic princeps, quod non paucis incredibile videatur, pacis ac belli ex æquo studiosus, insignitè pius, in omnes beneficus, humanus, ut superiorum principum nullus. In re bellica fortior ne an felicior exstiterit, nescias. Moderationem & clementiam toto administrationis tempore mirabilem exhibuit, novitque iram plerumque dissimulare ac vincere. Gemmarum, signorum, tabularum, & oculorum ex auro atque argento studiosissimum fuisse legitimus: in quibus comparandis ipsum propè superavit Iulium Cæsarem: ditavitque hujusmodi rerum artifices vni- que ad se accersitos. principes viros, ac Nobiles matronas coluit, ac ab his vicissim ipse in honore est habitus.

*Quando Brabantia & aliarum Regionum Principatus  
ad Philippum Burgundię Ducem pervenerit.  
Ejusdem uxores & liberi.*

Sine prole jam defunctis Ioanne (anno MCCCCXXVI) & Philippo (MCCCCXXIX) Brabantia Ducibus, Antonio liberis, omne jus principatus Brabantia devolutum est ad Philippum Ioannis Burgundię Ducis filium. Is enim Ioannes Antonio fratri juniori hac lege Ducatum Brabantia cesserat, ut si vel ipse Antonius, vel ejus liberi sine heredibus necessa-



necessarijs decederent, jus rediret ad suum genus. Itaque Philippus patre Ioanne Burgundo natus, ab initio administrationis tam singulari vixit modestia, ut plurimum diligeretur ab omnibus, & in magno etiam honore sit habitus. Obvenerunt ei post eadem patris provinciæ Burgundia, Lotharingia, Erabantia, Limburgia, Flandria, Artesia, Hannonia, Hollandia, Zelandia, Frisia: quibus omnibus summa prudentia præsuit. Vxores duxit omnino tres. Vnam Michaelam Caroli VI, ut alij VII, Gallorum Regis filiam virginem, ex qua liberos non tulit, quum maxime cuperet. Hæc defuncta sepelitur Gandavi in Cœnobio Divi Bavonis. Deinde in matrimonium accepit Laudam quandam, & nobilem & egregia forma mulierem, quæ & ipsa nihil ei peperit liberorum. Postremo conjugem habuit Isabellam Ioannis Portugalliæ Regis filiã, ex qua Antonium & Iodocum, quos pueros amisit, postremo a Carolum suscepit, qui patri successit in Principatu. Isabella hæc rebus humanis exempta est Arris non longè ab oppido S. Odomari, anno M CCCC LXXI, Gesnoia Monasterio Carthusiensi in Artesia primùm sepulta, post ejus etiam corpus Divionem est deportatum.

a Natus  
Divionensi  
ve Digij  
oppido Bur-  
gundia, an-  
no 1434,  
3 Idus No-  
vembriis

An. 1467.

An. 1468.

CAROLUS  
LV S  
BVR-  
GVN-  
DVS.

Defunctus bello Leodiensi Carolus Philippi filius, uxore duxit Margaretam sororem Eduardi IV Anglorum Regis. Hæ nuptiæ Brugis oppido Flandriæ celebratæ sunt tanto apparatu, ut nihil à condito ævo Sol viderit splendidius, &c. His celebratis nuptiis cum universo propemodum flore Procerum Burgundiæ in Hollandiam venit. Vbi rursus ad singularem urbium ingressum renovata lætitia, instauratis triumphis, & passim editis magnificentia splendoreque visendis ostentaculis, apud Hagam Comitum pridie feriarum Divæ Magdalene Principatui ejus regionis inauguratur.

Sub idem tempus rebellatum est à Leodiensibus, qui nocturno tempore ingressi Tongrinum (olim hæc urbs Octavia dicta est) Ludovicum Antistitem suum, Caroli Principis nepotem



nepotem captum abduxerunt Leodium. Hujus rei indignitate permotus Carolus, vndique magno studio contractis copiis, movit in Leodinos. Erat tunc temporis eorum vrbs non solum magna & egregiè munita, verum etiam florentissima & caput ejus gentis. Magnitudinis argumentum fuit, quod in ea tum visebantur templa numero triginta duo, nos vulgò dicimus Ecclesias parochiales. Ad hanc igitur urbem castra Burgundus exercitumque partitus, eam non vno loco circumfedit, postridie, ut sperabat, expugnaturus, nisi pluvio coelo impeditus fuisset. Auxilia ad ejus expugnationē oppidi misit Gallorum Ludovicus; qui & ipse magna ex parte gerendis rebus interfuit. Carolus paucis diebus obsessum Leodiū, valideque interea ab incolis defensum, novissimè vi cepit, captum diripuit, direpum evertit: multis prius ac variis saviæ exemplis a milite ipsius editis. Antonius Sabellicus in opere, cui titulum prætulit Rapsodiæ historiarum, auctor est Burgundum summo id bellum odio suscepisse. Nam expeditionis ejus Ducibus ab eo mandatum est, ut vna manu exercitum gladium, altera gestaret facem ardentem, ijs nimirum rebus miseræ genti exitium minitantes. Captam urbem Galus cum Burgundo ingressus, pectore non rectam sed Andree crucem habuisse dicitur, ut hoc facto innueret omnem ejus belli gloriam ad Carolum pertinere. Incidit autem hoc excidium inclytæ vrbs in 111 Kal. Novembres, anni Domini-  
cæ incarnationis M CCCC LXVIII.

Leodinos jam obsessos Aquisgrani cives & incolæ com-  
meatibus juverant. Quod vrbe capta, iniquo animo ferens  
Burgundus, cum lectissima manu Trajectum ad Mosam pro-  
ficiscitur, inde quam primum in Aquisgranos educiturus.  
Aquisgrani hoc audito, non arma parant, non urbem muni-  
unt, non ea quæ ad resistendū erāt necessaria circumspiciunt,  
sed metu & immodico pavoie confternati, Primores suos  
Trajectum misere. Vbi ad Caroli Principis conspectum hu-  
militer



militer provoluti, statim & vltro portarum clavibus traditis, oppidi totius imperium illi permiserunt. Gratum fuit Burgundo obsequium, grata humilitas. Proinde venia data, sed hac conditione, vt propter adjutum hostē octoginta florenorum millia Duci intra statutum tempus adnumerarentur.

Paucis post annis Frisiæ Orientales populi, quum Burgundionum Ducis imperium detrectarent, missi sunt hinc inde Legati, per quos de pace & parendi conditionibus ageretur; quanquam libertatis gens amantior, nullas nisi multò æquissimas conditiones admissura videbatur. Carolus animadversa gentis pertinacia, terribili armorum apparatu mox erat fines eorum ingressurus, nisi ad tempus dissimulandum ratus aliò mentem convertisset. Circa eadem tempora maximus armorum motus in Britanniiis exstitit, pulso & ejecto Nobilium conjuratione Eduardo Rege, Caroli Burgundi socero. Neque resedit hic motus citra humanum cruorem, ante Calisium & alia quædam loca ingenti edita cæde. Cujus rei nobis est auctor Sabellicus, veteris ac recentis historiæ scrutator, meo iudicio, non indiligens.

*An. 1472.* Anno Dominici Natalis M CCCC LXXII, mense Ianuario, sub festum diem Agnetis, exorta est crinita stella, quæ maximo horrore mortalium visa, fulsit per cōtinuos tres menses. Multa hunc cometam secuta bella, atque ingens hominum cædes & pestilentia, quæ pluribus locis atrociter sæviit.

Per idem ferè tempus, opera & studio Burgundi, custodia dimissus est Arnoldus Gelriæ Princeps, quē filius Adolphus septennium totum in vinculis detinuerat. Quā causam huic in parentem violentiæ prætenderit non tradunt, quibus curæ fuit nostratium Principum res gestas conscribere. Illud reperio, Adolphum postea accersitum ad Carolum Principem, vt de communibus rebus inter se commentarentur. Sed quum impius ille multa eo congressu se digna, Caroloque indigna locutus esset, primò diebus aliquot servari iussus, mox Vildordiam



ordiam (est hoc Brabantiae oppidum) abducitur, ubi custodia traditus mansit usque ad obitum Caroli. Duplex deinde causa est, quomodo accesserit Burgundo Gelriae Principatus. Quidam eum emisse scribunt à Duce Iuliacensi, qui tum verus esse credebatur hæres ejus terræ. Alij tradunt Arnoldum autem antequam vita decederet Adolpho filio infensum, exheredato eo, Principatum cessisse Burgundionum Duci Carolo: qui defuncto jam Arnoldo, misit ilicò ad singula penè ejus regionis oppida Legatos, qui monerentur, ut si rebus suis consultum vellent, Caroli imperium reciperent. Quod si facere recusarent, haud dubiè futurum, ut egregius Princeps armis repeteret suam terrā. Legatis superbè responsum, neminē esse tota Gelria, qui magnoperè Caroli minas pertimesceret. Si acie certare vellet, non defuturos qui patriam defenderent. Hæc ubi renunciaffent Legati, statim cum exercitu profectus in Gelriam Carolus, primū à Ruremundanis recipitur; atque his initiis perterriti vicini, ultro deditione facta in gratiam sunt accepti. Oppidum Venlo diebus aliquot obsessum est, ac novissimè apertis Principi portis omnia sunt illi in manum tradita. Postea & Noviomagum, clarissimum Gelriae oppidum, viginti quinque diebus varie oppugnatum ad deditorem compellitur. A cujus civibus ingenti lætitia introductus Carolus, totius Gelriae Principatum suscepit. In eadem vrbe ad se adductos mortui Arnoldi ex filio nepotes, primū est osculatus, deinde è conspectu summos jussit vehi Gandavum ad uxorem suam Margaretam. Sic reperio apud quosdam. Alii dicunt pueros illos non Gandavi missos, sed vna cum Principe avectos esse in Brabantiam, ubi sint plures annos honorificè habiti. Noviomagi Principatu Gelriae (ut dixi) suscepto, à cæteris quoque ejus terræ oppidis Burgundus recipitur, ac postremò Comitatus (ut vocant) Zutphaniae solennibus etiam ceremoniis initiatur.



Æstas, qua subacta est à Caroli armis Gelria, fuit citra omnem hominum memoriam calida: diversis locis & homines & bruta animalia intolerandis periëre caloribus.

*An 1473.* *Alij 1474.* Anni hujus autumno Fridericus Imperator pulcherrimo comitatu, in quo multi egregij Præsules, multi insignes Duces, ac illustres erant Optimates, venit Treviros (est hæc civitas ad Mosellam fluvium sita) ut cum Carolo Burgundionū Principe de multis ac variis rebus coram loqueretur. Carolus verò ut venisse audivit Imperatorem, compositis in Gelria rebus, eò confestim est profectus, longè pulcherrima comitante pompa. Invenio Principi non longè dissito à Treviris obviam itum ab Imperatore. Tum urbem tubis aliisque id genus circumsonantibus instrumentis pariter ingressi, diebus aliquot vnà fuerunt. Interim Carolus nihil non opum, nihil non splendoris effudit, ad decorandum Imperatoris adventum. Convivium, cui per eos dies Imperator est à Carolo adhibitus, ejusmodi fuit, ut propemodum nuptias illas Brugis celebratas apparatu & magnificentia æquaverit. De hoc Friderici Imperatoris, & Ducis Caroli congressu extat & circumfertur pulcherrima <sup>a</sup> Epistola eximiè docti viri Rodolphi Agricola Frisij.

*a In maiorem nuper notitiam protracta a V.C. Marquardo Frehero Germanicar. Rer. tom. 2. fol. 155.*

Reversus ab Imperatore Carolus, Mechliniæ Curiam instituit.

*An 1474.* Carolus Novesium, vel (ut alij) Nussiam obsedit, Coloniensis agri oppidum. Coeptum est obsideri mediis Iulij caloribus.

*An 1476.* Carolus Burgundiæ Dux ante Nantium tribus vulneribus confossus ocubuit, pridie Epiphaniæ. Cædis annus his quatuor continetur verbis:

*NoCte RegVM fVCCVbVIz CaroLVs.*

Exacto triduo, Caroli corpus certissimis signis agnitum sepelitur Nantij in Æde S. Georgij. Quum sepeliretur, intuentibus qui ex clade illa supererant obortæ lachrymæ: non erant enim



enim ignari qualem patria Ducem amisisset. Obversabatur oculis multa viri virtus: hærebat fixus in pectoribus astantiū vultus militem in prælium educendus. Occurrebat quo animo vrbes oppugnare, muros conscendere, hostem loco submovere consuevisset. Cæterum proximo septennio, quod est viri cædem insecutum, omnibus locis multus & varius de illo jactatus est sermo, affirmantibus quibusdam vivere eum Bruxellæ oppidulo Sueviæ: Alijs cōtradicentibus, non interceptum ante Nantium, sed captum & abductum in Gallias, ibi in conspectu Regis Ludovici gladio admotum periisse. Spes de Caroli vita, quæ postea vanissima comperta est, in causa fuit ut paucissimis locis celebratæ sint ejus exequiæ.

Morte Principis hujus plurimi tristati, quidam lætati sunt. Oderant ij impendio pugnacem: oderant ob assidua bella pecuniæ exactorem. Defuncto tamen eo, in Brabantia & Flandria exorti & sequuti majores motus fecêre, ut reviviscere Carolum omnes cupierint. Adeo stolidum vulgus nonnihil mutatis rebus ea probat, quæ antea damnavit.

Filiam reliquit hæredem Mariam, excellenti forma virginem. Quæ illi ex Isabella conjugæ secunda (tres enim duxerat) suscepta, nupsit postea Maximiliano Friderici Imperatoris filio. Ultima ejus vxor Margareta defuncto marito pluribus annis supervixit. Certè multorum bono. Suis etiam facultatibus interim præclara fovit ingenia, studuitque modis omnibus partim culpa temporum, partim Principum negligentia ac vitio jacentes literas præcipuè sacras excitare. Nulli vnquam attribuit sacerdotium, nisi prius & eruditionem & vitam inspexisset. Quod utinam & hodie facerent Principes, non tam multos passim videremus idiotas in Ecclesia Dei, quos fortasse præstaret defricandis Principum matulis, quàm hominum conscientiiis præesse. Mechliniæ sepulta est hæc nobilissima fœmina, in Cœnobio Minoritarum: ex qua Carolus nihil liberorum tulit. Vnde miror, quidnam Raphaeli



Volaterrano in mentem venire potuerit, ut referret in literas Mariam (de qua diximus) hujus filiam Margaretae fuisse. Nō debuit, meo iudicio, vir tantus, & is Italus, in rebus nostratibus cōscribendis, potius hominū sermonibus, quā libris credere.

AN. 1476.  
MARIA  
BUR-  
GUNDIA.

In Mariam hanc Caroli filiam unicam, postquam in humanis esse desiisset pater, Brabantia, Flandria, Hollandia aliarumque finitimarum Principatus recidit. Quæ Gandavi agebat quum tristissimum de cæde parentis acciperet nuncium. Venerunt illuc haud multo post illustres viri complures, partim consolaturi foeminam, quæ parentis obitum, ut par fuit, graviter molesteque ferebat: partim cum ea de Reipublice administratione colloquuturi. In his erant Ludovicus Borbonius Leodiorum tunc temporis Antistes, David Burgundus Traiectensium in Hollandia Episcopus, Mariæ patruus (hic enim Caroli frater, sed nothus erat,) Ioannes Dux Clivensium, & Adolphus Ravesteynius fratres, V Volhardus Veriensium Princeps, Ludovicus Comes V Vintesteynius, Hollandiæ, Zelandiæ ac Frisiæ Præfectus, V Valtravius Brederodius. Quibus Gandavum ingressis, statim in eadem vrbe Maria Principatum Flandriæ suscepit, ac privilegia civibus reddidit omnia, quæ pater ob excitatum se præsentem tumultum illis ademerat.

AN. 1477.  
MAXI-  
MILIA-  
NVS AV-  
STRIVS.

Maximilianus, Frederici Imperatoris filius, Archidux Austria, accepta vxore Maria Caroli Burgundiæ Ducis filia unica ex Isabella, inauguratus est Principatui Brabantia apud Lovanium.

Ab Hollandis, bello postea Traiectensibus indicto, Zelandos invenio rogatos ut socios Hollandis adjungerent sese, negato auxilio, medios ac velut Tragœdiæ hujus spectatores sedisse. Multum est utrinque acceptum incommodi. Eversæ sunt arces, incensi pagi, alia nefanda perpetrata. Nardenum Hollandiæ oppidulum à Traiectensibus captum atque diripitum est. Quā injuriam dimicaturi Hollandi cum exercitu haud



haud contemptibili equitum pariter ac peditū profecti venē-  
 read Eminissam. Hic pagus & amplissimus & munitissimus  
 erat. Huc abegerāt pecus omne suum finitimi omnes accolę,  
 & alia pleraque: lectos, vestem, aurum huc importaverunt.  
 Hos adorti Hollandi, quum aliquamdiu oppugnassent, vice-  
 runt, victos ad vnum omnes trucidarunt. Postremò, direptis  
 omnibus, ædificia & publica & privata incendio consumpta  
 sunt. Lego in Commentariis quibusdam rerum Hollandica-  
 rum nostrate lingua conscriptis, hunc pagum fuisse miliaris  
 vnius longitudine. Hollandi post victoriam Eminissensem  
 longius evecti, festo die protomartyris Stephani incenderunt  
 pagum V Vestbrunc: credo, vt sic ad pugnam Traiectinos e-  
 vocarent; qui è portis & munitionibus suis conspecto incen-  
 dio, arreptis armis, cum Hollando temerè congressi, magna  
 suorum strage fusi fugatique sunt. Fugientem hostem inle-  
 quuti Hollandi, parum absuit, quin urbem ipsam ceperint.  
 In hac pugna casus est Consulū alter ejus anni, mulrique  
 alij & probi & opulenti cives, quos non spes prædæ, sed pa-  
 triæ amor ad arma conciverat.

Anno à Christi incarnatione M CCCC LXXXI, venit *An. 1481.*  
 Maximilianus in Artesiam bello recuperaturus oppida quę  
 Gallus occupaverat, &c. Eodem ferè tempore laboratum est  
 nostris in locis maxima annonæ caritate, quæ multos duravit  
 annos. Per eadem tempora Flandris atque Hollandis pluri-  
 mæ sunt ademptæ naves, totum mare infestantibus Gallis.

Agens in Flandria conjunx Archiducis, quū die quodam *An. 1482.*  
 levandi animi gratia venatum exisset, (venandi enim studio  
 tenebatur) ibi vel equo in præceps abeunte, vel alio casu (cer-  
 tum enim non traditur) ad terrā excidit. Graviter læsa, Brugas  
 defertur. Ad eam curandam accersiti vndique Medice artis  
 scientissimi viri, sed malo artem superante, haud multis post  
 diebus vita decessit, quum annos nondum quinque Archi-  
 duci nupta fuisset, gubernasset autem quinquennium, heb-  
 domadas



domadas vndecim & dies quatuor. Ita colligit, qui no-  
strate composuit sermone nostratum rerum Commenta-  
rios. Vulgato Mariæ obitu, incredibilis omnium luctus oc-  
cupavit. Defuncta fato tam nobilis, tam proba, tam incul-  
patæ vitæ mulier, magni sui desiderium reliquit omnibus  
ejus ætatis hominibus. Liberos ex ea tulit Maximilianus, pri-  
mum Philippum, deinde Margaretam, Franciscus ultimo lo-  
co natus, infans extinguitur.

Post excessum charissimæ conjugis, Archidux modis o-  
mnibus operam dedit, ut liberis suis nondum puberibus ipse  
tutor daretur, patriam defensurus armis adversus Gallum, qui  
ab obitu Mariæ Flandrorum fines ingressus omnia cæde &  
incendio foedabat. Convocati sunt igitur Gandavum postri-  
die Kal. Maias eodem anno Primores omnium civitatum.  
His placuit non permittere Maximiliano gubernationem,  
nisi ad certum tempus, & ut ipse iusiurandum daret se nihil  
staturum nisi Prudentum judicio comprobatum. Erat enim  
juvenis ipse, & nimium his tribuebat qui aliorum incommo-  
do suis consulerent rationibus.


Post longas urbium consultationes, tandem suorum factus  
tutor Archidux apud Lovanium inauguratur; sed his legibus,  
ut non diutius præsit, quam id visum fuerit civitatum Primo-  
ribus expedire. Plena erat hominum rapacium aula Princi-  
pis: ij non dicendis exactionibus ditionem premebāt. Miles,  
cui stipendia soluta non erant, omnia in agris absumere. Plu-  
res hoc pacto ad mendicitatem adacti agrestes. Non paucos  
furta & latrocinia tentare coëgit egestas. Quo rerum pessimo  
statu ob crebras ventorum intempestates, & fulmina, to-  
nitrus, pluvias, calores, & frigora intempestiva, nec seges in a-  
gris maturescere potuit. Credo has minas fuisse Numinis  
irati sceleribus hominum.

F. I. N. I. S.











F609

S379b



